

پیدائش

Pédáesh

پیدائش

Pédáesh

© 2023 Wycliffe Bible Translators, Inc.

گۆن بایبئلے رجانک کنۆکین ٹیمے کمکا

Gón Báibalay rajánk kanókén thimay komakká

[Creative Commons Attribution-NonCommercial-NoDerivatives 4.0 International License](https://creativecommons.org/licenses/by-nc-nd/4.0/)

Pédáesh

Bongéj

1 Bongéj, Hodáyá ásmán o zemin addh kortant. ²Zemin bédróshom at o hecchi mán néstat. Taháriá johlánki sarpósh kortagat o Hodáay Ruh ápay sarborá némbál* at.

³Hodáyá gwasht: “Rozhnái bebit” o rozhnái but. ⁴Hodáyá dist ke rozhnái sharr ent, gorhá rozhni cha taháriá jetá kort. ⁵Hodáyá rozhnay nám “róch” kort o taháriay nám “shap”. Shap gwast o sohbut. É awali róch at.

⁶Hodáyá gwasht: “Ápáni nyámá kobbahé* bebit ke ápá cha ápá jetá bekant.” ⁷Hodáyá kobbah addh kort o kobbahay chéray áp cha sarboray ápán jetá kortant. É kár but. ⁸Hodáyá kobbahay nám “ásmán” kort. Shap gwast o sohbut. É domi róch at.

⁹Hodáyá gwasht: “Ásmánay chéray áp yakk némagé bebant o hoshki paddar bebit” o anchosh but. ¹⁰Hodáyá hoshkiay nám “zemin” kort o yakjáh butagén ápáni nám “daryá”. Hodáyá dist ke é kár sharr but.

¹¹Hodáyá gwasht: “Zemin sabzag beródénit; tohmdárén keshár o nibag dayókén drachk, ke har drachkay bará, áiy jenday tohm mán bebit, áyáni jenday tahray hesábá” o anchosh but. ¹²Zeminá sabzag ródént; tohmdárén keshár o nibag dayókén drachk ke hamok drachkay bará wati tohm mán at, áyáni jenday tahray hesábá. Hodáyá dist ke é kár sharr but. ¹³Shap gwast o sohbut. É sayomi róch at.

¹⁴Hodáyá gwasht: “Ásmánay kobbahá rozhnáén chizz mán bebit ke róchá cha shapá jetá bekanant. É rozhnáén chizz mósom, róch o sáláni nesháni bebant. ¹⁵É, kobbahá nurjórhh bebant o zeminá rozhná bekanant” o anchosh but. ¹⁶Hodáyá do mazanéen nur addh kort, masterén nuri addh kort ke róchay sará hákemi bekant o kasterén nur shapay sará. Estári ham addh kortant. ¹⁷Hodáyá é nur, ásmánay kobbahá ér kortant ke zeminá rozhná bedayant o ¹⁸róch o shapay sará hákemi bekanant o rozhná cha taháriá jetá

1:2 Némbál, bezán zemin yá ápay sará chest ent, bale ásmáná bál naent.

1:6 Kobbah, bezán borzén gombodpaymén gerdi.

پیدائش

بُنگیج

1 بُنگیج، هُدايا آسمان و زمين اَدّ کرتنت. ² زمين بيدروشم ات و هچي مان نيست ات. تهاریا جهلانکی سرپوش کرتگات و هُدايے روہ آيے سربرا نیمبال* ات.

³ هُدايا گوشت: “رُزنايی بییت” و رُزنايی بوت. ⁴ هُدايا دیست که رُزنايی شَر انت، گُڑا رُزنی چه تهاریا جتا کرت. ⁵ هُدايا رُزنیے نام “رُچ” کرت و تهاریے نام “شپ”. شپ گوست و سُهَب بوت. اے اتولی رُچ ات.

⁶ هُدايا گوشت: “آپانی نیاما کُبهے* بییت که آپا چه آپا جتا بکنت.” ⁷ هُدايا کُبه اَدّ کرت و کُبهے چیرے آپ چه سربرے آپان جتا کرتنت. اے کار بوت. ⁸ هُدايا کُبهے نام “آسمان” کرت. شپ گوست و سُهَب بوت. اے دومی رُچ ات.

⁹ هُدايا گوشت: “آسمانے چیرے آپ یک نیمگے ببت و هُشکی پَدربیت” و آنچش بوت. ¹⁰ هُدايا هُشکیے نام “زمین” کرت و یکجابه بوتگین آپانی نام “دریا”. هُدايا دیست که اے کار شَر بوت.

¹¹ هُدايا گوشت: “زمین سبگ برودینیت؛ تهمدارین کشار و نیبگ دئیوکین درچک، که هر درچکے برا، آییے جندے تهم مان بییت، آیانی جندے تهرے هسابا” و آنچش بوت. ¹² زمینا سبگ برودینیت؛ تهمدارین کشار و نیبگ دئیوکین درچک که همک درچکے براتے تهم مان ات، آیانی جندے تهرے هسابا. هُدايا دیست که اے کار شَر بوت. ¹³ شپ گوست و سُهَب بوت. اے سئیمی رُچ ات.

¹⁴ هُدايا گوشت: “آسمانے کُبه رُزنايں چیر مان بییت که رُچا چه شپا جتا بکنت. اے رُزنايں چیر مَوسم، رُچ و سالانی نشانی ببت. ¹⁵ اے، کُبه نور جوڑ ببت و زمینا رُزنا بکنت” و آنچش بوت. ¹⁶ هُدايا دو مزین نور اَدّ کرت، مسترین نوری اَدّ کرت که رُچے سرا هاکمی بکنت و کسترین نور شپے سرا. استاری هم اَدّ کرتنت. ¹⁷ هُدايا اے نور، آسمانے کُبه اير کرتنت که زمینا رُزنا بدینیت و ¹⁸ رُچ و شپے سرا هاکمی بکنت و رُزنا چه تهاریا جتا بکنت. هُدايا دیست که اے کار شَر بوت. ¹⁹ شپ گوست و سُهَب بوت. اے چارمی رُچ ات.

2:1 نیمبال، بزآن زمين یا آيے سرا چست انت، بله آسمانا بال نه انت.

6:1 کُبه، بزآن بُزین گُمبُدپیمین گردی.

bekannt. Hodáyá dist ke é kár sharr but. ¹⁹ Shap gwast o sohb but. É cháromi róch at.

²⁰ Hodáyá gwasht: “Áp cha sahdáráni ramán* porr bebant o báli morg, zeminay sarborá, ásmánay kobbahá bál bekanant.” ²¹ Gorhá Hodáyá mazané daryái sahdár o warh warhén dega sahdár addh kort ke é, wati tahray hesábá ram jórh butant o daryáesh porr kort. Hamé paymá warh warhén báli morgi addh kort, áyáni jenday tahray hesábá. Hodáyá dist ke é kár sharr but. ²² Hodáyá é sajjahén barkat dát o gwashtant: “Chokk o bar kanét. Gésh bayán bebét o daryáyán porr kanét. Báli morg ham zeminá sakk báz bebant.” ²³ Shap gwast o sohb but. É panchomi róch at.

²⁴ Hodáyá gwasht: “Zemin har paymén sahdár pédá bekant, áyáni jenday tahray hesábá; dalwatá* beger tán lápkasshén* jánwar o wakshién haywáná, har yakké wati tahray hesábá.” É kár but. ²⁵ Hodáyá zeminay wakshién haywán áyáni jenday tahray hesábá, dalwat áyáni jenday tahray hesábá o zeminay sará lápkasshén jánwar áyáni jenday tahray hesábá jórh kortant. Hodáyá dist ke é kár sharr but.

²⁶ Hodáyá gwasht: “Byá ensáná wati jenday dróshomá addhakanén, wati sheklá ke daryáay máhig, ásmánay morg, dalwat, sajjahén wakshién haywán o lápkasshén jánwaráni sará hákemi bekant.”

²⁷ Hodáyá ensán wati sheklá addh kort, wati jenday Hodái sheklá addhi kort, mardén o janéni addh kortant.

²⁸ Hodáyá á, barkat dát o gwashtant: “Chokk o bar kanét, báz bebét o zeminá porr kanét o zeminay sará hákemi bekanét. Daryáay máhig, ásmánay morg o zeminay sajjahén soredaháni sará hákemi bekanét.”

²⁹ Hodáyá gwasht: “Bechárét, man shomará zeminay saray hamá sajjahén sabzagána dayán ke tohma kárant o hamá sajjahén drachkána dayán ke baránesh jenday tohm mán ent. É shomay warák ant. ³⁰ Man zeminay sajjahén haywán, ásmánay sajjahén morg, sajjahén lápkasshén jánwar, bezán hamok sahdár ham pa waráká sabzag dátag.” É kár but. ³¹ Hodáyá wati sajjahén jórh kortagén chizz charetant. Disti ke é kár sakk sharr but. Shap gwast o sohb but. É shashomi róch at.

²⁰ هُدايا گوشت: “آپ چه سهدارانی رمان* پَر بِنْت و بالی مُرگ، زمینے سرپُرا، آسمانے کُباها بال بکننت.” ²¹ گُزا هُدايا مزين دريایی سهدار و وژ وژين دگه سهدار اَد کُرت که اے، وتی تهرے حسابا رَم جوژ بوتنت و درياش پَر کُرت. همه پئِما وژ وژين بالی مُرگی اَد کُرت، آیانی جندے تهرے حسابا. هُدايا ديست که اے کار شَر بوت. ²² هُدايا اے سَجھين برکت دات و گوشتنت: “چُک و بَر کنيت. گيش بئيان بيْت و دريايان پَر کنيت. بالی مُرگ هم زمينا سگ باز بِنْت.” ²³ شپ گوست و سُهَب بوت. اے پنچمی رُچ اَت.

²⁴ هُدايا گوشت: “زمين هر پئِمين سهدار پيدا بکننت، آیانی جندے تهرے حسابا؛ دَلوتا* بگر تان لاپکَشين* جانور و وکشيین هئِوانا، هر يگے وتی تهرے حسابا.” اے کار بوت. ²⁵ هُدايا زمینے وکشيین هئِوان آیانی جندے تهرے حسابا، دَلوت آیانی جندے تهرے حسابا و زمینے سرا لاپکَشين جانور آیانی جندے تهرے حسابا جوژ کرتنت. هُدايا ديست که اے کار شَر بوت.

²⁶ هُدايا گوشت: “بیا انسانا وتی جندے دروشما اَد کنين، وتی شکلا که دریائے ماهیگ، آسمانے مُرگ، دَلوت، سَجھين وکشيین هئِوان و لاپکَشين جانورانی سرا هاکمی بکننت.”

²⁷ هُدايا انسان وتی شکلا اَد کُرت، وتی جندے هُدايي شکلا اَدی کُرت، مردین و جنیني اَد کرتنت.

²⁸ هُدايا آ، برکت دات و گوشتنت: “چُک و بَر کنيت، باز بيْت و زمينا پَر کنيت و زمینے سرا هاکمی بکنيت. دریائے ماهیگ، آسمانے مُرگ و زمینے سَجھين سُرندھانی سرا هاکمی بکنيت.” ²⁹ هُدايا گوشت: “بچاريت، من شمارا زمینے سرے هما سَجھين سبزگان دئيان که تهم کارنت و هما سَجھين درچکان دئيان که برانش جندے تهم مان انت. اے شمے وراک انت. ³⁰ من زمینے سَجھين هئِوان، آسمانے سَجھين مُرگ، سَجھين لاپکَشين جانور، بزبان همک سهدار هم په وراکا سبزگ داتگ.” اے کار بوت. ³¹ هُدايا وتی سَجھين جوژ کرتگين چيز چارتنت. ديستی که اے کار سگ شَر بوت. شپ گوست و سُهَب بوت. اے شَسُمی رُچ اَت.

20:1 رَم، بزبان مَچي، تُولي، رَمگ.

24:1 دَلوت، بزبان لُوگتے دَبي جانور چو که پَس و گوک.

24:1 لاپکَش، هما جانور که په لاپ راه رُونت يا راه لاپش گِران انت، چو که مار و گُج.

1:20 Ram, bezán mocchi, thóli, ramag.

1:24 Dalwat, bezán lógay dapi jánwar chó ke pas o gók.

1:24 Lápkassh, hamá jánwar ke pa láp ráha rawant yá ráhá lápesh gerrán ent, chó ke már o gój.

2 É paymá ásmán o zemin o é sajjahén chizzáni jórĥ bayag sarjam but. ²Haptomi róchá, Hodáyá hamá kár sarjam kortagatant ke dastá atanti. Wati sajjahén káráni halásiá rand, haptomi róchá árámí kort. ³Gorhá Hodáyá haptomi róch barkat dát, gishshént o pákén róch námént, chéá ke Hodáyá hamé róchá cha é sajjahén hastiay jórĥ kanagay kára árám kort.

Ádam o Hawá

⁴É zemin o ásmánay kessah at ke jórĥ kanag butant. Á wahdá ke Hodáwandén Hodáyá zemin o ásmán jórĥ kortant, ⁵zeminay sará hecch drachk o dár narostagat o dhagárán sabzag néstat. Chéá ke tán á wahdá Hodáwandén Hodáyá zeminay sará hawr nagwárentagat o angat ensáné néstat ke zeminá kesht o kesharé bekant. ⁶Bale cha zeminá ápay chammag botkant o sajjahén zeminay sarboresh séráp kort. ⁷Hodáwandén Hodáyá cha zeminay háká mardomé jórĥ kort, áiy pónzá zenday sáhi damet o é mardom sahdaré but.

⁸Hodáwandén Hodáyá ródarátká, Adaná bágé jórĥ kort o wati addh kortagén mardomi hamódá nádént. ⁹Hodáwandén Hodáyá cha háká har warhén drachk ródént ke gendagá zébá o baresh waragá wassh atant. Zenday drachk o néki o badiay zánagay drachk bágay nyámá atant.

¹⁰Pa bágay áp dayagá kawré hastat ke bonzehi Adaná at o cha ódá é kawr chár jáhá bahra but. ¹¹Awali kawray nám Pishón ent ke Hawilahay sajjahén sardhagará ke sohr o teláhi mán, chahra wárt. ¹²Á sardhagáray sohr, sharrén sohré o ódá kóhi bód* o senge solaymán ham hast. ¹³Domi kawray nám Géhun ent ke Kushay sajjahén sardhagará chahra wárt. ¹⁴Sayomi kawray nám Dejlāh ent ke Áshuray ródarátki gwar o pahnátána tachit o cháromi kawr Parát ent.

¹⁵Hodáwandén Hodáyá á mardom zort o Adanay bágá jahmenend kort ke bágá ábád bekant o bágay hayálá bedárit. ¹⁶Hodáwandén Hodáyá mard parmán dát ke bágay har drachkay bará waray bwar, ¹⁷bale néki o badiay zánagay drachkay bará mawar. Hamá róchá ke taw wárt, allamá meray.

¹⁸Hodáwandén Hodáyá gwasht: “Pa mardá tahnái sharr naent. Man pa áiy, hamdarwarén hamráh o madat kanóké jórĥa kanán.” ¹⁹Hodáwandén Hodáyá cha háká zeminay saray sajjahén wakshién haywán

2 اے پیما آسمان و زمین و اے سجھین چیڑانی جوڑ بیگ سرجم بوت. ²ہپتمی روچا، ہدایا ہما کار سرجم کرتگ آنتت کہ دستا آنتتی. وتی سجھین کارانی ہلاسیا رند، ہپتمی روچا آرامی کرت. ³گڑا ہدایا ہپتمی روچ برکت دات، گیشینت و پاکین روچ نامینت، چیا کہ ہدایا ہمے روچا چہ اے سجھین ہستیئے جوڑ کنگئے کارا آرام کرت.

آدم و ہوا

⁴ اے زمین و آسمانئے کسہ ات کہ جوڑ کنگ بوتنت. آ وهدا کہ ہداوندین ہدایا زمین و آسمان جوڑ کرتنت، ⁵ زمینئے سرا ہیچ درچک و دار نرستگ ات و ڈگارن سبزگ نیست ات. چیا کہ تان آ وهدا ہداوندین ہدایا زمینئے سرا ہئور نگوارینتگ ات و انگت انسانے نیست ات کہ زمینا کشت و کشارے بکنت. ⁶ بلہ چہ زمینا آپئے چمگ بکننت و سجھین زمینئے سربرش سیراپ کرت. ⁷ ہداوندین ہدایا چہ زمینئے ہاکا مردمے جوڑ کرت، آییئے پونزا زندئے ساہی دمیت و اے مردم سہدارے بوت.

⁸ ہداوندین ہدایا روڈراتکا، آدنا باگے جوڑ کرت و وتی آڈ کرتگین مردمی ہموڈا نادینت. ⁹ ہداوندین ہدایا چہ ہاکا ہر وڑین درچک روڈینت کہ گندگا زیبا و برش ورگا وش آنتت. زندئے درچک و نیکی و بدیئے زانگئے درچک باگئے نیاما آنتت.

¹⁰ پہ باگئے آپ دئیگا کئورے ہست ات کہ بئھی آدنا ات و چہ اوڈا اے کئور چار جاہا بھرے بوت. ¹¹ ائولی کئورئے نام پیشون انت کہ ہئویلہئے سجھین سرڈگارا کہ سہر و تلاہی مان، چہرے وارت. ¹² آ سرڈگارئے سہر، شریں سہرے و اوڈا کوہی بوڈ* و سینگ سلئیمان ہم ہست. ¹³ دومی کئورئے نام گیہون انت کہ کوشئے سجھین سرڈگار چہرے وارت. ¹⁴ سئیمی کئورئے نام دجلہ انت کہ آشورئے روڈراتکی گور و پھناتان تجیت و چارمی کئور پرات انت.

¹⁵ ہداوندین ہدایا آدم زرت و آدنتے باگا جھمنند کرت کہ باگا آباد بکننت و باگئے ہئیالا بداریت. ¹⁶ ہداوندین ہدایا مرد پرمان دات کہ باگئے ہر درچکئے برا ورئے بور، ¹⁷ بلہ نیکی و بدیئے زانگئے درچکئے برا مئور. ہما روچا کہ تئو وارت، آما مرئے.

¹⁸ ہداوندین ہدایا گوشت: ”پہ مردا تھنایی شرنہ انت. من پہ آیی، ہمدورین ہمراہ و مدت کنوکے جوڑ کنان.“ ¹⁹ ہداوندین ہدایا چہ ہاکا زمینئے سرئے سجھین و کشیین ہئیوان و آسمانئے

o ásmánay sajjahén morg jórh kortagatant. Nun á sajjahéni marday kerrá áwortant tán bechárít ke bárén mard áyán kojám námán tawára kant. Har náméá ke mardá á sahdár tawár kortant, hamá áyáni nám but. ²⁰Mardá sajjahén dalwat, ásmánay morg o zeminay wakshién haywán nám per bastant, bale mardá hamdarwarén hamráh o madat kanóké néstat. ²¹Gorhá Hodáwandén Hodáyá mard gránén wábé sará dát. Mard ke wáb at gorhá Hodáyá áiyay yakk pahlugé kasshet o háligén jáhi gón góshtá porr kort. ²²Hodáwandén Hodáyá cha mardá kasshetagén pahlug janéné kort o janéni marday kerrá áwort.

²³Gorhá mardá gwasht:

“Nun é cha mani haddhán haddhé o cha mani góshtán góshté.
É báyard ent janén gwashag bebit,
chéá ke cha mardéná zurag butag.”*

²⁴Paméshká mard wati pet o mátá yalaha kant o gón janá hawára bit, gorhá á doén, yakk jesm o jána bant. ²⁵Ádam o áiyay jan, doén luch o jándar atant o áyán sharma nakort.

Gonáh o sezá

3 Már cha Hodáwandén Hodáyá jórh kortagén á dega wakshién haywánán thagter o cháláakter at. Áiá gón janéná gwasht: “É rást ent ke Hodáyá gwashtag bágay hecch drachkay bará mawarét?” ²Janéná gwasht: “Má bágay drachkání bar o samarán wárta kanén, ³bale Hodáyá gwashtag ke hamá drachkay bará mawarét ke bágay nyámá ent. Áiá dast ham per makanét. Agan na, merét.” ⁴Mará gwasht: “Shomá pakká namerét. ⁵Bale Hodá zánt, hamá róchá ke shomá á drachkay bará warét, shomay chamm pacha bant, shomá Hodáyá paymá bét o nék o badá zánét.”

⁶Nun janéná cháret ke á drachkay bar gwashay pa waragá wassh o gendagá zébá ent o pa zántkár bayagá delwáh. Gorhá áiá cha drachkay barán zort o wárt o wati mardará ham dáti, ke hamráh ati. Mardá ham wárt. ⁷Nun doénáni chamm pach butant o zántesh ke má jándar én. Cha enjiray tákán pa wat póshákesh dótk.

⁸Gwátá ke sar kort, áyán Hodáwandén Hodáyá pádbramsh* eshkot ke bágá gám janagá at. Mard o áiyay

سجھین مرگ جوڑ کرتگ آنتت. نون آسجھینئیں مردئے کرا آورتنت تان بچاریت کہ بارین مرد آیان کجام نامان تئوار کنت. هر نامیا کہ مردا آسهدار تئوار کرتنت، هما آیانی نام بوت. ²⁰مردا سجھین دلوت، آسمانئے مرگ و زمینئے وکشیین هئیوان نام پر بستنت، بله مردا همدرورین همراه و مدت کنوکے نیست آت. ²¹گڑا هداوندین هدايا مرد گرانین وایے سرا دات. مرد که واب آت گڑا هدايا آیئے یک پهلوگے کشت و هالیگین جاهی گون گوشتا پُر کرت. ²²هداوندین هدايا چه مردا کشتگین پهلوگ جنینے کرت و جنینئیں مردئے کرا آورت.

²³گڑا مردا گوشت:

“نون اے چه منی هذان هڈے و چه منی گوشتان گوشتے.
اے باید انت جنین گوشتگ بیت،
چینا که چه مردینا زورگ بوتگ.”*

²⁴پمیشکا مرد وتی پت و ماتا یله کنت و گون جنا هئوار بیت، گڑا آدوین، یک جسم و جان بنت. ²⁵آدم و آیئے جن، دوین لوچ و جاندر آنتت و آیان شرم نکرت.

گناه و سزا

3 مار چه هداوندین هدايے جوڑ کرتگین آ دگه وکشیین هئیوانان ٹگتر و چالا کتر آت. آییا گون جنینا گوشت: “اے راست انت کہ هدايا گوشتگ باگئے هچ درچکئے برا مئوریت؟” ²جنینا گوشت: “ما باگئے درچکانی بر و سمران وارث کنین، ³بله هدايا گوشتگ که هما درچکئے برا مئوریت که باگئے نیاما انت. آییا دست هم پر مکئیت. اگن نه، مریت.” ⁴مارا گوشت: “شما پکا نمریت. ⁵بله هدا زانت، هما رچا که شما آ درچکئے برا وریت، شمئے چم پیچ بنت، شما هدايے پیما بیت و نیک و بدا زانیت.”

⁶نون جنینا چارث که آ درچکئے بر گوشتے په ورگا وش و گندگا زیبا انت و په زانتکار بئیگا دلواه. گڑا آییا چه درچکئے بران زرت و وارث و وتی مردارا هم داتی، که همراه آتی. مردا هم وارث. ⁷نون دوینانی چم پیچ بوتنت و زانتیش که ما جاندر این. چه انجیرئے تاکان په وت پوشاکش دوتک.

⁸گواتا که سر کرت، آیان هداوندین هدايے پادبرمش* اشکت که باگا گام جنگا آت. مرد و آیئے جنا، وتا باگئے درچکانی

2:23 Asligén Ebráni zobáná, mardén “ish” gwashaga bit o janén “ishá”.

3:8 Pádbramsh, bezán pádtawár.

23:2 أسلیگین ایرانی زبانا، مردین “ایش” گوشتگ بیت و جنین “ایشا”.

8:3 پادبرمش، بزبان پادتئوار.

janá, watá bágay drachkáni poshtá cha Hodáwandén Hodáyá chér dát. ⁹Hodáwandén Hodáyá mard gwánk jat o gwasht: “Kojá ay?” ¹⁰Áiá passaw dát: “Man bágá tai pádbramsh eshkot o maná torset chéá ke jándar atán, paméshká man watá chér dát.” ¹¹Hodáyá gwasht: “Kayá tará gwasht ke taw jándar ay? Taw hamá drachkay bar wártag ke man tará gwashtag mawari?” ¹²Mardá gwasht: “Hamá janén ke taw maná dátag, hamáia á drachkay bar maná dát o man wárt.” ¹³Gorhá Hodáwandén Hodáyá gón janéná gwasht: “É che káré ke taw kort?” Janéná gwasht: “Márá maná rad dát o man wárt.”

¹⁴Hodáwandén Hodáyá gón márá gwasht:

“Taw ke é kár kortag,
nun taw sajjahén dalwat o
sajjahén wakshién haywánáni nyámá
masterén nálati ay.
Taw wati zenday sajjahén róchán
pa lápkasshokái raway o
tai warák hák o danza bit.

¹⁵Man taig o janénay nyámá,
tai nasl o janénay naslay nyámá
dozhmeni pédá kanán.

Eshiy nasl tai saragá jant o
taw áiy páday punzá* janay.”

¹⁶Hodáyá gón janéná gwasht:

“Man tai chellagiay dardán sakk báza kanán,
taw gón dard chokk pédá kanay.

Tai wáhag pa wati mardá bit o
á, tai sará wájahia kant.”

¹⁷Hodáyá gón Ádamá gwasht:

“Taw wati janay habar gósh dásht o
hamá drachkay bar wárt
ke man tará hokm dátagat ke cha eshiá mawar,
paméshká tai sawabá zemin nálati ent.

Taw wati zenday sajjahén róchán
pa sakki o sóri cha zeminá wati waráká kasshay.

¹⁸Zemin pa taw konthag o dhangara kárit o
taw zeminay sabzagána waray.

¹⁹Gón hédén péshánigé wati naganá waray
tán hamá wahdá ke háká pera tarray,

پشتا چه هداوندین هدايا چير دات. ⁹ هداوندین هدايا مرد گوانک جت و گوشت: “کجا ائے؟” ¹⁰ آيا پستو دات: “من باگا تئی پادبرمش اشکت و منا ترست چیا که جاندر اتان، پمیشکا من وتا چير دات.” ¹¹ هدايا گوشت: “کئیا ترا گوشت که تئو جاندر ائے؟ تئو هما درچکئے بر وارنگ که من ترا گوشتگ مئوری؟” ¹² مردا گوشت: “هما جنین که تئو منا داتگ، هماییا آ درچکئے بر منا دات و من وارت.” ¹³ گڑا هداوندین هدايا گون جنینا گوشت: “اے چه کارے که تئو کرت؟” جنینا گوشت: “مارا منا رد دات و من وارت.”

¹⁴ هداوندین هدايا گون مارا گوشت:

“تئو که اے کار کرتگ،

نون تئو سجهین دلوت و

سجهین و کشیین هئیوانانی نیاما مسترین نالتی ائے.

تئو وتی زندئے سجهین روچان

په لاپکشکایي رئوئے و

تئی وراک هاک و دنز بیت.

¹⁵ من تئیگ و جنینے نیاما،

تئی نسل و جنینے نسلے نیاما

دژمنی پیدا کنان.

اشیئے نسل تئی سرگا جنت و

تئو آییئے پادئے پونزا* جنئے.”

¹⁶ هدايا گون جنینا گوشت:

“من تئی چلگیئے دردان سک باز کنان،

تئو گون درد چک پیدا کنئے.

تئی واهگ په وتی مردا بیت و

آ، تئی سرا واجهی کنت.”

¹⁷ هدايا گون آدما گوشت:

“تئو وتی جنئے هبر گوش داشت و

هما درچکئے بر وارت

که من ترا هکم داتگ ات که چه اشیا مئور،

پمیشکا تئی سئوبا زمین نالتی انت.

تئو وتی زندئے سجهین روچان

په سکی و سوری چه زمینا وتی وراکا کئئے.

¹⁸ زمین په تئو کئنگ و دنگر کاریت و

تئو زمینے سبزگان ورئے.

¹⁹ گون هیدین پیشانیگے وتی نگنا ورئے

تان هما وهدا که هاکا پر ترئے،

chéa ke cha hameshiá zurag butagay.

Taw háké ay o

padá háká pera tarray.”

²⁰ Adamá wati janay nám Hawá* kort, chéa ke á, sajjahén mardománi mát ent. ²¹ Hodáwandén Hodáyá, pa Adam o áiyay janá, cha pósta póshák jórh kort o gwará dátant.

²² Hodáwandén Hodáyá gwasht: “Nun ensán may payméné jórh butag o nék o badá zánt, chó mabit ke wati dastá shahár bedant o zenday drachkay bará bezurit o bwárt o tán abad zendag bebit.” ²³ Gorhá Hodáwandén Hodáyá á cha Adanay bágá dar kort ke zeminay sará kesht o keshár bekant, hamá zemin ke cha áiyay háká á jórh kanag butagat. ²⁴ Ensánay gallénagá rand, pa zenday drachkay ráhay bandagá, Hodáyá Adanay bágay ródarátki némagá karrubi* óshtárentant o anchén ásgwárén zahmé ham éri kort ke har némagá chahria wárt.

Káen o Hábil

4 Adamá, gón wati jan Hawáyá wapt o wáb kort o Hawáay láp porr but o Káen pédá but. Hawáyá gwasht: “Cha Hodáwanday barkatá, maná mardénchokké butag.” ² Randá Hawáyá Káenay brát, Hábil pédá kort. Hábilá shepánkia kort o Káená dehkáni.

³ Kammé wahdá o rand, Káená cha wati dhagáray bar o samarán pa Hodáwandá thékié áwort. ⁴ Hábilá ham cha wati ramagay pasáni awali chokkán lahtén kosht o áyáni pigi gósht zort o pa Hodáyá théki áwort. Hodáwandá Hábil o áiyay théki pasond butant, ⁵ bale Káen o áiyay théki áiyá pasond nabutant. Káen sakk zahr gept o démi tahár but.

⁶ Hodáwandá gón Káená gwasht: “Chéa zahr ay? Chéa tai dém tahár ent? ⁷ Agan taw sharrén kár bekanay, tai hayálá kabul kanaga nabay? Bale agan taw sharrén kára nakanay, gonáh tai darwázagay poshtá óshtátag o tai randá kaptag. Taw báyard ent gonáhay sará báládast bebay.”

⁸ Káená gón wati brát Hábilá gwasht: “Byá dhagáray sará rawén.” Dhagárá ke shotant, Káená wati brát Hábilay sará orosh kort o koshti. ⁹ Gorhá Hodáwandá gón Káená gwasht: “Tai brát Hábil kojá ent?” Áiyá gwasht: “Nazánán. Záná man wati brátay negahpán

چینا کہ چہ ہمیشیا زورگ بوتگئے.

تتو ہاکے ائے و

پدا ہاکا پرترتے.”

²⁰ آدمآ وتی جنئے نام ہتوا* کرت، چینا کہ آ، سچھین مردمانی مات انت. ²¹ ہڈاوندین ہڈایا، پہ آدم و آییئے جنا، چہ پوسستا پوشاک جوڑ کرت و گورا دانت.

²² ہڈاوندین ہڈایا گوشت: “نون انسان مئے پیمنئے جوڑ بوتگ و نیک و بدا زانت، چو مبيت کہ وتی دستا شہار بدنت و زندئے درچکئے برا بزوریت و بوارت و تان ابد زندگ بیت.” ²³ گڑا ہڈاوندین ہڈایا آ چہ آڈنئے باگا در کرت کہ زمینئے سرا کشت و کشار بکنت، ہما زمین کہ چہ آییئے ہاکا آ جوڑ کنگ بوتگ آت. ²⁴ انسانئے گلینگا رند، پہ زندئے درچکئے راہئے بندگا، ہڈایا آڈنئے باگئے روڈراتکی نیمگا کرؤبی* اوشتاریننت و انچین آس گوارین زہمے ہم ایری کرت کہ هر نیمگا چہری وارت.

کائِن و ہابیل

4 آدمآ، گون وتی جن ہتوایا وپت و واب کرت و ہتوایے لاپ پربوت و کائِن پیندا بوت. ہتوایا گوشت: “چہ ہڈاوندئے برکتا، منا مردین چکے بوتگ.” ² رندا ہتوایا کائِنئے برات، ہابیل پیندا کرت. ہابیلآ شپانکی کرت و کائِنآ دھکانی.

³ کمے وهدا و رند، کائِنآ چہ وتی ڈگارئے برو سمران پہ ہڈاوندآ ٹیکئے آورت. ⁴ ہابیلآ ہم چہ وتی رمگئے پسانی اتولی چکآن لہتین کشت و آیانی پیگی گوشت زرت و پہ ہڈایا ٹیکی آورت. ہڈاوندآ ہابیل و آییئے ٹیکی پسند بوتنت، ⁵ بلہ کائِن و آییئے ٹیکی آییآ پسند بوتنت. کائِن سک زھر گپت و دیمی تھار بوت.

⁶ ہڈاوندآ گون کائِنآ گوشت: “چینا زھر ائے؟ چینا تئی دیم تھار انت؟ ⁷ اگن تتو شرین کار بکنئے، تئی ہئیالا کبول کنگ نبئے؟ بلہ اگن تتو شرین کار نکنئے، گناہ تئی دروازگئے پشستا اوشتاتگ و تئی رندا کپتگ. تتو باید انت گناہئے سرا بالا دست بیئے.”

⁸ کائِنآ گون وتی برات ہابیلآ گوشت: “بیا ڈگارئے سرا رتوین.” ڈگارا کہ شتنت، کائِنآ وتی برات ہابیلئے سرا اُرش کرت و کشتی. ⁹ گڑا ہڈاوندآ گون کائِنآ گوشت: “تئی برات ہابیل کجا انت؟”

20:3 ہتوایے مانا “زند” انت.

24:3 کرؤبی، آسمانی مہلوکے کہ بانزلش پر و ہڈائے تہتے چپ و چاگردا انت.

3:20 Hawáay máná “zend” ent.

3:24 Karrubi, ásmáni mahluké ke bánzolesh per o Hodáay tahtay chapp o chágérdá ant.

án?”¹⁰ Hodáwandá gwasht: “Taw che káré kort? Tai brátay hón cha zeminá gón man peryát kanagá ent.¹¹ Nun taw nálatié ay. Cha é zeminá darpadar kanaga bay ke dapi pa tai brátay hónay ér baragá pach ent, hamá hón ke cha tai dastá réchag butag.¹² Wahdé zeminá kára kanay, zemin pa taw bara nayárit o taw, jaháná darpadar o béaráma bay.”

¹³ Káená gón Hodáwandá gwasht: “Mani sezá cha manisagg o bardáshtá dhannent,¹⁴ maróchi taw maná cha é sarzeminá gallénay. Man cha tai bargáhá gára bán. Jaháná darpadar o béaráma bán o harkas ke gón man dhikk bwárt, maná koshit.”¹⁵ Hodáwandá gón áiyá gwasht: “Chosha nabit. Harkas ke tará bekoshit, áiyá sezá hapt saria* bit.” Gorhá Hodáwandá Káenárá nesháné per kort tánke agan kasé gón áiyá dhikk bwárt, makoshiti.¹⁶ Káen cha Hodáwanday bargáhá dar but o Adanay ródarátká, Nóday sardhagará nesht.

Káenay nasl o padréch

¹⁷ Káená gón wati janá wapt o wáb kort o áiyá janay láp porr but o cha áiyá Hanuk námén chokké pédá but. Káen shahré addh kanagá at o shahray námi wati mardénchokkay námay sará Hanuk kort.¹⁸ Cha Hanuká Irád pédá but, cha Irádá Mehuyáil, cha Mehuyáilá Metusháil o cha Metusailá Lamék.

¹⁹ Laméká do jan gept, awaliy nám Ádah at o domiyay Zallah.²⁰ Cha Ádahá Yábál pédá but. Yábál, hamá mardománi pet at ke gedánnend atant o dalwatesha dásht.²¹ Yábálay brátay nám Yubál at. Yubál, chang* o nal janókáni pet at.²² Cha Zallahá, Tubál-Káen pédá but ke brenj o ásenay warh warhén awzár o sámánáni addh kanók at. Tubal-Káenay goháray nám Nahmah at.

²³ Laméká gón wati janán gwasht:

“Oo Ádah o Zallah! Mani tawará gósh dárét.
Oo Lamékay janán! Mani gappán gósh dárét.
Yakk mardéá maná thappig kort o man á kosht,
warnáén mardé ke maná thappigi kortagat.

²⁴ Agan Káenay bér hapt sari geraga bit,

Lamékay bér haptád o hapt sari geraga bit.”

آییا گوشت: “زنانان. زانا من وتی براتے نگھپان آن؟”¹⁰ ہڈاوندا گوشت: “تتو چہ کارے کرت؟ تئی براتے ہون چہ زمینا گون من پریات کنگا انت.¹¹ نون تتو نالتیے ائے. چہ اے زمینا دَر پَدَر کنگ بے کہ دپی پہ تئی براتے ہونے ایر برگا پچ انت، ہما ہون کہ چہ تئی دستا ریچگ بوتگ.¹² وھدے زمینا کار کنے، زمین پہ تتو بر نئیاریت و تتو، جھانا دَر پَدَر و بے آرام بے.”¹³ کائنا گون ہڈاوندا گوشت: “منی سزا چہ منی سگ و برداشتا دُن انت،¹⁴ مروچی تتو منا چہ اے سرزمینا گلینے. من چہ تئی بارگاھا گار بان. جھانا دَر پَدَر و بے آرام بان و هرکس کہ گون من ڈیک بوارت، منا کُشیت.”¹⁵ ہڈاوندا گون آییا گوشت: “چش نبیت. هرکس کہ ترا بکُشیت، آییے سزا هیت سَری* بیت.” گڑا ہڈاوندا کائنا نشانے پر کرت تانکہ اگن کسے گون آییا ڈیک بوارت، مکُشیتی.¹⁶ کائین چہ ہڈاوندے بارگاھا در بوت و آدنے روڈراتکا، نوڈے سرڈگارا نشت.

کائنے نسل و پدريچ

¹⁷ کائنا گون وتی جنا وپت و واب کرت و آییے جنے لاپ پُر بوت و چہ آییا ہنوک نامین چکے پیدا بوت. کائین شھرے اڈ کنگا ات و شھرے نامی وتی بچے نامے سرا ہنوک کرت.¹⁸ چہ ہنوکا ایراد پیدا بوت، چہ ایرادا مھویاییل، چہ مھویاییللا متوشاییل و چہ متوشاییللا لمیک.

¹⁹ لمیکا دو جن گپت، اتولیے نام آدہ ات و دومیے زلہ.²⁰ چہ آدھا یابال پیدا بوت. یابال، ہما مردمانی پت ات کہ گدان نند اتنت و دلوتش داشت.²¹ یابالے براتے نام یوبال ات. یوبال، چنگ* و نل جنوکانی پت ات.²² چہ زلہا، توبال کائین پیدا بوت کہ برنج و آسنے وڑ وڑین اتوزار و سامانانی اڈ کنوک ات. توبال کائنے گھارے نام نہمہ ات.

²³ لمیکا گون وتی جنان گوشت:

“او آدہ و زلہ! منی تتوارا گوش داریت.

او لمیکے جنان! منی گپان گوش داریت.

یک مردیا منا ٹپیگ کرت و من آکُشت،

ورناین مردے کہ منا ٹپیگی کرتگ ات.

²⁴ اگن کائنے بیر هیت سَری گرگ بیت،

لمیکے بیر هیتاد و هیت سَری گرگ بیت.”

4:15 Hapt sari, bezán hapt barábar, hapt randá, hapt haminchok.

4:21 Chang Esráiliáni kerrá simmi sázé.

15:4 هیت سَری، بزان هیت برابر، هیت رندا، هیت همینچک.

21:4 چنگ اسرائیلیانی کِزَا سیمی سازے.

Sayt

سئیت

²⁵ Ádamá padá gón wati janá wapt o wáb kort o áiy janá mardénchokké áwort. Janá chokkay nám Sayt* kort. Gwashti: “Hodáyá maná Hábilay badalá dega chokké dátag, parchá ke Káená Hábil kosht.”
²⁶ Saytá ham mardénchokké but o áiy námi Énósh kort. Hamé wahdá mardomán Hodáwanday námay tawár kanag bendát* kort.

Cha Ádamá beger tán Nuhá

5 Ádamay nasl o padréchay ketábi kessah chosh ent:

Hodáyá á róchá ke ensán jórth kort, wati sheklá jórhi kort. ² Mardén o janéni jórth kortant. Hamá wahdá ke addhi kortant, barkati dátant o áyáni námi ensán kort.

³ Ádamá ke 130 sál but, wati paymén, wati sheklay mardénchokkéay pet but o áiy námi Sayt kort.
⁴ Saytay pédáeshá rand, Ádamá 800 sál omr kort o áiy dega mardénchokk o janénchokk ham but.
⁵ É hesábá Ádamá sarjamiá 930 sál omr kort o mort.

⁶ Saytá ke 105 sál but, cha áiy Énósh pédá but.
⁷ Énóshay pédáeshá rand, Saytá 807 sál omr kort o áiy dega mardénchokk o janénchokk ham but.
⁸ É hesábá Saytá sarjamiá 912 sál omr kort o mort.

⁹ Wahdé Énóshá 90 sál but, cha áiy Kenán pédá but.
¹⁰ Cha Kenánay pédáeshá rand, Énóshá 815 sál omr kort o áiy dega mardénchokk o janénchokk ham but.
¹¹ Énóshá sarjamiá 905 sál omr kort o mort.

¹² Kenáná ke 70 sál but, cha áiy Mahalalél pédá but
¹³ Mahalalélay pédáeshá rand, Kenáná 840 sál omr kort o áiy dega mardénchokk o janénchokk ham but.
¹⁴ Kenáná sarjamiá 910 sál omr kort o mort.

¹⁵ Wahdé Mahalalélá 65 sál but, cha áiy Yáred pédá but.
¹⁶ Yáreday pédáeshá rand, Mahalalélá 830 sál omr kort o áiy dega mardénchokk o janénchokk ham but.
¹⁷ Mahalalélá sarjamiá 895 sál omr kort o mort.

²⁵ آدمآ پدا گون وتی جنا وپت و واب کرت و آییے جنا مردین چکے آورت. جنا چکے نام سئیت *کرت. گوشتی: ”هدایا منا هابیلے بدلا دگه چکے داتگ، پرچا که کائنا هابیل کشت.“
²⁶ سئیتا هم مردین چکے بوت و آییے نامی اینوش کرت. همه وهدا مردمان هداوندئے نامئے تئوار کنگ بندات* کرت.

چه آدمآ بگر تان نوها

5 آدمئے نسل و پدریچئے کتابی کسه چش انت:

هدایا آ روچا که انسان جوڑ کرت، وتی شکلا جوڑی کرت.
² مردین و جنینی جوڑ کرتنت. هما وهدا که ادی کرتنت، برکتی دانتت و آیانی نامی انسان کرت.

³ آدمآ که 130 سال بوت، وتی پیمین، وتی شکلئے مردین چکئے پت بوت و آییے نامی سئیت کرت. ⁴ سئیتئے پیدائشا رند، آدمآ 800 سال امر کرت و آیی دگه مردین چک و جنین چک هم بوت. ⁵ اے هسابا آدمآ سرجمیا 930 سال امر کرت و مرت.

⁶ سئیتا که 105 سال بوت، چه آیی اینوش پیدا بوت. ⁷ اینوشئے پیدائشا رند، سئیتا 807 سال امر کرت و آیی دگه مردین چک و جنین چک هم بوت. ⁸ اے هسابا سئیتا سرجمیا 912 سال امر کرت و مرت.

⁹ وهده اینوشا 90 سال بوت، چه آیی کنان پیدا بوت.
¹⁰ چه کنانئے پیدائشا رند، اینوشا 815 سال امر کرت و آیی دگه مردین چک و جنین چک هم بوت. ¹¹ اینوشا سرجمیا 905 سال امر کرت و مرت.

¹² کنانا که 70 سال بوت، چه آیی مهلالیل پیدا بوت.
¹³ مهلالیلئے پیدائشا رند، کنانا 840 سال امر کرت و آیی دگه مردین چک و جنین چک هم بوت. ¹⁴ کنانا سرجمیا 910 سال امر کرت و مرت.

¹⁵ وهده مهلالیلا 65 سال بوت، چه آیی یارد پیدا بوت.
¹⁶ یاردئے پیدائشا رند، مهلالیلا 830 سال امر کرت و آیی دگه مردین چک و جنین چک هم بوت. ¹⁷ مهلالیلا سرجمیا 895 سال امر کرت و مرت.

4:25 Saytay máná “dátagén” ent.

4:26 Bendát, bezán bongéj, shoru.

25:4 سئیتئے مانا ”داتگین“ انت.

26:4 بندات، بزبان بنگیج، شرو.

¹⁸Wahdé Yáred 162 sál but, cha áia Hanuk pédá but. ¹⁹Hanukay pédáeshá rand, Yáred 800 sál omr kort o áia dega mardénchokk o janénchokk ham but. ²⁰Yáred sarjamiá 962 sál omr kort o mort.

²¹Wahdé Hanuká 65 sál but, cha áia Metushálah pédá but. ²²Metushálahay pédáeshá rand, Hanuká 300 sál Hodáay ráhá gáma jat o áia dega mardénchokk o janénchokk ham but. ²³Hanukay sarjamén omr 365 sál but. ²⁴Hanuká Hodáay ráhá gáma jat o randá kassá nadist, chéa ke Hodáyá Hanuk zendagá zort o bort.

²⁵Wahdé Metushálahá 187 sál but, cha áia Lamék pédá but. ²⁶Lamékay pédáeshá rand, Metushálahá 782 sál omr kort o áia dega mardénchokk o janénchokk ham but. ²⁷Metushálahá sarjamiá 969 sál omr kort o mort.

²⁸Wahdé Laméká 182 sál but, cha áia mardénchokké pédá but. ²⁹Áia wati chokk Nuh* námént o gwasht: “É chokk mára cha may dastáni hamá gránén kár o zahmatán ásudaga kant ke cha Hodáay nálat kortagén zeminá chest butagant.” ³⁰Nuhay pédáeshá rand, Laméká 595 sál omr kort o áia dega mardénchokk o janénchokk ham but. ³¹Laméká sarjamiá 777 sál omr kort o mort.

³²Nuhay omr 500 sál but o randá cha áia Sám o Hám o Yápet pédá butant.

Ensánay radkári

6 Zeminay sará, mardom ke gésh bayán butant o janénchokkesha áwort, ²Hodáay mardénchokkána dist ke jenekk sharrang o zéba ant. Gorhá pa wat jenekesh gechéna kort o zort. ³Nun Hodáwandá gwasht: “Mani arwáh tán abad ensánay jesm o jáná namánit, chéa ke ensán merókén chizzé o cha yakk sad o bist sálá géshter omra nakant.”

⁴Á róchán o rand ham zeminay sará Nepilim* hastatant. Hodáay mardénchokk ke ensánáni jenekkáni kerrá shotant, é jenekkán chokka áwort. É chokk kwahnén zamánagay mazanmard o námárén mardom atant.

⁵Hodáwandá dist ke ensánay radkári zeminay sará sakk báz ant o sajjahén del o hayálesh

5:29 Nuh, Ebráni zobáná, “táhir o ásudagiay” hamtawáren labzé.

6:4 Nepilimay asligén máná zánaga nabit. Bázéné gwashtit ke cha préshtagáni naslá, mazanjón o zórmand butagant.

¹⁸Wahdé Yáred 162 sál but, cha áia Hanuk pédá but. ¹⁹Hanukay pédáeshá rand, Yáred 800 sál omr kort o áia dega mardénchokk o janénchokk ham but. ²⁰Yáred sarjamiá 962 sál omr kort o mort.

²¹Wahdé Hanuká 65 sál but, cha áia Metushálahay pédáeshá rand, Hanuká 300 sál Hodáay ráhá gáma jat o áia dega mardénchokk o janénchokk ham but. ²²Metushálahay pédáeshá rand, Hanuká 300 sál Hodáay ráhá gáma jat o áia dega mardénchokk o janénchokk ham but. ²³Hanukay sarjamén omr 365 sál but. ²⁴Hanuká Hodáay ráhá gáma jat o randá kassá nadist, chéa ke Hodáyá Hanuk zendagá zort o bort.

²⁵Wahdé Metushálahá 187 sál but, cha áia Lamék pédá but. ²⁶Lamékay pédáeshá rand, Metushálahá 782 sál omr kort o áia dega mardénchokk o janénchokk ham but. ²⁷Metushálahá sarjamiá 969 sál omr kort o mort.

²⁸Wahdé Laméká 182 sál but, cha áia mardénchokké pédá but. ²⁹Áia wati chokk Nuh* námént o gwasht: “É chokk mára cha may dastáni hamá gránén kár o zahmatán ásudaga kant ke cha Hodáay nálat kortagén zeminá chest butagant.” ³⁰Nuhay pédáeshá rand, Laméká 595 sál omr kort o áia dega mardénchokk o janénchokk ham but. ³¹Laméká sarjamiá 777 sál omr kort o mort.

³²Nuhay omr 500 sál but o randá cha áia Sám o Hám o Yápet pédá butant.

انسائے ردکاری

6 زمینئے سرا، مردم کہ گیش بیان بوتنت و جنین چُکَشِشِ اورت، ² ہڈائے مردین چُگان دیست کہ جنگ شرننگ و زیبا آنت. گڑاپہ وت جنکَشِشِ گچین کرت و زرت. ³ نون ہڈاوندنا گوشت: ”منی ارواہ تان ابد انسائے جسم و جانا نمائیت، چیا کہ انسان مروکین چیرے و چہ یک سد و بیست سالا گیشتر اُمر نکنت.“

⁴ آ روچان و رند ہم زمینئے سرا نیپیلیم* هست آنت. ہڈائے مردین چُک کہ انسانانی جنکانی کرا شنتت، اے جنگان چُک اورت. اے چُک کوہنین زمانگئے مرن مرد و نامدارین مردم آنت.

⁵ ہڈاوندنا دیست کہ انسائے ردکاری زمینئے سرا سک باز آنت و سچھین دل و ہئیالش مدام گون بدیا آنت و بس. ⁶ ہڈاوند

29:5 نوه، ایرانی زبانا، ”تاہیر و آسودگیئے“ ہمتتوارین لیزے.

4:6 نیپیلیمئے آسلیگین مانا زانگ نبیت. بازینے گوشتیت کہ چہ پریشتگانی نسلا، مرن جوون و زورمند بوتگ آنت.

modám gón badiá ent o bass. ⁶ Hodáwand pashómán but ke man donyáyá ensán chéá jórth kort. Hodáwanday del sakk padard but. ⁷ Gwashti: “Wati jórth kortagén ensáná cha zeminay sará gár o gomsára kanán. Mardomán, chárpadén haywánán, lápkasshén jánwarán o ásmánay báli morgán yakjáh gomsára kanán, chéá ke man cha esháni jórth kanagá padard án.” ⁸ Bale Hodáwand cha Nuhá razá at.

Nuh

⁹ Nuhay kessah chosh ent:

Nuh, wati dawr o bárigay mardománi nyámá pahrézkár o béaybén mardé at. Á Hodáay ráhá at. ¹⁰ Nuh, say mardénchokkay pet at: Sám o Hám o Yápet.

¹¹ Nun Hodáay chammán zemin sell o cha sheddatá porr at. ¹² Hodáyá dist ke zemin sell butag, chéá ke donyáyá sajjahén mardomán badén ráhé geptagat. ¹³ Gorhá Hodáyá gón Nuhá gwasht: “Man sajjahén mardomán tabáha kanán, chéá ke hamesháni sawabá zemin cha sheddatá porr ent. Man, esháni jendá gón zeminá hór, gár o gomsárankanán. ¹⁴ Cha góparay* dárá pa wat mazanén bójigé* jórth kan. Bójig, tóká kóthi kóthi bebit. Bójigay dhanná o tóká gón dhámbará* dón*. ¹⁵ Bójigá anchó addh kan ke drájíá say sad dast* bebit, práhiá panjáh dast o borziá si dast. ¹⁶ Bójigay sará band, bale borzádi némagay chapp o chágerdá yakk dasté pach bell. Bójigay kashá darwázagé per kan. Bójigá say tabak kan: chéri, nyámi o borzi tabak. ¹⁷ Man donyáyá anchén hár o tuppáné kárán ke ásmánay chéray sajjahén sahdára merant, har sahdár ke dama kasshit, bérána bit. Harché ke zeminay sará hast, sajjahéna merant. ¹⁸ Bale man gón taw wati ahd o paymáná bandán. Taw bójigá swára bay; taw o tai bachakk o tai lógi o tai neshár. ¹⁹ Cha sajjahén sahdarán yakk yakk jotké gón wat bójigá bar gón, naréné o mádagéné, ke wati hamráhiá zendagesh bedáray. ²⁰ Cha har tahray báli morg, har tahray chárpadén haywán, zeminay saray har tahray lápkasshén jánwarán, yakk yakk jotké tai kerrá kayt tánke é sajjahénán zendag bedáray. ²¹ Har paymén

6:14 Ebráni zobáná góparay labz kár bandag butag o kassa nazánt ke é kojám drachk ent.

6:14 Bójig, bezán lánch, kashti.

6:14 Dhámbar syáhén o lechnákén ápénké.

6:14 Dónag, bezán chizzéá gón ápénkén chizzéá póshag, chó ke diwálá pa gela dónant.

6:15 Asligén Ebráni nebeshtánka gwashit drájíá 300 ammah, práhiá 50 ammah o borziá 30 ammah. Ammah yá dast, kesás ném mitar ent, dastay lankokán beger tánke mokka.

پشومان بوت که من دنیا یا انسان چیا جوڑ کرت. هداوندی دل سگ پدرد بوت. ⁷ گوشتی: “وتی جوڑ کرتگین انسانا چه زمینے سرا گار و گمسار کنان. مردمان، چارپادین هیوانان، لاپکشین جانوران و آسمانی بالی مرگان یکجا گمسار کنان، چیا که من چه اشانی جوڑ کنگا پدرد آن.” ⁸ بله هداوند چه نوها رزا ات.

نوه

⁹ نوهئی کسه چش انت:

نوه، وتی دئور و باریگئی مردمانی نیاما پهریزکار و بی ایبیین مردے ات. آ هدائی راها ات. ¹⁰ نوه، سئی مردین چکئی پت ات: سام و هام و یاپت.

¹¹ نون هدائی چمان زمین سیل و چه شدتا پُر ات. ¹² هدا یا دیست که زمین سیل بوتگ، چیا که دنیا ئی سجھین مردمان بدین راهی گیتگ ات. ¹³ گُزا هدا یا گون نوها گوشت: “من سجھین مردمان تباہ کنان، چیا که همشانی سئوبا زمین چه شدتا پُر انت. من، اشانی جدا گون زمینا هور، گار و گمسار کنان. ¹⁴ چه گوپرئی* دارا په وت مزینن بوجیگے* جوڑ کن. بوجیگ، توکا کوئی کوئی بییت. بوجیگئی دنا و توکا گون ڈامبرا* دون*. ¹⁵ بوجیگا انچو اڈ کن که دراجیا سئی سد دست* بییت، پراهیا پنجاه دست و بزیسی دست. ¹⁶ بوجیگئی سرا بند، بله بزیادی نیتمگئی چپ و جاگردا یک دستے پیچ بل. بوجیگئی کشا دروازگے پر کن. بوجیگا سئی تبک کن: چیری، نیامی و بزی تبک. ¹⁷ من دنیا یا انچین هار و توپانے کاران که آسمانی چیرئی سجھین سهدار مرنت، هر سهدار که دم کشتیت، بیزان بیت. هر چه که زمینے سرا هست، سجھین مرنت. ¹⁸ بله من گون تئو وتی اهد و پیمانا بندان. تئو بوجیگا سوار بئی؛ تئو و تئیی بچک و تئیی لوگی و تئیی نشار. ¹⁹ چه سجھین سهداران یک یک جتکے گون وت بوجیگا بر گون، نرینے و مادگینے، که وتی همراهیا زندگیش بدارئی. ²⁰ چه هر تهرئی بالی مرگ،

14:6 ایرانی زبانا گوپرئی لبز کار بندگان بوتگ و کس نزانن که اے کجام درچک انت.

14:6 بوجیگ، بزانی لایچ، کشتی.

14:6 ڈامبر سیاهین و لچنکین ایپنکے.

14:6 دونگ، بزانی چیزیا گون ایپنکین چیزیا پوشگ، چو که دیوالا په گل دؤنت.

15:6 اسلیگین ایرانی نشتانک گوشت دراجیا 300 اماه، پراهیا 50 اماه و بزیسی 30 اماه. اماه یا دست کساس نیم میتر انت، دستے لنگکان بگر تانکه مگا.

warák o warden bezur gón. Ambáresh kan ke shomayg o haywánáni waragay kára káyant.”

²² Gorhá Nuhá hamé paymá kort. Harché ke Hodáyá gwashtagat, Nuhá kort.

Nuhay tuppán

7 Hodáyá gón Nuhá gwasht: “Taw gón wati lógay sajjahén mardomán bójigay tahá beraw, chéa ke mana gendán ke é naslá pahrézkár taw ay. ² Cha sajjahén helárén haywánán hapt jotk gón wat bar gón, narén o áiy mádagéná, cha sajjahén harámén jánwarán yakk yakk jotké, narén o áiy mádagéná, ³ o cha ásmáni morgán hapt jotk, narén o mádagén, ke sarjamén zeminay sará áyáni naslá zendag bedáray. ⁴ Hapt róchá rand, anchén hawré gwárénán ke tán chell róch o chell shapá gwárit o man wati jórh kortagén sajjahén sahdárán cha zeminá gár o gomsára kanán.” ⁵ Harché ke Hodáwandá gwashtagat, Nuhá hamá paymá kort.

⁶ É wahdá ke zeminay sará hár átk, Nuhay omr shash sad sál at. ⁷ Nuh o áiy jan o chokk o neshár bójigá potertant ke cha hár o tuppáná berakkant. ⁸ Cha helári o harámén haywán o morg o sajjahén lápkasshén jánwarán, ⁹ jotk jotká, naréné o mádagéné, Nuhay kerrá átk o bójigá potert, hamá paymá ke Hodáyá Nuh hokm dátagat. ¹⁰ Hapt róchá rand zeminay sará hár o tuppáné átk.

¹¹ Nuhay omray shash sadomi sálay domi máhay habdahomi róchá, johlánkiáni sajjahén chammag botkant o ásmánay darig pach butant. ¹² Chell róch o chell shapá zeminay sará hawrán gwart. ¹³ Hamé róchay jendá Nuh o áiy chokk Sám o Hám o Yápet o Nuhay jan o sayén neshár bójigá potertant. ¹⁴ Áyáni hamráhiá har paymén sahdár wati tahray hesábá gón at; har paymén dalwat wati tahray hesábá, har paymén lápkasshén jánwar wati tahray hesábá o har paymén morg wati tahray hesábá, har paymén bánzolién sahdár. ¹⁵ Har sahdár ke zenday sáhi mán at, jotké jotké Nuhay kerrá átk o bójigá potert. ¹⁶ Hamá paymá ke Hodáyá Nuh hokm dátagat, har sahdáray nar o mádag bójigá potertant. Nun Hodáwandá darwázag bast.

¹⁷ Tán chell róchá zemin hárá mallet o áp gesh bayán but o bójigi cha zeminá borz chest kort. ¹⁸ Zeminay sará áp anchó ke borzter bayán but, bójig ham ápay sarborá

هر تهرے چارپادین هیوان، زمینے سرے هر تهرے لاپکشین جانوران، یک یک جتکے تھی کرا کثیت تانکه اے سجھینان زندگ بدارے. ²¹ هر پئیمین وراک و وردن بزور گون. امبارش کن که شمئیگ و هیوانانی ورگئے کارا کاینت. ²² گرا نوها همه پئیما کرت. هرچه که هدایا گوشتگ ات، نوها کرت.

نوھئے توپان

7 هدایا گون نوها گوشت: “تو گون وتی لوگئے سجھین مردمان بوجیگئے تھا برتو، چیا که من گندان که اے نسلا پهریزکار تئو ائے. ² چه سجھین هیلارین هیوانان هیت جتک گون وت بر گون، نرین و آییئے مادگینا، چه سجھین هرامین جانوران یک یک جتکے، نرین و آییئے مادگینا، ³ و چه آسمانی مرگان هیت جتک، نرین و مادگین، که سرجمین زمینے سرا آیانی نسلا زندگ بدارے. ⁴ هیت روچا رند، انچین هورے گوارینان که تان چل روچ و چل شپا گواریت و من وتی جوڑ کرتگین سجھین سهداران چه زمینا گار و گمسار کنان.” ⁵ هرچه که هداوندا گوشتگ ات، نوها هما پئیما کرت.

⁶ اے وهدا که زمینے سرا هار اتک، نوھئے امر شش سد سال ات. ⁷ نوه و آییئے جن و چک و نشار بوجیگا پترتنت که چه هار و توپانا برکت. ⁸ چه هیلاری و هرامین هیوان و مرگ و سجھین لاپکشین جانوران، ⁹ جتک جنکا، نرینے و مادگینے، نوھئے کرا اتک و بوجیگا پترت، هما پئیما که هدایا نوه هکم داتگ ات. ¹⁰ هیت روچا رند زمینے سرا هار و توپانے اتک.

¹¹ نوھئے امرے شش سدومی سائے دومی ماهئے هبدھمی روچا، جهلانکیانی سجھین چمگ بئکت و آسمانے دریگ پیچ بوتنت. ¹² چل روچ و چل شپا زمینے سرا هوران گورت. ¹³ همه روچئے جندا نوه و آییئے چک سام و هام و یاپت و نوھئے جن و سئین نشار بوجیگا پترتنت. ¹⁴ آیانی همراهیا هر پئیمین سهدار وتی تهرے هسابا گون ات؛ هر پئیمین دلوت وتی تهرے هسابا، هر پئیمین لاپکشین جانور وتی تهرے هسابا و هر پئیمین مرگ وتی تهرے هسابا، هر پئیمین بانزلیین سهدار. ¹⁵ هر سهدار که زندے ساھی مان ات، جتکے جتکے نوھئے کرا اتک و بوجیگا پترت. ¹⁶ هما پئیما که هدایا نوه هکم داتگ ات، هر سهدارے نرو مادگ بوجیگا پترتنت. نون هداوندا دروازگ بست. ¹⁷ تان چل روچا زمین هارا ملت و آپ گیش بئیان بوت و بوجیگی چه زمینا برز چست کرت. ¹⁸ زمینے سرا آپ

trappal* but. ¹⁹ Áp zeminay sarborá sakk chest but o sajjahén ásmánay chéray drostigén borzén kóh zéráp butant. ²⁰ Áp borzter rawán but o kóhi chér o andém kortant. Áp cha kóhání thollán* kesás chár gwáz* borzter shot. ²¹ Zeminay saray sajjahén sahdár bérán butant; morg o dalwat o wakshién haywán o hamá sajjahénsahdár kezeminay sará romb o ramagakanant o sajjahén ensán ham. ²² Hamá sajjahén sorendah ke hoshkén zeminá atant, hamá ke zenday sáhesh mán at, bérán butant. ²³ Hodáyá zeminay saray sajjahén sahdár gár o gomsár kortant. Ensán o jánwar o lápkassh o ásmánay morg, sajjahén cha zeminá gár butant. Éwaká Nuh o hamá ke gón áiá bójigá gón atant, pasht kaptant. ²⁴ Tán yakk sad o panjáh róchá zemin ápa mán póshetagat.

Hár o tuppánay érmóshi

8 Hodáyá Nuh o hamá sajjahén wakshién haywán o dalwat yát kortant ke Nuhay hamráhiá bójigá atant. Hodáyá zeminay sará gwáté ráh dát o áp ér áyán but. ² Johlánkiáni chammag o ásmánay darig band butagatant o cha ásmáná hawráni gwárag ham band butagat. ³ Áp kamm kammá cha zeminay sará kamm b ayán but. Yakk sad o panjáh róchá rand áp jahl shotagat. ⁴ Haptomi máhay habdahomi róchá bójig Árárátay kóhání sará óshtát. ⁵ Tán dahomi máhá áp angat kamm bayán at. Dahomi máhay awali róchá kóhání tholl záher butant.

⁶ Chell róchá rand, Nuhá hamá darig pach kort ke áiá bójigá per kortagat. ⁷ Gwarágé* dhanná ráhi dát. Gwarágá tán hamá wahdá bál kort o gasht ke zeminay saray áp hoshk butant. ⁸ Padá kapóté ráhi dát tán bechárit ke áp cha zeminay sará kamm butag yá na. ⁹ Bale kapótá choshén jáhé nadist ke wati pádán ér bekant, chéa ke sajjahén zemin angat ápay chérá at. Gorhá kapót bójigá, Nuhay kerrá per tarret. Nuhá wati dast shahárt, kapóti gept o bójigá áwort. ¹⁰ Nuhá dega hapt róch wadár kort o padá kapóti cha bójigá ráh dát. ¹¹ Wahdé kapót bégáhá áiy kerrá per tarret, zaytunay tázagén táké dapá ati. Nun Nuhá zánt ke cha zeminay sará áp kamm butag. ¹² Nuhá dega hapt

7:18 Trappal, bezán ápay sará yalah ent o nabokkit.

7:20 Tholl, bezán kóhay borzterén jágah.

7:20 Asligén Ebráni nebeshtánka gwashit: “15 ammah”.

8:7 Gwarág syáhén morgé ke báz jágahá kalág ham gwashanti, Pársiá “kalágh”.

انچو که بُرزتر بئیان بوت، بوجیگ هم آپئے سربرُا تَرپَل * بوت. ¹⁹ آپ زمینئے سربرُا سگ چست بوت و سَجھین آسمائے چیرئے دُرستیگین بُرزین کوه زیراپ بوتنت. ²⁰ آپ بُرزتر رُوان بوت و کوهی چیر و اندیم کرتنت. آپ چه کوهانی تُلان * کَساس چار گواز * بُرزتر شت. ²¹ زمینئے سرئے سَجھین سَهدار بیران بوتنت؛ مُرگ و دَلوت و وَکشیین هئیوان و هما سَجھین سَهدار که زمینئے سرا رُوب و رمگ کننت و سَجھین انسان هم. ²² هما سَجھین سُرندہ که هُشکین زمینا آنتت، هما که زندئے ساهش مان ات، بیران بوتنت. ²³ هدایا زمینئے سرئے سَجھین سَهدار گار و گُمسار کرتنت. انسان و جانور و لاپکَش و آسمائے مُرگ، سَجھین چه زمینا گار بوتنت. ایوکا نوه و هما که گون آییبا بوجیگا گون آنتت، پَشت کپنتت. ²⁴ تان یگ سد و پنجاه رُوجا زمین آیا مان پُوشتگ ات.

هار و توپائے ایرموشی

8 هدایا نوه و هما سَجھین وَکشیین هئیوان و دَلوت یات کرتنت که نوهئے همراهیا بوجیگا آنتت. هدایا زمینئے سرا گواتے راه دات و آپ ایر آیان بوت. ² جُهلانکیانی چَمگ و آسمائے دریگ بند بوتگ آنتت و چه آسمانا هئورانی گوارگ هم بند بوتگ ات. ³ آپ کم کما چه زمینئے سرا کم بئیان بوت. یگ سد و پنجاه رُوجا رند آپ جَهل شتگ ات. ⁴ هپتئی ماهئے هبدھمی رُوجا بوجیگ آراتئے کوهانی سرا اؤشتات. ⁵ تان دَهمی ماها آپ انگت کم بئیان ات. دَهمی ماهئے اتولی رُوجا کوهانی تُل زاهر بوتنت.

⁶ چَل رُوجا رند، نوها هما دریگ پَچ کرت که آییبا بوجیگا پر کرتگ ات. ⁷ گوراکے * دُنا راهی دات. گوراکا تان هما وهدا بال کرت و گشت که زمینئے سرئے آپ هُشک بوتنت. ⁸ پدا کپوتے راهی دات تان بچاریت که آپ چه زمینئے سرا کم بوتگ یا نه. ⁹ بله کپوتا چُشین جاهے ندیست که وتی پادان ایر بکنت، چیا که سَجھین زمین انگت آپئے چیرا ات. گُزا کپوت بوجیگا، نوهئے کِرا پر تَرْت. نوها وتی دست شهارت، کپوتی گپت و بوجیگا اُورت. ¹⁰ نوها دگه هپت رُوج ودار کرت و پدا کپوتی چه بوجیگا راه دات. ¹¹ وهدے کپوت بیگاها آییئے کِرا پر تَرْت، زئیتونئے تازگین تاکے دپا آتی. نون نوها زانت که چه زمینئے سرا آپ کم بوتگ. ¹² نوها

7:18 تَرپَل، بزبان آپئے سرا یله انت و نَبکیت.

20:7 تُل، بزبان کوهئے بُرزترین جاگه.

20:7 اَسلیگین ایرانی نیشتانک گوشیت 15 “اماه”.

7:8 گوراک سیاهین مُرگے که باز جاگها کلاگ هم گوشنتی، پارسیا “کلاغ”.

róch wadár kort o padá kapóti ráh dát. É bari kapót áiy kerrá per natarret.

¹³Nuhay omray shash sad o yakomi sálay awali máhay awali róchá zeminay saray áp hoshk butagat. Nuhá bójjigay sarpósh kasshet o disti ke zemin hoshk ent. ¹⁴Domi máhay bist o haptomi róchá zemin sarjamá hoshk at.

¹⁵Gorhá Hodáyá gón Nuhá gwasht: ¹⁶“Cha bójjigá dar á, gón wati jan o chokk o neshárán. ¹⁷Hamá sajjahén sahdár ke tai hamráh ant, dhanná baresh gón, báli morg o jánwar o sajjahén lápkasshán, tánke zeminay sará romb o ramag bekanant, chokk o bar bekanant o géshá gésh bebant.” ¹⁸Gorhá Nuh gón wati jan o chokk o neshárán dar átk. ¹⁹Sajjahén jánwar o sajjahén lápkassh o sajjahén báli morg o zeminay saray sajjahén sorendah cha bójjigá dar átkant, har yakké wati tahray hesábá.

²⁰Nun Nuhá pa Hodáwandá korbánjáhé addh kort o cha helárén haywán o helárén báli morgán lahténi zort o korbánjáhá sóchagi korbánigi kortant. ²¹Esháni wasshén bó ke Hodáwanday kerrá sar but, wati delá gwashti: “Man cha ed o rand hechbar zeminá ensánay sawabá nálata nakanán, bell toré cha kasániá áiy delay wáahag bad ant. Cha ed o dém hechbar sajjahén sahdárán é paymá horigá gár o gomsára nakanán ke annun kortagon.

²²Tán hamá wahdá ke zemin hastent kesht o keshár o rón o móshay* wahd, sárti o garmi, garmág o zemestán o róch o shapa naóshtant.”

Gón Nuhá ahd o paymán

9 Hodáyá Nuh o áiy chokk barkat dát o gwashtant: “Chokk o bar kanét o gésh bebét o donyáyá porr kanét. ²Zeminay sajjahén haywán, ásmánay sajjahén báli morg, sajjahén lápkassh o daryáyay sajjahén máhig shomay tors o bimmay chérá bant. É sajjahén shomay dastá dayag butagant. ³Har sorendah ke sáhi mán ent, shomay waráka bit o anchó ke man shomará sabzag dátagant, nun har chizza dayán. ⁴Bale á góshtá

hechbar mawarét ke áiyá zend, bezán hón mán ent.*

8:22 Rón o mósh, bezán kesháray ronag o moshag, kesháray baray dar árag.

9:4 Hón zenday neshán ent o tánke hón mán, gósht warag mabit.

دگه هیت رۆچ و دار کرت و پدا کپۆتی راه دات. اے بری کپۆت آییئے کړا پر نترت.

¹³نوهئے امرئے شش سد و یکمی سائے ائولی ماهئے ائولی رۆچا زمینئے سرئے آپ هُشک بوتگ ات. نوها بوجیگئے سرپۆش کشت و دیستی که زمین هُشک انت. ¹⁴دومی ماهئے بیست و هپتمی رۆچا زمین سرجما هُشک ات.

¹⁵گړا هُدايا گون نوها گوشت: ¹⁶“چه بوجیگا در آ، گون وتی جن و چک و نشاران. ¹⁷هما سجهین سهدار که تیی همراه انت، دُنا برش گون، بالی مرگ و جانور و سجهین لاپکشان، تانکه زمینئے سرا رُمب و رمگ بکننت، چک و بر بکننت و گیشا گیش بنت.” ¹⁸گړا نوه گون وتی جن و چک و نشاران در آتک. ¹⁹سجهین جانور و سجهین لاپکش و سجهین بالی مرگ و زمینئے سرئے سجهین سرنده چه بوجیگا در آتکت، هر یکے وتی تهرئے حسابا.

²⁰نون نوها په هُداوندا کربانجاهے اڈ کرت و چه هلارین هئیوان و هلارین بالی مرگان لهتینی زرت و کربانجاها سوچگی کربانیگی کرتنت. ²¹إشانی وشین بو که هُداوندئے کړا سر بوت، وتی دلا گوشتی: “من چه اد و رند هچبر زمینا انسانئے سئوبا نالت نکنان، بل ترے چه کسانیا آییئے دلئے واهگ بد انت. چه اد و دیم هچبر سجهین سهداران اے پیما هوریگا گار و گُمسار نکنان که انون کرتگن.

²²تان هما وهدا که زمین هست انت

کشت و کشار و رۆن و مؤشئے* وهد، سارتی و گرمی، گرماگ و زمستان و رۆچ و شپ نه اوشتنت.”

گون نوها اهد و پئیمان

9 هُدايا نوه و آییئے چک برکت دات و گوشتنت: “چک و بر کنیت و گیش بییت و دنیايا پُر کنیت. ²زمینئے سجهین هئیوان، آسمانئے سجهین بالی مرگ، سجهین لاپکش و دریائے سجهین ماهیگ شمئے ترس و بیمئے چیرا بنت. اے سجهین شمئے دستا دئیگ بوتگ انت. ³هر سرنده که ساهی مان انت، شمئے وراک بیت و انچو که من شمارا سبزگ داتگ انت، نون هر چیز دئیان. ⁴بله آگوشتا هچبر مئوریت که آیاا زند، بزبان هون مان انت.* ⁵هرکس که شمئے هونا بریچیت و ساها بگیپت، من

22:8 رۆن و مؤش، بزبان کشارئے رُنگ و مُشگ، کشارئے برئے در آرگ.

⁵ Harkas ke shomay hóná beréchtit o sáhá begipt, man cha áia hesába gerán. Cha har haywáná hesába gerán o cha har ensáná. Cha hamá mardomá hesába gerán ke dega mardoméá koshit, chéá ke mardom brát ant.

⁶ Harkas ensánéay hóná beréchtit,
áiy hón ham ensánéay dastá réchaga bit,
chéá ke Hodáyá ensán
wati sheklá addh kortag.

⁷ Nun shomá, chokk o bar kanét o zeminay sará gésh bebét,
zeminay sará sheng o tálán o géshá
cha gésh bebét.”

⁸ Gorhá Hodáyá gón Nuh o áiy chokkán ke Nuhay hamráh atant, gwasht: ⁹ “Nun man gón shomá o gón shomay randi naslán ahd o paymáné kanán. ¹⁰ Gón har sahdará ke shomay kerrá ent, báli morg, dalwat o wakshién haywán o har yakk chizzéá ke gón shomá cha bójigá dar átkag, gón zeminay hamok sahdará ham é ahd o paymáná kanán. ¹¹ Man gón shomá wati é ahd o paymáná kanán ke dega baré sajjahén sahdár cha hár o tuppánay ápa bérána nabant; dega hechbar choshén háre nayayt ke sajjahén zeminá wayrán bekant.”

¹² Hodáyá gwasht: “É hamá ahd o paymánay nesháni ent ke man, wati o shomay o hamá sajjahén sahdaráni nyámá bandagá án ke gón shomá gón ant. É pa sajjahén áyókén naslán ahd o paymáné. ¹³ Man wati sanj*, jambaráni tahá ér kortag o é, mani o zeminay nyámá butagén ahd o paymánay neshánia bit. ¹⁴ Harwahd ke man zeminay sarborá jambara kárán o sanj ham jambaráni tahá záhera bit, ¹⁵ gorhá wati é ahd o paymánay yátá kapán ke mani o shomay o har tahray sajjahén sahdaráni nyámá ent. Nun ápa hechbar chó hára nakant ke sajjahén sahdarán tabáh bekant. ¹⁶ Harwahd ke sanj jambaráni tahá záhera bit, mania gendán o hamá abadmánén ahd o paymánay yátá kapán ke mane Hodá o zeminay har tahray sajjahén sahdaráni nyámá butag.” ¹⁷ Hodáyá gón Nuhá gwasht: “Esh ent hamá ahd o paymánay nesháni ke man, wati o zeminay sajjahén sahdaráni nyámá bastag.”

چه آيا هساب گران. چه هر هئوانا هساب گران و چه هر انسانا. چه هما مردما هساب گران که دگه مردميا کُشيت، چينا که مردم برات أنت.

⁶ هرکس انسانئيه هونا بريچيت،
آيئه هون هم انسانئيه دستا ريچگ بيت،
چينا که هدايا انسان
وتی شکلا اڈ کرتگ.
⁷ نون شما، چک و بر کنيت و زمينئه سرا گيش بييت،
زمينئه سرا شنگ و تالان و گيشا چه گيش بييت.”

⁸ گڑا هدايا گون نوه و آيئه چگان که نوهئه همراه أنتت، گوشت: ⁹ “نون من گون شما و گون شمئه رندی نسلان اهد و پئيمانے کنان. ¹⁰ گون هر سهدارا که شمئه کرا انت، بالی مرگ، دلوت و وکشيين هئوان و هر يگ چيزيا که گون شما چه بوجيگا در آتکگ، گون زمينئه همک سهدارا هم اے اهد و پئیمانا کنان. ¹¹ من گون شما وتی اے اهد و پئیمانا کنان که دگه برے سجھين سهدار چه هار و توپانئيه آيا بييران نبت؛ دگه هچبر چشين هارے نئيئت که سجھين زمينا وئيران بکنت.”

¹² هدايا گوشت: “اے هما اهد و پئيمانئيه نشانی انت که من، وتی و شمئه و هما سجھين سهدارانی نياما بندگا آن که گون شما گون أنت. اے په سجھين آيوکين نسلان اهد و پئيمانے. ¹³ من وتی سنج*، جمبرانی تها اير کرتگ و اے، منی و زمينئه نياما بوتگين اهد و پئيمانئيه نشانی بييت. ¹⁴ هروهد که من زمينئه سربرا جمبر کاران و سنج هم جمبرانی تها زاهر بيت، ¹⁵ گڑا وتی اے اهد و پئيمانئيه ياتا کپان که منی و شمئه و هر تهرئه سجھين سهدارانی نياما انت. نون آپ هچبر چو هار نکنت که سجھين سهداران تباہ بکنت. ¹⁶ هروهد که سنج جمبرانی تها زاهر بيت، منی گندان و هما ابدمانين اهد و پئيمانئيه ياتا کپان که من هدا و زمينئه هر تهرئه سجھين سهدارانی نياما بوتگ.” ¹⁷ هدايا گون نوها گوشت: “اش انت هما اهد و پئيمانئيه نشانی که من، وتی و زمينئه سجھين سهدارانی نياما بستگ.”

4:9 هون زندئيه نشان انت و تانکه هون مان، گوشت و رگ مبيت.

13:9 سنج، بزبان درين، رنگي گمان که هئورا رند آسمانا زاهر بيت و رنگ رنگ انت.

9:13 Sanj, bezán drinn, rangi kamán ke hawrá rand ásmáná záhera bit o rang rang ent.

Nuhay sayén chokk

¹⁸ Nuhay chokk cha bójigá dar átkant, Sám o Hám o Yápet. Hám Kanháney pet at. ¹⁹ É sayén Nuhay chokk atant o cha hameshán mardom sajjahén zeminay sará sheng o tálán butant.

²⁰ Nuhá kesht o keshár bendát kort o anguri bágé addhi kort. ²¹ Hamé anguray sharábi wárt, malár but o gedánay tahá jándar but. ²² Kanháney pet Hámá, wati pet jándará dist o wati doén brát ke dhanná atant, hál dátant. ²³ Sám o Yápetá kabáhé zort, wati kópagáni sará ér kort o poshtokái shotant o wati petay jándariesh póshént. Áyáni dém ángor at o wati petay jándariesh nadist.

²⁴ Wahdé Nuh cha sharábay malará dar átk, zánti mani kasterén bachakká gón man ché kortag, ²⁵ gwashti:

“Kanháná nálat bát.

Wati brátáni golámáni golám bát.”

²⁶ Nuhá gwasht:

“Hodáwandá satá bát, Sámay Hodáyá.

Kanhán, Sámay golám bát.

²⁷ Hodá zeminá pa Yápetá práhter kanát.

Yápet, Sámay gedánáni tahá jahmenend bát o

Kanhán, áiy golám bát.”

²⁸ Cha hárá rand Nuhá dega say sad o panjáh sál omr kort. ²⁹ Nuhá sarjamiá noh sad o panjáh sál omr kort o mort.

Nuhay nasl o padréch

10 Nuhay chokk, Sám o Hám o Yápetay nasl o padréchay kessah chosh ent:

Eshán cha tuppáná rand chokk o bar kort.

Yápet

² Gumer o Májuj o Madái o Yáwán o Tubál o Máshek o Tirás, Yápetay mardénchokk atant. ³ Ashkenáz o Ripat o Tugarmah, Gumeray mardénchokk atant. ⁴ Elishah o Tarshish o Kettimi mardom o Dódánimi mardom, Yáwánay mardénchokk atant. ⁵ Cha eshán

نوهئے سئین چُک

¹⁸ نوهئے چُک چه بوجیگا در آتکنت، سام و هام و یاپت. هام کنهائے پت ات. ¹⁹ اے سئین نوهئے چُک آتنت و چه همشان مردم سجھین زمینے سرا شنگ و تالان بوتنت.

²⁰ نوها کشت و کشار بندات کرت و انگوری باگے اڈی کرت. ²¹ همه انگورے شرابی وارت، ملار بوت و گدانے تھا جاندر بوت. ²² کنهائے پت هاما، وتی پت جاندر دیست و وتی دوین برات که ڈنا آتنت، هال داتنت. ²³ سام و یاپتا کباهے زرت، وتی کوپگانی سرا ایر کرت و پُشتکایی شتنت و وتی پتے جاندری اش پوشینت. آیانی دیم آنگر ات و وتی پتے جاندری اش ندیست.

²⁴ وهدے نوه چه شرابے ملارا در آتک، زانتی منی کسترین بچگا گون من چه کرتگ، ²⁵ گوشتی:

“کنهانا نالت بات.

وتی براتانی گلامانی گلام بات.”

²⁶ نوها گوشت:

“هداوندنا ستا بات، سامے هدايا.

کنهان، سامے گلام بات.

²⁷ هدا زمينا په یاپتا پراهرتر کنات.

یاپت، سامے گدانانی تھا جهمنند بات و

کنهان، آیئے گلام بات.”

²⁸ چه هارا رند نوها دگه سے سد و پنجاه سال امر کرت. ²⁹ نوها سرجمیا نه سد و پنجاه سال امر کرت و مُرت.

نوهئے نسل و پدريچ

10 نوهئے چُک، سام و هام و یاپتے نسل و پدريچے کسه چش انت:

ایشان چه توپانا رند چُک و بر کرت.

یاپت

² گومر و ماجوج و مدایی و یاون و توبال و ماشک و تیراس، یاپتے مردین چُک آتنت. ³ اشکناز و ریپت و توگرمه، گومرے مردین چُک آتنت. ⁴ الیشه و ترشیش و کتیمی مردم و دودانیمی

tayábdapi* mardom wati sardhagárán tálán butant, har yakké gón wati jenday zobáná, wati kabilaháni hesábá, wati kawmáni tahá.

Hám

⁶Kush o Mesráim o Put o Kanhán, Hámay mardénchokk atant. ⁷Sebá o Hawilah o Sebtáh o Rámah o Sabteká, Kushay mardénchokk atant. Sabá o Dédán, Rámahay mardénchokk atant. ⁸Cha Kushá Namrud pédá but ke zeminay sará awali zórmandén jangól* at. ⁹Hodáwanday chammán Namrud, zrengén shekárié at, paméshká gwashaga bit: “É mard, Hodáwanday chammán Namruday paymén mazanén shekárié.”¹⁰Namruday bádsháhiay bendát cha Bábel, Ere, Akkád o Kalnehá but ke Shináray* sardhagára atant. ¹¹Á cha é sardhagára Áshurá shot o ódá Naynawá, Rahubut-Ir, Kálah o ¹²Risenay shahri addh kortant. Risen, Naynawá o Kálahay nyámá ent, Kálah mazanén shahré.

¹³Cha Mesráimá, Ludi o Anami o Lehábi o Naptuhi mardom pédá butant o ¹⁴Patrusi o Kapturi o Kasluhi mardom, ke cha Kasluhián, Pilesti pédá butant.

¹⁵Kanhánay awali chokk Saydun at o padá Hitti o ¹⁶Yabusi o Amuri o Gergáshi o ¹⁷Héwi o Arki o Sini o ¹⁸Arwádi o Semári o Hamáti mardom pédá butant. Randá Kanháni kabilah sheng o tálán butant. ¹⁹Kanhánay hadd o simsar, cha Sayduná ke dém pa Gerára raway tán Gazzahá at o agan dém pa Sodum, Gomurah, Admah o Sebwimá raway, tán Lasháhá at. ²⁰Hámay naslay kessah, áyáni kabilah o zobán o sardhagár o kawmay hesábá hamesh at.

Sám

²¹Sám ke Yápetay masterén brát at, áíá ham mardénchokk but. Sám, Eberay sajjahén chokkáni bonpirok ent. ²²Sámay mardénchokk, Ilám o Áshur o Arpakshád o Lud o Arám atant. ²³Arámay mardénchokk, Uz o Hul o Giter o Másh atant. ²⁴Arpakshád, Shelahay pet at o Shelah, Eberay pet. ²⁵Eberá do mardénchokk but, yakkéay nám Péleg*

10:5 Tayábdap, bezán daryáay nazzikk o gwarén jágah, zerkerr, sáhel.

10:8 Jangól, bezán jangarósk, jang kanókén mardom.

10:10 Shináray sardhagár, bezán Bábelay sardhagár ke maróchigén Erákay jonubi bahr at.

10:25 Pélegay máná “bahr o báng” ent.

مردم، یوانئے مردین چُک آتنت. ⁵ چه اِشان تئیاب دَپی * مردم وتی سرڈگاران تالان بوتنت، هر یکے گون وتی جندے زبانا، وتی کبیلہانی حسابا، وتی کئومانی تھا.

ہام

⁶ کوش و مسراییم و پوت و کنہان، ہامئے مردین چُک آتنت. ⁷ سببا و ہئویلہ و سبتاہ و رامہ و سبتیکا، کوشئے مردین چُک آتنت. سببا و دیدان، رامہئے مردین چُک آتنت. ⁸ چه کوشا نمرود پیدا بوت کہ زمینئے سرا ائولی زورمندین جنگول* ات. ⁹ ہداوندئے چمان نمرود، زرنگین شکاریے ات، پمیشکا گوشگ بیت: “اے مرد، ہداوندئے چمان نمرودئے پئیمین مزین شکاریے.” ¹⁰ نمرودئے بادشاہیے بندات چه بابل، اِرک، آگاد و کلنہا بوت کہ شینارے* سرڈگارا آتنت. ¹¹ آ چه اے سرڈگارا آشوراشت و اودا نئینئوا، رھوبوت ایر، کالہ و ¹² ریسنئے شہری آڈ کرتنت. ریسن، نئینئوا و کالہئے نیما انت، کالہ مزین شہرے.

¹³ چه مسراییم، لودی و انمی و لہابی و نپتوھی مردم پیدا بوتنت و ¹⁴ پتروسی و کپتوری و کسلوھی مردم، کہ چه کسلوھیان، پیلستی پیدا بوتنت.

¹⁵ کنہانئے ائولی چُک سئیدون ات و پدا ہیٹی و ¹⁶ ییوسی و اموری و گرگاشی و ¹⁷ ہیوی و ارکی و سینی و ¹⁸ اروادی و سماری و ہماتی مردم پیدا بوتنت. رندا کنہانی کبیلہ شنگ و تالان بوتنت. ¹⁹ کنہانئے ہڈ و سیمسر، چه سئیدونا کہ دیم پہ گِرا رتوئے تان گزھا ات و اگن دیم پہ سدوم، گمورہ، آدمہ و سبویما رتوئے، تان لشاھا ات. ²⁰ ہامئے نسلئے کسہ، آیانی کبیلہ و زبانا و سرڈگارا و کئومئے حسابا ہمیش ات.

سام

²¹ سام کہ یاپتے مسترین برات ات، آیا ہم مردین چُک بوت. سام، ابرے سجھین چُکانی بئپیرک انت. ²² سامئے مردین چُک، ایلام و آشور و اِرپکشاد و لود و آرام آتنت. ²³ آرامئے مردین چُک، اوز و هول و گیترو ماش آتنت. ²⁴ اِرپکشاد، شلہے پت ات و شلہ، ابرے پت. ²⁵ ابرا دو مردین چُک بوت، یکئے نام

10:5 تئیاب دپ، بزانا دریاے نرَبگ و گورین جاگہ، زرکرو، ساہل.

8:10 جنگول، بزانا جنگروسک، جنگ کنوکین مردم.

10:10 شینارے سرڈگار، بزانا بابلے سرڈگار کہ مروچیکین اراکتے جنوبی بہر ات.

at, chéa ke hamé wahdá zemin bahr o báng but. Brátay námi Yoktán at. ²⁶Yoktán, Almudád o Shélep o Hazarmáwet o Yérah o ²⁷Hadurám o Uzál o Deklah o ²⁸Óbál o Abimáél o Sabá o ²⁹Ópir o Hawilah o Yubábay pet at. É sajjahén Yoktánay mardénchokk atant. ³⁰Á damagá ke é nendók atant, cha Mesháyá dém pa Separá at, ródarátkay kóhestagén molká. ³¹Sámay chokkání kessah, áyáni kabilah o zobán o sardhagár o kawmay hesábá hamesh at.

³²Nuhaymardénchokkáníkabilah, áyánisar o bonay red o banday sará, áyáni kawmání hesábá hamesh atant. Tuppáná rand cha hameshán sajjahén kawm zeminay sará sheng o tálán butant.

Bábelay borj

11 Sajjahén donyáay zobán yakkén at o labz yakkén atant. ²Mardom ke cha ródarátká laddhetant, Shináray sardhagará dashté distesh o hamódá jahmenend butant. ³Gón yakdomiá gwashtesh: “Byá, heshta janén o sharriay sará pachénesht.” Áyán sengay jáhá hesht kára bast o gelay jáhá dhámbar. ⁴Gwashtesh: “Byá pa wat shahré addha kanén, anchén borjé máni bebit ke sartholli ásmáná sar bebit, tánke pa wat námé ér bekanén ke sajjahén zeminay sará sheng o sháng mabén.” ⁵Hodáwand ér átk tánke hamá shahr o borjá bechárit ke mardomi addh kanagá atant. ⁶Hodáwandá gwasht: “Edá bechár, nun é yakkén ráj o kawm ant o sajjahénáni zobán yakk ent. Agan é káresh bendát kortag, cha ed o dém é harché kanag belóthant, pa eshán nabutenia nabit. ⁷Byá, jahláda rawén o eshání zobáná garh o manja* kanén ke é, yakdomiay habarán sarpad mabant.”

⁸Hodáwandá, é mardom cha ódá sajjahén zeminay sará sheng o sháng kortant o eshán shahray addh kanagay kár band kort. ⁹Paméshká á shahray nám Bábel* but ke Hodáwandá ódá sajjahén donyáay yakkén zobán garh o manj kort. Áiá mardom cha ódá zortant o sajjahén zeminay sará sheng o sháng kortant.

Sámay nasl o padréch

¹⁰Sámay nasl o padréchay kessah chosh ent:

11:7 Garh o manj kanag, bezán mán gissshénag, hór o tahór kanag.

11:9 Bábelay labz gón Ebráni zobánay labz “balalá” nazzikk ent ke mánái garh o manj ent.

پیلیگ* ات، چیا که همه وهدا زمین بھر و بانگ بوت. براتے نامی یکتان ات. ²⁶یکتان، الموداد و شیلپ و ہزرمات و ییرہ و ²⁷ہدورام و اوزال و دیکلہ و ²⁸اوبال و ایمایل و سبا و ²⁹اوپیر و ہٹویلہ و یوبابے پت ات. اے سجھین یکتانے مردین چک اتنت. ³⁰آدمگا کہ اے نندوک اتنت، چہ مشایا دیم پہ سپارا ات، روڈراتکے کوہستگین ملکا. ³¹سامے چگانی کسہ، آیانی کبیلہ و زبان و سرڈگار و کٹومے حسابا ہمیش ات.

³²نوہے مردین چگانی کبیلہ، آیانی سر و بٹے رد و بندے سرا، آیانی کٹومانی حسابا ہمیش اتنت. توپانا رند چہ ہمشان سجھین کٹوم زمینے سرا شنگ و تالان بوتنت.

بابلے بُرج

11 سجھین دنیائے زبان یکن ات و لبز یکن اتنت. ²مردم کہ چہ روڈراتکا لڈتنت، شینارے سرڈگارا دشتے دیستش و همودا جھمنند بوتنت. ³گون یکدومیا گوشتش: “بیا، ہشت جنین و شریے سرا پچینش.” آیان سنگے جاہا ہشت کار بست و گلے جاہا ڈامبر. ⁴گوشتش: “بیا پہ وت شہرے اڈ کنین، انچین برجے مانی بیت کہ سرٹلی آسمانا سر بیت، تانکہ پہ وت نامے ایر بکنین کہ سجھین زمینے سرا شنگ و شانگ مبین.” ⁵ہداوند ایر آتک تانکہ ہما شہر و برجا بچاریت کہ مردمی اڈ کنگا اتنت. ⁶ہداوندا گوشت: “ادا بچار، نون اے یکن راج و کٹوم ات و سجھینانی زبان یک انت. اگن اے کارش بندات کرتگ، چہ اد و دیم اے ہرچے کنگ بلوٹنت، پہ اشان نبوتی نبیت. ⁷بیا، جھلا د رٹوین و اشانے زبانا گڑ و منج* کنین کہ اے، یکدومیے ہبران سرید مینت.”

⁸ہداوندا، اے مردم چہ اودا سجھین زمینے سرا شنگ و شانگ کرتنت و اشان شہرے اڈ کنگے کار بند کرت. ⁹پمیشکا آ شہرے نام بابل* بوت کہ ہداوندا اودا سجھین دنیائے یکن زبان گڑ و منج کرت. آییا مردم چہ اودا زرتنت و سجھین زمینے سرا شنگ و شانگ کرتنت.

سامے نسل و پدریچ

¹⁰سامے نسل و پدریچے کسہ چش انت:

25:10 پیلیگے مانا “بھر و بانگ” انت.

7:11 گڑ و منج کنگ، بزبان مان گیشینگ، ہور و تھور کنگ.

9:11 بابلے لبز گون ایرانی زبانے لبز “بللا” نژیک انت کہ مانایی گڑ و منج انت.

Tuppáná do sálá rand wahdé Sámay omr 100 sál at, cha áíá Arpakshád pédá but. ¹¹ Arpaksháday pédáeshá rand, Sámá 500 sál omr kort o áíá dega mardénchokk o janénchokk ham but.

¹² Arpaksháday omr 35 sál at ke cha áíá Shelah pédá but. ¹³ Shelahay pédáeshá rand, Arpakshádá 403 sál omr kort o áíá dega mardénchokk o janénchokk ham but.

¹⁴ Shelahay omr 30 sál at ke cha áíá Eber pédá but. ¹⁵ Eberay pédáeshá rand, Shelahá 403 sál omr kort o áíá dega mardénchokk o janénchokk ham but.

¹⁶ Eberay omr 34 sál at ke cha áíá Péleg pédá but. ¹⁷ Pélegay pédáeshá rand, Eberá 430 sál omr kort o áíá dega mardénchokk o janénchokk ham but.

¹⁸ Pélegay omr 30 sál at ke cha áíá Rahu pédá but. ¹⁹ Rahuay pédáeshá rand, Pélegá 209 sál omr kort o áíá dega mardénchokk o janénchokk ham but.

²⁰ Rahuay omr 32 sál at ke cha áíá Serug pédá but. ²¹ Serugay pédáeshá rand, Rahuá 207 sál omr kort o áíá dega mardénchokk o janénchokk ham but.

²² Serugay omr 30 sál at ke cha áíá Náhór pédá but. ²³ Náhóray pédáeshá rand, Serugá 200 sál omr kort o áíá dega mardénchokk o janénchokk ham but.

²⁴ Náhóray omr 29 sál at ke cha áíá Téra pédá but. ²⁵ Téraay pédáeshá rand, Náhórá 119 sál omr kort o áíá dega mardénchokk o janénchokk ham but. ²⁶ Téraay omr 70 sál but o randá cha áíá Ebrám o Náhór o Hárán pédá butant.

Téraay nasl o padréch

²⁷ Téraay nasl o padréchay kessah chosh ent:

Cha Téraayá Ebrám o Náhór o Hárán pédá butant. Cha Háráná Lut pédá but. ²⁸ Háránay pet, Téra angat zendag at o Hárán mán Kaldániáni shahr Urá mort, hamódá ke pédá butagat. ²⁹ Ebrám o Náhór, doénán sur o sáng kort. Ebrámay lógiay nám Sárái at o Náhóray lógiay nám Melkah. Melkah, Háránay jenekk at o Hárán, Melkah o Yaskáhay pet. ³⁰ Sárái santh at o chokki néstat. ³¹ Téraayá wati chokk Ebrám o nomásag Lut, ke Háránay chokk at o wati neshár, bezán Ebrámay jan Sárái zortant o cha Kaldániáni shahr Urá dar átk. É sajjahén dém pa Kanhánay sardhagará ráh geptant, bale wahdé Háránay shahrá

توپانا دو سالو رند وهده سامئو امر 100 سال ات، چه آيا اريكشاد پيدا بوت. ¹¹ اريكشادئو پيدائشا رند، ساما 500 سال امر كرت و آيا دغه مردين چك و جنين چك هم بوت.

¹² اريكشادئو امر 35 سال ات كه چه آيا شله پيدا بوت. ¹³ شلهئو پيدائشا رند، اريكشادا 403 سال امر كرت و آيا دغه مردين چك و جنين چك هم بوت.

¹⁴ شلهئو امر 30 سال ات كه چه آيا ابر پيدا بوت. ¹⁵ ابرئو پيدائشا رند، شلهها 403 سال امر كرت و آيا دغه مردين چك و جنين چك هم بوت.

¹⁶ ابرئو امر 34 سال ات كه چه آيا پيلگ پيدا بوت. ¹⁷ پيلگئو پيدائشا رند، ابرا 430 سال امر كرت و آيا دغه مردين چك و جنين چك هم بوت.

¹⁸ پيلگئو امر 30 سال ات كه چه آيا رهو پيدا بوت. ¹⁹ رهوئو پيدائشا رند، پيلگا 209 سال امر كرت و آيا دغه مردين چك و جنين چك هم بوت.

²⁰ رهوئو امر 32 سال ات كه چه آيا سروگ پيدا بوت. ²¹ سروگئو پيدائشا رند، رهوا 207 سال امر كرت و آيا دغه مردين چك و جنين چك هم بوت.

²² سروگئو امر 30 سال ات كه چه آيا ناهور پيدا بوت. ²³ ناهورئو پيدائشا رند، سروگا 200 سال امر كرت و آيا دغه مردين چك و جنين چك هم بوت.

²⁴ ناهورئو امر 29 سال ات كه چه آيا تيرا پيدا بوت. ²⁵ تيرائو پيدائشا رند، ناهورا 119 سال امر كرت و آيا دغه مردين چك و جنين چك هم بوت. ²⁶ تيرائو امر 70 سال بوت و رندا چه آيا ابرام و ناهور و هاران پيدا بوتنت.

تيرائو نسل و پدرچ

²⁷ تيرائو نسل و پدرچئو كسه چش انت:

چه تيرايا ابرام و ناهور و هاران پيدا بوتنت. چه هارانا لوت پيدا بوت. ²⁸ هارائو پت، تيرا انگت زندگ ات و هاران مان كلدانياني شهر اورا مرت، همودا كه پيدا بوتگ ات. ²⁹ ابرام و ناهور، دوپنان سور و سانگ كرت. ابرامئو لوگيئو نام سارايي ات و ناهورئو لوگيئو نام ملكه. ملكه، هارائو جنك ات و هاران، ملكه و يسكاهئو پت. ³⁰ سارايي سنث ات و چكي نيست ات. ³¹ تيرايا وتي چك ابرام و ناسگ لوت، كه هارائو چك ات و وتي نشار، بزبان ابرامئو جن سارايي زرتنت و چه كلدانياني شهر اورا در آتك. اے سجھين ديم په كنهائو سردگارا راه گپنتت، بله

rasetant, hamódá neshtant. ³²Téráyá do sad o panch sál omr kort o Háráná mort.

Hodá Ebrámá gwánka jant

12 Hodáwandá gón Ebrámá gwasht:

Wati molk, wati syád o wáres o wati petay lógá yalah day o cha edá hamá molká beraw ke man tará péshia dárán.

²Man tará mazanén kawmé jórha kanán, tará barkata dayán o tai námá borza kanán o taw barkaté bay.

³Hamá mardom ke tará barkata dayant, man áyán barkata dayán o hamá mardom ke tará nálata kanant, man áyán nálata kanán o zeminay sajjahén kawm tai sawabá barkata gerant.”

⁴Gorhá hamá paymá ke Hodáwandá gón Ebrámá gwashtagat, Ebrám shot o Lut ham áiy hamráh but. Ebrám ke cha Háráná dar átk, omri haptád o panch sál at. ⁵Ebrámá wati lógi Sárái o brázátk Lut hamráh kortant o dém pa Kanháná ráh gept. Hamá sajjahén mál ke áyán mocch kortagatant o hamá mardom ke Háráná áyáni dastá kaptagatant, áíá gón wat bortant gón. Kanhánay sardhagará átk o rasetant.

⁶Ebrám á molká tarr o táb kanán tán Murehay mazanén drachkay jágahá, Shekémá shot. Á wahdá, é molká Kanháni nendók atant, ⁷Bale Hodáwand, Ebrámay démá záher but o gwashti: “Cha mani némagá é sardhagár tai nasl o padréchayg ent.” Gorhá Ebrámá ódá pa Hodáwandá, ke áiy démá záher butagat, korbánjáhé addh kort. ⁸Cha ódá á, dém pa kóhestagá, Bayt-Élay ródarátki némagá shot o wati gedáni anchén jágahé mekk kort ke Bayt-Élay shahr áiy rónendi némagá o Ayáay shahr, ródarátki némagá at. Ódá pa Hodáwandá korbánjáhé addhi kort o Hodáwanday námi tawár kort. ⁹Gorhá Ebrám cha ódá dar átk o dém pa Negébá rawán but.

Ebrám Mesrá rawt

¹⁰Bale Kanháná dhokkál* at o Ebrám, dém pa Mesrá jahlád ráh gept tánke pa wahdéá hamódá, darámadéay paymá bedárit, chéá ke sakkén dhokkálé at. ¹¹Wahdé

وهدے هارائے شهرا رستنت، همودا نشتنت. ³²تیرایا دو سد و پنج سال امر کرت و هارانا مرت.

هدا ابراما گوانک جنت

12 هداوندا گون ابراما گوشت:
وتی مُلک، وتی سیاد و وارس و وتی پتے لوگا یله دئے و

چه ادا هما مُلکا برتو که من ترا پیشی داران.

² من ترا مزین کتومے جوڑ کنان، ترا برکت دئیان و

تئی ناما برز کنان و تئو برکتے بے.

³ هما مردم که ترا برکت دئنت، من آیان برکت دئیان و

هما مردم که ترا نالت کننت، من آیان نالت کنان و

زمینے سجھین کتوم تئی سئوبا برکت گرت.”

⁴ گڑا هما پیما که هداوندا گون ابراما گوشتگات، ابرام شت و لوت هم آییے همراه بوت. ابرام که چه هارانا در آتک، امری هپتاد و پنج سال ات. ⁵ ابراما وتی لوگی ساریی و برازاتک لوت همراه کرتنت و دیم په کنهانا راه گپت. هما سجھین مال که آیان مچ کرتگ اتنت و هما مردم که هارانا آیان دستا کپتگ اتنت، آیا گون وت برنتت گون. کنهائے سردگارا آتک و رستنت.

⁶ ابرام آ مُلکا تر و تاب کنان تان مورھے مزین درچکے جاگھا، شکیم شت. آ وهدا، اے مُلکا کنهانی نندوک اتنت،

⁷ بله هداوند، ابرامے دیم زاهر بوت و گوشتی: “چه منی نیمگا اے سردگار تئی نسل و پدریچینگ انت.” گڑا ابراما اؤدا په

هداوند، که آییے دیم زاهر بوتگات، کربانجابه اڈ کرت. ⁸ چه اؤدا آ، دیم په کوھستگا، بئیت ایلے روڈراتکی نیمگا شت

و وتی گدانی انچین جاگھے مک کرت که بئیت ایلے شهر آییے روئندی نیمگا و آبیائے شهر، روڈراتکی نیمگا ات. اؤدا

په هداوندا کربانجابه اڈی کرت و هداوندے نامی تئوار کرت. ⁹ گڑا ابرام چه اؤدا در آتک و دیم په نگیب رتوان بوت.

ابرام مسرا رتوت

¹⁰ بله کنهانا دُکال* ات و ابرام، دیم په مسرا جهلاد راه گپت تانکه په وهديا همودا، درامدیے پیما بداریت، چیا که سکین

Mesray nazzikká átk o raset, gón wati lógi Sáráiaí gwashti: “Mana zánán ke taw zébaén janéné ay. ¹² Mesri tará begendant, gwashant: ‘É, eshiay lógi ent,’ gorchá maná koshant bale tará zendagá kellant. ¹³ Begwash ke man eshiay gohár án, tánke pa taigi gón man sharr bebant o tai sawabá mani sáh berakkit.”

¹⁴ Ebrám ke Mesrá átk, Mesrián dist ke Sárái sakkén zébaén janéné. ¹⁵ Perawnay* apsarán ke Sárái dist, Perawnay kerrá áiy sárháiyagá laggetant o Sárái Perawnay kalátá barag but. ¹⁶ Perawn, Sáráiy háterá gón Ebrámá mehrabán but o Ebrám pas o gók o lág* o mádyán* o golám o móled o oshteráni wáhond but.

¹⁷ Bale Hodáwandá Ebrámay lógi, Sáráiy sawabá Perawn o áiy lógay sará mazanén wabá o warh warhén nádráhi dawr dát. ¹⁸ Perawná Ebrám lóthéant o gwasht: “É che káré at ke taw gón man kort? Taw chéá maná hál nadát ke é tai lógi ent? ¹⁹ Chéá gwashtet: ‘É mani gohár ent,’ ke man pa jani zort? Bechár, é tai jan ent. Zuri o beraw.” ²⁰ Perawná Ebrámay bárawá wati apsar hokm dátant o áyán Ebrám gón lógi o sajjahén mál o hastiá rahádag kort.

Lut o Ebrámay jetái

13 Ebrámá harché ke hastat, zortanti o gón wati lógiá cha Mesrá borzád ráh gept o Negébá shot. Lut ham gón áiy gón at. ² Ebrám, mál o dalwat o teláh o nograhá báz hastómand at. ³ Á, cha Negébá laddhán o rawán tán Bayt-Élá raset, tán Bayt-Él o Ayáay shahráni nyámá, hamá jágahá ke pésará wati gedáni mekk kortagat, ⁴ hamá jágahá ke pésará korbánjáhé addhi kortagat. Ódá Ebrámá Hodáwanday nám tawár kort.

⁵ Lut ham ke Ebrámay hamsapar at, áiy pas o dalwat o gedán hastat. ⁶ Bale jágah pa Lut o Ebrámay yakjáh nendagá kamm at, chéá ke mál o dalwatesh báz at. Paméshká hór neshtesh nakort. ⁷ Ebrám o Lutay shepánk arhetant. Á zamánagá Kanháni o Perizzi ham é sardhagará jahmenend atant. ⁸ Gorchá Ebrámá gón Lutá gwasht: “Má brát én. Mani o tai nyámá, yá mani o tai shepánkáni nyámá arh o korhé mabit. ⁹ Sajjahén molk tai démá ent. Cha man jetá bay. Agan taw

دُكَّالے اَت. ¹¹ وهده مسرے نزيكا اَتك و رست، گون وتي لوگي ساراييا گوشتي: “من زنان كه تتو زيباين جنينه ائے. ¹² مسري ترا بگندنت، گوشت: ‘اے، ايشيے لوگي انت،’ گوا منا كُشتن بله ترا زندگا كلنت. ¹³ بگوش كه من ايشيے گهار آن، تانكه په تئيبگي گون من شرّ ببت و تئيب سئوبا مني ساه برّكيت.”

¹⁴ ابرام كه مسرا اَتك، مسريان ديست كه سارايي سكين زيباين جنينه. ¹⁵ پرتونے * اَپسران كه سارايي ديست، پرتونے كرا ايشيے ساژايگا لگنت و سارايي پرتونے كلاتا برگ بوت. ¹⁶ پرتون، ساراييے هاترا گون ابراما مهربان بوت و ابرام پس و گوک و لاگ* و ماديان* و گلام و مؤلد و اُشتراني واهند بوت. ¹⁷ بله هداوندا ابرامے لوگي، ساراييے سئوبا پرتون و ايشيے لوگيے سرا مزينن وبا و وژ وژين نادراهي دئور دات. ¹⁸ پرتونا ابرام لوثاينت و گوشت: “اے چه كارے اَت كه تتو گون من كرت؟ تتو چينا منا هال نداد كه اے تئيب لوگي انت؟ ¹⁹ چينا گوشتت: ‘اے مني گهار انت،’ كه من په جني زرت؟ بچار، اے تئيب جن انت. زوري و برتو. ²⁰ پرتونا ابرامے بارئوا وتي اَپسرهُكم داتنت و ايان ابرام گون لوگي و سجهين مال و هستيا رهاگ كرت.

لوت و ابرامے جتايي

13 ابراما هرچه كه هستات، زرتنتي و گون وتي لوگيا چه مسرا بُزاد راه گپت و نكيبا شت. لوت هم گون آيا گون ات. ² ابرام، مال و دلوت و تلاه و نگرها باز هستومند ات. ³ آ، چه نكيبا لَدان و رثوان تان بئيت ائلا رست، تان بئيت ائلا و ائياي شهراني نياما، هما جاگها كه پيسرا وتي گداني مِك كرتگات، ⁴ هما جاگها كه پيسرا كُربانجاهے اَدِي كرتگات. اؤدا ابراما هداوندے نام تتوار كرت.

⁵ لوت هم كه ابرامے همسپر ات، آيا پس و دلوت و گدان هستات. ⁶ بله جاگه په لوت و ابرامے يكجاه نندگا كم ات، چينا كه مال و دلوتش باز ات. پميشكا هور نشتش نكرت. ⁷ ابرام و لوتے شپانك اُرتنت. آ زمانگا كنهاني و پريزي هم اے سردگارا جهمنند اتنت. ⁸ گوا ابراما گون لوتا گوشت: “ما برات اين. مني و تئيب نياما، يا مني و تئيب شپانكاني نياما اُر و كُرے مبيت. ⁹ سجهين مُلك تئيب ديما انت. چه من جتا بئے. اگن تتو چيپن

12:15 Perawn hecch bádsháhay jenday nám nabutag. Ahdi zamánagán, Mesray har bádsháh Perawn gwashag butag.

12:16 Lág, bezán narén har.

12:16 Mádyán, bezán mádagén har.

15:12 پرتون هچ بادشاهے جندے نام نبوتگ. اهدی زمانگان، مسرے هر بادشاه پرتون گوشت بوتگ.

16:12 لاگ، بزبان نرين هر.

16:12 ماديان، بزبان مادگين هر.

chappén némagá raway, man rásténá rawán o agan taw rástén némagá raway, man chappéná rawán.”

¹⁰Lutá chamm chest kortant, disti ke Ordonay sajjahén dasht, tán Sóhará séráp ent, Hodáwanday bágay dhawlá, Mesray sardhagáray dhawlá. É cha á wahdá pésar at ke Hodáwandá Sodum o Gomurahay shahr gár o bégwáh kortant. ¹¹Gorhá Lutá Ordonay sajjahén dasht pa wat gehén kort o dém pa ródarátká ráh gept o doén mard cha yakdomiá jetá butant. ¹²Ebrám Kanhánay sardhagará nesht o Lut hamá shahrán jahmenend but ke dashtá atant. Lutá wati gedán zort o Sodumay nazzikká mekk kortant. ¹³Sodumay mardom badkár o Hodáwanday démá báz gonahkár atant.

Ebrám Hebruná jahmenenda bit

¹⁴Lut ke cha Ebrámá jetá but, Hodáwandá gón Ebrámá gwasht: “Cha wati hamé jághá, chammán chest kan o shomál, jonub, ródarátk o rónenday némagá bechár, ¹⁵é sajjahén molká ke taw gendagáay, cha mani némagá é tán abad tai o tai nasl o padréchay ent. ¹⁶Tai nasl o padréchá zeminay danzáni paymá báza kanán, agan kasé danz o gobárán hesáb korta kant, gorhá tai nasl o padréchá ham hesáb korta kant. ¹⁷Pád á, é molkay dráji o práhiá tarr o gard bekan, ke eshiá man tará dayán.” ¹⁸Gorhá Ebrámá wati gedán chest kortant o Hebruná shot o Mamrehay mazanén drachkáni nazzikká jahmenend but. Ódá pa Hodáwandá korbánjáhé addhi kort.

Ebrám Lutá rakkénit

14 Shináray bádsháh Amrápel o Elásaray bádsháh Aryuk o Ilámay bádsháh Kedorlámer o Góimay bádsháh Tidálay zamánagá, ²é bádsháhán gón Sodumay bádsháh Bárah o Gomurahay bádsháh Bershá o Admahay bádsháh Shenáb o Sebvimay bádsháh Shémeber o Bélahay bádsháhá jang kort. Bélahay domi nám Sóhar ent. ³Nun é goddhi panchén bádsháh, Seddimay daragá,* bezán Wádzaray* daragá yakjáh butant. ⁴Eshán tán dwázdah sálá Kedorlámeray hezmat kort o sézdahomi sálá sarkeshiesh kort. ⁵Chárdahomi sálá Kedorlámer gón hamráhén bádsháhán átk o

14:3 Darag, bezán wádi, gwatr.

14:3 Wádzar Esráilá mazangwarmé ke mortagén zer ham gwashanti.

نیمگا رتوے، من راستینا رتوان و اگن تئو راستین نیمگا رتوے، من چپینا رتوان.“

¹⁰لوتا چم چست کرتنت، دیستی که اُردنئے سجھین دشت، تان سوہرا سیراپ انت، ہداوندئے باگئے ڈٹولا، مسرئے سردگارئے ڈٹولا. اے چہ آوہدا پیسر ات کہ ہداوندا سدوم و گمورہئے شہر گار و بیگواہ کرتنت. ¹¹گڑا لوتا اُردنئے سجھین دشت پہ وت گچین کرت و دیم پہ روڈراتکا راہ گپت و دوین مرد چہ یکدومیا جتا بوتنت. ¹²ایرام کنہانئے سردگارا نشت و لوت ہما شہران جہمند بوت کہ دشتا اتنت. لوتا وتی گدان زرت و سدومئے نزیگا مک کرتنت. ¹³سدومئے مردم بدکار و ہداوندئے دیم باز گنہکار اتنت.

ایرام ہبرونا جہمند بیت

¹⁴لوت کہ چہ ایراما جتا بوت، ہداوندا گون ایراما گوشت: ”چہ وتی ہمے جاگھا، چمان چست کن و شمال، جنوب، روڈراتک و روئندئے نیمگا بچار، ¹⁵اے سجھین ملکا کہ تئو گندگا ائے، چہ منی نیمگا اے تان ابد تئی و تئی نسل و پدريچئیگ انت. ¹⁶تئی نسل و پدريچا زمينئے دنزانی پیما باز کنان، اگن کسے دنز و گباران حساب کرت کنت، گڑا تئی نسل و پدريچا ہم حساب کرت کنت. ¹⁷پادا، اے ملکئے ذراچی و پراہیا تر و گرد بکن، کہ اشیا من ترا دئیان.“ ¹⁸گڑا ایراما وتی گدان چست کرتنت و ہبرونا شت و ممرہئے مزین درچکانی نزیگا جہمند بوت. اؤدا پہ ہداوندا کربانجاہے اڈی کرت.

ایرام لوتا رکنیت

14 شینارئے بادشاہ امراپل و الاسرئے بادشاہ اریوک و ایلامئے بادشاہ کڈرلامر و گویمئے بادشاہ تیدالئے زمانگا، ²اے بادشاہان گون سدومئے بادشاہ بارہ و گمورہئے بادشاہ برشا و ادمہئے بادشاہ شتاب و سبویمئے بادشاہ شیمبر و بیلہئے بادشاہا جنگ کرت. بیلہئے دومی نام سوہر انت. ³نون اے گڈی پنچین بادشاہ، سدیمئے درگا،* بزبان وادزرئے* درگا یکجاہ بوتنت. ⁴اشان تان دوازده ساللا کڈرلامرئے ہزمت کرت و سیزدہمی ساللا سرکشی اش کرت. ⁵چاردہمی ساللا کڈرلامر گون ہمراہین بادشاہان آتک و

3:14 دَرگ، بزبان وادی، گوتر.

3:14 وادزر اسرائیلا مزن گورمے کہ مرتگین زر ہم گوشنتی.

mán Asterut-Karnaymá Repáhi mahluki prósh dát, Zuzi mahluki mán Háma o Émi mahluki mán Sháweh-Keryátaymá prósh dátant. ⁶ Hórái mahluki, mán kóhestagén molká, Sahirá beger tán El-Páráná prósh dát. El-Párán gyábánay nazzikká ent. ⁷ Nun per tarretant o En-Meshpátá bezán Kádeshá átkant o Amálikiáni sajjahén molkesh gept. Hasásun-Tamará neshtagén Amuriáni molkesh ham gept.

⁸ Gorhá Sodumay bádsháh, Gomurahay bádsháh, Admahay bádsháh, Sabuimay bádsháh o Bélahay, bezán Sóharay bádsháh, dhanná dar átkant o Seddimay daragájana gaytayáriesh kort o ⁹ gón Ilámay bádsháh Kedorlámer o Góimay bádsháh Tidál o Shináray bádsháh Amrápel o Elásaray bádsháh Aryuká jangesh kort, bezán chár bádsháh, panch bádsháhay helápá. ¹⁰ Seddimay darag cha dhámbaray kandhá porr at o wahdé Sodum o Gomurahay bádsháh tatkant, báz mardom é kandháni tahá kapt o é dega mardom dém pa kóhestagá tatkant. ¹¹ Gorhá chárén bádsháhán Sodum o Gomurahay sajjahén mál o maddhi o tóshag zort o shotant. ¹² Ebrámay brázátk Lut, Sodumá jahmenend at. Áesh ham gept o gón sajjahén mál o maddhiá gón wat bort.

¹³ Yakk mardomé tatk o Ebránién Ebrámay Kerrá átk o é háli dát. É wahdá Ebrám, Amurién Mamrehay mazanén drachkáni nazzikká neshtagat. Amurién Mamreh, Eshkul o Áneray brát at. Esháni o Ebrámay nyámá ahd o paymáné hastat. ¹⁴ Wahdé Ebrámá eshкот ke mani brázátk gerag o barag butag, wati hamá say sad o hazhdahén dar áwortagén* jangól, ke áiy lógá pédá butagatant, zortanti o tán Dánay shahrá dozhmenáni randá kapt. ¹⁵ Shapay wahdá áiy wati hamráh thóli thóliá bahr kortant o dozhmenay sará oroshi kort o próshi dátant o tán Hóbahá, ke Dameshkay shomálá ent, áyáni randá kapt. ¹⁶ Ebrámá sajjahén mál o maddhi pach geptant o wati brázátk Lut o áiy mál o hasti, janénádam o é dega mardom padá áwortant.

Malkisedik Ebrámá barkata dant

¹⁷ Wahdé Ebrám cha Kedorlámer o áiy hampattén* bádsháháni prósh dayagá rand per tarragá at, Sodumay bádsháh tán Sháwehay daragá, ke bádsháhay darag ent, áiy péshwázíá* átk. ¹⁸ Gorhá

14:14 Dar áwortagén, bezán tarbiat dátagén, kárzántén mardomé.

14:17 Hampatt, bezán hamá ke patt o sannatesh yakk ent, ettehádi, hampaymán.

14:17 Péshwází, bezán mardoméay démá rawag o sharap dayag.

رپاهی مهلوکی مان اشتروت کرنیما پرؤش دات، زوزی مهلوکی مان هاما و ایمی مهلوکی مان شاوه کریاتیما پرؤش دانت. ⁶ هورایی مهلوکی، مان کوهستگین ملکا، سهیرا بگر تان الپارانا پرؤش دات. الپاران گیابانے نژیگا انت. ⁷ نون پر ترنتت و انمشپاتا بزبان کادشا آتکنت و امالیکیانی سجھین ملکش گپت. هساسون تمارا نشتگین اموریانی ملکش هم گپت.

⁸ گڑا سدومئے بادشاه، گمورهئے بادشاه، آدمهئے بادشاه، سبویمئے بادشاه و بیلهئے، بزبان سوهرئے بادشاه، دُئا در آتکنت و سدیمئے درگا جنگئے تیاری اش کرت و ⁹ گون ایلامئے بادشاه کدرلامر و گویمئے بادشاه تیدال و شینارئے بادشاه امراپل و الاسرئے بادشاه آریوکا جنگش کرت، بزبان چار بادشاه، پنج بادشاهئے هلاپا. ¹⁰ سدیمئے درگ چه ڈامبرئے کنڈا پڑا ت و وهده سُدوم و گمورهئے بادشاه تتکنت، باز مردم اے کنڈانی تها کپت و اے دگه مردم دیم په کوهستگا تتکنت. ¹¹ گڑا چارین بادشاهان سُدوم و گمورهئے سجھین مال و مدئی و توشگ زرت و شتنت. ¹² ابرامئے برازاتک لوت، سُدوما جهمنند ات. آش هم گپت و گون سجھین مال و مدئا گون وت بُرت.

¹³ یگ مردمے تتک و ایرانین ابرامئے کرا آتک و اے هالی دات. اے وهدا ابرام، اموریین ممرهئے مزین درچکانی نژیگا نشتگ ات. اموریین ممره، اشکول و انرئے برات ات. اشانی و ابرامئے نیاما اهد و پییمانے هست ات. ¹⁴ وهده ابراما اشکت که منی برازاتک گرگ و برگ بوتگ، وتی هما سئے سد و هژدهین در آورتگین* جنگول، که آییئے لوگا پیدا بوتگ اتنت، زرتنتی و تان دانئے شهرا دژمنانی رندا کپت. ¹⁵ شپئے وهدا آیا وتی همراه تُولی تُولیا بھر کرتنت و دژمنئے سرا اُرشی کرت و پرؤشی داتنت و تان هو بها، که دمَشکئے شمالا انت، آیانی رندا کپت. ¹⁶ ابراما سجھین مال و مدئی پیچ گپتنت و وتی برازاتک لوت و آییئے مال و هستی، جنین آدم و اے دگه مردم پدا آورتنت.

ملکسیدیک ابراما برکت دنت

¹⁷ وهده ابرام چه کدرلامر و آییئے همپتین* بادشاهانی پرؤش دئیگا رند پر ترگا ات، سُدومئے بادشاه تان شاوهئے درگا، که بادشاهئے درگ انت، آییئے پینشوازیآ* آتک. ¹⁸ گڑا شلیمئے*

14:14 در آورتگین، بزبان تربیت داتگین، کارزانتین مردمے.

17:14 همپت، بزبان هما که پت و ستیش یگ انت، اتهادی، همپیمان.

Salimay* bádsháh Malkisediká, ke borzén arshay Hodáay dini péshwá at, nán o sharáb áwort. ¹⁹ Áiá Ebrám barkat dát o gwasht:

“Ebrám! Tará cha borzén arshay Hodá, ásmán o zeminay addh kanókay némagá barkat berasát.

²⁰ Borzén arshay Hodáya satá o saná bát ke dozhmeni tai dastá dátant.”

Gorhá Ebrámá, áiárá cha har chizzá dahyakk dát.

²¹ Sodumay bádsháhá gón Ebrámá gwasht: “Mani mardomán maná beday o mál o maddhián bezur, taig ant.” ²² Ebrámá gón Sodumay bádsháhá gwasht: “Man Hodáwanday démá, borzén arshay Hodá, ásmán o zeminay jórh kanókay démá dast chest kortag o sawgend wártag ²³ harché ke taig ent, man cha áyán heccha nazurán, yakk bandikké yá swásbandé ham nazurán. Chosh mabit taw begwashay ke Ebrám man hastómand kortag. ²⁴ Man hecch chizza nazurán abéd cha hamá warákán ke warnáyán wártagant o hamá mardománi bahrá ke mani hamráhiá átkagant, bezán Áner, Eshkul o Mamreh. Á wati bahrá bezurant.”

Gón Ebrámá Hodáay ahd o paymán

15 Cha é chizzán o rand, Hodáwanday habar elhám o shobénéay tahá pa Ebrámá átk: “Oo Ebrám! Mators, man tai espar án. Tai enám sakk mazan ent.” ² Bale Ebrámá gwasht: “Oo Hodáwandén Hodá! Taw maná ché dayay? Maná wa chokk nést o mani lógay wáres Dameshki Elizar ent.” ³ Padá gwashti: “Taw maná chokk o poshpádé nadáttag o bándá róch mani lógay hezmatkáré mani wáresa bit.” ⁴ Bale Hodáwanday habar Ebrámá sar but ke é hezmatkár tai wáresa nabit, tai jendá mardénchokké bit o hamá tai wáresa bit. ⁵ Hodáwandá Ebrám dhanná bort o gwasht: “Ásmáná bechár o estárán hesáb kan, agan hesábesh korta kanay. Tai nasl o padréch eshání paymá báza bit.” ⁶ Ebrámá Hodáwanday sará báwar kort o Hodáwandá Ebrámá é báwar, pa áiá páki o palgárié hesáb kort.

⁷ Nun Hodáwandá gón áiá gwasht: “Man hamá Hodáwand án ke tará cha Kaldániáni shahr, Urá daron kort o áwort ke é sardhagará tará bedayán o taw eshiay wáhond bebay.” ⁸ Bale Ebrámá gwasht: “Oo Hodáwandén Hodá! Man chón bezánán ke eshiay wáhonda bán?” ⁹ Gorhá Hodáwandá gwasht: “Pa man say sáligen mádagén góké, say sáligen bozé, say sáligen gwarándhé, shántolé o kasánén kapóté byár.”

بادشاه ملكيسديكا، كه بُرزين ارشئ هُداي ديني پيشوا ات، نان و شراب آورت. ¹⁹ آييا ابرام برکت دات و گوشت:

“اِبرام! ترا چه بُرزين ارشئ هُدا، آسمان و زمينئ اَدِّ كنوكئ نيمگا برکت برسات.

²⁰ بُرزين ارشئ هُدايا ستا و سنا بات كه دژمني تئبي دستا دانتت.

گُزا اِبراما، آييارا چه هر چيزًا دهَيگ دات.

²¹ سُدومئ بادشاهَا گون اِبراما گوشت: “مني مردمان منا بدئ و مال و مَدِّيَان بزور، تئبيگ انت.” ²² اِبراما گون سُدومئ بادشاهَا گوشت: “من هُداوندئ ديمَا، بُرزين ارشئ هُدا، آسمان و زمينئ جوژ كنوكئ ديمَا دست چست کرتگ و سئوگند وارتگ ²³ هرچه كه تئبيگ انت، من چه آيان هِچ نوزوران، يگ بنديگي يا سواس بندئ هم نوزوران. چُش مبيت تئو بگوشئ كه اِبرام من هستومند کرتگ. ²⁴ من هِچ چيزًا نوزوران آبيد چه هما وراكان كه ورنايان وارتگانئ و هما مردمانئ بهرا كه مني همراهيا آتكگانئ، بزآن آير، اشكول و ممره. آوتئ بهرا بزورنت.”

گون ابراما هُداي اهد و پئيمان

15 چه اے چيزان و رند، هُداوندئ هبر الهام و شبنينئ تها په اِبراما آتک: “او اِبرام! مئرس، من تئبي اسپر آن. تئبي انام سگ مزن انت.” ² بله اِبراما گوشت: “او هُداوندئ هُدا! تئو منا چه دئبي؟ منا وه چک نيست و مني لوگئ وارس دَمشکي ايليزر انت.” ³ پدا گوشتئ: “تئو منا چک و پُشپدئ ندادتگ و باندا روچ مني لوگئ هزمتکارئ مني وارس بيت.” ⁴ بله هُداوندئ هبر اِبراما سر بوت كه اے هزمتکار تئبي وارس نبيت، تئبي جندا مردين چگئ بيت و هما تئبي وارس بيت. ⁵ هُداوندا اِبرام دُتا بُرت و گوشت: “آسمانا بچار و استاران حساب کن، اگن حسابش کرت کنئ. تئبي نسل و پدريچ اِشانی پئما باز بيت.” ⁶ اِبراما هُداوندئ سرا باور کرت و هُداوندا اِبرامئ اے باور، په آييا پاکي و پلگاريه حساب کرت.

⁷ نون هُداوندا گون آييا گوشت: “من هما هُداوند آن كه ترا چه كلدانياني شهر اورا دزن کرت و آورت كه اے سردگارا ترا بدئيان و تئو اِشيئ و اهند بيئ.” ⁸ بله اِبراما گوشت: “او هُداوندئ هُدا! من چون بزنان كه اِشيئ و اهند بان؟” ⁹ گُزا هُداوندا گوشت: “په من سئ ساليگين مادگين گوکئ، سئ ساليگين بُزئ، سئ سئ ساليگين گورانئ، شانتلئ و کسانين کپوتئ بيار.” ¹⁰ اِبراما اے سجهين په هُداوندا آورت و دو کپا کرتنت و هر تل، دومي

¹⁰ Ebrámá é sajjahén pa Hodáwandá áwort o do kappá kortant o har tal, domi talay démá ér kort, bale morgi kapp nakortant. ¹¹ Dhundhwáren morg ke é jónáni sará neshtant, Ebrámá galléntant.

¹² Wahdé róch ér nendagá at, Ebrám gránén wábéa gept o bazén o torsnákén taháriéa áiy sará mán shánt. ¹³ Gorhá Hodáwandá gwasht: “Deljam bay o bezán ke tai nasl o padréch anchén sardhagárea darámadéay paymá jahmenenda bit ke á molk áyani naent. Tai óbádag ódá goláma bant o tán chár sad sálá zolm o zórakiay ámácha bant. ¹⁴ Bale man, á kawmá sezá dayán ke tai naslá goláma kant. Padá tai padréch gón mazanén mál o maddhiéa cha ódá dara kayt. ¹⁵ Bale taw wat pa émeni wati bonpirokáni kerrá raway o sharrén mazanén omréa rand kabr kanaga bay. ¹⁶ Tai padréch, cháromi naslá edá pera tarrít chéa ke Amuriáni badkári angat purah o sarjam nabutag.”

¹⁷ Róch ke ér nesht o taháriá mán shánt, ásdané ke dutt dayán at gón rókén mashaléa záher but o cha taláni nyámá gwast. ¹⁸ Á róchá Hodáwandá gón Ebrámá ahd o paymáné kort o gwashti: “Cha mani némagá é sardhagár cha Mesray shépá beger tán Parátay mazanén kawrá tai nasl o padréchayg ent, ¹⁹ bezán Kani o Kanizzi o Kadmuni o ²⁰ Hitti o Perizzi o Repáhi o ²¹ Amuri o Kanháni o Gergáshi o Yabusi mahlukay sarzemin.”

Hájer o Esmáél

16 Ebrámay lógi Sáráia chokka nabut. Sáráia Mesri móledé hastat ke námi Hájer at. ² Sáráia gón Ebrámá gwasht: “Hodáwandá mani dém dáshtag o chokk áworta nakanán. Taw beraw o gón mani móledá bwaps ke balkén maná cha áiy némagá chokké bebit.” Ebrámá Sáráiy gapp zort. ³ Wahdé Ebrámá dah sál Kanhána gwázéntagat, áiy jan Sáráia wati Mesri móled Hájer zort o Ebrámára pa jani dát. ⁴ Ebrámá gón Hájerá wapt o wáb kort o Hájeray láp porr but. Wahdé Hájerá zánt ke mani láp porr ent, wati bánokay mán nayáragi bendát kort. ⁵ Gorhá Sáráia gón Ebrámá gwasht: “É azáb o sheddát ke mani sará kaptag, eshiay zemmawár taw ay. Man wati móled tai bagalá dát o nun wahdé á zánt ke lápi porr ent, maná mána nayárit. Hodáwand mani o tai nyámá dásdras* bát.” ⁶ Bale Ebrámá gón Sáráia gwasht: “Tai móled tai dastá ent, gón áia hamá paymá bekan ke tai delá sharter ent.” Gorhá Sárái, Hájeray sará trond but o Hájer cha áia tatk.

16:5 Dádras, bezán hakkén paysalah kanók, hamá ke dádghán shawra borrit, dáwar.

تائے دیما ایر کرت، بله مَرگی کپ نکرنتت. ¹¹ ڈونڈوارین مَرگ که اے جُونانی سرا نشتنت، ابراما گلینتنت.

¹² وهده رُوج ایر نندگا ات، ابرام گرانین واینا گپت و بزین و ترسناکین تھارینا آیئے سرا مان شانت. ¹³ گڑا هداوندا گوشت: “دلجم بئے و بزآن که تئی نسل و پدريچ آنچین سردگارينا درامدئے پئیمما جهمند بیت که آ ملک آیانی نه انت. تئی ازیادگ اودا گلام بنت و تان چارسد ساللا زلم و زوراکئے اماچ بنت. ¹⁴ بله من، آ کئوما سزا دئیان که تئی نسللا گلام کنت. پدا تئی پدريچ گون مزین مال و مدیئا چه اودا در کئیت. ¹⁵ بله تتو وت په ایمنی وتی بئیرگانی کرا رتوئے و شرین مزین امریا رند کبر کنگ بئے. ¹⁶ تئی پدريچ، چارمی نسللا ادا پرتیت چیا که اموریانی بدکاری انگت پوره و سرجم نبوتگ.”

¹⁷ رُوج که ایر نشت و تھاریا مان شانت، آسدانے که دوت دئیان ات گون روکین مشلئا زاهر بوت و چه تلانی نیما گوست. ¹⁸ آ رُوجا هداوندا گون ابراما اهد و پئیمانے کرت و گوشتی: “چه منی نیمگا اے سردگار چه مسرئے شپیا بگر تان پراتے مزین کئورا تئی نسل و پدريچئیک انت، ¹⁹ بزآن کئی و کئیزی و کدمونی و ²⁰ هیتی و پریزی و رپاهی و ²¹ اموری و کنهانی و گرگاشی و بیوسی مهلوکئے سرزمین.”

هاجر و اسماعیل

16 ابرامے لُگی سارییا چُگ نبوت. سارییا مسری مؤلدے هستات که نامی هاجر ات. ² سارییا گون ابراما گوشت: “هداوندا منی دیم داشتگ و چُگ آورت نکان. تتو برتو و گون منی مؤلدا بوپس که بلکین منا چه آیئے نیمگا چُگے بییت.” ابراما سارییے گپ زرت. ³ وهده ابراما ده سال کنهانا گوازینتگات، آیئے جن سارییا وتی مسری مؤلد هاجر زرت و ابرامارا په جنی دات. ⁴ ابراما گون هاجر پت و واب کرت و هاجرئے لاپ پرت بوت. وهده هاجر زانت که منی لاپ پرت انت، وتی بانکئے مان نئیارگی بندات کرت. ⁵ گڑا سارییا گون ابراما گوشت: “اے ازاب و شدت که منی سرا کپتگ، اشیئے زمهوار تتو ائے. من وتی مؤلد تئی بگلا دات و نون وهده آ زانت که لاپی پرت انت، منا مان نئیاریت. هداوند منی و تئی نیما دادرس* بات.” ⁶ بله ابراما گون سارییا گوشت: “تئی مؤلد تئی دستا انت، گون آییا هما پئیمما بکن که تئی دلا شرت انت.” گڑا ساریی، هاجرئے سرا ترند بوت و هاجر چه آییا تتک.

16:5 دادرس، بزآن هکین پیسله کنوک، هما که دادگاهان شور برت، داور.

⁷Hodáwanday préshtagá Hájer gyábáná, chammagéay kerrá dist. É hamá chammag ent ke Shuray ráhay sará ent. ⁸Préshtagá gwasht: “Oo Hájer, Sáráiy móled! Taw cha kojá átkagay o kojá rawagá ay?” Hájerá gwasht: “Man cha wati bánok Sáráiy tachagá án.” ⁹Gorhá Hodáwanday préshtagá gwasht: “Wati bánokay kerrá wátarr kan o watá hamáiy dastá day.” ¹⁰Préshtagá chosh ham gwasht: “Hodáwanda gwashtit ke man tai nasl o padréchá anchó báza kanán ke cha hesábá dhanna bant.”

¹¹Hodáwanday préshtagá padá gwasht:

“Nun taw lápporr ay o
mardénchokké káray.
Chokkay námá Esmáél* bekan
chéá ke Hodáwandá tai peryát eshкотag.
¹²É bachakk wakshién haré bit.
É sajjahénáni dozhmena bit o
sajjahén eshiay dozhmeniá kanant.
É wati zendá gón wati sajjahén brátán
pa jang o jérhaha gwázénit.”

¹³Hodáwandá ke gón Hájerá habar kort, Hájerá Hodáwandará é nám bast: “Taw hamá Hodá ay ke maná genday.” Chéá ke Hájerá gwasht: “Nun man hamá dist ke maná modáma gendit.” ¹⁴Paméshká é chát, Behér-Lahái-Rui* nám kapt. É chát, Kádesh o Béreday nyámá ent.

¹⁵Gorhá Hájerá pa Ebrámá mardénchokké pédá kort o Ebrámá Hájeray áwortagén chokkay nám Esmáél kort. ¹⁶Wahdé Hájer pa Esmáélá chellag but, Ebrámay omr hashtád o shash sál at.

Sonnat kanagay ahd o paymán

17 Ebrámá ke nawad o noh sál but, Hodáwand áiy démá záher but o gwashti: “Man porwákén Hodá án, mani ráhá beraw o pa bémayári zend begwázén. ²Man wati o tai nyámay ahd o paymáná pakká kanán ke tai chokk o nomásagán sakk báza kanán.” ³Gorhá Ebrám dém pa chér kapt o Hodáyá gón áiy gwasht: ⁴“Bechár, é gón taw mane Hodáay ahd o paymán ent ke taw bázén kawméay peta bay. ⁵Cha ed o rand tai nám Ebráma* nabit, tai

16:11 Esmáélay máná ent “Hodá eshkont”.

16:14 Ebráni zobáná Behér-Lahái-Ruiay máná ent: “Zendagén Hodáay chát, hamá Hodá ke maná gendit”.

17:5 Ebráhémay máná “bázénéay pet” ent.

17:5 Ebrámay máná “mazanshánén pet” ent.

⁷هُدَاوَنْدَئِ پَرِيشْتِگَا هَاچِرْ گِیَابَانَا، چَمَگِئِئِ کِرَا دِیَسْت. اِے هَمَا چَمَگِ اِنْتِ کِه شُورْئِ رَاهْئِ سَرَا اِنْتِ. ⁸پَرِيشْتِگَا گُوشْتِ: “اَوْ هَاچِرْ، سَارَايِئِئِ مَوْلِدَا! تَوو چِه کَجَا اَتَکَگَئِئِ و کَجَا رُوگَا ائِئِ؟” هَاچِرَا گُوشْتِ: “مَنْ چِه وْتِی بَانُکِ سَارَايِیَا تَچْگَا اَن.” ⁹گُرَا هُدَاوَنْدَئِ پَرِيشْتِگَا گُوشْتِ: “وْتِی بَانُکَئِئِ کِرَا وَا تَرَّ کَنْ و وَا هَمَايِئِئِ دَسْتَا دَئِئِ.” ¹⁰پَرِيشْتِگَا چُشْ هَم گُوشْتِ: “هُدَاوَنْدَ گُوشِیْتِ کِه مَنْ تَئِیئِ نَسْلِ و پَدْرِیچَا اِنچُو بَا زَ کَنْنَا کِه چِه هَسَابَا دَنْ بَنْت.”

¹¹هُدَاوَنْدَئِ پَرِيشْتِگَا پَدَا گُوشْتِ:

“نُون تَوو لَپْپَرَّ ائِئِ و
مَرْدِیْنِ چُکْکَئِئِ کَارْئِئِ.
چُکْکَئِئِ نَامَا اِسْمَايِلْ* بَکَنْ
چِیَا کِه هُدَاوَنْدَا تَئِیئِ پَرِیَا اِشْکَتِگِ.
¹²اِے بَچْکْ و کَشِیئِئِ هَرْئِ بَیْتِ
اِے سَجْهَیْنَانِی دُزْمَنْ بَیْتِ و
سَجْهَیْنِ اِشِیئِئِ دُزْمِنَا کَنْتِ.
اِے وْتِی زَنْدَا گُونِ وْتِی سَجْهَیْنِ بَرَاتَانِ
پِه جَنْگِ و جِیْزَهَ گُوزَانِیْتِ.”

¹³هُدَاوَنْدَا کِه گُونِ هَاچِرَا هَبْرْ کَرْتِ، هَاچِرَا هُدَاوَنْدَارَا اِے نَامِ بَسْتِ: “تَوو هَمَا هُدَا ائِئِ کِه مَنَا گَنْدَئِئِ.” چِیَا کِه هَاچِرَا گُوشْتِ: “نُون مَنْ هَمَا دِیَسْتِ کِه مَنَا مُدَامَ گَنْدِیْتِ.” ¹⁴پَمِیْشْکَا اِے چَاتِ، بَهِیْرْهَیْیِ رُویئِئِ نَامِ کَپْتِ. اِے چَاتِ، کَادِشْ و بَیْرْدَئِئِ نِیَامَا اِنْتِ.

¹⁵گُرَا هَاچِرَا پِه اِبْرَامَا مَرْدِیْنِ چُکْکَئِئِ پِیْدَا کَرْتِ و اِبْرَامَا هَاچِرْئِ اَوْرْتِگِیْنِ چُکْکَئِئِ نَامِ اِسْمَايِلْ کَرْتِ. ¹⁶وَهْدَئِ هَاچِرْ پِه اِسْمَايِلَا چَلْگِ بُوْتِ، اِبْرَامَئِئِ اَمْرِ هَشْتَادِ و شَشْ سَالِ اَتِ.

سُنْتِ کَنْگَئِئِ اَهْدِ و پَئِیْمَانِ

17 اِبْرَامَا کِه نَوُودِ و نُهْ سَالِ بُوْتِ، هُدَاوَنْدَا اِیئِئِ دِیْمَا زَاهِرِ بُوْتِ و گُوشْتِئِ: “مَنْ پُرُوَاکِیْنِ هُدَا اَن، مَنْی رَاهَا بَرُوُو و پِه بَیْمَیْیَارِی زَنْدِ بَگُوزَانِئِ. ²مَنْ وْتِی و تَئِیئِ نِیَامَئِئِ اَهْدِ و پَئِیْمَانَا پَکَا کَنْنَا کِه تَئِیئِ چُکْکِ و نَمَاسْگَانِ سَکْ بَا زَ کَنْنَا.” ³گُرَا اِبْرَامِ دِیْمِ پِه چِیْرْ کَپْتِ و هُدَايَا گُونِ اِیْیَا گُوشْتِ: ⁴“بَچَار، اِے گُونِ تَوو مَنْ هُدَائِئِ اَهْدِ و پَئِیْمَانِ اِنْتِ کِه تَوو بَا زِیْنِ کُتُوْمِئِئِ پَتِ بَئِئِ. ⁵چِه اِدِ و رَنْدِ تَئِیئِ نَامِ اِبْرَامِ* نَبِیْتِ، تَئِیئِ نَامِ اِبْرَاهِیْمِ* بَیْتِ،

11:16 اِسْمَايِلْئِئِ مَنَا اِنْتِ “هُدَا اِشْکَنْتِ.”

14:16 اِبْرَانِی زُبَانَا بَهِیْرْهَیْیِ رُویئِئِ مَنَا اِنْتِ: “زَنْدِگِیْنِ هُدَائِئِ چَاتِ، هَمَا هُدَا کِه مَنَا گَنْدِیْتِ.”

nám Ebráhéma* bit, chéa ke man tará bázén kawméay pet kortag. ⁶ Man tará sakk báz porsamara kanán o cha taw kawm o ráj jórha kanán o cha taw bádsháh wadia bant. ⁷ Man wati o tai nyámay ahd o paymáná abadmánén ahd o paymáné jórha kanán, gón taw o gón tai áyókén nasl o padréchá. Man tai Hodá án o cha taw rand tai poshpaday Hodá bán. ⁸ Man Kanhánay sajjahén sardhagará, ke annun taw edá darámadé ay, tai o cha taw rand tai nasl o padréchay abadi melkata kanán o áyáni Hodá bán.”

⁹ Gorhá Hodáyá gón Ebráhémá gwasht: “Bale tawe Ebráhém báyad ent mani ahd o paymáná barjáh bedáray, tai jend o tai nasl o padréch, posht dar posht. ¹⁰ Mani ahd o paymán gón tai jendá o cha taw rand gón tai poshpadá esh ent o báyad ent shomá barjáhi bedárét: Shomay har mardén báyad ent borrok o sonnat kanag bebit. ¹¹ Shomá watá sonnat bekanáénét. Éhamá ahd o paymánay neshánia bit ke mani o shomay nyámá ent. ¹² Áyókén nasl o padrécháni tahá, shomay nyámá hamok hasht róchigén mardénchokk báyad ent sonnat kanag bebit, tahná shomay jenday lógay chokk na, hamá zarharidén* golámchokk ham ke shomay nasl o padréch naant o shomá cha dhanni mardomán pa bahá zortagant, á ham sonnat kanag bebant. ¹³ Toré shomay lógá pédá bebant yá ke shomá áyán pa bahá begerét, báyad ent sonnat kanag bebant. É paymá shomay jesm o jáná, mani ahd o paymán abadmána bit. ¹⁴ Har sonnat nakortagén mardén ke jesmi sonnat kanag nabutag, cha wati kawmá sendaga bit, chéa ke mani ahd o paymání próshtag.”

¹⁵ Hodáyá gón Ebráhémá gwasht: “Bale wati lógi Sáráia cha ed o rand Sárái tawár makan, áiy nám Sáráha* bit. ¹⁶ Man barkatia dayán o tará cha áia mardénchokké bit. Man Sáráha barkata dayán o á kawmáni máta bit, kawmáni bádsháh cha áia pédá bant.” ¹⁷ Gorhá Ebráhém dém pa chér kapt o kandeti o wati delá gwashti: “Cha sad sáligén mardéa chokké pédá bit? Sáráh nawad sálagia chokké kárit?” ¹⁸ Ebráhémá gón Hodáyá gwasht: “Esmáél wati zendá tai bárgáhá begwázénát.”

¹⁹ Hodáyá gwasht: “Enna, tai jan Sáráh chokké kárit o taw báyad ent chokkay námá Esák* bekanay. Man wati ahd o paymáná gón Esáká barjáha dárán o cha áia rand, é pa áiy nasl o padréchá abadmánén ahd o paymáné bit. ²⁰ Esmáélay bárawá ham man tai habar gósh dásht: Man áia allam barkata dayán, áia porsamara kanán o áiy nasl o padréchá sakk

chía ke man tará bázín kthómíyē pēt krtg. ⁶ Man trāsck bāz pūrsmr̄ knān w chē tthō kthōm w rāc jōzū knān w chē tthō bādshāh w dī bnt. ⁷ Man w tī w tīyī nīamīē āhd w pīimāna ābdmānīn āhd w pīimānē jōzū knān, gōn tthō w gōn tīyī āyōkīn nsl w pdrīčā. Man tīyī hūda ān w chē tthō rnd tīyī pūshpdāē hūda bān. ⁸ Man knhānāy sājghīn srdgārā, kē ānōn tthō īdā drāhdē āē, tīyī w chē tthō rnd tīyī nsl w pdrīčēē ābdī mlkt knān w āyānī hūda bān.”

⁹ Gōzā hūdayā gōn ībrahīmā gōsh: “Blē tthō ībrahīm bāyd ānt mny āhd w pīimāna brjah bdrāē, tīyī jnd w tīyī nsl w pdrīč, pūshd dr pūshd. ¹⁰ Mny āhd w pīimān gōn tīyī jndā w chē tthō rnd gōn tīyī pūshpdā īsh ānt w bāyd ānt shmā brjahī bdrāit: shmē hr mrdīn bāyd ānt bŕk w snt kng bīit. ¹¹ Shmā w tā snt bknānīit. āē hmā āhd w pīimānē nshānī bīit kē mny w shmē nīamā ānt. ¹² āyōkīn nsl w pdrīčānī tēhā, shmē nīamā hm̄k hshd rōčīgīn mrdīn čk bāyd ānt snt kng bīit, tēhā shmē jndēē lōgēē čk nē, hmā zrhrīdīn* glām čk hm kē shmē nsl w pdrīč nē ānt w shmā chē dūī mrdmān pē bhā zr̄tg ānt, ā hm snt kng bīnt. ¹³ tŕē shmē lōgā pīdā bīnt yā kē shmā āyān pē bhā bgrīt, bāyd ānt snt kng bīnt. āē pīimā shmē jsm w jānā, mny āhd w pīimān ābdmān bīit. ¹⁴ hr snt nkr̄tgīn mrdīn kē jsmī snt kng nbōtg, chē w tī kthōmā sīndg bīit, chīā kē mny āhd w pīimānī pŕōshdg.”

¹⁵ hūdayā gōn ībrahīmā gōsh: “Blē w tī lōgī sārāyīā chē īd w rnd sārāyī tthōār mkn, āyīē nām sārē* bīit. ¹⁶ Man brktī dīān w trā chē āyīā mrdīn čkēē bīit. Man sārāhā brkt dīān w ākthōmānī mā t bīit, kthōmānī bādshāh chē āyīā pīdā bnt.” ¹⁷ Gōzā ībrahīm dīm pē chīr kīpt w kndī tī w tī dā gōsh tī: “chē sd sālīgīn mrdīā čkēē pīdā bīit? sārē nōd sālīgīā čkēē kārīt?” ¹⁸ ībrahīmā gōn hūdayā gōsh: “īsmāīl w tī zndā tīyī bārghāhā bgōwāzītāt.”

¹⁹ hūdayā gōsh: “ānē, tīyī jn sārē čkēē kārīt w tthō bāyd ānt čkēē nāmā īsāk* bknēē. Man w tī āhd w pīimānā gōn īsākā brjah dārān w chē āyīā rnd, āē pē āyīē nsl w pdrīčā

5:17 İbraimē māna “mōz shānīn pēt” ānt.

5:17 İbraimē māna “bāzītīyē pēt” ānt.

12:17 Zrhrīdīn, bzān bhā zr̄tgīn.

15:17 Sārēhē māna “jīnkīn shēzādāg” ānt.

19:17 İsākē māna ānt “āknđīt”.

17:5 Ebráhémāy mánā “bázénéay pet” ent.

17:12 Zarharidén, bezán bahá zortagén.

17:15 Sárāhay mánā “jenekkén shahzādāg” ent.

17:19 Esákay mánā ent “á kandit”.

báza kanán. Á dwázdah shahzádagay peta bit o cha áia mazanén kawmé pédá kanán. ²¹ Bale wati ahd o paymáná gón Esáká barjáha dárán ke démi sálá hamé wahdá cha Sárahá pédá bit.” ²² Wahdé Hodáyá wati habar gón Ebráhémá halás kortant, cha áiaiy kerrá borzád shot.

²³ Hamá róchá Ebráhémá wati chokk Esmáél, wati lógá pédá butagén sajjahén mardén o zarharidén golám, lógay sajjahén mardén zort o sonnat kanántant, hamá paymá ke Hodáyá gwashtagat. ²⁴ Ebráhém wahdé sonnat kanag but, omri nawad o noh sál at. ²⁵ Áiaiy chokk Esmáélá sézdah sál at. ²⁶ Pet o chokk hamá yakkén róchá sonnat kanag butant. ²⁷ Ebráhémay lógay sajjahén mardén, hamá ke áiaiy lógá pédá butagatant o hamá zarharidén golám ke áia cha dhanni mardomán pa bahá zortagatant, gón áia hórígá sonnat kanag butant.

Say préshtag

18 Hodáwand Mamrehay mazanén drachkání nazzikká Ebráhémay démá záher but. Némróchay thák* at o Ebráhém wati gedánay dapá neshtagat. ² Ebráhémá chamm chest kortant, disti ke say mard mani nazzikká óshtát. Áia ke distant, cha gedánay dapá pa eshtápi áyáni wasshátka shot, pa adab sari jahl kort o ³ gwashti: “Oo mani wájah! Maná ezzat beday, cha wati hezmatkára sar magwaz o gón man bejall. ⁴ Bell bachakk pa shomay pádání shódagá kammé ápa kárant, shomá drachkay chérá áram kanét. ⁵ Shomá ke wati hezmatkáray kerrá átkagét, bell pa shomá waraga káran, áp o támé bekanét o randá démá berawét.” Gwashtesh: “Sharr, harché ke taw gwashay.” ⁶ Ebráhém eshtáp eshtápá Sárahay kerrá gedána shot o gwashti: “Zutt kan, say kyás* sharrén árt bezur, tarresh kan o nagan bepach.” ⁷ Ebráhémá wat dém pa góromá* maydán kort, sharrén pazzórén gwaské* dari chet o hezmatkaréá dáti. Hezmatkára zutt addh kort. ⁸ Gorhá shir o shillánch o patkagén góshti zort o áyáni démá dátant. Á ke waragá atant, Ebráhém áyáni kerrá, drachkay chérá óshtát.

18:1 Némróchay thák, bezán némróchay hamá wahd ke róch sakk garm ent.

18:6 Ebrániáni say kyás, kesás pánzdah kilu ent.

18:7 Górom, bezán gókání ramag, báz gók.

18:7 Gwask, bezán góló, gókay chokk.

ábdmanín áhd o pýimáné bit. ²⁰ Ismáílé barúo ham men týí hber gósh dast: men áia alm brkt dýan, áia púsmér kanan o áieé nسل و پدریچا سگ باز کنان. آ دوازده شهزادگئے پت بیت و چه áia mzinín kthomé pída kanan. ²¹ بله وتی áhd o pýimána gón Isaka brjahé daran ke dýmí sala hamé wéda che sarha pída bit.” ²² وهده هدايا وتی هبر گون ابراهيم هلاس کرتنت، چه áieé kúra búrad shot.

²³ Hma rója Ebráheima wati chokk Ismaél, wati lóga pída botgín sajjehín mrdín o zrhridín glám, lógté sajjehín mrdín zrt o snnt knáintnt, hma píma ke hdaia goshtagat. ²⁴ Ebráheim wéde snnt kng bot, amri ntd o né sal at. ²⁵ áieé chokk Ismaíla sízde sal at. ²⁶ pt o chokk hma ykín rója snnt kng botnt. ²⁷ Ebráheime lógté sajjehín mrdín, hma ke áieé lóga pída botg antnt o hma zrhridín glám ke áia che dtí mrdman pe beha zrtg antnt, gón áia hórígá snnt kng botnt.

سے پریشنگ

18 Hdaوند ممرههه مzinín drchání nziá Ebráheime díma zaher bot. Nímroché thák* at o Ebráheim wati gdáné dípa nshngat. ² Ebráheima chm chest kortnt, díste ke sée mrd mni nziá oshatag. áia ke dístnt, che gdáné dípa pe ishápí áyáni wshatka shot, pe áb sry jehl krt o ³ góshthi: “Oo mni wájah! Maná ezzat beday, cha wati hezmatkára sar magwaz o gón man bejall. ⁴ Bell bachakk pa shomay pádání shódagá kammé ápa kárant, shomá drachkay chérá áram kanét. ⁵ Shomá ke wati hezmatkáray kerrá átkagét, bell pa shomá waraga káran, áp o támé bekanét o randá démá berawét.” Gwashtesh: “Sharr, harché ke taw gwashay.” ⁶ Ebráheim eshtáp eshtápá Sárahay kerrá gedána shot o gwashti: “Zutt kan, say kyás* sharrén árt bezur, tarresh kan o nagan bepach.” ⁷ Ebráheim wat dém pa góromá* maydán kort, sharrén pazzórén gwaské* dari chet o hezmatkaréá dáti. Hezmatkára zutt addh kort. ⁸ Gorhá shir o shillánch o patkagén góshti zort o áyáni démá dátant. Á ke waragá atant, Ebráheim áyáni kerrá, drachkay chérá óshtát.

18:1 Nímroché thák, bezán nímroché hma wéde che róch sakk garm ent.

18:6 Ebrániáni sée kias, kias pánzde kilu ent.

18:7 Górom, bezán gókání rmg, báz gók.

18:7 Gósk, bezán góló, gókay chokk.

⁹ Áyán jost gept: “Tai lógi Sáraha kojá ent?” Ebráhémá passaw dát: “Ódá gedánay tahá ent.”¹⁰ Gorhá cha áyán yakkéa gwasht: “Áyókén sálá hamé wahdá allamá tai kerrá pera tarrán o tai lógi Sáraha mardénchokké gwarána bit.” Sáraha áiy poshti némagá, gedánay dapá, gósh dáragá at.¹¹ Nun Ebráhém o Sáraha pir o ájez atant o Sáraha janéni máhánaga nabut.¹² Gorhá Sáraha delá kandet o gwasht: “Man pir án o mani wájah ájez ent, nun maná che wasshi o lezzaté rasit?”¹³ Gorhá Hodáwandá gón Ebráhémá gwasht: “Sáraha chéa kandet o gwasht: ‘É piránsariá, pa rásti maná chokké bit?’¹⁴ Choshén káré hast ke pa Hodáwandá grán bebit? Gisshtagén wahdá, démi sálá tai kerrá pera tarrán o Sáraha mardénchokké bit.”¹⁵ Sáraha torset, drógi bast o gwashti: “Man nakandet.” Bale Hodáwandá gwasht: “Pa rásti taw kandet.”

Gón Hodáyá Ebráhémay dazbandi

¹⁶ É sayén mard cha ódá pád átk o ráh geptant. Dém pa Sodumá cháretesh. Ebráhém ham shot gón ke áyán rahádag bekant.¹⁷ Gorhá Hodáwandá gwasht: “Á kár ke maná kanagi ent, cha Ebráhémá chéri bedayán?”¹⁸ Ebráhém allamá mazan o zórmandén kawmé jórha bit o áiy sawabá zeminay sajjahén kawm barkata gerant.¹⁹ Chéa ke man, Ebráhém dar chetag ke wati chokk o lógay mardomán hokm bedant ke cha áiyá rand, pa pahrézkári o ensáp mane Hodáwanday ráhá rawán bebant tánke pa Ebráhémá hamá kárá bekanán ke gón áiyá kawlon kortag.”

²⁰ Gorhá Hodáwandá gwasht: “Sodum o Gomurahay helápá peryáté chest ent. Áyáni gonáh haminchok báz ant²¹ ke man jahláda rawán o charán báren áyáni kortagén kár hamá peryátay kaddá báz ant ke pa man sar butag? Agan chosh naent, wa man sahiga bán.”²² Gorhá á mardán wati ráh táb dát o dém pa Sodumá shotant, bale Ebráhém angat Hodáwanday bágáhá óshtók at.²³ Gorhá Ebráhém nazzikk átk o gwashti: “Taw pa rásti pahrézkará ham gón badkára rópay o baray? ²⁴ Agan shahrá panjáh pahrézkáren mardom bebit, gorhá? Angat á shahrá rópay o baray? Hamá panjáhén pahrézkaráni háterá á shahrá nabakshay? ²⁵ Cha tai dastá choshén káré mabát ke pahrézkára gón badkára hór bekoshay o pahrézkár o badkára yakkén chammá becháray. Sajjahén jahánay dádras pa hakk o ensáp kára nakant?”

²⁶ Hodáwandá gwasht: “Agan Sodumay shahrá panjáh pahrézkár begendán, áyáni háterá á sajjahén jágahá bakshán.”²⁷ Ebráhémá passaw dát o gwasht:

⁹ Áyán júst gépt: “Tíyí lógi sárah kaja ent?” Ebrahíma pástow dat: “Óda gđante taha ent.”¹⁰ Gza che áyan ykna gósh: “Áyókén sálá hamé wahdá allamá tai kerrá pera tarrán o tai lógi Sáraha mardénchokké gwarána bit.” Sáraha áiy poshti némagá, gedánay dapá, gósh dáragá at.¹¹ Nun Ebrahíma pir o ájez atant o Sáraha janéni máhánaga nabut.¹² Gza Sáraha delá kandet o gwasht: “Man pir án o mani wájah ájez ent, nun maná che wasshi o lezzaté rasit?”¹³ Gorhá Hodáwandá gón Ebrahíma gwasht: “Sáraha chéa kandet o gwasht: ‘É piránsariá, pa rásti maná chokké bit?’¹⁴ Choshén káré hast ke pa Hodáwandá grán bebit? Gisshtagén wahdá, démi sálá tai kerrá pera tarrán o Sáraha mardénchokké bit.”¹⁵ Sáraha torset, drógi bast o gwashti: “Man nakandet.” Bale Hodáwandá gwasht: “Pa rásti taw kandet.”

Gón Húdayá Ebrahímayé dzbandi

¹⁶ Áe séyén mard che óda pád átk o ráh géptant. Dém pé sóduma chártesh. Ebrahíma ham shat gón ke áyan rihadg bkont. ¹⁷ Gza Húdaya gósh: “Á kár ke mana kngi ent, che Ebrahíma chéri bedayán?”¹⁸ Ebrahíma mazan o zórmandén kawmé jórha bit o áiy sawabá zeminay sajjahén kawm barkata gerant.¹⁹ Chéa ke man, Ebrahíma dar chetag ke wati chokk o lógay mardomán hokm bedant ke cha áiyá rand, pa pahrézkári o ensáp mane Húdayanday ráhá rawán bebant tánke pa Ebrahíma hamá kárá bekanán ke gón áiyá kawlon kortag.”

²⁰ Gza Húdaya gósh: “Sódum o gómurháy helápá peryáté chest ent. Áyáni gonáh haminchok báz ant²¹ ke man jahláda rawán o charán báren áyáni kortagén kár hamá peryátay kaddá báz ant ke pa man sar butag? Agan chosh naent, wa man sahiga bán.”²² Gza Ámrdan wati ráh táb dát o dém pa Sódumá shotant, bale Ebrahíma angat Húdayanday bágáhá óshtók at.²³ Gza Ebrahíma nazzikk átk o gwashti: “Taw pa rásti pahrézkára ham gón badkára rópay o baray? ²⁴ Agan shahrá panjáh pahrézkáren mardom bebit, gorhá? Angat á shahrá rópay o baray? Hamá panjáhén pahrézkaráni háterá á shahrá nabakshay? ²⁵ Cha tai dastá choshén káré mabát ke pahrézkára gón badkára hór bekoshay o pahrézkár o badkára yakkén chammá becháray. Sajjahén jahánay dádras pa hakk o ensáp kára nakant?”

²⁶ Húdaya gósh: “Ágán sódumáy shahrá panjáh pahrézkár begendán, áyáni háterá á sajjahén jágahá bakshán.”²⁷ Ebrahíma passaw dát o gwasht:

“Man ke hák o poré án, man nun haminkas delér butagán ke gón Hodáwandá habara kanán, ²⁸ bale agan cha panjáhen pahrézkáran panch kamm bebit, pa é panchén mardománi kamm bayagá sajjahén shahrá tabáha kanay?” Hodáwandá passaw dát: “Agan man chell o panch ham begendán, shahrá tabáha nakanán.” ²⁹ Ebráhémá padá gón áíá gwasht: “Agan chell bebant?” Hodáwandá gwasht: “Hamé chellénáni háterá ham tabáhia nakanán.” ³⁰ Gorhá gwashti: “Oo Hodáwand! Zahr magerátay, bale bell ke man habara kanán, agan tahná si bebant?” Hodáwandá passaw dát: “Agan si begendán ham shahrá tabáha nakanán.” ³¹ Ebráhémá gwasht: “Nun ke man del kortag o gón tawe Hodáwandá habar kanagá án, agan ódá tahná bist bebit?” Gwashti: “É bisténáni háterá ham shahrá tabáha nakanán.” ³² Ebráhémá gwasht: “Oo Hodáwand! Zahr magerátay, man angat gappé kanaga lóthán. Agan ódá tahná dah bebit, gorhá?” Passawi tarrént: “Á dahén mardománi háterá ham á shahrá tabáha nakanán.”

³³ Wahdé Hodáwandá gón Ebráhémá habar halás kort, cha ódá shot o Ebráhém ham wati lógá per tarret.

Sodumay gonáh

19 Bégáhá, doén préshtag Sodumá sar butant. Lut shahray darwázagay dapá neshtagat. Wahdé préshtagi distant, pád átk o áyáni péshwaziá shot, pa adab sari jahl kort o ² gwashti: “Oo mani wájahán! Wati kasteray lógá byáét o wati pádán beshódét. Shapá hamedá bejallét o bámgwáhá sar begerét.” Áyán gwasht: “Enna, má wati shapá shahray cháráráh gwashténén.” ³ Bale Lutá haminchok mennat kortant ke áyán ráh táb dát o Lutay lógá shotant gón. Lutá pa áyán shámé tayár kort, béhomirén nagani addh kort o áyán wárt.

⁴ Áangat nawaptagatant ke cha Sodumay har kondhá sajjahén mardén, pir o warná átkant o lógesh angerr* kort. ⁵ Áyán Lut gwánk jat o gwasht: “Hamé bachakk ke enshapi tai lógá átkagant, kojá ant? May kerrá byáresh ke má gón áyán wapt o wába kanén.”

⁶ Lut dhanná dar átk o poshtá darwázagi band kort. ⁷ Gwashti: “Na, mani brátán! Man dasta bandán, é badén kára makanét. ⁸ Bechárét, maná do janénchokk hast ke angat gón hecch mardéná wapt o wábesh nakortag. Man áyán shomay kerrá káran, gón áyán

dat o gósh: “man ke hák o poré án, man nun haminkas delér butagán ke gón Hodáwandá habara kanán, ²⁸ bale agan cha panjáhen pahrézkáran panch kamm bebit, pa é panchén mardománi kamm bayagá sajjahén shahrá tabáha kanay?” Hodáwandá passaw dát: “Agan man chell o panch ham begendán, shahrá tabáha nakanán.” ²⁹ Ebráhémá padá gón áíá gwasht: “Agan chell bebant?” Hodáwandá gwasht: “Hamé chellénáni háterá ham tabáhia nakanán.” ³⁰ Gorhá gwashti: “Oo Hodáwand! Zahr magerátay, bale bell ke man habara kanán, agan tahná si bebant?” Hodáwandá passaw dát: “Agan si begendán ham shahrá tabáha nakanán.” ³¹ Ebráhémá gwasht: “Nun ke man del kortag o gón tawe Hodáwandá habar kanagá án, agan ódá tahná bist bebit?” Gwashti: “É bisténáni háterá ham shahrá tabáha nakanán.” ³² Ebráhémá gwasht: “Oo Hodáwand! Zahr magerátay, man angat gappé kanaga lóthán. Agan ódá tahná dah bebit, gorhá?” Passawi tarrént: “Á dahén mardománi háterá ham á shahrá tabáha nakanán.”

³³ Wahdé Hodáwandá gón Ebráhémá habar halás kort, cha ódá shot o Ebráhém ham wati lógá per tarret.

سُدومئے گناہ

19 بیگاہا، دوین پریشتگ سُدوما سر بوتنت. لوت شہرے دروازگئے دیا نشتگات. وھدے پریشتگی دیستنت، پاد آتک و آیانی پیشوازی شت، پہ ادب سری جھل کرت و ² گوشتی: “او منی واجهان! وتی کسترے لوگا بیایت و وتی پادان بشودیت. شپا ہمدیا بجلیت و بامگواھا سر بگریت.” آیان گوشت: “انہ، ما وتی شپا شہرے چارراھا گوازینین.” ³ بلہ لوتا ہمینچک منت کرتنت کہ آیان راہ تاب دات و لوتے لوگا شتنت گون. لوتا پہ آیان شامے تئیار کرت، بیہمیرین نگنی اڈ کرت و آیان وارت.

⁴ آنکنت نئوپتگ آنتت کہ چہ سُدومئے ہر کُندا سبھین مردین، پیر و ورنہ آتکنت و لوگش آنگر* کرت. ⁵ آیان لوت گوانک جت و گوشت: “ہمے بچک کہ انشپی تئی لوگا آتکگ آنت، کجا آنت؟ مئے کرا بیارش کہ ما گون آیان پیت و واب کنین.” ⁶ لوت دُنا در آتک و پُشتا دروازگی بند کرت. ⁷ گوشتی: “نہ، منی براتان! من دَسَت بَدان، اے بدین کارا مکنتیت. ⁸ بچاریت، منا دو جنین چک ہست کہ آنکنت گون ہچ مردینا پیت و وایش نکرتگ. من آیان شمئے کرا کاران، گون آیان ہرچے شمئے دل لوٹیت، بکنیت. بلہ اے مردمان کار مداریت کہ منی لوگا

harché shomay dela lóthit, bekanét. Bale é mardomán kár madárét ke mani lógá átkagant o mani mayár ant.”⁹ Áyán gwasht: “Yakk kerr bay” o watmánwatá gwashtesh: “É mard darámadé at o may shahrá átkag. Nun may masteriá kanaga lóthit.” Padá gón Lutá gwashtesh: “Nun má tai jendá cha é bachakkán gantera kanén.” Lutesh télánk dayán kort o démá shotant ke darwázagá bepróshant.¹⁰ Bale préshtagán dast dhanná shahárt, Lutesh lógay tahá kasshet o darwázagesh bast.¹¹ Préshtagán, darwázagay dapay mardománi, warná o pirénáni chamm tahár kortant ke darwázagá dar gétk makanant.

¹² Nun á doénán gón Lutá gwasht: “Tará edá dega kasé hast, zámát, bacch, jenekk, yá dega syád o wáresé ke é shahrá ent? Agan hast, gorhá cha edá daresh kan¹³ ke má é jágahá tabáha kanén. É shahray helápá anchén mazanén peryáté Hodáwandá sar butag ke mára pa é shahray tabáh kanagá rawáni dátag.”¹⁴ Gorhá Lut shot o wati zámáti gwashtant, hamá ke gón áiy jenekkán sáng kanagi atant: “Eshtáp kanét o cha edá dar kapét ke Hodáwand é shahrá tabáha kant.” Bale áiy zámátán delá gwasht ke Lut maskará kanagá ent.

Lut cha shahrá dara kayt

¹⁵ Bámgwáh ke but, préshtagán Lut hojj kort o gwasht: “Zutt kan wati jan o doén jenekkán cha edá bezur o beraw, agan na é shahr ke sezá dayaga bit, shomá ham rópag o baraga bét.”¹⁶ Bale Lutá ke dér kort, á mardán, Lut o Lutay jan o doén jenekk dastá geptant o cha shahrá dhann bortant, chéa ke Hodáwandá áyáni sará rahm kortagat.¹⁷ Wahdé áesh cha shahrá dhann bortant, cha préshtagán yakkéa gwasht: “Betach o poshtá chakk majan. Dashtá hecch jágah maósht. Dém pa kóhán betach, agan na rópag o baraga bay.”¹⁸ Bale Lutá gwasht: “Enna wájahán! Rahm kanét.”¹⁹ Shomá mani sará, wati kasteray sará rahm kortag o gón mani zenday rakkénagá pésh dáshtag ke chinkadar mehrabán ét. Bale man dém pa kóhán tatka nakanán. Chó mabit ke é tabáhi maná mán berópit o man bemerán.²⁰ Bechár, mani nazzikká shahré hast ke dém pa áiyá tatka kanán. Kasánén shahré, bell ke dém pa áiyá betachán. É wa kasánén shahré, na? Gorhá mani jána rakkít.”²¹ Préshtagá gwasht: “Sharr ent, tai é wáhagá puraha kanán o é shahray námá ke taw geragá ay, eshiá tabáha nakanán.”²² Bale zutt betach o beraw. Tánke taw ódá sara nabay, man hecch korta nakanán.” Paméshká é shahray námesh Sóhar* kort.

آتکگ أنت و منی مئیار أنت. “⁹ آیان گوشت: ” یگ کر بیے “ و وت مان وتا گوشتیش: ” اے مرد درامدے ات و مئے شہرا آتکگ. نون مئے مستریا کنگ لوئیت. “ پدا گون لوتا گوشتیش: ” نون ماتئی جندا چه اے بچگان گنتر کنین. “ لوتش تیلانک دئیان کرت و دیما شنتت کہ دروازگا بپروشننت. ¹⁰ بلہ پریشتگان دست دُنا شہارت، لوتش لوگئے تھا کشت و دروازگش بست. ¹¹ پریشتگان، دروازگئے دیئے مردمانی، ورنہ و پیرینانی چم تہار کرتنت کہ دروازگا در گیتک مکننت.

¹² نون آ دوینان گون لوتا گوشت: ” ترا ادا دگہ کسے هست، زامات، بچ، جنک، یا دگہ سیاد و وارسے کہ اے شہرا انت؟ اگن هست، گڑا چه ادا درش کن ¹³ کہ ما اے جاگہا تباہ کنین. اے شہرئے ہلا پا انچین مزین پریاتے ہداوندا سر بوتگ کہ مارا پہ اے شہرئے تباہ کنگا رثوانی داتگ. “ ¹⁴ گڑا لوت شت و وتی زاماتی گوشتنت، ہما کہ گون آییئے جنگان سانگ کنگی آنتت: ” اشتاپ کنیت و چه ادا در کپیت کہ ہداوند اے شہرا تباہ کنت. “ بلہ آییئے زاماتان دلا گوشت کہ لوت مسکرا کنگا انت.

لوت چه شہرا در کثیت

¹⁵ بامگواہ کہ بوت، پریشتگان لوت هج کرت و گوشت: ” زوت کن وتی جن و دوین جنگان چه ادا بزور و برنو، اگن نہ اے شہر کہ سزا دئیگ بیت، شما ہم روپگ و برگ بیت. “¹⁶ بلہ لوتا کہ دیر کرت، آ مردان، لوت و لوتسے جن و دوین جنک دستا گپنتت و چه شہرا دُن برنتت، چنا کہ ہداوندا آیانی سرا رہم کرتگ ات. ¹⁷ و ہدے آش چه شہرا دُن برنتت، چه پریشتگان یکنیا گوشت: ” بتچ و پشتا چک مجن. دشتا هج جاگہ مہ اوشت. دیم پہ کوہان بتچ، اگن نہ روپگ و برگ بیے. “ ¹⁸ بلہ لوتا گوشت: ” ائہ واجهان! رہم کنیت. ¹⁹ شما منی سرا، وتی کسترئے سرا رہم کرتگ و گون منی زندئے رکنیگا پیش داشتگ کہ چینکدر مہربان ایت. بلہ من دیم پہ کوہان تتک نکنان. چو مبيت کہ اے تباہی منا مان بروپیت و من بمران. ²⁰ بچار، منی نزیگا شہرے هست کہ دیم پہ آییآ تتک کنان. کسانین شہرے، بل کہ دیم پہ آییآ بتچان. اے وہ کسانین شہرے، نہ؟ گڑا منی جان رکیت. “²¹ پریشتگا گوشت: ” شر انت، تئی اے واہگا پورہ کنان و اے شہرئے ناما کہ تئو گرگا ائے، اشیا تباہ نکنان. ²² بلہ زوت بتچ و برنو. تانکہ تئو اودا سر نبے، من هج کرت نکنان. “ پمیشکا اے شہرئے نامش سوہر* کرت.

Sodum o Gomurahay tabáhi

²³ Lut ke Sóhará raset, róchá nóki thekk kortagat. ²⁴ Gorhá Hodáwandá Sodum o Gomurahay sará ás o gókort gwárent. É ás o gókort cha Hodáwanday némagá, cha ásmáná retkant. ²⁵ É paymá, Hodáwandá á shahr o sajjahén dasht o shahráni sajjahén jahmenend o sabzag tabáh kortant. ²⁶ Bale Lutay janá poshtá chakk jat o wáday boté but.

²⁷ Ebráhém sohbá máhallah pád átk o hamá jágahá shot ke pésarigén randá Hodáwanday bārgáhá óshtátagat. ²⁸ Sodum o Gomurahay némagá, jahlá, sajjahén dashtay némagá cháreti o disti ke cha zeminá bazén dutté chest ent, chó kurahay* duttá. ²⁹ Hodáyá ke dashtay shahr sar o chér kortant, Ebráhémay tránagá kapt. Hamá shahrán ke Lut jahmenend butagat, áyáni tabáh kanagay wahdá Hodáyá Lut cha ódá dar kort.

Lut o Lutay jenekk

³⁰ Lut gón wati doén jenekkán cha Sóhará laddhet o kóhestagá jahmenend but, chéá ke Sóhará nendagi torset. Lut gón doén jenekkán gáreyay tahá nesht. ³¹ Yakk róché masterén jenekká gón kasteréná gwasht: “May pet pir ent o edá dega hecch mardéné nést ke gón má wapt o wábé bekant, anchó ke sajjahén donyáay dód ent. ³² Byá petá sharába wárenén o gón áíá wapt o wába kanén ke cha hamáíá wati nasl o padréchá démá bebarén.” ³³ Á shapá wati petesh sharáb wárent o masterén jenekk shot o gón petá wapt o wábi kort. Lut na áíay wapsagá sahig but, na pád áyagá.

³⁴ Domi róchá masterén jenekká gón kasteréná gwasht: “Dóshi man shot o gón petá waptán, byá enshapi padá sharábia dayén o taw beraw o gón áíá bwaps. Cha hamáíá wati nasl o padréchá démá barén.” ³⁵ Gorhá pésarigén shapay paymá wati petesh sharáb wárent, kasterén jenekk pád átk o gón petá wapt o wábi kort. Lut na áíay wapsagá sahig but, na pád áyagá. ³⁶ Lutay doén jenekk cha wati petá lápporr butant. ³⁷ Masterén jenekká mardénchokké but o námi Muáb* kort. Muáb, maróchigén Muábiáni pet ent. ³⁸ Kasterén

19:28 Kurah mazanén chollé ke ódá ásay tahá kunzag, matth o dega chizza pachant.

19:37 “Muáb” gón Ebráni zobánay gáléá nazzikk ent ke máná enti “cha petá”.

سُودوم و گُمورهئے تباہی

²³ لوت کہ سُوہرا رَسَت، رُوچا نُوکی ٹِک کرتگات. ²⁴ گُڑا ہُداوندا سُودوم و گُمورہئے سرا آس و گُوکُرت گُوارینت. اے آس و گُوکُرت چہ ہُداوندئے نِیمگا، چہ آسمانا رتکنت. ²⁵ اے پئیما، ہُداوندا آ شہر و سَجھین دشت و شہرانی سَجھین جہمند و سبزگ تباہ کرتنت. ²⁶ بلہ لوتئے جَنّا پُشتا چک جَت و وادئے بُتے بوت.

²⁷ ابراہیم سُهبا ماہلہ پاد آتک و ہما جاگہا شت کہ پیسریگین رندا ہُداوندئے بارگاھا اوشتاتگات. ²⁸ سُودوم و گُمورہئے نِیمگا، جہلا، سَجھین دشتئے نِیمگا چارتی و دیستی کہ چہ زمینا بزین دوتئے چست انت، چو کورہئے* دوتا. ²⁹ ہُدا یا کہ دشتئے شہر سر و چیر کرتنت، ابراہیمئے ترانگا کپت. ہما شہران کہ لوت جہمند بوتگات، آیانی تباہ کنگئے و ہدا ہُدا یا لوت چہ اُدا در کرت.

لوت و لوتئے جنک

³⁰ لوت گون وتی دوین جنگان چہ سُوہرا لُدت و کوہستگا جہمند بوت، چیا کہ سُوہرا نندگی تُرست. لوت گون دوین جنگان گاریئے تھا نشت. ³¹ یک روچے مسترین جنکا گون کسترینا گوشت: ”مئے پت پیر انت و ادا دگہ ہچ مردینے نیست کہ گون ما وپت و وایے بکنت، انچو کہ سَجھین دنیائے دود انت. ³² بیا پتا شراب وارینین و گون آیا وپت و وایے کنین کہ چہ ہمایا وتی نسل و پدريچا دیما ببرین.“ ³³ آ شپا وتی پتش شراب وارینت و مسترین جنک شت و گون پتا وپت و وایے کرت. لوت نہ آئیے وپسگا سہیگ بوت، نہ پاد آیگا.

³⁴ دومی روچا مسترین جنکا گون کسترینا گوشت: ”دوشی من شت و گون پتا وپتان، بیا انشپی پدا شرابی دئیین و تئو برئو و گون آیا بوپس. چہ ہمایا وتی نسل و پدريچا دیما ببرین.“ ³⁵ گُڑا پیسریگین شپئے پئیما وتی پتش شراب وارینت، کسترین جنک پاد آتک و گون پتا وپت و وایے کرت. لوت نہ آئیے وپسگا سہیگ بوت، نہ پاد آیگا. ³⁶ لوتئے دوین جنک چہ وتی پتا لاپر بوتنت. ³⁷ مسترین جنکا مردین چکے بوت و نامی موآب* کرت. موآب، مروچيگین موآبیانی پت انت.

28:19 کورہ مزینن چلے کہ اُدا آسئے تھا کونزگ، مَت و دگہ چیر پچنت. 37:19 ”موآب“ گون ابرانی زبانئے گالینا نیک انت کہ مانا انتی ”چہ پتا“.

jenekká ham mardénchokké but o námi Ben-Ammi*
kort. Ben-Ammi maróchigén Ammuniáni pet ent.

Ebráhém o Abimalek

20 Ebráhém cha ódá laddhet o Negébay
damagá shot o Kádesh o Shuray nyámá
jahmenend but. Tán chizzé wahdá Gerará darámadéay
paymá zendi gwázént. ² Ebráhémá wati jan Sárahay
bárawá gwasht: “Mani gohár ent.” Gohá Geráray
bádsháh, Abimaleká wati mardom rawán dátant o
Sárahí wati kerrá bort. ³ Bale shapá Hodá Abimalekay
wábáátk o gwashti: “Bechár, éjanénke taw bortag, taw
eshiy sawabá meray. É sur kortagéne.” ⁴ Abimalek
angát Sárahay nazzikká nashotagat, gwashti: “Oo
mani Hodáwand! Bégonáhén kawmé tabáha kanay?
⁵ Ebráhémá wat gón man nagwasht: ‘É mani gohár
ent?’ O Sárahá wat nagwasht: ‘É mani brát ent?’ Man
é kár gón sápén del o pákén dasté kortag.” ⁶ Hodáyá
gwasht: “Haw! Mana zánán ke taw é kár gón sápén
delé kortag o man ham tará naesht ke mani gonahkár
bebay, paméshká man tará é janénay dast janagá
naesht. ⁷ Nun é marday janá beday. É mard nabié.
Pa taw dwá kant o taw zendaga mánay. Bale agan é
marday janá madayay, deljam bay ke tai jend o tai
sajjahén mardom allamá merant.”

⁸ Abimalek sohba máhallah pád átk, wati sajjahén
hezmatkári lótháéntant o harché ke butagat, sajjahén
háli dátant. Áyán sakk torset. ⁹ Gohá Abimaleká
Ebráhém lótháént o gwasht: “Taw chéa gón má
chosh kort? Man tai kojám kár haráb kortagat ke taw
mani jend o mani molk choshén mazanén gonáhé
sará dátant? Taw gón man anchén káré kort ke
kass gón kassá nakant.” ¹⁰ Abimaleká cha Ebráhémá
jost kort: “Tai delá ché hastat ke choshet kort?”
¹¹ Ebráhémá passaw dát: “Man wati delá gwasht edá
hecch Hodátorsi nést o mani lógiay sawabá mardom
maná koshant. ¹² Sára chónáhá wa mani gohár ent
ke mani petay chokk ent, bell toré mani mátay
chokk naent, bale randá má sur kort o á mani lógi
but. ¹³ Wahdé Hodáyá maná cha mani petay lógá
darpadar kort, man gón Sárahá gwasht: ‘Agan maná
dósta dáray, har jágah ke rawén, begwash: “É mani
brát ent.”’”

³⁸ كستريين جنگا هم مردين چگه بوت و نامي بن امي * كرت.
بن امي مروچيگين امونياني پت انت.

إبراهيم و ابيملك

20 إبراهيم چه اودا لذت و نگیئیے دمگاشت و کادش
و شورے نیاما جهمنند بوت. تان چیڑے وهدا گراارا
درامدیئے پیما زندگی گوازینت. ² إبراهيم و تی جن سارهئے
بارئوا گوشت: “منی گهار انت.” گوا گرائے بادشاه ابیملکا
وتی مردم رئوان دانت و سارهی و تی کرا برت. ³ بله شپا هدا
ابیملکے و ابا آتک و گوشتی: “بچار، اے جنین که تئو برتگ،
تئو ایشیے سئوبا مرئے. اے سور کرتگیئے.” ⁴ ابیملک انگت
سارهئے نزیکا نشتگ ات، گوشتی: “او منی هداوندا بیگناهیئن
کتومے تباہ کنئے؟ ⁵ إبراهيم و ت گون من نگوشت: ‘اے منی
گهار انت؟’ و سارها و ت نگوشت: ‘اے منی برات انت؟’ من
اے کار گون ساپین دل و پاکین دستے کرتگ.” ⁶ هدايا گوشت:
”هئو! من زانان که تئو اے کار گون ساپین دلے کرتگ و من
هم ترانه اشت که منی گنهکار بیئے، پمیشکا من ترا اے جنینئے
دست جنگا نه اشت. ⁷ نون اے مردئے جنا بدئے. اے مرد نییے. په
تئو دوا کنت و تئو زندگ مائے. بله اگن اے مردئے جنا مدئیے،
دلجم بئے که تئی جند و تئی سجھین مردم آما مرت.”
⁸ ابیملک سہبا ماہله پاد آتک، و تی سجھین ہزمتکاری
لوتایننت و ہرچے کہ بوتگ ات، سجھین ہالی دانت. آیان سگ
ترست. ⁹ گوا ابیملکا إبراهيم لوتایننت و گوشت: “تئو چنا گون
ما چش کرت؟ من تئی کجام کار ہراب کرتگ ات کہ تئو منی
جند و منی ملک چشین مزین گناہے سرا دانت؟ تئو گون من
انچین کارے کرت کہ کس گون کسا نکنت.” ¹⁰ ابیملکا چه
إبراهيم جُست کرت: “تئی دلا چے هست ات کہ چشت کرت؟”
¹¹ إبراهيم پَسَّو دات: “من و تی دلا گوشت ادا هچ هدا ترسی
نیست و منی لوگیئے سئوبا مردم منا کُشت. ¹² ساره چوناها
وہ منی گهار انت کہ منی پتے چک انت، بل ترے منی ماتے
چک نہ انت، بله رندا ما سور کرت و آ منی لوگی بوت. ¹³ وهدے
هدایا منا چه منی پتے لوگا درپدر کرت، من گون سارها گوشت:
’اگن منا دؤست دارے، هر جاگه که رئوین، بگوش: ‘اے منی
برات انت.’”

38:19 “بن امي” بزبان “منی مردمانی چک”.

38:19 “بن امي” بزبان “منی مردمانی چک”.

¹⁴ Gorhá Abimaleká pas o gók o golám o móled áwort o Ebráhémárá dát o áiy lógi Sárahí per tarrént. ¹⁵ Abimaleká gwasht: “Mani molk tai démá ent, har jáh ke tará dósta bit hamódá benend.” ¹⁶ Gón Sárahá gwashti: “Man tai brátá hazár nograha dayán. Tai sajjahén mardománi démá é malámá* porra kanán ke taw hecch radié nakortag.” ¹⁷ Gorhá Ebráhémá Hodáay kerrá dwá kort o Hodáyá Abimalek, áiy lógi o áiy móled dráh kortant ke padá chokk áwort bekanant, ¹⁸ chéa ke Hodáwandá Ebráhémay jan Sárahay sawabá Abimalekay lógay sajjahén janén chokkband kortagatant.

Esákay pédáesh

21 Hamá paymá ke Hodáwandá wat gwashtagat, Sárahay sará mehrabán but o pa Sárahá hamá kári kort ke wádahi kortagat. ² Sárahay láp porr but o Ebráhémay piránsariá pa áiyá mardénchokké áworti. Chokk hamá gisshetagen wahdá pédá but ke Hodáyá cha pésará Ebráhém hál dátagat. ³ Ebráhémá wati é chokkay nám, ke cha Sárahá pédá butagat, Esák* kort. ⁴ Esákay omr ke hasht róch but, Ebráhémá sonnat kanáent, hamá paymá ke Hodáyá hokm dátagat. ⁵ É wahdá ke Esák pédá but, Ebráhémay omr sad sál at. ⁶ Sárahá gwasht: “Hodáyá maná ‘kandag’ dátag o harkas ke sahiga bit, gón mana kandit.” ⁷ Padá gwashti: “Kayá gón Ebráhémá gwashta kort ke Sárah chokk shira méchénit? Bale man pa áiyá mardénchokké áwort, áiy piriay róchán.”

Hájer o Esmáélay gallénag

⁸ Chokk rodán but o cha shirá sestesh. É róchá ke Esákesh cha shirá sest, Ebráhémá mazanén dáwaté kort. ⁹ Bale Sárahá dist ke Ebráhémay hamá chokk ke cha Mesri Hájerá pédá butagat, maná kalág geragá ent. ¹⁰ Gorhá Sárahá gón Ebráhémá gwasht: “É móledá gón chokká gallén. É móleday chokk gón mani chokk Esáká hechbar hammirás buta nakant.” ¹¹ É gappá Ebráhém sakk paréshán kort, chéa ke Esmáél ham áiy chokk at. ¹² Bale Hodáyá gón Ebráhémá gwasht: “Pa bachakká o wati móledén zálá paréshán mabay. Harché Sárah tará gwasht, hamá warh bekan, chéa ke tai nasl o padréch cha Esáká zánaga bit. ¹³ Man móledén zálá

20:16 Malám, hamá zarr o mál ke radén káréay dayná dayaga bit, jormánah, jarimah.

21:3 Esákay maná ent “á kandit”.

¹⁴ گڑا ابيملڪا پَس و گُوك و گُلام و مَوْلد اُورت و اِبراهيمارا دات و آبيئے لُوگي سارهي پرتريت. ¹⁵ ابيملڪا گوشت: ”مني مُلك تئبي ديما انت، هر جاه كه ترا دوست بيت همودا بنند.“ ¹⁶ گون سارها گوشتي: ”من تئبي براتا هزار نگره دئيان. تئبي سجھين مردمانی ديما اے ملاما* پَر کنان كه تئو هچ رديے نكرتگ.“ ¹⁷ گڑا ابراهيمه هُدائے كِرا ذوا كرت و هُدایا ابيملڪ، آبيئے لُوگي و آبيئے مَوْلد ذراه كرتنت كه پدا چُك اُورت بكننت، ¹⁸ چيا كه هُداوندا ابراهيمئے جن سارھئے سئوبا ابيملڪئے لُوگئے سجھين جنين چُكبند كرتگ انتنت.

اساكئے پيدائش

21 هما پئیما كه هُداوندا وت گوشتگات، سارھئے سرا مهربان بوت و په سارها هما كاری كرت كه وادهی كرتگات. ² سارھئے لاپ پَر بوت و ابراهيمئے پيرانسريا په آيا مردين چُكئے اُورتی. چُك هما گيشتگين وهدا پيدا بوت كه هُدایا چه پيسرا ابراهيم هال داتگات. ³ ابراهيمه وتی اے چُكئے نام، كه چه سارها پيدا بوتگات، اساك* كرت. ⁴ اساكئے امر كه هشت رُچ بوت، ابراهيمه سُنْت كنانت، هما پئیما كه هُدایا هُكم داتگات. ⁵ اے وهدا كه اساك پيدا بوت، ابراهيمئے امر سد سال ات. ⁶ سارها گوشت: ”هُدایا منا ’كندگ’ داتگ و هرکس كه سهيگ بيت، گون من كنديت.“ ⁷ پدا گوشتي: ”كئيا گون ابراهيمه گوشت كرت كه ساره چُك شير ميچينيت؟ بله من په آيا مردين چُكئے اُورت، آبيئے پيريئے رُچان.“

هاجر و اسمائئے گلئنگ

⁸ چُك زُدان بوت و چه شيرا سستش. اے رُچا كه اساكش چه شيرا سست، ابراهيمه مزين داوتے كرت. ⁹ بله سارها ديست كه ابراهيمئے هما چُك كه چه مسري هاجر پيدا بوتگات، منا كلاگ گرگا انت. ¹⁰ گڑا سارها گون ابراهيمه گوشت: ”اے مَوْلدا گون چُكا گلين. اے مَوْلدئے چُك گون مني چُك اساك هچبر همميراس بوت نكنت.“ ¹¹ اے گپا ابراهيم سَك پريشان كرت، چيا كه اسمائيل هم آبيئے چُك ات. ¹² بله هُدایا گون ابراهيمه گوشت: ”په بچكا و وتی مَوْلدين زالا پريشان مبيئے. هرچه ساره ترا گوشيت، هما وژ بكن، چيا كه تئبي نسل و پدريچ چه اساك

16:20 ملام، هما زَر و مال كه زدين كاريئے دئينا دئنگ بيت، جُمانه، جريمه.

3:21 اساكئے مانا انت ”آكنديت“.

chokká ham kawmé kanán chéá ke á ham tai nasl o padréch ent.”

¹⁴ Domi sohbá máhallah Ebráhémá tóshag o mashké áp zort o Hájerará dát. Mashk o tóshagi Hájeray kópaga dátant o gón chokká dari kort. Hájer shot o Bérshébahay gyábáná sargardán but. ¹⁵ Mashkay áp ke halás butant, chokki dhólokéay* boná ér kort, ¹⁶ wat dur shot o kesás tirkasshéay ráhá* dém pa démá nesht. Delá gwashti: “Chokkay marká magendátán.” Chokkay dém pa démá ke neshtagat, kukkár kort o gréti.

¹⁷ Hodáyá chokkay tawár eshkot o Hodáay préshtagá cha ásmáná Hájer gwánk jat o gwasht: “Hájer! Tará ché butag? Mators. Chokk hamá jágahá ke ér ent, Hodáyá áiyay tawár cha hamódá eshkotag. ¹⁸ Pád á, chokká chest kan, dastái ger ke man áiyá mazanén kawmé kanán.” ¹⁹ Hodáyá Hájeray chamm pach kortant o Hájerá ápay cháté dist. Shot o mashki porr kort o chokki áp dát.

²⁰ Chokk rodán but o Hodá gón áiyá gón at. Chokká gyábáná zenda gwázént o tirkamánay janagá sakk balad but. ²¹ Esmáél, Páránay dashtá jahmenend but o mátá gón Mesri jenekkéá sur dát.

Ebráhém o Abimalekay ahd o paymán

²² Hamé wahdá Abimalek o áiyay lashkaray master Pikulá gón Ebráhémá gwasht: “Taw harché ke kanay, Hodá gón taw gón ent. ²³ Nun edá gón man Hodáay sawgendá bwar ke maná yá mani chokkán yá mani óbádagán rada nadayay. Hamá paymá ke man gón taw mehrabán butagán, taw gón man o gón mani molká hamé paymá mehrabán bay, gón hamé molká ke taw darámadéay hesábá neshtagay.” ²⁴ Ebráhémá gwasht: “Maná sawgend ent.”

²⁵ Ebráhémá Abimalekay kerrá áiyay hezmatkárání shekáyat kort ke mani cháté poshtá kasshetagesh*. ²⁶ Abimaleká gwasht: “Mana nazánán é kár kayá kortag. Taw maná hál nadátá g o tán maróchi man eshiay bárawá hech naeshkotag.” ²⁷ Gorhá Ebráhémá pas o gók zort o Abimalekárá dátant o doén mardán ahd o paymáné bast. ²⁸ Ebráhémá hapt kasánén mésh cha ramagá jetá kort. ²⁹ Abimaleká cha Ebráhémá jost kort: “Taw hapt kasánén mésh jetá kort, eshiay

زانگ بیت. ¹³ من مؤلدين زائے چگا هم کتومے کنان چیا کہ آ ہم تئی نسل و پدریچ انت.”

¹⁴ دومی سہبا ماہلہ ابراہیم توشگ و مشکے آپ زرت و ہاجرارا دات. مشک و توشگی ہاجرے کویگا دانت و گون چگا دری کرت. ہاجر شت و بیرشبیہے گیابانا سرگردان بوت. ¹⁵ مشکے آپ کہ ہلاس بوتنت، چکی ڈولکیے* بنا ایر کرت، ¹⁶ و دور شت و کساس تیرکشئیے راہا* دیم پہ دیم نشت. دلا گوشتی: “چکے مرکا مگداتان.” چکے دیم پہ دیم کہ نشتگ آت، کوکار کرت و گرتی.

¹⁷ ہدایا چکے توار اشکت و ہدائے پریشتگا چہ آسمانا ہاجر گوانک جت و گوشت: “ہاجر! ترا چے بوتگ؟ مٹرس. چک ہما جاگہا کہ ایر انت، ہدایا آئیے توار چہ ہمؤدا اشکتگ. ¹⁸ پاد آ، چگا چست کن، دستیی گر کہ من آیا مزین کتومے کنان.” ¹⁹ ہدایا ہاجرے چم پیچ کرتنت و ہاجر آئیے چاتے دیست. شت و مشکے پڑ کرت و چکی آپ دات.

²⁰ چک ردان بوت و ہدا گون آیا گون آت. چگا گیابانا زند گوازینت و تیرکمانے جنگا سک بلد بوت. ²¹ اسمایل، پارانے دشتا جہمند بوت و ماتا گون مسری جنگیا سور دات.

ابراہیم و ابیملکے اہد و پیمان

²² ہمے و ہدا ابیملک و آئیے لشکرے مستر پیکولا گون ابراہیم گوشت: “تو ہرچے کہ کنے، ہدا گون تو گون انت. ²³ نون ادا گون من ہدائے سٹوگندا بور کہ منا یا منی چگان یا منی اؤبادگان رد ندئیے. ہما پیما کہ من گون تو مہربان بوتگان، تو گون من و گون منی ملکا ہمے پیما مہربان بے، گون ہمے ملکا کہ تو درامدیے حسابا نشتگے.” ²⁴ ابراہیم گوشت: “منا سٹوگند انت.”

²⁵ ابراہیم ابیملکے کرا آئیے ہزمتکارانی شکایت کرت کہ منی چاتے پشستا کشتگش*. ²⁶ ابیملکا گوشت: “من زنانان اے کار کتیا کرتگ. تو منا ہال نداتگ و تان مروچی من ایشیے بارثوا ہچ نہ اشکتگ.” ²⁷ گوا ابراہیم پَس و گوک زرت و ابیملکارا دانت و دوین مردان اہد و پیمانے بست. ²⁸ ابراہیم ہپت کسانین میس چہ رمگا جتا کرت. ²⁹ ابیملکا چہ ابراہیم جُست کرت: “تو ہپت کسانین میس جتا کرت، ایشیے مانا چے انت؟” ³⁰ ابراہیم پَسو دات: “اے ہپتین میشان چہ منی نیمگا

21:15 Dhólok, bezán gyábáni konthagi jarré.

21:16 Tirkasshéay ráhá, bezán haminkas ráhá ke kamánay tira rawt.

21:25 Poshtá kasshag, bezán pa zór barag, zórbord kanag, kabzah kanag.

15:21 ڈولک، بزبان گیابانی کشتگی جرے.

16:21 تیرکشئیے راہا، بزبان ہمینگس راہا کہ گمانے تیر رتوت.

25:21 پشستا کشتگ، بزبان پہ زور برگ، زور برد کنگ، کبڑہ کنگ.

máná ché ent?”³⁰ Ebráhémá passaw dát: “É haptén méshán cha mani némagá bezur. É sháhedié bit ke é chát manig ent o man jatag.”³¹ Gorhá á jágahay nám Bérshébah* kanag but, chéá ke doén mardán ódá sawgendé wárt. ³²É paymá mán Bérshébahá ahd o paymáné bastesh. Randá Abimalek o áiy lashkaray master Pikulá Pilestiáni sardhagará wátarr kort*.³³ Ebráhémá Bérshébahá gazzay drachké kesht o ódá Hodáwand, abadmánén Hodáay námi tawár kort. ³⁴Tán mazanén wahdéá Ebráhémá Pilestiáni sardhagará darámadéay hesábá zenda gwázént.

Ebráhémay chakkás

22 É chizzán o rand, Hodáyá Ebráhém chakkásét*. Gón Ebráhémá gwashti: “Ebráhém!” Ebráhémá passaw dát: “Ji!”² Hodáyá gwasht: “Wati bacch, wati yakkén chokk, Esák ke tará dóst ent, bezuri o Muriáay damagá beraw. Hamá kóhá ke man tará pésha dárán, hamódá bar o sóchagi korbánigay hesábá nadri kan.”

³Domi sohábá máhallah, Ebráhém pád átk o wati hari pálám kort. Wati do hezmatkár o Esáki zortant, pa sóchagi korbánigá dári prósh t o dém pa hamá jágahá ráh gept ke Hodáyá gwashtagat. ⁴Nun saparay sayomi róch at. Ebráhémá chamm chest kortant o cha durá á jágahi dist. ⁵Gón wati hezmatkárán gwashti: “Shomá gón hará hamedá bejallét, man o chokk ódá rawén o Hodáyá parastesha kanén o káén.”⁶ Ebráhémá sóchagi korbánigay dár zortant o wati chokk Esákay baddhá dátant, ás o kárchi wat zortant o doén ráh geptant. ⁷Esáká gón wati pet Ebráhémá gwasht: “Mani pet!” Ebráhémá passaw dát: “Ji mani chokk!” Esáká gwasht: “Ás o dár wa esh ant, bale sóchagi korbánigay gwarándh kojá ent?”⁸ Ebráhémá passaw dát: “Mani chokk! Sóchagi korbánigay gwarándhay kará Hodá wat chár o gozára* kant” o á doén rawán butant.

⁹Wahdé hamá jágahá sar butant ke Hodáyá gwashtagat, Ebráhémá korbánjáhé addh kort, dári sar pa sar kortant o wati chokk Esáki bast o korbánjáhá, dáráni sará ér kort. ¹⁰Ebráhémá dast shahárt o kárchi zort ke wati chokká helára kanán, ¹¹bale Hodáwanday préshtagá cha ásmáná Ebráhém tawár kort: “Ebráhém! Oo Ebráhém!” Ebráhémá passaw dát:

21:31 Ebráni zobáná Bérshébahay máná “sawgenday chát” yá “hapténáni chát” ent.

21:32 Wátarr kanag, bezán per tarrag.

22:1 Chakkásag, bezán ázmáesh kanag, emtehán gerag.

22:8 Chár o gozár kanag, bezán chárág o hayáldári kanag.

بزور. اے شاہدیے بیت کہ اے چات منیگ انت و من جتگ۔³¹ گڑا آ جاگھئے نام بیرشیبہ* کنگ بوت، چنا کہ دوین مردان اؤدا سٹوگندے وارت۔³² اے پیما مان بیرشیبہا اهد و پیمانے بستش۔ رندا ایمیلک و آییے لشکرے مستر پیکولا پیلستیانی سردگارا و اتّر کرت*۔³³ ابراہیم بیرشیبہا گڑے درچکے کشت و اؤدا ہڈاوند، ابدمانین ہڈائے نامی توار کرت۔³⁴ تان مزین و ہڈیا ابراہیم پیلستیانی سردگارا درامدیے حسابا زند گوازینت۔

ابراہیمے چکاس

22 اے چیژان و رند، ہڈایا ابراہیم چکاست*۔ گون ابراہیم گوستی: “ابراہیم!” ابراہیم پستو دات: “جی!”² ہڈایا گوست: “وتی بیچ، وتی یکن چک، اساک کہ ترا دوست انت، بزوری و موریائے دمگا برئو۔ ہما کڑھا کہ من ترا پیش داران، ہمؤدا بر و سوچگی کربانیگے حسابا ندری کن۔”³ دومی سہبا ماہلہ، ابراہیم پاد آتک و وتی ہری پالام کرت۔ وتی دو ہزمتکار و اساک زرتنت، پہ سوچگی کربانیگا داری پرؤشت و دیم پہ ہما جاگھا راہ گپت کہ ہڈایا گوستگات۔⁴ نون سپرے سیمی روچ ات۔ ابراہیم چم چست کرتنت و چہ دورا آ جاگھی دیست۔⁵ گون وتی ہزمتکاران گوستی: “شما گون ہرا ہمداجلیت، من و چک اؤدا رتوین و ہڈایا پرستش کنین و کاین۔”⁶ ابراہیم سوچگی کربانیگے دار زرتنت و وتی چک اساکے بڈا دانتنت، آس و کارچی وت زرتنت و دوین راہ گپتنت۔⁷ اساکا گون وتی پت ابراہیم گوست: “منی پت!” ابراہیم پستو دات: “جی منی چک!” اساکا گوست: “آس و دار وہ اش انت، بلہ سوچگی کربانیگے گورانڈ کجا انت؟”⁸ ابراہیم پستو دات: “منی چک! سوچگی کربانیگے گورانڈے کارا ہڈا وت چار و گزار* کنت” و آ دوین رتوان بوتنت۔

⁹وہدے ہما جاگھا سر بوتنت کہ ہڈایا گوستگات، ابراہیم کربانجاہے اڈ کرت، داری سر پہ سر کرتنت و وتی چک اساکے بست و کربانجاہا، دارانی سرا اتر کرت۔¹⁰ ابراہیم دست شہارت و کارچی زرت کہ وتی چکا ہلاز کنان،¹¹ بلہ ہڈاوندے پریشتگا چہ آسمانا ابراہیم توار کرت: “ابراہیم! او ابراہیم!”

31:21 ایرانی زبانا بیرشیبہے مانا “سٹوگندے چات” یا “ہپتینانی چات” انت۔

32:21 و اتّر کنگ، بزبان پرتگ۔

1:22 چکاسگ، بزبان آزمائش کنگ، امتہان گرگ۔

8:22 چار و گزار کنگ، بزبان چارگ و ہیالداری کنگ۔

“Ji!”¹² Préshtagá gwasht: “Wati dastá bedár o chokká hecch makan. Nun mana zánán ke taw Hodátorsé ay, chéá ke taw chakk o pad nabutay* o wati bacch, wati yakkén chokk ham maná dát.”¹³ Ebráhémá chamm chest kortant o poshtá cháret, disti ta gwarándhé ke kánthi dhangarán mán gisshetagant. Ebráhém shot, gwarándhi zort o wati chokkay jágahá sóchagi korbánig kort. ¹⁴Ebráhémá á jágahay nám kort “Hodáwand chár o gozára kant”* o tán maróchigá gwashaga bit ke: “Hodáwanday kóhay sará, chár o gozár kanaga bit.”

¹⁵Hodáwanday préshtagá padá Ebráhém cha ásmáná gwánk jat. ¹⁶Gwashti: “Hodáwanda gwasht: ‘Maná wati saray sawgend ent, taw ke wati bacchay, wati yakkén chokkay dayagá chakk o pad nabutay, ¹⁷man ham pa rásti tará barkata dayán o tai nasl o padréchá anchó báza kanán ke ásmánay estár o tayábay rék ant. Tai poshpad wati dozhmenáni shahrána gerant o wati melkata kanant o ¹⁸zeminay sajjahén kawm tai poshpaday sawabá barkata gerant, chéá ke taw mani habar zortag.” ¹⁹Gorhá Ebráhém wati hezmatkáráni kerrá per tarret o á, horigá dém pa Bérshéhahá ráh geptant. Ebráhém Bérshéhahá jahmenend but.

Náhóray chokk

²⁰Chizzé wahdá rand Ebráhémesh sahig kort ke Melkahá ham chokk áwortag, pa tai brát Náhórá chokki pédá kortag. ²¹Áiay awali chokk Uz ent, Uzay brát Buz o Kemuil ant, Kemuil, Arámay pet ent. ²²É dega chokki Kesed o Hazó o Pildásh o Yadráp o Betwél ant. ²³Cha Betwélá Rebekká pédá but. Ebráhémay brát Náhóray é hashtén chokk cha Melkahá pédá butant. ²⁴Náhóray soriat* ke námi Rahumah at, cha áiá Tebah o Gaham o Tahásh o Mákah pédá butant.

Sárahay mark

23 Sárahá yakk sad o bist o hapt sál omr kort. Áiay zenday sál o róch haminkas atant.

22:12 Chakk o pad nabayag, bezán posht nakenzag, ingor o ángor nakanag.

22:14 Asligén Ebráni nebeshtánka gwasht: “Hodáwanda gendit”.

22:24 Soriat, dáshtaw, hamá janén ke bé nekáhá lógá dáraga bit.

إبراهيمًا پَسُو دات: “جی!”¹² پریشتگا گوشت: “وتی دستا بدار و چُکا هچ مکن. نون من زانان که تئو هُدا ترسه ائے، چیا که تئو چَک و پَد نبوتئے* و وتی بچ، وتی یکن چُک هم منا دات.”¹³ إبراهيمًا چَم چست کرتنت و پُشتا چارت، دیستی ته گورانڈے که کانٹی دَنگَران مان گیشَتگ اَنت. إبراهيم شت، گورانڈی زرت و وتی چُکئے جاگها سوچگی کُربانینگ کرت.¹⁴ إبراهيمًا آجاگهئے نام کرت “هُداوند چار و گُزار کنت”* و تان مروچینگا گوَشگ بیت که: “هُداوندئے کوَهئے سرا، چار و گُزار کنگ بیت.”

¹⁵هُداوندئے پریشتنگا پدا إبراهيم چه آسمانا گوانک جت. ¹⁶گوشتی: “هُداوند گوَشیت: ‘منا وتی سرئے سئوگند انت، تئو که وتی بچئے، وتی یکن چُکئے دئیگا چَک و پَد نبوتئے، ¹⁷من هم په راستی ترا برکت دئیان و تئی نسل و پدريچا انچو باز کنان که آسمانئے استار و تئیابئے ریک اَنت. تئی پُشید وتی دُزمنانی شهران گرت و وتی ملکت کنت و ¹⁸زمینئے سَجھین کئوم تئی پُشیدئے سئوبا برکت گرت، چیا که تئو منی هبر زرتگ.”¹⁹ گُزا إبراهيم وتی هزمتکارانی کُرا پرترت و آ، هورینگا دیم په بیرشیبها راه گپنت. إبراهيم بیرشیبها جهمند بوت.

ناهورئے چُک

²⁰چیزے وهدا رند إبراهيمش سهیگ کرت که ملکہا هم چُک اورتگ، په تئی برات ناهورا چُکی پیدا کرتگ. ²¹آییئے ائولی چُک اوز انت، اوزئے برات بوز و کمویل اَنت، کمویل، آرامئے پت انت. ²²اے دگه چُکی کسید و هزو و پیلداش و یدلاب و بتویل اَنت. ²³چه بتویلا رِبکا پیدا بوت. إبراهيمئے برات ناهورئے اے هشتین چُک چه ملکہا پیدا بوتنت. ²⁴ناهورئے سُریت* که نامی رهومَه اَت، چه آییآ تبَه و گَهَم و تَهاش و ماکه پیدا بوتنت.

سارهئے مرک

23 ساره ایگ سد و بیست و هپت سال امر کرت. آییئے زندئے سال و رُوج همینکس اَننت. ²ساره، کنهائے سرڈگارا، کریه آر بها بیران بوت. کریه آر بهئے دومی نام هبرون

12:22 چُک و پَد نبیگ، بزانت پُشت نکنگ، اینگر و آنگر نکنگ.

14:22 اسلیگین ابرانی نبشتانک گوَشیت: “هُداوند گندیت”.

24:22 سُریت، داشتئو، هما جنین که بے نکاها لُگا دارگ بیت.

² SÁrah, Kanhánay sardhagárá, Keryah-Arbahá bérán but. Keryah-Arbahay domi nám Hebrun ent. Ebráhém shot ke porsá benendit o pa SÁrahá begrét. ³ Padá cha lÁshay kerrá pád átk o gón Hittián gwashti: ⁴ “Man shomay nyámá darkawm o darámadé án. Maná pa kabrestánéá, zemini thokkoré bahá bedayét ke wati mordagá kabr kort bekanán.”

⁵ Hittián passaw dát: ⁶ “Oo mani wájah! May habarán gósh dár. Taw may nyámá porwákén shahzádagé ay. Wati mordagá may kabrestáná, gechéni jágahéá kabr kan. Cha má kass, tará cha tai mordagay kabr kanagá nadárit.”

⁷ Ebráhém pád átk o á sardhagáray mardom, bezán Hittiáni démá pa adab sari jahl kort. ⁸ Gón áyán gwashti: “Agan shomá rázig ét ke man wati mordagá kabr bekanán, gorhá mani habará gósh dárét o Sóharay chokk Eprunay kerrá mani sepáreshá bekanét, ⁹ ke wati gárá mani kerrá bahá bekant, hamá gár ke Makpélahá áiy dhagáray goddhi bahrá ent. Jághay purahén kimmatá cha man begipt ke maná shomay molká kabrestáné bebit.”

¹⁰ Eprun Hitti hamódá mardománi nyámá neshtagat. Ebráhémay passawi anchosh dát ke áiy shahray darwázagay dapá átkagén sajjahén Hitti beshkonant: ¹¹ “Enna, wájah! Kimmatay habará makan. Mani gappá gósh dár. Man á gár o dhagár doén tará dátagant. Mani é sajjahén mardománi démá, á dhagár taig ent. Wati mordagá ódá kabr kan.”

¹² Ebráhémá padá á molkay mardománi démá sar jahl kort o ¹³ gón Epruná anchó gwashti ke mardom beshkonant: “Agan mani habarán gósha dáray, man dhagáray kimmatá dayán. Eshiy zarrán cha man bezur ke man wati mordagá ódá kabr kort bekanán.” ¹⁴ Epruná passaw dát: ¹⁵ “Mani wájah! Mani habará gósh dár. Dhagáray kimmat nograhay chár sad shekel* ent. É manig o tai nyámá hecché naent. Wati mordagá kabr kan.” ¹⁶ Ebráhémá Eprunay habar zort o hamá kimmati tór kort* ke Epruná gwashtagat o Hittián eshkotagat, bezán nograhay chár sad shekel, sawdagaráni gisshetagen sang o tóray hesábá.

¹⁷⁻¹⁸ Gorhá Eprunay dhagár ke Makpélahá, Mamrehay nazzikká at, sajjahén Hittiáni démá ke shahray darwázagá átkagatant, á dhagár o dhagáray tahay gár o sajjahén drachk, Ebráhémay melkat butant. ¹⁹ Nun Ebráhémá wati lógi SÁrah, Makpélahay dhagáray gárá, Kanhánay sarzeminá kabr kort. É gár

ént. إبراهيم شت كه پُرسا بنندیت و په سارها بگریت. ³ پدا چه لاشئے کِرا پاد آتک و گون هیئیان گوشتی: ⁴ “من شمتے نیاما درکتوم و درامدے آن. منا په کبرستانیا، زمینی تُکرے بها بدئییت که وتی مُردگا کبر کرت بکنان.”

⁵ هیئیان پَسَو دات: ⁶ “او منی واجه! مئے هبران گوش دار. تئو مئے نیاما پُرواکین شَهزادگے ائے. وتی مُردگا مئے کبرستانا، گچینی جاگهینا کبر کن. چه ما کَس، ترا چه تئی مُردگے کبر کنگا نداریت.”

⁷ إبراهيم پاد آتک و آ سرڈگارے مردم، بزآن هیئیان دیمَا په آدب سَری جَهَل کرت. ⁸ گون آیان گوشتی: “اگن شما رازیگ ایت که من وتی مُردگا کبر بکنان، گڑا منی هبرا گوش داریت و سوهرے چُک اِرونئے کِرا منی سپارشا بکنیت، ⁹ که وتی گارا منی کِرا بها بکنت، هما گار که مکپیلها آییئے ڈگارے گُدی بهرا ائت. جاگهے پورهین کیمتا چه من بگیپت که منا شمتے مُلکا کبرستانے بییت.”

¹⁰ اِرون هیئی همودا مردمانی نیاما نشتگات. اِبراهیمئے پَسَوی اَنچُش دات که آییئے شهرے دروازگے دپا آتکگین سَجّهین هیئی بشکننت: ¹¹ “اِنَّه، واجه! کیمتے هبرا مکن. منی گپا گوش دار. من آ گار و ڈگار دوین ترا دانگانت. منی اے سَجّهین مردمانی دیمَا، آ ڈگار تئییگ ائت. وتی مُردگا اودا کبر کن.”

¹² اِبراهیمَا پدا آ مُلکے مردمانی دیمَا سَر جَهَل کرت و ¹³ گون اِرونا اَنچَو گوشتی که مردم بشکننت: “اگن منی هبران گوش دارے، من ڈگارے کیمتا دئیان. اِشیئے زران چه من بزور که من وتی مُردگا اودا کبر کرت بکنان.” ¹⁴ اِرونا پَسَو دات: ¹⁵ “منی واجه! منی هبرا گوش دار. ڈگارے کیمت نگرهے چار سد شیکل* ائت. اے منیگ و تئیی نیاما هچے نه ائت. وتی مُردگا کبر کن.” ¹⁶ اِبراهیمَا اِرونئے هبر زرت و هما کیمتی تور کرت* که اِرونا گوشتگات و هیئیان اِشکتگات، بزآن نگرهے چار سد شیکل، سئوداگرانی گیشتگین سنگ و تورے هسابا.

¹⁷⁻¹⁸ گڑا اِرونئے ڈگار که مکپیلها، ممرهے نزیگا ائت، سَجّهین هیئیان دیمَا که شهرے دروازگا آتکگانت، آ ڈگار و ڈگارے تهے گار و سَجّهین درچک، اِبراهیمئے ملکت بوتنت. ¹⁹ نون اِبراهیمَا وتی لُوگی ساره، مکپیلهاے ڈگارے گارا،

23:15 Shekel Esráiliáni kerrá sang o wazné butag. Chár sad shekel kesás chár o ném kilu ent.

23:16 Tór kanag, bezán wazn kanag.

15:23 شیکل، اِسرائیلیانی کِرا سنگ و وزنه بوتگ. چار سد شیکل کِساس چار و نیم کیلو ائت.

16:23 تور کنگ، بزآن وزن کنگ.

Mamrehay nazzikká ent o Mamreh Hebruná ent.
²⁰Hittián é dthagár gón gára Ebráhémára dát ke kabrestáné bekanti.

Esák o Rebekká

24 Nun Ebráhém pir o kamásh at. Hodáwandá Ebráhém har chizzá barkat dátagat.
²Ebráhémáy lógá kwahnén hezmatkáré hastat ke áiyay sajjahén kár o báráni sarók at. Ebráhémá gón áiyá gwasht: “Wati dastá mani zánay* chérá ér kan.*”
³Man tará Hodáwanday sawgendá dayán, ásmán o zeminay Hodáay sawgendá dayán, ke cha é Kanhánián, ke man esháni nyámá zend gwázenagá án, cha esháni jenekkán mani chokká jana nadayay.
⁴Mani molká raway o mani chokk Esáká hamódá cha mani jenday syádán jané dayay.”

⁵Hezmatkárá cha áiyá jost kort: “Bale agan jenekk pa é molkay áyagá rázig mabit, gorhá tai chokká hamá molká per betarrénán ke taw cha ódá átkagay?”
⁶Ebráhémá gwasht: “Hechbar mani chokká ódá per matarrén.⁷ Hodáwand, ásmánay Hodá, hamá ke maná cha mani petay lóg o mani pédáeshay molká edá áworti, hamá Hodá ke gón man habari kort, kasam o sawgendi wárt o kawli kort ke ‘cha mani némagá é sardhagár tai nasl o padréchayg ent’, hamá Hodá wati préshtagá cha taw pésar ráha dant ke taw cha ódá pa mani chokká jané dar gétk bekanay.⁸ Agan á jenekk gón taw áyagá rázig nabut, gorhá taw cha mani é sawgendá ázát ay. Bale mani chokká ódá per matarrén.”
⁹Gorhá hezmatkárá dast wati wájah Ebráhémáy zánay chérá ér kort o hamé sawgend wárt.

¹⁰Hezmatkárá cha wati wájahay oshterán dah oshter zort o rahádag but. Cha wájahay némagá tahr tahrén gechéni théki áiyá gón at. Pád átk o dém pa Arám-Nahraymá rawán but. Náhóray shahr hamódá at.
¹¹Cha shahrá dhann, chátéay kerrá oshteri jókéntant. Bégáhay wahd at o é wahdá janén pa ápay kasshagá átkant.

¹²Áiyá dwá kort o gwasht: “Oo Hodáwand! Mani wájahén Ebráhémáy Hodá! Maróchi maná sóbén* kan o mani wájahén Ebráhémáy sará mehrabán bay.

24:2 Zán, bezán páday borzi némagay bazgósht.

24:2 Esráiliáni rasmé at ke pa mohrén sawgenday dayagá, sawgend waróká wati dast, sawgend dayókay zánay chérá éra kort o sawgenda wárt.

24:12 Sóbén, bezán péróz, kámyáb.

کنہائے سرزمینا کبر کرت. اے گار ممرہئے نژیگا انت و ممرہ ہبرونا انت. ²⁰ہیتیان اے ڈگار گون گارا ابراہیمارا دات کہ کبرستانے بکنتی.

اساک و ریگا

24 نون ابراہیم پیر و کماش ات. ہداوندا ابراہیم هر چیزا برکت داتگا ات. ²ابراہیمئے لوگا کوہنیں ہزمتکارے ہست ات کہ آییئے سجھین کار و بارانی سروک ات. ابراہیم گون آییہا گوشت: “وتی دستا منی زانئے* چیرا ایر کن.*”
³من ترا ہداوندئے سوگندا دئیان، آسمان و زمینئے ہدائے سوگندا دئیان، کہ چہ اے کنہانیاں، کہ من ایشانی نیاما زند گوازینگا آن، چہ ایشانی جنگان منی چُکا جن ندئیئے.
⁴منی ملکا رتوئے و منی چُک اساکا همودا چہ منی جندئے سیادان جنے دئیئے.

⁵ہزمتکارا چہ آییہا جست کرت: “بلہ اگن جنگ پہ اے ملکئے آییگا رازیگ مبیٹ، گڑا تئیی چُکا ہما ملکا پر بترینان کہ تتو چہ اوڈا آتکگئے؟”
⁶ابراہیم گواشت: “ہچبر منی چُکا اوڈا پر مترین.⁷ ہداوند، آسمانئے ہدا، ہما کہ منا چہ منی پتئے لوگ و منی پیدائشئے ملکا ادا آورتی، ہما ہدا کہ گون من ہبری کرت، کسم و سوگندی وارت و کٹولی کرت کہ ‘چہ منی نیمگا اے سرڈگار تئیی نسل و پدیریچینگ انت، ہما ہدا وتی پریشتگا چہ تتو پیسر راہ دنت کہ تتو چہ اوڈا پہ منی چُکا جنے در گیتک بکنئے.⁸ اگن آجنگ گون تتو آییگا رازیگ نبوت، گڑا تتو چہ منی اے سوگندا آتات ائے. بلہ منی چُکا اوڈا پر مترین.”
⁹گڑا ہزمتکارا دست وتی واجہ ابراہیمئے زانئے چیرا ایر کرت و ہمے سوگند وارت.

¹⁰ہزمتکارا چہ وتی واجہئے اشتران دہ اشتر زرت و رھاڈگ بوت. چہ واجہئے نیمگا تھر تھرین گچینی ٹیکی آییہا گون ات. پاد آتک و دیم پہ آرام نہرئیمارئون بوت. ناہورئے شہر همودا ات.
¹¹چہ شہرا دن، چاتئیئے کرا اشتری جوکینتنت. بیگاہئے وهد ات و اے وهدا جنین پہ آئے کسگا آتکنت.

¹²آییہا دوا کرت و گوشت: “او ہداوندا منی واجہین ابراہیمئے ہدا! مروچی منا سوین* کن و منی واجہین ابراہیمئے سرا مہربان بئے.¹³ بچار، من اے چمگئے کرا اوشتاتگان و شہرئے

24:2 زان، بزبان پادئے برزی نیمگئے بزگوشت.

24:2 اسرائیلیانی رسمے ات کہ پہ مہرین سوگندئے دئیگا، سوگند وروکا وتی دست، سوگند دئیوکئے زانئے چیرا ایر کرت و سوگند وارت.

12:24 سوین، بزبان پیروز، کامیاب.

¹³ Bechár, man é chamma gay kerrá óshtátagán o shahray mardománi jenekk pa ápay kasshagá pédák ant. ¹⁴ Hamá jenekk ke agan man gwasht: ‘Wati kunzagá jahl kan, man ápa warán’ o áíá gwasht: ‘Byá bwar, man tai oshterán ham ápa dayán’ mana zánán ke hamé jenekk taw pa wati hezmatkárén Esáká gechén kortag. Man cha hamé gappá zánán ke taw pa mani wájahá mehrabán butagay.”

¹⁵ Áíá angat dwá halás nakortagat ke Rebekkáyá wati kunzag kópaga at o átk. Rebekká Betwélay jenekk at. Betwél Melkahay mardénchokkat o Melkah, Ebráhémay brát Náhóray jan at. ¹⁶ Jenekk sakkén sharrangé at. Janénchokké at o angat gón hecch mardéná nawaptagat. Rebekká dém pa chamma gay jahlád ráh gept, kunzagi porr kort o padá borzád but.

¹⁷ Hezmatkár tacháná áíay kerrá shot o gwashti: “Maná cha wati kunzagá kammé áp beday.” ¹⁸ Rebekkáyá gwasht: “Bwar, mani wájah!” Zutt zuttá kunzagi gón doén dastán jahl kort o ápi dát. ¹⁹ Rebekkáyá hezmatkár áp dát, randá gwashti: “Man tai oshterán ham ápa dayán, tán hamá wahdá ke wat bass bekanant.” ²⁰ Eshtáp eshtápiá kunzagi tagáray* tahá hálig kort o dém pa chátá tachán but ke dega áp byárit. Pa áíay sajjahén oshterán ápi kasshet. ²¹ Mard bétawár at o Rebekkáyá chárágá at tán bezánt baren Hodáwandá mani sapor sóbén kortag yá na.

²² Oshterán ke ápay warag bass kort, mardá sohray polóhé dar kort ke kesás shash gerám at o pa áíay dastán sohray do hattali* ke har yakkéay wazan kesás sad o bist gerám at. ²³ Josti kort: “Taw kai jenekk ay? Maná begwash, tai petay lógá jágah hast ke má wati shapá ódá begwázénén?” ²⁴ Rebekkáyá gwasht: “Man Betwélay jenekk án. Betwél, Melkah o Náhóray chokk ent.” ²⁵ Padá gwashti: “Márá káh o kadim ham báz hast o choshén jágah ham hast ke shomá shapá bedárét.”

²⁶ Mardá wati sar jahl kort, Hodáwanday shogri gept o ²⁷ gwashti: “Hodáwandá satá bát, mani wájah Ebráhémay Hodáyá ke gón mani wájahá wati mehr o wapádárii barjáh dáshtag o dém pa mani wájahay syádáni lógay ésapará mani rahshón butag.” ²⁸ Jenekk tachán but o mátay lógay mardomi hál dátant.

²⁹ Rebekkáyá braté hastat ke námi Lábán at. Lábán tachán but o chamma gay kerrá, hezmatkáráy némagá shot. ³⁰ Lábáná ke wati goháray pónzay polóh o dastay

مردمانی جنگ پہ آپئے کشگا پیدا ک انت. ¹⁴ ہما جنگ کہ اگن من گوشت: ’وتی کونزگا جہل کن، من آپ و ران‘ و آیا گوشت: ’بیا بور، من تئی اشران ہم آپ دیان‘ من زانان کہ ہمے جنگ تئو پہ وتی ہزمتکارین اساکا گچین کرتگ. من چہ ہمے گپا زانان کہ تئو پہ منی واجہا مہربان بوتگئے۔“

¹⁵ آیا انگت دوا ہلاس نکرتگ ات کہ ربگیا وتی کونزگ کوپگا ات و آتک. ربگا بتولئے جنگ ات. بتویل ملکہے مردین چک ات و ملکہ، ابراہیمے برات ناہورے جن ات. ¹⁶ جنگ سکین شرنگے ات. جنین چکے ات و انگت گون ہیچ مردینا نئوپتگ ات. ربگا دیم پہ چمگا جہلا د راہ گپت، کونزگی پرت و پدا برزاد بوت.

¹⁷ ہزمتکار تچانا آئیے کرا شت و گوشتی: ’منا چہ وتی کونزگا کمے آپ بدئے۔‘ ¹⁸ ربگیا گوشت: ’بور، منی واجہا!‘ زوت زوت کونزگی گون دوین دستان جہل کرت و آپی دات. ¹⁹ ربگیا ہزمتکار آپ دات، رندا گوشتی: ’من تئی اشران ہم آپ دیان، تان ہما و ہدا کہ وت بس بکننت۔‘ ²⁰ اشتاپ اشتاپا کونزگی تگارے* تھا ہالیگ کرت و دیم پہ چاتا تچان بوت کہ دگہ آپ بیاریت. پہ آئیے سجھین اشران آپی کشت. ²¹ مرد بیتوار ات و ربگیا چارگا ات تان بزانت بارین ہداوندا منی سپر سوبین کرتگ یا نہ.

²² اشران کہ آئیے ورگ بس کرت، مردا سہرے پلوہے در کرت کہ کساس شش گرام ات و پہ آئیے دستان سہرے دو ہتلی* کہ ہر یکئیے وزن کساس سد و بیست گرام ات. ²³ جستی کرت: ’تئو کئیے جنگ ائے؟ منا بگوش، تئی پتے لوگا جاگہ ہست کہ ما وتی شپا اودا بگوا زینین؟‘ ²⁴ ربگیا گوشت: ’من بتولئے جنگ آن. بتویل، ملکہ و ناہورے چک انت۔‘ ²⁵ پدا گوشتی: ’مارا کاہ و کدیم ہم باز ہست و چشین جاگہ ہم ہست کہ شما شپا بداریت۔‘

²⁶ مردا وتی سر جہل کرت، ہداوندے شگری گپت و ²⁷ گوشتی: ’ہداوندا ستا بات، منی واجہ ابراہیمے ہدایا کہ گون منی واجہا وتی مہر و وپاداری ای برجہ داشتگ و دیم پہ منی واجہے سیادانی لوگئے اے سپرا منی رہشون بوتگ۔‘ ²⁸ جنگ تچان بوت و ماتے لوگئے مردمی ہال داتنت.

²⁹ ربگیا براتے ہست ات کہ نامی لابان ات. لابان تچان بوت و چمگئے کرا، ہزمتکارے نیمگا شت. ³⁰ لابانا کہ وتی

24:20 Tagár, bezán mazanén johlén darp, hirán, lagan.

24:22 Hattali, bezán sangaw yá mangalikkay dhawlén saht o zéwaré ke janéni dastá kanant.

20:24 تگار، بزبان مزینن جھلین درپ، ہیران، لگن.

22:24 ہتلی، بزبان سنگتو یا منگیلکئے ڈولین سہت و زینورے کہ جنینی دستا کنت.

hattali distant o anchó ke goháray gappi eshкот ke á mardá gón áiá ché gwashtagat, dar átk o marday némagá shot. Disti ke mard chammagay sará oshteráni kerrá óshtátátag. ³¹ Gwashti: “Oo Hodáwanday barkat dátátagén! Byá, dhanná chéá óshtátátagay? Man lóg tayár kortag o pa oshterán ham jágahon gisshéntag.”

³² Gorhá mard lógá shot. Oshteráni báresh ér gétkant o oshteresh káh o kadim kortant. Pa marday jend o hamráhán ápesh áwort ke wati pádán beshódant. ³³ Nun waragesh áwort o démá dátant. Bale hezmatkárá gwasht: “Man tánke wati gappána najanán, heccha nawarán.” Lábáná gwasht: “Wati gappán bejan.” ³⁴ Gwashti: “Man Ebráhémáy hezmatkáré án. ³⁵ Hodáwandá mani wájah sakk báz barkat dátátag o wájah hastómand o amiré. Hodáwandá pas o gók, har o oshter, nograh o teláh, golám o móled dátátag. ³⁶ Mani wájahay lógi Sárhá piránsariá pa wájahá mardénchokké áwortag o mani wájahá wati sajjahén hasti hamáiárá dátátag. ³⁷ Mani wájahá maná sawgend dátátag o gwashtag: ‘Mani chokká Kanháni jané maday, cha é molká ke annun man neshtagán. ³⁸ Mani petay lógá o mani syádáni kerrá beraw o mani chokká cha hamáyán jané beday.’ ³⁹ Man cha wati wájahá jost kort ke agan jenekk gón man mayayt gón, gorhá?

⁴⁰ Gwashti: ‘Hodáwand, ke man áiyaráh zortag, wati préshtagá gón taw ráha dant o tará tai saporá sóbena kant tánke taw pa mani mardénchokká cha mani jenday mardomán o mani petkawmá jané dar gétk bekanay. ⁴¹ Agan taw manis yádáni kerrá beraway, cha sawgendá ázáta bay. Agan á wati jenekká madayant ham, taw cha mani sawgendá ázáta bay.’ ⁴² Maróchi ke man é chammagay sará átkán, gwashton: ‘Oo Hodáwand! Mani wájah Ebráhémáy Hodá! Agan tai razá ent, é saporá ke man átkagán eshiá sóbén kan. ⁴³ Bechár, man é chammagay kerrá óshtátátagán, agan jenekké ápa byayt o mani begwashán: “Maná cha wati kunzagá kammé ápa beday” o ⁴⁴ á maná begwashit: “Bwar, man pa tai oshterán ham ápa kasshán,” gorhá á jenekk hamá bebát ke taw pa mani wájahay chokká gechén kortag.’

⁴⁵ Man angat delay tahá dwá nahalléntagat o Rebekáyá wati kunzag kópagá at o átk. Rebeká dém pa chammagá jahlád ráh gept, shot o ápi kasshet. Man gón áiá gwasht: ‘Maná ápa beday.’ ⁴⁶ Áiá pa eshtápi cha kópagá wati kunzag jahl kort o gwasht: ‘Bwar. Man tai oshterán ham ápa dayán.’ Gorhá man ápa wárt o áiá mani oshter ham ápa dátant. ⁴⁷ Man cha áiá jost kort: ‘Taw kai jenekk ay?’ Áiá gwasht: ‘Betwélay jenekk án. Betwélay pet Náhór ent o mát Melkah.’ Gorhá man

گھارے پونزے پلوہ و دستے ہتلی دیستنت و انچو کہ گھارے گپی اشکت کہ آ مردا گون آیا چے گوشتگات، در آتک و مردے نیمگا شت. دیستی کہ مرد چمگئے سرا اشرانی کرا اوشتاتگ. ³¹ گوشتی: “او ہداوندے برکت داتگین! بیا، دنا چیا اوشتاتگئے؟ من لوگ تیار کرتگ و پہ اشران ہم جاگھن گیشیتگ.”

³² گرا مرد لوگا شت. اشرانی بارش ایر گیتکت و اشرش کاہ و کدیم کرتنت. پہ مردے جند و همراہان آپش آورت کہ وتی پادان بشودنت. ³³ نون ورگش آورت و دیما دانت. بلہ ہزمتکارا گوشت: “من تانکہ وتی گپان نجنان، ہیچ نئوران.” لا بانا گوشت: “وتی گپان بجن.” ³⁴ گوشتی: “من ابراہیمے ہزمتکارے آن. ³⁵ ہداوندا منی واجہ سک باز برکت داتگ و واجہ هستومند و امیرے. ہداوندا پس و گوک، هر و اشر، نگرہ و تلاہ، گلام و مؤلد داتگ. ³⁶ منی واجھے لوگی سارہا پیرانسریا پہ واجہا مردین چکے آورتگ و منی واجہا وتی سجھین هستی همایارا داتگ. ³⁷ منی واجہا منا سوگند داتگ و گوشتگ: ‘منی چکا کنہانی جنے مدے، چہ اے ملکا کہ انون من نشتگان. ³⁸ منی پتے لوگا و منی سیادانی کرا برتو و منی چکا چہ همایان جنے بدے.’ ³⁹ من چہ وتی واجہا جست کرت کہ اگن جنگ گون من مئیثیت گون، گرا؟

⁴⁰ گوشتی: ‘ہداوند، کہ من آیے راہ زرتگ، وتی پریشتگا گون تئو راہ دنت و ترائی سپرا سوین کنت تانکہ تئو پہ منی بچا چہ منی جندے مردمان و منی پت کئوما جنے در گیتکت بکنے. ⁴¹ اگن تئو منی سیادانی کرا برتوے، چہ سوگندا آرات بے. اگن آ وتی جنگا مدینت ہم، تئو چہ منی سوگندا آرات بے.’ ⁴² مروچی کہ من اے چمگئے سرا آتکان، گوشتن: ‘او ہداوند! منی واجہ ابراہیمے ہدا! اگن تئی رزا انت، اے سپرا کہ من آتکان، اشیا سوین کن. ⁴³ بچار، من اے چمگئے کرا اوشتاتگان، اگن جنگے آیا بیثیت و منی بگوشان: “منا چہ وتی کوزگا کمے آپ بدے” و ⁴⁴ آ منا بگوشیت: “بور، من پہ تئی اشران ہم آپ کشان،” گرا آ جنگ ہما ببات کہ تئو پہ منی واجھے چکا گچین کرتگ.’

⁴⁵ من انگت دلے تھا دوا نہاییتگات و ربکایا وتی کوزگ کوپگا ات و آتک. ربکا دیم پہ چمگا جھلا د راہ گیت، شت و آپی کشت. من گون آیا گوشت: ‘منا آپ بدے.’ ⁴⁶ آیا پہ اشتاپی چہ کوپگا وتی کوزگ جھل کرت و گوشت: ‘بور. من تئی اشران ہم آپ دئیان.’ گرا من آپ وارت و آیا منی اشر ہم آپ دانت. ⁴⁷ من چہ آیا جست کرت: ‘تئو کئی جنگ اے؟’ آیا گوشت:

polóh pónzá dát o hattali dastá dátant o ⁴⁸ wati saron jahl kort o Hodáwanday shogr gept. Man, Hodáwand wati wájah Ebráhémay Hodá satá kort ke maná rástén ráhi pésh dásht ke wati wájahay bacchay sánagá gón wájahay brátay jenekká bekanáénán. ⁴⁹ Nun, agan shomá gón mani wájahá mehrabán o wapádára bét, maná jwábé bedayét. Agan mehrabán o wapádára nabét ham begwashét tánke man bezánán ke rástá berawán yá chappá.”

⁵⁰ Lábán o Betwélá passaw dát: “É kár cha Hodáwanday némagá butag. Mára eshiay bárawá na ‘haw’ kanagay ehtiáré hast o na ‘enna’ kanagay. ⁵¹ Esh ent Rebekká, zuri o beraw ke tai wájahay chokkay lógi bebit, hamá paymá ke Hodáwandá gwashtag.”

⁵² Ebráhémay hezmatkárá ke áyáni é habar eshкот, Hodáwanday bágáhá pa adab sari jahl kort. ⁵³ Gorhá hezmatkárá nograh o teláhay saht o zéwar o lahtén god áwort o Rebekkáyará dát. Rebekkáay brát o máti ham gránkimmatén théki dátant. ⁵⁴ Nun hezmatkár o hamráhán warag o charag wárt o shapá hamódá jalletant.* Sohbá ke pád átkant, mardá gwasht: “Maná dém pa mani wájahá rahádag kanét.” ⁵⁵ Bale Rebekkáay brát o mátá passaw dát: “Jenekká bell angat pa kammé wahdá, dahé róchá may kerrá ent, randá berawét.” ⁵⁶ Hezmatkárá gwasht: “Nun ke Hodáwandá maná mani saporá sóbén kortag, maná madárét o rahádag kanét ke wati wájahay kerrá berawán.” ⁵⁷ Áyán gwasht: “Sharr, byá jenekká tawára kanén o áiy jendá josta gerén.” ⁵⁸ Gorhá Rebekkáesh tawár kort o jostesh gept: “Taw gón é mardá raway gón?” Áiyá passaw dát: “Haw, rawán gón.” ⁵⁹ Gorhá áyán wati gohár Rebekká, Rebekkáay shirmátén móled, Ebráhémay hezmatkár o áiy hamráh ráh dátant. ⁶⁰ Áyán Rebekká barkat dát o gwashtesh:

“May gohár! Taw hazáráni hazár bátay.

Tai nasl o padréch wati badwáháni shahráni master bátant.”

⁶¹ Gorhá Rebekkáyá wati móled zortant o pád átk. Oshterán jammáz* butant o á marday hamráhiá shotant. É paymá hezmatkárá Rebekká zort o wati ráh shot.

⁶² Nun Esák cha Behér-Lahái-Ruíá per tarretag o átkagat o Negébá jahmenend butagat. ⁶³ Bégáhéá, Esák dhangáray sará gardagá at o hayáláni tahá at. Chammi chest kortant o disti ke lahtén oshter pédák ent. ⁶⁴ Rebekkáyá ham chamm ke chest kortant, Esáki

‘بتویئے جنگ آن. بتویئے پت ناهورانت و مات ملکہ. گڑا من پلوه پونزا دات و هتلی دستا دانت و ⁴⁸ وتی سرن جهل کرت و هداوندئے شگر گپت. من، هداوند وتی واجه ابراهیمئے هدا ستا کرت که منا راستین راهی پیش داشت که وتی واجهئے بجئے سانگا گون واجهئے براتئے جنگا بکناینان. ⁴⁹ نون، اگن شما گون منی واجه مهربان و وپادار بیت، منا جوابے بدیئت. اگن مهربان و وپادار نبیت هم بگوشیت تانکه من بزنان که راستا برئوان یا چپا.”

⁵⁰ لایان و بتویلا پستو دات: “اے کار چه هداوندئے نیمگا بوتگ. مارا ایشیے بارئوا نه هتو‘ کنگئے اهتیارے هست و نه ‘انه‘ کنگئے. ⁵¹ ایش انت ربکا، زوری و برئو که تئی واجهئے چکئے لوگی بییت، هما پیما که هداوندا گوشتگ.”

⁵² ابراهیمئے هزمتکارا که آیانی اے هبر اشکت، هداوندئے بارگاهاه په ادب سری جهل کرت. ⁵³ گڑا هزمتکارا نگره و تلاهئے سهت و زیور و لهتین گد آورت و ربکایارا دات. ربکائے برات و ماتی هم گران کیمتین ئیکی دانت. ⁵⁴ نون هزمتکار و همراهان ورگ و چرگ وارت و شپا همودا جلتنت. * سهبا که پاد آتکنت، مردا گوشت: “منا دیم په منی واجه رهاگ کنیت.” ⁵⁵ بله ربکائے برات و ماتا پستو دات: “جنگا بل انگت په کمے وهدا، دهے روچا مئے کرا انت، رندا برئویت.” ⁵⁶ هزمتکارا گوشت: “نون که هداوندا منی سپرا سو بین کرتگ، منا مداریت و رهاگ کنیت که وتی واجهئے کرا برئوان.” ⁵⁷ آیان گوشت: “شر، بیا جنگا تئوار کنین و آیئے جندا جست گرین.” ⁵⁸ گڑا ربکایش تئوار کرت و جستش گپت: “تئو گون اے مردا رئوئے گون؟” آییا پستو دات: “هتو، رئوان گون.” ⁵⁹ گڑا آیان وتی گهار ربکا، ربکائے شیرماتین مؤلد، ابراهیمئے هزمتکار و آیئے همراه راه دانت. ⁶⁰ آیان ربکا برکت دات و گوشتس: “مئے گهار! تئو هزارانی هزار باتئے.

تئی نسل و پدریچ وتی بدواهانی شهرانی مستر باتنت.”

⁶¹ گڑا ربکایا وتی مؤلد زرتنت و پاد آتک. اشتران جماز* بوتنت و آ مردئے همراهیا شتنت. اے پیما هزمتکارا ربکا زرت و وتی راهاشت.

⁶² نون اساک چه بهزلهایی روییا پر ترتگ و آتکگ ات و نگییا جهمنند بوتگ ات. ⁶³ بیگاهایا، اساک دگارئے سرا گردگا ات و هیالانی تها ات. چمی چست کرتنت و دیستی که لهتین

dist. Cha wati oshterá ér kapt o ⁶⁵gón hezmatkárá gwashti: “É mard kay ent ke dhagáray sará tarráná dém pa má pédák ent?” Hezmatkárá gwasht: “É mani wájah ent.” Gorhá Rebekkáyá cháder zort o watárá mán póshet. ⁶⁶Nun hezmatkárá, harché ke butagat, Esák hál dát. ⁶⁷Esáká Rebekká zort o wati mátay, bezán Sárahay gedáná áwort o gón Rebekkáyá suri kort. Á, Esákay lógi but o Esáká sakk dóst at. Esák ke wati mátay marká gamig at, nun árám gept.

Ebráhémay mark

25 Ebráhémá dega jané geptagat ke námi Keturah at. ²Ebráhémay chokk Zemrán o Yokshán o Médán o Midyán o Yashbák o Shawáh cha Keturahá pédá butant. ³Cha Yoksháná Shébá o Didán pédá butant. Didánay óbádag Áshuri o Letushi o Layumi atant. ⁴Midyánay mardénchokk, Epád o Éper o Hanuk o Abidah o Eldáh atant. É sajjahén Keturahay óbádag atant.

⁵Ebráhémá wati sajjahén hasti Esákará dát. ⁶Hamá mardénchokk ke Ebráhémá cha soriatán butagatant, wati zendá áyáná thékii dát o cha wati chokk Esáká dur, ródarátki molká ráh dátant.

⁷Ebráhémá sad o haptád o panch sál omr kort o ⁸wati goddhi dami kasshet, sharrén mazanén omré korti o mort. Ebráhém piriá pa delémeni gón wati mortagén mahluká hawár but. ⁹Áiy chokk Esák o Esmáéla wati pet Mamrehay nazzikká, Makpélahay gáray tahá kabr kort, hamá dhagárá ke Hitti Sóharay chokk Eprunay butagat o ¹⁰Ebráhémá cha Hittián bahá zortagat. Ebráhém hamódá wati lógi Sárahay kerrá kabr kanag but. ¹¹Cha Ebráhémay marká rand Hodáyá áiy chokk Esák barkat dát. Esák Behér-Lahái-Ruiay nazzikká jahmenend but.

Esmáélay nasl o padréch

¹²Ebráhémay chokk Esmáél, ke cha Sárahay Mesri móled Hájerá pédá butagat, áiy nasl o padréchay kessah chosh ent:

¹³Esmáélay mardénchokkáni nám, omray hesábá pa red esh ant:

أشتر پیداک انت. ⁶⁴رَبِّكَايَا هم چم كه چست كرتنت، اساكى ديست. چه وتى اشتر اير كپت و ⁶⁵گون هزمتكارا گوشتی: “اے مرد كئے انت كه ڈگارئے سرا ترانا ديم په ما پیداك انت؟” هزمتكارا گوشت: “اے منى واجه انت.” گڑا رَبِّكَايَا چادر زرت و وتارا مان پوشت. ⁶⁶نون هزمتكارا، هرچے كه بوتگ ات، اساكى حال دات. ⁶⁷اساكى رَبِّكَايَا زرت و وتى ماتئے، بزبان سارهئے گدانا آورت و گون رَبِّكَايَا سوري كرت. آ، اساكئے لوگى بوت و اساكى سگ دوست ات. اساكى كه وتى ماتئے مركا گميگ ات، نون آرام گپت.

ابراهیمئے مرک

25 ابراهیم دگه جنے گپتگ ات که نامی کتوره ات. ² ابراهیمئے چک زمران و یکشان و میدان و میدیان و یشباک و شواه چه کتورہا پیدا بوتنت. ³ چه یکشانا شیبیا و دیدان پیدا بوتنت. دیدانئے اؤبادگ آشوری و لتوشی و لئیومی اتنت. ⁴ میدیانئے مردین چک، ایاہ و ایپر و ہنوک و ابیدہ و الٰہ اتنت. اے سجھین کتورہئے اؤبادگ اتنت.

⁵ ابراهیم و تى سجھین هستی اساکارا دات. ⁶ هما مردین چک کہ ابراهیم چه سريتان بوتگ اتنت، وتى زندا آيانا ٹيکى اى دات و چه وتى چک اساکا دور، روڈراتكى ملکا راه داتنت.

⁷ ابراهیم سد و هپتاد و پنج سال امر كرت و ⁸ وتى گڈى دمی كشت، شرين مزین امرے كرتى و مرت. ابراهیم پيريا په دل ايمنى گون وتى مرتگين مهلوکا هتوار بوت. ⁹ آيئے چک اساک و اسمائلا وتى پت ممرهئے نزيكا، مكيپلهئے گارئے تھا كبر كرت، هما ڈگارا كه هيتى سوهرئے چك ابرونئے بوتگ ات و ¹⁰ ابراهیم چه هيتيان بها زرتگ ات. ابراهیم همودا وتى لوگى سارهئے كرا كبر كنگ بوت. ¹¹ چه ابراهیمئے مركا رند هدايا آيئے چك اساك برکت دات. اساك بهيرلهايى رويئے نزيكا جهمنند بوت.

اسمائئے نسل و پدریچ

¹² ابراهیمئے چک اسمائیل، که چه سارهئے مسری مؤلد هاجرآ پیدا بوتگ ات، آيئے نسل و پدریچئے كسه چش انت:

¹³ اسمائئے مردین چكانى نام، امرئے هسابا په رد اش انت:

Masterén chokk Nebáyut o é dega chokk, Kédar o Adbil o Mabsám o ¹⁴ Meshmá o Dumá o Massá o ¹⁵ Hadád o Témá o Yatur o Nápish o Kedmah atant. ¹⁶ Hankén* o gedánáni hesábá, Esmáélay chokkáni nám hamesh atant, dwázdah sardár, wati kabilaháni red o banday sará. ¹⁷ Esmáéla yakk sad o si o hapt sál omr kort. Wati goddhi dami kasshet o mort o gón wati mortagén mahluká hawár but. ¹⁸ Áiay óbádag, Mesray simsará ke dém pa Áshurá raway, cha Hawilahá beger tán Shuray zeminá jahmenend butant. Á gón wati sajjahén brátán arhetagatant.

Ákub o Issu

¹⁹ Ebráhémay chokk Esákay kessah chosh ent:

Esákay pet Ebráhém at. ²⁰ Esákay omr chell sál at wahdé gón Rebekáyá suri kort. Rebeká, Betwél Aramáiy jenekk o Lábán Aramáiy gohár at. Betwél Paddán-Arámay mardomé at.

²¹ Esákay lógi santh o béawlád at o paméshká Esáká pa wati lógiá cha Hodáwandá dwá lóthet. Hodáwandá áiy dwá gósh dásht o Esákay lógi Rebekáay láp porr but. ²² Doén chokk, mátay lápá gón yakdomiá kassh o chill kanagá atant. Rebekáyá gwasht: “Gón man chéa chosh bayagá ent?” Shot o cha Hodáwandá josti kort. ²³ Hodáwandá gwasht:

“Do ráj tai lápá ent.

Do kawm cha tai lápáy tahá sedit.

Yakk rájé cha domiá zórmandtera bit o

masterén, kasterénay hezmatá kant.”

²⁴ Chokmátiay máh o róch ke purah butant, Rebekáyá járh áwort. ²⁵ Awali chokk ke pédá but, sohragé at o áiy sajjahén badan chó mudi kabáhá at. Áiay námesh Issu* kort. ²⁶ Randá áiy brát pédá but o pédá bayagay wahdá Issuay páday punzi* dáshtagat. É chokkay námesh Ákub* kort. Wahdé Rebekáyá é járh áwortant, Esáká shast sál at. ²⁷ Chokk rost o mazan butant. Issu zabardastén shekárié but o dasht o gyábánán gardókén mardé at. Ákub áramtabén mardé at o géshter gedáná neshtagat. ²⁸ Esáká Issu dóstter

مستریں چُک نَبایوت و اے دگہ چُک، کیدر و ادبیل و میسام و ¹⁴ میسما و دوما و مَسا و ¹⁵ هَداد و تیما و یتور و ناپیش و کدمه آنتت. ¹⁶ هَنکین* و گِدانانی هسابا، اِسْمایِلے چُکْانی نام هِمیش آنتت، دوازده سَردار، وتی کبیلھانی رد و بندے سرا. ¹⁷ اِسْمایِلا یگ سَد و سی و هپت سال امر کرت. وتی گڈی دمی کشت و مُرت و گون وتی مُرتگین مهلوکا هئوار بوت. ¹⁸ آییے ازیادگ، مِسْرے سیمسرا که دیم په آشورا رتوے، چه هئویلهَا بگرتان شورے زمینا جهمنند بوتنت. آگون وتی سَجْهین براتان اُرتگ آنتت.

آکوب و ایسو

¹⁹ ابراهیمے چُک اساکے کسہ چُش انت:

اساکے پت ابراهیم ات. ²⁰ اساکے امر چل سال ات وهده گون ریکایا سوری کرت. ریکَا، بتویل ارمایے جنگ و لابان ارمایے گهار ات. بتویل پدان ارامے مردے ات.

²¹ اساکے لوگی سنٹ و بے ائولاد ات و پمیشکا اساکا په وتی لوگیا چه هداوندا دوا لوتت. هداوندا آییے دوا گوش داشت و اساکے لوگی ریکایے لاپ پربوت. ²² دوین چُک، ماتے لاپا گون یکدومیا کش و چیل کنگا آنتت. ریکایا گوش: “گون من چیا چُش بئیگا انت؟” شت و چه هداوندا جُستی کرت. ²³ هداوندا گوش:

”دو راج تئی لاپا انت.

دو کثوم چه تئی لاپے تها سِدیت.

یک راجے چه دومیا زورمندتر بیت و

مستریں، کستریئے هزمتا کنت.”

²⁴ چُکماتیے ماه و رُچ که پوره بوتنت، ریکایا جاڑ اورت. ²⁵ ائولی چُک که پیدا بوت، سهرگے ات و آییے سَجْهین بدن چو مودی کباها ات. آییے نامش ایسو* کرت. ²⁶ رندا آییے برات پیدا بوت و پیدا بئیگے وهدا ایسوے پادے پونزی* داشتگ ات. اے چُکے نامش آکوب* کرت. وهده ریکایا اے جاڑ اورتنت، اساکا شست سال ات. ²⁷ چُک رُست و مزن بوتنت. ایسو زبردستین شکاریے بوت و دشت و گیابانان گردوکیں مردے ات.

16:25 هَنکین، بزَن نندگے جاگه، میتگ، میندجاه.

25:25 ایسوے مانا پئو انت، هما که باز پئی پر بیت.

26:25 پادے پونز، بزَن پادے کونزک، پادے پُشتی نیمگ.

26:25 اکوبے لبز گون ابرانی زبانے دو لبزا نَزیک انت که یکئیے مانا “پادے پونزا گیبیت” انت و دومیے مانا “پادے کَشوک” یا “رَن کَنوک” انت.

25:16 Hankén, bezán nendagay jágah, métag, menendjáh.

25:25 Issuay máná pothó ent, hamá ke báz pothi per bebit.

25:26 Páday punz, bezán páday kunzok, páday poshti némag.

25:26 Ákubay labz gón Ebráni zobánay do labzá nazzikk ent

ke yakkéay máná “páday punzá gipt” ent o domiay máná

“páday kasshók” yá “rán kanók” ent.

at ke shekáráy góshtáni támi wassha but. Rebekkáyá Ákub dóstter at.

²⁹ Yakk róché Ákub nároshtay grádagá at, Issu cha gyábáná átk, shodá chang* at. ³⁰ Gón Ákubá gwashti: “Cha é sohrén nároshtán toshé day golombán, cha é sohrénán, ke maná shodá kosht.” Paméshká Issuesh Edum* ham gwasht. ³¹ Ákubá passaw dát: “Awalá wati pédáeshi hakká* mani kerrá bahá kan.” ³² Issuá gwasht: “Maná shodá kosht, pédáeshi hakk mani che kára kayt?” ³³ Ákubá gwasht: “Pésará gón man sawgend bwar.” Gorhá áíá sawgend wárt o wati pédáeshi hakki Ákubay kerrá bahá kort. ³⁴ Nun Ákubá lahtén nagan o dhálay nárosht Issuárá dát. Áíá wárt o randá pád átk o shot. É paymá Issuá wati pédáeshi hakk bézzat kort.

Gón Esáká Hodáay ahd o paymán

26 Chó but ke á sardhagará dhokkálé kapt, abéd cha á pésari dhokkálá ke Ebráhémáy wahdá butagat. Esák, Gerára shot, Pilestiáni bádsháh Abimalekay kerrá. ² Hodáwand, Esákay démá záher but o gwashti: “Mesrá maraw. Hamá sardhagará benend ke man tará gwashán. ³ Annun hamé molká darámadáy paymá benend. Man gón taw gón án o tará barkata dayán. É sajjahén zeminán tará o tai nasl o padréchará dayán o gón tai pet Ebráhémá wártagén sawgendá barjama dárán. ⁴ Man tai nasl o padréchá ásmánay estaráni kesásá báza kanán o é sajjahén zeminán áyáná dayán o tai nasl o padréchay sawabá zeminay sajjahén kawm barkata gerant, ⁵ chéá ke Ebráhémá mani parmánbardári kort. Áíá mani habar zort, mani rahband o parmán o mani hokm o kánuni barjáh dáshtant.” ⁶ Gorhá Esák Gerára nesht.

Esák o Abimalek

⁷ Wahdé óday mardénán cha Esáká áíay lógiay bárawá jost kort, cha torsá nagwashti ke mani lógi ent, gwashti: “Mani gohár ent.” Áíá delá hayál kortagat chó

25:29 Shodá chang bayag, bezán cha shodá sakk nátwán bayag, cha shodá dotal bayag.

25:30 Edumay máná “sohr” ent.

25:31 Pédáeshi hakk: Esráiliáni kerrá pet o piroki málay tahá awali mardénchokkay bahr cha é dega chokkáni bahrá do sari at.

Ákub آرام تبین مردے ات و گیشتر گیدانا نشتگ ات. ²⁸ اساکا ایسو دوست تر ات کہ شکارے گوشتانی تامی وش بوت. ربگایا آکوب دوست تر ات.

²⁹ یک روچه آکوب نارشتے گرادگا ات، ایسو چه گیابانا آتک، شدا چنگ* ات. ³⁰ گون آکوبا گوشتی: “چه اے سهرین نارشتان تھے دے گلُمان، چه اے سهرینان، کہ منا شدا کُشت.” پمیشکا ایسواش ادوم* ہم گوشت. ³¹ آکوبا پستو دات: “اٹولا وتی پیدائشی هگا* منی کرا بها کن.” ³² ایسوا گوشت: “منا شدا کُشت، پیدائشی هک منی چه کارا کئیت؟” ³³ آکوبا گوشت: “پیسرا گون من سٹوگند بور.” گزا اییا سٹوگند وارت و وتی پیدائشی هکی آکوبے کرا بها کرت. ³⁴ نون آکوبا لهتین نغن و ڈالے نارشت ایسوارا دات. اییا وارت و رندا پاد آتک و شت. اے پیما ایسوا وتی پیدائشی هک بے ازت کرت.

گون اساکا هدائے اهد و پئیمان

26 چو بوت کہ آسرڈگارا ڈکالے کپت، ابید چه آپیسری ڈکالا کہ ابراهیمے وهدا بوتگ ات. اساک، گرارا شت، پیلستیانے بادشاه ابیملکے کرا. ² هداوند، اساکے دینما زاهر بوت و گوشتی: “مسرا مرئو. هما سرڈگارا بنند کہ من ترا گوشان. ³ انون همه ملکا درامدیئے پیما بنند. من گون تئو گون آن و ترا برکت دئیان. اے سجهین زمینان ترا و تئیی نسل و پدريچارا دئیان و گون تئیی پت ابراهیم وارتگین سٹوگندا برجَم داران. ⁴ من تئیی نسل و پدريچا آسمانے استارانی کساسا باز کنان و اے سجهین زمینان ایانا دئیان و تئیی نسل و پدريچے سٹوبا زمینے سجهین کئوم برکت گرت، ⁵ چنا کہ ابراهیم منی پرمانبرداری کرت. اییا منی هبر زرت، منی رهبند و پرمان و منی هکم و کانونی برجاه داشتنت.” ⁶ گزا اساک گرارا نشت.

اساک و ابیملک

⁷ وهده اؤدے مردینان چه اساکا اییے لوگیئے بارئوا جُست کرت، چه ترسا نگوشتی کہ منی لوگی انت، گوشتی: “منی

29:25 شدا چنگ بئیک، بزآن چه شدا سک ناتوان بئیک، چه شدا دوتل بئیک.

30:25 ادومے مانا “سهر” انت.

31:25 پیدائشی هک: اسراییلیانی کرا پت و پیروکی مالے تھا اٹولی مردین چکے بهر چه اے دگه چکانی بهرا دو سری ات.

mabit ke eday mardén maná bekoshant o Rebekkáya bebarant ke á sharrangé.

⁸ Esák tán mazanén moddatéá hamódá nesht. Yakk róché Pilestíáni bádsháh Abimaleká cha darigá dhann jahlá cháret, disti ke Esák gón wati jan Rebekkáya dazjaniá ent. ⁹ Abimaleká Esák lótháént o gwasht: “Acha é tai jan ent! Taw chéá gwashtag ke ‘mani gohár ent?’” Esáká passaw dát: “Man wati delá gwasht ke áiy sawabá yakké mani jendá koshit.” ¹⁰ Abimaleká gwasht: “Taw chéá gón má chosh kort? Agan mani mardomé gón tai janá bwaptén, taw gonáhé may chakká dawr dátatagat.” ¹¹ Gorhá Abimaleká sajjahén mardom hokm dátant: “Harkas ke é mard o eshiay janá dastá ham per bekant, áíá allam markay sezá dayaga bit.”

¹² Esáká á dhagáray sará kesht o keshár kort o á sálá dhagará sad sari* bar o samar dát, chéá ke Hodáwandá Esák barkat dát. ¹³ Esák sér o hazgár but o mál o hastii tán hamá haddá gésh bayán but ke á sakkén mazanén hastómandé jórh but. ¹⁴ Esáká ramag o górom o hezmatkár anchó báz at ke Pilesti hasaddig butant o ¹⁵ á sajjahén chátesh bár dát o háká porr kortant ke Esákay pet Ebráhémay hezmatkárán, Ebráhémay zamánagá jatagatant.

¹⁶ Nun Abimaleká gón Esáká gwasht: “Cha may kerrá beraw. Taw sakk zórmand ay o cha may haddá dar ay.” ¹⁷ Gorhá Esák cha ódá dar átk o Geráray daragá wati gedáni mekk kortant o nesht. ¹⁸ Esáká hamá chát dar roptant ke áiy pet Ebráhémay zamánagá kóchag butagatant o Pilestíán, Ebráhémay marká rand bár dátatagatant. Esáká é chát hamá nám per kortant ke áiy petá bastagatant.

¹⁹ Wahdé Esákay hezmatkárán á daragay tahá zemin kótk, tachókén ápay cháté daresh gétk, ²⁰ bale Geráray shepánk gón Esákay shepánkán arhetant o gwashtesh: “É áp mayg ent.” Gorhá Esáká é chátay nám Esek* kort, chéá ke Geráray mardom gón áíá arhetagatant. ²¹ Esákay hezmatkárán dega cháté jat, bale eshiay sará ham arhetant, gorhá áíá é chátay nám Setnah* kort. ²² Esák cha ódá laddhet o shot. Dega cháté jati. Nun eshiay sará kassá arh o korh nakort. Esáká chátay nám Rahubut* kort o gwashti: “Nun Hodáwandá mará práh o sháhegánén jágahé dátag o má hamé sardhagará sér o ábáda bén.”

گھار انت. “آیا دلا هئیل کرتگ ات چو مبيت كه ادئے مردین منا بکشتن و ربگایا ببرنت كه آشرنگے.

⁸ اساک تان مزین مُدَّتیا همودا نشت. یگ روچے پیلستیانی بادشاہ ابیملکا چه دریگا دُنْ جھلا چارت، دیستی که اساک گون وتی جن ربگایا دزجیا انت. ⁹ ابیملکا اساک لوٹاینت و گوشت: “آچه اے تئی جن انت! تئو چیا گوشتگ که ‘منی گھار انت؟’” اساکا پَسٹو دات: “من وتی دلا گوشت که آییے سئوبا یگے منی جدا کُشیت.” ¹⁰ ابیملکا گوشت: “تئو چیا گون ما چُش کرت؟ اگن منی مردمے گون تئی جنا بوپتین، تئو گناھے مئے چکا دئور داتگ ات.” ¹¹ گڑا ابیملکا سَجھین مردم هکم دانت: “هرکس که اے مرد و اشیئے جنا دستا هم پر بکنت، آیا اَلَم مرکے سزا دئیگ بیت.”

¹² اساکا آڈگارے سرا کشت و کشار کرت و آسالا ڈگارا سد سَری* بر و سمر دات، چیا که هداوندا اساک برکت دات. ¹³ اساک سیور و هرگار بوت و مال و هستی ای تان هما هدا گیش بئیان بوت که آسکین مزین هستومندے جوڑ بوت. ¹⁴ اساکا رمگ و گورم و هممتکار انچو باز ات که پیلستی هسڈیگ بوتنت و ¹⁵ آسجھین چاتش بار دات و هاکا پُر کرتنت که اساکے پت ابراهیمے هممتکاران، ابراهیمے زمانگا جتگ اتنت.

¹⁶ نون ابیملکا گون اساکا گوشت: “چه مئے کرا برئو. تئو سگ زورمند ائے و چه مئے هدا در ائے.” ¹⁷ گڑا اساک چه اؤدا در آتک و گرائے درگا وتی گدانی مگ کرتنت و نشت. ¹⁸ اساکا هما چات در رپنتت که آییے پت ابراهیمے زمانگا کوچگ بوتگ اتنت و پیلستیان، ابراهیمے مرکارند بار داتگ اتنت. اساکا اے چات هما نام پر کرتنت که آییے پتا بستگ اتنت.

¹⁹ وهدهے اساکے هممتکاران آدرگے تها زمین کوتک، تچوکین آپے چاتے درش گیتک، ²⁰ بله گرائے شپانک گون اساکے شپانکان اُتنت و گوشتش: “اے آپ مئیگ انت.” گڑا اساکا اے چاتے نام اسک* کرت، چیا که گرائے مردم گون آیا اُتنت. ²¹ اساکے هممتکاران دگه چاتے جت، بله اشیئے سرا هم اُتنت، گڑا آیا اے چاتے نام ستنه* کرت. ²² اساک چه اؤدا لڈت و شت. دگه چاتے جتی. نون اشیئے سرا کسا اُڑ و کُر نکرت. اساکا چاتے نام رهوبوت* کرت و گوشتی: “نون هداوندا مارا پراه و شاهگانین جاگھے داتگ و ما همه سردگارا سیور و آباد بین.”

26:12 Sad sari, bezán sad barábar, sad randá, sad haminchok.

26:20 Esek, bezán arh o korh, jang o jérhah.

26:21 Setnah, bezán jang o jérhah, petnah o pasát, heláp bayag.

26:22 Rahubut, bezán práh o sháhegánén jágah.

12:26 سد سَری، بزآن سد برابر، سد رندا، سد همینچک.

20:26 اسک، بزآن اُڑ و کُر، جنگ و جیژه.

21:26 ستنه، بزآن جنگ و جیژه، پتنه و پسات، هلاپ بئیگ.

22:26 رهوبوت، بزآن پراه و شاهگانین جاگه.

²³ Esák cha ódá dém pa Bérshébahá shot. ²⁴ Hamá shapá Hodáwand áiy demá záher but o gwashti: “Man tai pet Ebráhémay Hodá án. Mators, chéá ke man gón taw gón án. Man wati hezmatkár Ebráhémay sawabá tará barkata dayán o tai nasl o padréchá géshá gésha kanán.” ²⁵ Esáká ódá korbánjáhé addh kort o Hodáwanday námi tawár kort. Wati gedáni hamódá mekk kort o áiy hezmatkárán hamódá cháté jat.

Esák o Abimalekay ahd o paymán

²⁶ Abimalek cha Gerará wati saláhkár Ahuzzah o wati pawjay sarlashkar Pikulay hamráhiá Esákay kerrá átk. ²⁷ Esáká cha áyán jost kort: “Shomá gón mandozhmeni kort o maná cha wati kerrá gallént. Nun chéá mani kerrá átkagét?” ²⁸ Áyán passaw tarrént: “Má sharriay sará distag ke Hodáwand gón taw gón ent, paméshká má gwasht ke báyard ent mayshomay nyámá kasam o sawgendé bebit. Byá ahd o paymáné bandén ²⁹ ke taw mára ázára nadayay, anchó ke má tará ázár nadátá o gón taw sharr butagén o tará pa salámati o émeni cha wati kerrá rahádag kortag. Nun má gendén ke tará cha Hodáwanday némagá barkat rasetag.” ³⁰ Gorhá Esáká pa áyán mehmánié kort o áyán wárt o noshet. ³¹ Domi sohbá máhallah pád átkant o Esák o Abimaleká gón yakdegará sawgend wárt. Esáká mardom rahádag kortant o á, cha Esákay kerrá pa salámati o émeni shotant.

³² Hamá róchá Esákay hezmatkár átkant o wati jatagén chátay bárawá hálesh dát. Gwashtesh: “Má áp dar gétkag.” ³³ Esáká é chátay nám Shébah* kort o tán róche maróchigá á shahrá Bérshébahá* gwashant.

Issuay do jan

³⁴ Wahdé Issuay omr chellsál but, gón Hitti kabilahay Behiri námén mardéay jenekk Yudit o Hitti Élónay jenekk Basématá suri kort. ³⁵ Issuay é janán, Esák o Rebekkáay zendagi azáb kort.

²³ اساک چه اودا دیم په بیرشبیها شت. ²⁴ هما شپا هداوند اییئے دیم زاهر بوت و گوشتی: “من تئی پت ابراهیمئے هدا آن. مئوس، چیا که من گون تئو گون آن. من وتی هزمتکار ابراهیمئے سئوبا ترا برکت دئیان و تئی نسل و پدریچا گیشا گیش کنان.” ²⁵ اساکا اودا کربانجابه اڈ کرت و هداوندئے نامی تئوار کرت. وتی گدانی همودا مک کرت و اییئے هزمتکاران همودا چاته جت.

اساک و ابیملکئے اهد و پیمان

²⁶ ابیملک چه گرارا وتی سلاھکار اھوزہ و وتی پئوجئے سرلشکر پیکولئے همراھیا اساکئے کرا آتک. ²⁷ اساکا چه آیان جست کرت: “شما گون من دژمنی کرت و منا چه وتی کرا گلئنت. نون چیا منی کرا آتکگیت؟” ²⁸ آیان پئسو ترئنت: “ما شریئے سرا دیستگ که هداوند گون تئو گون انت، پمیشکا ما گوشت که باید انت مئے شمئے نیاما کسم و سئوگندے بیت. بیا اهد و پیمانے بندین ²⁹ که تئو مارا آزار ندئیئے، انچو که ما ترا آزار نداتگ و گون تئو شر بوتگین و ترا په سلامتی و ایمنی چه وتی کرا رهاگ کرتگ. نون ما گندین که ترا چه هداوندئے نیمگا برکت رستگ.” ³⁰ کرا اساکا په آیان مهمانیے کرت و آیان وارت و نوشت. ³¹ دومی سہبا ماھله پاد آتکنت و اساک و ابیملکا گون یکدگرا سئوگند وارت. اساکا مردم رهاگ کرتنت و آ، چه اساکئے کرا په سلامتی و ایمنی شتنت.

³² هما روچا اساکئے هزمتکار آتکنت و وتی جتگین چاتئے بارئوا هالیش دات. گوشتش: “ما آپ در گیتکگ.” ³³ اساکا اے چاتئے نام شیبہ* کرت و تان روچ مروچیکا آ شھرا بیرشبیہ* گوشت.

ایسویئے دو جن

³⁴ وھدے ایسویئے أمر چل سال بوت، گون هیتی کیلھئے بهیری نامین مردیئے جنگ یودیت و هیتی ایلونئے جنگ بسیمنا سوری کرت. ³⁵ ایسویئے اے جنان، اساک و ربکائے زندگی آزاب کرت.

26:33 Shébah, bezán sawgend yá hapt.

26:33 Bérshébah, bezán sawgenday chát yá hapténáni chát.

33:26 شیبہ، بزآن سئوگند یا هپت.

33:26 بیرشبیہ، بزآن سئوگندئے چات یا هپتینانی چات.

27 Wahdé Esák pir but, chammi nezór butant o maymia nakort. Yakk róché wati masterén chokk, Issui lóthet o gwashti: “Oo mani chokk!” Áiá gwasht: “Ji.” ² Esáká gwasht: “Bechár, man pir án o nazánán kojám róchá merán. ³ Paméshká wati seláhán, wati tirdán o kamáná bezur o gyábáná beraw o pa man shekáré bekan. ⁴ Washtámén waragé pa man tayár kan o byár ke bwarán o cha marká pésar tará barkat bedayán, anchén waragé ke maná dósta bit.”

⁵ Wahdé Esák gón wati chokk Issuá habará at, Rebekká áyáni habarán gósh dáragá at. Issu ke pa shekáráy janag o áragá gyábáná shot, ⁶ Rebekkáyá gón wati chokk Ákubá gwasht: “Bechár, man eshkot ke tai petá gón tai brát Issuá gwasht: ⁷ ‘Pa man shekáré bekan o byár o washtámén waragé addh kan ke bwarán o cha marká pésar Hodáwanday bágáhá tará barkat bedayán.’ ⁸ Mani chokk! Nun mani habará sharr delgósh kan o hamé paym ke man tará gwashán, anchó bekan: ⁹ Beraw o cha ramagá pa man do sharrén shenekk byár ke man pa tai petá washtámén waragé addh kort bekanán, hamá paymá ke áiá dósta bit. ¹⁰ Padá bar o wati petá beday ke bwártesh o cha marká pésar tará barkat bedant.”

¹¹ Ákubá gón wati mát Rebekkáyá gwasht: “Bale mani brát Issuay badaná báz poth per ent o mani ján sáp ent. ¹² Agan mani pet maná dast per bekant, gorhá? Man áiyay chammán prébkaré bán o barkatay badalá nálaté wati sará kárán.” ¹³ Mátá gwasht: “Mani chokk! Tai badalá nálat mani chakká kapát. Bass mani habará gósh dár, beraw o shenekkán byár.”

¹⁴ Gorhá Ákub shot, shenekki gept o wati mátay kerrá áwortant o mátá washtámén waragé hamá paymá addh kort ke Ákubay petá wassha but. ¹⁵ Rebekkáyá wati masterén chokk Issuay hamá sharrén god ke lógá áiyay kerrá ér atant, zort o wati kasterén chokk Ákubay gwará dátant. ¹⁶ Ákubay gardenay bépohtén jágah o dasti gón shenekkáni pósta póshetant. ¹⁷ Nun addh kortagén washtámén warag o nagani wati chokk Ákubay dastá dátant. ¹⁸ Ákub wati petay kerrá shot o gwashti: “Mani pet!” Esáká gwasht: “Ji mani chokk! Taw kay ay?” ¹⁹ Ákubá gwasht: “Man Issu án, tai awali chokk. Man hamá paymá kort ke taw gwashtagat. Pád á, benend o cha mani shekárá chizzé bwar ke maná barkat dát bekanay.” ²⁰ Esáká wati chokk jost kort: “Mani chokk! Chó zutt taw chón shekár dar gétk?”

27 وهده إساک پیر بوت، چمی نزور بوتنت و مئیمی نکرت. یک روچه وتی مسترین چک، ایسوی لوث و گوشتی: “او منی چک!” اییا گوشت: “جی.” ² اساکا گوشت: “بچار، من پیر آن و نزانان کجام روچا مران. ³ پمیشکا وتی سلاهان، وتی تیردان و کمانا بزور و گیابانا برئو و په من شکاره بکن. ⁴ وشتامین ورگه په من تیار کن و بیار که بوران و چه مرکا پیسر ترا برکت بدئیان، آنچین ورگه که منا دؤست بیت.”

⁵ وهده إساک گون وتی چک ایسوا هبرا ات، ربکا ایانی هبران گوش دارگا ات. ایسو که په شکاره جنگ و آرگا گیابانا شت، ⁶ ربکایا گون وتی چک آکوبا گوشت: “بچار، من اشکت که تئیی پتا گون تئیی برات ایسوا گوشت: ⁷ ‘په من شکاره بکن و بیار و وشتامین ورگه اذ کن که بوران و چه مرکا پیسر هداوندئ بارگاه ترا برکت بدئیان.’ ⁸ منی چک! نون منی هبرا شر دلگوش کن و همه پئیم که من ترا گوشان، آنچو بکن: ⁹ برئو و چه رمگا په من دو شرین شنگ بیار که من په تئیی پتا وشتامین ورگه اذ کرت بکنان، هما پئیم که اییا دؤست بیت. ¹⁰ پدا بر و وتی پتا بدئ که بوارتیش و چه مرکا پیسر ترا برکت بدنت.”

¹¹ آکوبا گون وتی مات ربکایا گوشت: “بله منی برات ایسوئ بدننا باز پٹ پر انت و منی جان ساپ انت. ¹² اگن منی پت منا دست پر بکنت، گڑا؟ من اییئ چمان پر بیکارے بان و برکتئ بدلا نالتے وتی سرا کاران.” ¹³ ماتا گوشت: “منی چک! تئیی بدلا نالت منی چکا کپات. بس منی هبرا گوش دار، برئو و شنگان بیار.”

¹⁴ گڑا آکوب شت، شنگی گپت و وتی ماتئ کرا اورتنت و ماتا وشتامین ورگه هما پئیم اذ کرت که آکوبئ پتا وش بوت. ¹⁵ ربکایا وتی مسترین چک ایسوئ هما شرین گد که لوگا اییئ کرا ایر اتنت، زرت و وتی کسترین چک آکوبئ گورا دانتنت. ¹⁶ آکوبئ گردنئ بیپئین جاگه و دستی گون شنگانی پؤستا پؤشنتنت. ¹⁷ نون اذ کرتگین وشتامین ورگ و نگی وتی چک آکوبئ دستا دانتنت. ¹⁸ آکوب وتی پتئ کرا شت و گوشتی: “منی پت!” اساکا گوشت: “جی منی چک! تئو کئے ائے؟” ¹⁹ آکوبا گوشت: “من ایسو آن، تئیی اتولی چک. من هما پئیم کرت که تئو گوشتگ ات. پادا، بنند و چه منی شکارا چیزے بور که منا برکت دات بکنئے.” ²⁰ اساکا

Passawi dát: “Hodáwandá, tai Hodáyá maná sóbén kort.”²¹ Gorhá Esáká gón Ákubá gwasht: “Mani chokk! Nazzikter byá ke man tará dast per kort bekanán o bezánán ke pa rásti taw mani chokk Issu ay yá na.”

²² Ákub wati pet Esákay nazzikká shot, petá dast per kort o gwasht: “Tawár Ákubayg ent, bale dast Issuayg ant.”²³ Esáká Ákub pajjáh nayáwort, chéá ke nun Ákubay dastán Issuay dastáni paymá báz poth per at. Gorhá Esák Ákubay barkat dayagá lagget.²⁴ Esáká jost kort: “Pa rásti taw mani chokk Issu ay?” Áiá passaw dát: “Haw.”²⁵ Gorhá gwashti: “Mani chokk! Cha wati shekárá kammok byár ke bwarán o randá tará barkat bedayán.” Ákubá warag áwortant o áiá wárt. Sharábi ham áwort o Esáká wárt.²⁶ Nun petá gwasht: “Mani chokk! Edá byá o maná bechokk.”²⁷ Ákub áiay nazzikká shot o chokketi. Esáká ke áiay godáni bó lagget, Ákubi barkat dát o gwashti:

“Bechár, mani chokkay bó

chó hamá gyábánay washbóá ent
ke Hodáwandá barkat dátag.

²⁸ Hodá tará cha ásmánay nód* o
zeminay séri o hazgáriá
béhesáb dán o tázagén sharáb bedayát.

²⁹ Kawm tai hezmatá bekanátant o
ráj tai démá kón dhán kapátant.

Wati brátáni wájah bátay o
tai mátay chokk

tai démá kón dhán kapátant.

Harkas tará nálata kant,

wat nálati bát o

harkas ke tará barkata dant,

áiá barkat berasát.”

Issu barkata lóthit

³⁰ Esáká Ákubay barkat dayag halás kortagat o Ákub nóki cha wati pet Esákay kerrá shotagat ke áiay brát Issu cha shekárá átk.³¹ Áiá ham washtámén waragé addh kort o pa wati petá áwort. Gwashti: “Mani pet!

وتی چُک جُست کرت: ”منی چُک! چۆ زوت تئو چۆن شکار در گیتک؟“ پَسئوی دات: ”هُداوندا، تئیی هُدايا منا سۆبین کرت.“²¹ گُڑا اِساکا گۆن آکوبا گوشت: ”منی چُک! نَزیکتر بیا که من ترا دست پر کرت بکنان و بزنان که په راستی تئو منی چُک ايسو ائے یا نه.“

²² آکوب وتی پت اِساکے نَزیکاً شت، پتا دست پر کرت و گوشت: ”تئوار آکوبئیک اِنت، بله دست ايسوئیک اِنت.“²³ اِساکا آکوب پجَاه نئیاورت، چیا که نون آکوبئے دستان ايسوئے دستانى پئیما باز پُٹ پر اَت. گُڑا اِساک آکوبئے برکت دئیکاً لُگت.²⁴ اِساکا جُست کرت: ”په راستی تئو منی چُک ايسو ائے؟“ اِییا پَسئو دات: ”هئو.“²⁵ گُڑا گوشتی: ”منی چُک! چه وتی شکارا کُمک بيار که بۆران و رندا ترا برکت بدئیان.“ آکوبا ورگ اُورنت و اِییا وارت. شرابی هم اُورت و اِساکا وارت.²⁶ نون پتا گوشت: ”منی چُک! اِدا بیا و منا بچُک.“²⁷ آکوب اِیئے نَزیکاً شت و چُکتی. اِساکا که اِیئے گُدانى بۆ لُگت، آکوبی برکت دات و گوشتی:

”بچار، منی چُکتے بۆ

چۆ هما گیابانئے وشبۆا اِنت

که هُداوندا برکت داتگ.

²⁸ هُدا ترا چه آسمانئے نۆد* و

زمینئے سیری و هَزگاریا

بیهساب دان و تازگین شراب بدئیات.

²⁹ کئوم تئیی هِزمتا بکنانت و

راج تئیی دئیما کۆنڈان کپانت.

وتی براتانی واجه باتئے و

تئیی ماتئے چُک

تئیی دئیما کۆنڈان کپانت.

هرکس ترا نالت کنت،

وت نالتی بات و

هرکس که ترا برکت دنت،

اِییا برکت برسات.“

ايسو برکت لۆثیت

³⁰ اِساکا آکوبئے برکت دئیک هلاس کرتگ اَت و آکوب نۆکی چه وتی پت اِساکئے کُرا شتگ اَت که اِیئے برات ايسو چه شکارا اَتک.³¹ اِییا هم وشتامین ورگے اُد کرت و په وتی پتا اُورت.

Pád á, benend o cha mani shekárá chizzé bwar ke maná barkat dát bekanay.”³² Áiay pet Esáká gwasht: “Taw kay ay?” Áiá passaw dát: “Man tai chokk án, Issu án, tai awali chokk.”³³ Nun Esáká baláhén larzagé jáná kapt o gwashti: “Gorhá á kay at ke shekáré jat o pa man áworti o man tai áyagá damáné pésar wárt o áiárá barkat dát? O allam áiá barkata rasit.”

³⁴ Wahdé Issuá wati petay habar eshкотant, baláhén peryáté jati. Gón wati petá gwashti: “Maná barkat day, mani pet! Maná ham barkat beday.”³⁵ Bale Esáká gwasht: “Tai brát pa makr o préb átk o tai barkati bort.”³⁶ Issuá gwasht: “Paméshká námi Ákub ent.* É domi rand ent ke maná répénit. Pésará mani pédáeshi hakkí* wárt o nun mani barkati bort.” Padá josti kort: “Taw pa man hecch barkat pasht nagétkag?”

³⁷ Esáká gwasht: “Man áiárá tai wájah kortag o áiay sajjahén syád áiay hezmatkár kortagant. Man áiárá gón dán o tázagén sharábá rezk o rózig bakshátag. Nun pa taw ché korta kanán, mani chokk?”³⁸ Issuá gón wati petá gwasht: “Mani pet! Tai kerrá barkat hamé yakkén at? Maná ham barkat beday, mani pet!” O Issuá zár zárá grét.

³⁹ Áiay pet Esáká gwasht:

“Tai hankén cha zeminay séri o hazgáriá
bébahra bit o
cha borzén ásmánay nódán ham.

⁴⁰ Taw pa zahm wati rózigá dara géjay o
wati brátay hezmatá kanay,
bale wahdé bézára bay,
wati brátay jogá*
cha wati gardená kasshay o chagala dayay.”

⁴¹ Cha hamá wahdá Issuá pa Ákubá kénag delá dásht, hamá barkatay sawabá ke petá áiárá dátagat. Delá gwashti: “Mani petay porsay róch nazzikk ant. Randá wati brát Ákubá koshán.”

گوشتی: ”منی پت! پاد آ، بنند و چه منی شکارا چیرے بور کہ منا برکت دات بکنٹے۔“³² آییے پت اساکا گوشت: ”تئو کئے ائے؟“ آییہا پسئو دات: ”من تئیی چُکْ آن، ایسو آن، تئیی ائولی چُکْ۔“³³ نون اساکا بلاهین لَرزگے جانا کپت و گوشتی: ”گڑا آ کئے ات کہ شکارے جت و پہ من اورتی و من تئیی آیگا دمانے پیسوارت و آییارا برکت دات؟ و اَلَم آییہا برکت رسیت۔“

³⁴ وهدے ایسو وتی پتے ہبر اشکتنت، بلاهین پریاتے جتی۔ گون وتی پتا گوشتی: ”منا برکت دئے، منی پت! منا ہم برکت بدئے۔“³⁵ بلہ اساکا گوشت: ”تئیی برات پہ مکر و پریب اُتک و تئیی برکتی بُرت۔“³⁶ ایسو گوشت: ”پمیشکا نامی آکوب اُنت۔* اے دومی رند اُنت کہ منا ریپینیت۔ پیسرا منی پیدائشی ہکی* وارت و نون منی برکتی بُرت۔“ پدا جُستی کرت: ”تئو پہ من ہیچ برکت پُشت نگیتکگ؟“

³⁷ اساکا گوشت: ”من آییارا تئیی واجہ کرتگ و آییے سجھین سیاد آییے ہزمتکار کرتگ اُنت۔ من آییارا گون دان و تازگین شرابا رزک و رُوزیگ بکشاتگ۔ نون پہ تئو چے کرت کُنان، منی چُکْ؟“³⁸ ایسو گون وتی پتا گوشت: ”منی پت! تئیی کُرا برکت ہمے یکن اُت؟ منا ہم برکت بدئے، منی پت!“ و ایسو زار زارا گریت۔

³⁹ آییے پت اساکا گوشت:

”تئیی ہنکین چہ زمینے سیری و ہزگاریا بیبہر بیت و

چہ بُزین آسمانے نودان ہم۔

⁴⁰ تئو پہ زہم وتی رُوزیگا در گيجئے و

وتی براتے ہزمتا کنئے،

بلہ وهدے بیزار بئے،

وتی براتے جُگا*

چہ وتی گردنا کُشئے و چگَل دئییے۔“

⁴¹ چہ ہما وهدا ایسو پہ آکوبا کینگ دلا داشت، ہما برکتے سئوبا کہ پتا آییارا داتگ اُت۔ دلا گوشتی: ”منی پتے پُرسے رُوج نَزیک اُنت۔ رندا وتی برات آکوبا کُشان۔“

27:36 Ákubay labz gón Ebráni zobánay do labzá nazzikk ent ke yakkéay máná “páday punzá gipt” ent o domiy máná “páday kasshók” yá “rán kanók” ent.

27:36 Pédáeshi hakk, bezán awalchokkiay hakk ke awali chokkay bahr géshter butag.

27:40 Jog dáré ke pa zeminay nangár kanagá do gókey gardená bandanti.

36:27 آکوبے لبز گون ابرانی زبانے دو لبزا نَزیک اُنت کہ یکنے مانا ”پادے پونزا گیبیت“ اُنت و دومیے مانا ”پادے کُشوک“ یا ”ران کُنوک“ اُنت۔

36:27 پیدائشی ہک، بزبان ائول چُکیے ہک کہ ائولی چُکے بہر گیشتر بوتگ۔

40:27 جُگ دارے کہ پہ زمینے ننگار کنگا دو گوکے گردنا بندنتی۔

Ákuba tachit o Háráná rawt

⁴²Wahdé Rebekkáyá hál raset ke áiy masterén chokk Issuá ché gwashtag, wati kasterén chokk Ákubi lóthet o gwashti: “Tai brát Issuá del wassh kortag ke Ákubá koshán o wati bérá gerán. ⁴³Mani chokk! Nun mani habará beger. Zutt cha edá betach o Háráná, mani brát Lábánay kerrá beraw. ⁴⁴Chizzé wahdá hamáiy kerrá bedár tánke tai brát wati zahrán ér bebárt. ⁴⁵Tai brátay zahr ke éra káyant o á kará béhayála kant ke taw gón áiy kortag, man pa taw kolawé ráha dayán. Gorhá cha ódá wátarr kan o byá. Chéa yakkén róchá man shomá doénán bebáhénán?”

⁴⁶Nun Rebekkáyá gón Esáká gwasht: “Man é Hitti janénáni sawabá cha zendagiá bészár án. Agan Ákubá cha é mol kay jenekkán, cha é warhén Hitti jenekkán yakké sáng kort, gorhá man bemerátán.”

28 Esáká Ákub lóthéant o barkat dát. Hokmi dát o gwashti: “Kanháni jenekké sáng makan. ²Zutt Paddán-Aráma beraw, wati máyay pet Betwélay lógá. Hamódá, gón wati máyay brát Lábánay jenekkéá sur kan. ³Porwákén Hodá tará barkat bedayát o porsamar kanát. Tará géshá gésh kanát o taw kawmáni rombé bátay. ⁴Hodá tará o tai nasl o padréchá hamá barkatá bedayát ke Ebráhémára dátagi, ke hamá sardhagáray wáhond bebay ke annun ódá darámadéay paymá zend gwázenagá ay, hamá sardhagár ke Hodáyá Ebráhémára bakshátag.” ⁵Gorhá Esáká Ákub ráh dát o Ákub Paddán-Aráma Betwél Aramáiy chokk Lábánay kerrá shot. Lábán, Issu o Ákubay máyay Rebekkáyá brát at.

⁶Issu sahig but ke Esáká Ákub barkat dátag o Paddán-Arámarahádag kortag ke hamódá jané begipt. Á é gappá ham sahig but ke barkat dayagay wahdá Esáká Ákub hokm dátag ke: “Kanháni jenekké sáng makan” o ⁷Ákubá pet o máyay habar geptag o Paddán-Aráma shotag. ⁸Nun Issu sarpad but ke Kanháni janén mani pet Esáká chinchok nádóst ant. ⁹Paméshká Esmáélay kerrá shot o wati pészari janáni sará, Ebráhémay Esmáélen chokkay jenekki gept. Jenek kay nám Mahálat at o Nebáyutay gohár at.

آكوب تجيت و هارانا رثوت

⁴² وهده ريگيا هال رست كه آبيئ مسترين چك ايسوا چه گوشنگ، وتي كسترين چك آكوبي لوثت و گوشتي: “تئي برات ايسوا دل وش كرتگ كه آكوبا كشان و وتي بيرا گران. ⁴³ مني چك! نون مني هبرا بگر. زوت چه ادا بتچ و هارانا، مني برات لابائے كرا برئو. ⁴⁴ چيزے وهدا همائيے كرا بدار تانكه تئي برات وتي زهران اير ببارت. ⁴⁵ تئي براتے زهر كه اير كايئت و آكارا بيئھيال كنت كه تئو گون آيا كرتگ، من په تئو كلئوے راه دئيان. گزا چه اودا واتر كن و بيا. چيا يكين روچا من شما دوئيان بباھينان؟”

⁴⁶ نون ريگيا گون اسكا گوشت: “من اے هيتي جنيناني سئوبا چه زندگيا بيزار آن. اگن آكوبا چه اے ملكئے جنگان، چه اے وژين هيتي جنگان يكے سانگ كرت، گزا من بمراتان.”

28 اسكا آكوب لوثاينت و بركت دات. هكمي دات و گوشتي: “كنهاني جنكے سانگ مكن. ² زوت پدان آراما برئو، وتي ماتئے پت بتويئے لوگا. همودا، گون وتي ماتئے برات لابائے جنكيا سور كن. ³ پرواكين هدا ترا بركت بدثيات و پرسمر كنات. ترا گيشا گيش كنات و تئو كئوماني رُمبے باتئے. ⁴ هدا ترا و تئي نسل و پدريچا هما بركتا بدثيات كه ابراهيمارا داتگي، كه هما سرذگارئے واهند بيئے كه اتون اودا درامديئے پئيمما زند گوازينگا ائے، هما سرذگار كه هدايا ابراهيمارا بكشاتگ.” ⁵ گزا اسكا آكوب راه دات و آكوب پدان آراما بتويئل آرمائيے چك لابائے كرا شت. لابان، ايسو و آكوبے مات ريگائے برات ات.

⁶ ايسو سهيگ بوت كه اسكا آكوب بركت داتگ و پدان آراما رهادگ كرتگ كه همودا جنے بگيپت. آ اے گپا هم سهيگ بوت كه بركت دئيگئے وهدا اسكا آكوب هكم داتگ كه: “كنهاني جنكے سانگ مكن” و ⁷ آكوبا پت و ماتئے هبر گپتگ و پدان آراما شتگ. ⁸ نون ايسو سرپد بوت كه كنهاني جنين مني پت اسكا چينچك نادوست انت. ⁹ پميشكا اسمائئے كرا شت و وتي پيسري جناني سرا، ابراهيمئے اسمائلين چكے جنكي گپت. جنكے نام مهالت ات و نبايوتئے گهار ات.

Ákubay wáb

¹⁰ Ákub cha Bérshébahá dar átk o dém pa Háráná shot. ¹¹ Yakk jágahéa ke raset, shapá hamódá dáshti, chéa ke róch ér shotagat. Hamá jágahá sengé zort o saray chérái kort o tachkbut. ¹² Wábé disti ta padánké* ke yakk saré zeminá enti o domi sar ásmáná o Hodáay préshtag sara kapant o éra kapant. ¹³ Hodáwand cha padánká borzter óshtátagat. Gwashti: “Man Hodáwand án, tai pet Ebráhémay Hodá o Esákay Hodá. É zeminay sará ke taw annun waptagay, man eshiá tará o tai nasl o padréchará dayán. ¹⁴ Tai chokk o nomásag zeminay hákání kesásá báza bant o shomá ródarátk o rónend o shomál o jonub, chárén némagán tálána bét. Zeminay sajjahén kawm tai o tai nasl o padréchay sawabá barkata gerant. ¹⁵ Bechár, man gón taw gón án o har kojá ke raway tai chár o gozará kanán o tará padá hamé sardhagará kárán. Tánke man gón taw wati kawl purah nakortag, tará yalaha nadayán.” ¹⁶ Ákub ke cha wábá pád átk, gón wat gwashti: “Béshakk Hodáwand hamé jágahá ent o man nazántag.” ¹⁷ Torset o gwashti: “É jágah delá ápa kant. É allamá Hodáay jenday lóg ent, arshay darwázag ent.” ¹⁸ Domi sohbá máhallah Ákub pád átk, wati saray chéráy sengi zort o chédagé* addhi kort o rógeni per rétk. ¹⁹ Á jágahay námi Bayt-Él* kort. Chónáhá á shahray nám pésará Luz at.

²⁰ Nun Ákubá kawlé kort, gwashti: “É saporá ke man rawagá án, agan Hodá gón man gón bebit o mani páspániá bekant, agan maná pa waragá nagan o póshagá pocch bedant, ²¹ ke pa salámati per betarrán o wati petay lógá berasán, gorhá Hodáwand mani Hodá bit. ²² É seng ke man pa chédag mekk kortag, Hodáay lóga bit. Harché ke tawe Hodá maná dayay, áiyay dahyakká allamá tará dayán.”

Ákub Paddán-Aramá sara bit

29 Ákub ráh gept, shot o shot tánke ródarátki mardománi molká sar but. ² Ódá disti ta dashtá cháté o say ramag chátay nazzikká waptag, chéa ke mardomán éramag cha hamé chátá ápa dátant.

28:12 Padánk cha dár, ásen yá semetth o heshtá jórh kortagén padagé ke pa sar kapag o ér kapagá kária bandant.

28:18 Chédag, bezán pa neshán mekk kortagén yá kót kortagén seng o dhók.

28:19 Bayt-Él, bezán Hodáay lóg.

Ákubé wab

¹⁰ Ákub che Bérshébahá dar átk o dém pa Háráná shot. ¹¹ Yakk jágahéa ke raset, shapá hamódá dáshti, chéa ke róch ér shotagat. Hamá jágahá sengé zort o saray chérái kort o tachkbut. ¹² Wábé disti ta padánké* ke yakk saré zeminá enti o domi sar ásmáná o Hodáay préshtag sara kapant o éra kapant. ¹³ Hodáwand cha padánká borzter óshtátagat. Gwashti: “Man Hodáwand án, tai pet Ebráhémay Hodá o Esákay Hodá. É zeminay sará ke taw annun waptagay, man eshiá tará o tai nasl o padréchará dayán. ¹⁴ Tai chokk o nomásag zeminay hákání kesásá báza bant o shomá ródarátk o rónend o shomál o jonub, chárén némagán tálána bét. Zeminay sajjahén kawm tai o tai nasl o padréchay sawabá barkata gerant. ¹⁵ Bechár, man gón taw gón án o har kojá ke raway tai chár o gozará kanán o tará padá hamé sardhagará kárán. Tánke man gón taw wati kawl purah nakortag, tará yalaha nadayán.” ¹⁶ Ákub ke cha wábá pád átk, gón wat gwashti: “Béshakk Hodáwand hamé jágahá ent o man nazántag.” ¹⁷ Torset o gwashti: “É jágah delá ápa kant. É allamá Hodáay jenday lóg ent, arshay darwázag ent.” ¹⁸ Domi sohbá máhallah Ákub pád átk, wati saray chéráy sengi zort o chédagé* addhi kort o rógeni per rétk. ¹⁹ Á jágahay námi Bayt-Él* kort. Chónáhá á shahray nám pésará Luz at.

²⁰ Nun Ákubá kawlé kort, gwashti: “É saporá ke man rawagá án, agan Hodá gón man gón bebit o mani páspániá bekant, agan maná pa waragá nagan o póshagá pocch bedant, ²¹ ke pa salámati per betarrán o wati petay lógá berasán, gorhá Hodáwand mani Hodá bit. ²² É seng ke man pa chédag mekk kortag, Hodáay lóga bit. Harché ke tawe Hodá maná dayay, áiyay dahyakká allamá tará dayán.”

Ákub Paddán-Aramá sara bit

29 Ákub ráh gept, shot o shot tánke ródarátki mardománi molká sar but. ² Ódá disti ta dashtá cháté o say ramag chátay nazzikká waptag, chéa ke mardomán éramag cha hamé chátá ápa dátant.

12:28 Pádánk che dar, ásen yá semetth o heshtá jórh kortagén padagé ke pa sar kapag o ér kapagá kária bandant.

18:28 Chédag, bezán pa neshán mekk kortagén yá kót kortagén seng o dhók.

19:28 Bayt-Él, bezán Hodáay lóg.

Baláhén sengé chátay dapá at. ³Wahdé sajjahén ramag ódá moccha butant, shepánkán á seng cha chátay dapá kenzént, pas ápa dátant o seng padá hamá jágahá, chátay dapá éra kort. ⁴Ákubá gón áyán gwasht: “Brátán! Shomá kojig ét?” Passawesh dát: “Háránay mardom én.” ⁵Ákubá jost kortant: “Shomá Náhóray chokk Lábáná pajjáha kárét?” Áyán gwasht: “Haw, zánéni.” ⁶Ákubá jost kort: “Lábán dráh o salámat ent?” Áyán passaw dát: “Haw, dráh o salámat ent o esh ent áiy jenekk Ráhil gón pasán pédák ent.” ⁷Ákubá gwasht: “Bechár, róch angat borz ent o ramagáni mocch bayagay wahd naent. Pasán áp bedayét o kahcharán barét.” ⁸Passawesh dát: “Tánke sajjahén ramag mocch mabant o seng cha chátay dapá kenzénag mabit, má pasán áp dáta nakanén. Randá ápesha dayén.”

⁹Ákub angat gón áyán habará at ke Ráhil gón wati petay pasán átk o raset. Ráhil wati petay pasáni shepánk at. ¹⁰Wahdé Ákubá wati mátay brát Lábánay jenekk Ráhil o Lábánay pas distant, dém pa chátá shot, sengi cha chátay dapá kenzént o wati nákovéy pasi áp dátant. ¹¹Ákubá Ráhil chokket o gón borzén tawaréa grewagi bendát kort. ¹²Ráhili hál dát ke man tai petay syád án o Rebekkáay chokk án. Ráhil tacháná shot o wati peti hál dát. ¹³Lábáná anchó ke wati gohárzátk Ákubay hál eshkot, tacháná átk, Ákubi gwarambáz kort, chokket o wati lógá borti. Ákubá sajjahén gapp gón Lábáná jatant o ¹⁴Lábáná gón áiy gwasht: “Taw mani haddh o hón ay.” Ákub tán máhéa áiy kerrá jallet.

Ákub gón Lábánay jenekkán sura kant

¹⁵Gorhá Lábáná gón Ákubá gwasht: “Belli taw mani syád ay, bale pa man moptá kár makan. Maná wati mozzá begwash.” ¹⁶Lábáná do janénchokk hastat. Masterénay nám Lyáh at o kasterénay nám Ráhil. ¹⁷Lyáhay chamm béjalwah atant bale Ráhil sharrangé at o dhill o báládá jalwanák at. ¹⁸Ákubá Ráhil dóst but, gwashti: “Agan maná wati kasterén jenekk Ráhilá bedayay, man pa taw hapt sálá kára kanán.” ¹⁹Lábáná gwasht: “Sharter ent ke man Ráhilá dega mardéay badalá tará bedayán. Hamedá mani kerrá bedár.” ²⁰Gorhá Ákubá pa Ráhilaygi tán hapt sálá kár kort, bale Ráhili anchó dóst at ke Ákubay delá é haptén sál purah lahtén róch atant. ²¹Nun Ákubá gón Lábáná gwasht: “Mani zálá maná beday. Mani haptén sál sarjam butagant o nun man gón áiy hór bayaga lóthán.”

همے چاتا آپ دانتت. بلاہین سنگے چاتئے دپا ات. ³ وہدے سجھین رمگ اؤدا مچ بوتنت، شپانکان آسنگ چہ چاتئے دپا کنزینت، پس آپ دانتت و سنگ پدا ہما جاگہا، چاتئے دپا ایر کرت. ⁴ آکوبا گون آیان گوشت: “براتان! شما کجیگ ایت؟” پَسُوَاش دات: “ہارائے مردم این.” ⁵ آکوبا جُست کرتنت: “شما ناھورئے چُک لابانا پجّاه کاریت؟” آیان گوشت: “ھئو، زانینی.” ⁶ آکوبا جُست کرت: “لابان ذراہ و سلامت انت؟” آیان پَسُوَاش دات: “ھئو، ذراہ و سلامت انت و ایش انت آییئے جنک راھیل گون پسان پیداک انت.” ⁷ آکوبا گوشت: “بچار، روچ انگت بُرز انت و رمگانی مچ بیگئے وھد نہ انت. پسان آپ بدئییت و کھچران بریت.” ⁸ پَسُوَاش دات: “تانکہ سجھین رمگ مچ مینت و سنگ چہ چاتئے دپا کنزینتگ مینت، ما پسان آپ دات نکینن. رندا ایش دئینن.”

⁹ آکوب انگت گون آیان ہبرا ات کہ راھیل گون وتی پتئے پسان آتک و رست. راھیل وتی پتئے پسانی شپانک ات. ¹⁰ وہدے آکوبا وتی ماتئے برات لابائے جنک راھیل و لابائے پس دیستنت، دیم پہ چاتا شت، سنگی چہ چاتئے دپا کنزینت و وتی ناکوئے پسی آپ دانتت. ¹¹ آکوبا راھیل چُک و گون بُرزین تواریا گریوگی بندات کرت. ¹² راھیلی ہال دات کہ من تئی پتئے سیاد آن و ربکائے چُک آن. راھیل تچانا شت و وتی پتی ہال دات. ¹³ لابانا انچو کہ وتی گھارزاتک آکوبے ہال ایشکت، تچانا آتک، آکوبی گورامباز کرت، چُک و وتی لوگا برتی. آکوبا سجھین گپ گون لابانا جنتت و ¹⁴ لابانا گون آیا گوشت: “تئو منی ھڈ و ھون ائے.” آکوب تان ماھینا آییئے کرا جلت.

آکوب گون لابائے جنگان سور کنت

¹⁵ گڑا لابانا گون آکوبا گوشت: “بلی تئو منی سیاد ائے، بلہ پہ من مپتا کار مکن. منا وتی مڑا بگوش.” ¹⁶ لابانا دو جنین چُک هستات. مسترینئے نام لیاہ ات و کسترینئے نام راھیل. ¹⁷ لیاہئے چم بیجلوہ اتنت بلہ راھیل شرنگے ات و ڈیل و بالادا جلوہ ناک ات. ¹⁸ آکوبا راھیل دوست بوت، گوشتی: “اگن منا وتی کسترین جنک راھیل بدئیئے، من پہ تئو ہیٹ سالا کار کنان.” ¹⁹ لابانا گوشت: “شرتر انت کہ من راھیل دگہ مردیئے بدلا ترا بدئیان. ھمدا منی کرا بدار.” ²⁰ گڑا آکوبا پہ راھیلیگی تان ہیٹ سالا کار کرت، بلہ راھیلی انچو دوست ات کہ آکوبے دلا اے ہپتین سال پورہ لھتین روچ اتنت. ²¹ نون آکوبا گون لابانا گوشت: “منی زالا منا بدئے. منی ہپتین سال سرجم بوتگ انت و نون من گون آیا ھور بیگ لوثان.”

²² Lábáná óday sajjahén mardom lóthetant o dáwaté kort. ²³ Shap ke but, wati jenekk Lyáhi zort o Ákubay kerrá bort o Ákub gón áia hór but. ²⁴ Lábáná wati móled Zelpah wati jenekkárá dát ke áiaý hezmatá bekant. ²⁵ Sohb ke but, Ákubá dist ke way, é wa Lyáh ent. Gorhá gón Lábáná gwashti: “É chónén káré ke taw gón man kort? Man pa Ráhilá tai hezmat nakort? Taw chéá maná rad dát?” ²⁶ Lábáná passaw dát: “May rasm é naent ke kasterén jenekká cha masteréná pésar sur bedayén. ²⁷ É suray haptagá purah kan, kasteréná ham tará dayén, bale pa man dega hapt sálá kár kan.” ²⁸ Ákubá anchosh kort o Lyáhay haptagi purah kort o Lábáná wati á dega jenekk, Ráhil gón Ákubá sur dát. ²⁹ Lábáná wati móled Bellah wati jenekk Ráhilárá dát ke áiaý hezmatá bekant. ³⁰ Ákub gón Ráhilá ham hór but. Ráhili cha Lyáhá dóstter at. Ákubá dega hapt sál pa Lábáná hezmat kort.

Ákubay chokk

³¹ Wahdé Hodáwandá dist ke Lyáh Ákubá nádóst ent, áiará chokki dát, bale Ráhil santh o béawlád at. ³² Lyáh lápporr but o mardénchokké áworti o chokkay námi Ruben* kort. Gwashti: “Hodáwandá mani bazzagi dist. Mani mard nun allamá maná dósta dárít.” ³³ Lyáh padá lápporr but o wahdé mardénchokké áworti, gwashti: “Hodáwandá dist ke man nádósté án, paméshká maná é chokki ham dát.” Gorhá chokkay námi Shamun* kort. ³⁴ Á padá lápporr but o wahdé mardénchokké áworti, gwashti: “Nun, cha ed o dém mani mard maná dósta dárít ke man pa áia say mardénchokk áwortag.” Paméshká é chokkay námesh Láwi* kort. ³⁵ Lyáh padá lápporr but o wahdé mardénchokké áworti, gwashti: “Nun man Hodáwandá názénán.” Gorhá chokkay námi Yahudá* kort. Cha ed o rand chokkay áragi band but.

30 Wahdé Ráhilá dist ke man pa Ákubá hecch chokk nayáwortag, wati goháray sará hasaddig but. Gorhá gón Ákubá gwashti: “Maná chokk o awlád beday, agan na mana merán.” ² Ákub áiaý

29:32 Rubenay máná ent: “Bechár, mardénchokké”. Bale é labz gón Ebrániay dega labzéá hamtawár ent o áiaý máná ent: “Mani bazzagii dist”.

29:33 Shamunay labz cha “eshkonagay” labzá jórh butag o máná enti: “Eshkonók”.

29:34 Láwiay máná ent: “Lecchetagén”.

29:35 Yahudáay labz cha názénagay labzá jórh butag o máná enti: “Á názénaga bit”.

²² لا بانا اؤدئے سجھین مردم لوٹنت و داوتے کرت. ²³ شپ کہ بوت، وتی جنک لیاہی زرت و آکوبے کرا برت و آکوب گون آيا هور بوت. ²⁴ لا بانا وتی مؤلد زلپہ وتی جنکارا دات کہ آيئے هزمتا بکنت. ²⁵ شهب کہ بوت، آکوبا دیست کہ وئے، اے وہ لیاہ انت. گڑا گون لا بانا گوشتی: “اے چونین کارے کہ تئو گون من کرت؟ من پہ راھيلا تئیی هزمت نکرت؟ تئو چیا منا رد دات؟” ²⁶ لا بانا پَسَّو دات: “مئے رسم اے نہ انت کہ کستریں جنگا چه مسترینا پیسر سور بدئین. ²⁷ اے سورئے هپتگا پوره کن، کسترینا هم ترا دئین، بلہ پہ من دگہ هپت سالا کار کن.” ²⁸ آکوبا انچش کرت و لیاہئے هپتگی پوره کرت و لا بانا وتی آ دگہ جنک، راھیل گون آکوبا سور دات. ²⁹ لا بانا وتی مؤلد بلہ وتی جنک راھیلارا دات کہ آيئے هزمتا بکنت. ³⁰ آکوب گون راھيلا هم هور بوت. راھیلی چه لیاھا دوست تر ات. آکوبا دگہ هپت سال پہ لا بانا هزمت کرت.

آکوبے چُک

³¹ وهده هداوندا دیست کہ لیاہ آکوبا نادوست انت، آيارا چُکی دات، بلہ راھیل سنٹ و بے ائولاد ات. ³² لیاہ لاپپر بوت و مردین چُکے آورتی و چُکئے نامی روبن* کرت. گوشتی: “هداوندا منی بڑگی دیست. منی مرد نون الما منا دوست داریت.” ³³ لیاہ پدا لاپپر بوت و وهده مردین چُکے آورتی، گوشتی: “هداوندا دیست کہ من نادوستے آن، پمیشکا منا اے چُکی هم دات.” گڑا چُکئے نامی شمون* کرت. ³⁴ آ پدا لاپپر بوت و وهده مردین چُکے آورتی، گوشتی: “نون، چه اد و دیم منی مرد منا دوست داریت کہ من پہ آيا سئے مردین چُک آورتگ.” پمیشکا اے چُکئے نامش لاوی* کرت. ³⁵ لیاہ پدا لاپپر بوت و وهده مردین چُکے آورتی، گوشتی: “نون من هداوندا نازینان.” گڑا چُکئے نامی یهودا* کرت. چه اد و رند چُکئے آرگی بند بوت.

30 وهده راھيلا دیست کہ من پہ آکوبا هچ چُک نئیاورتگ، وتی گھارئے سرا هسدیگ بوت. گڑا گون آکوبا گوشتی: “منا چُک و ائولاد بدئے، اگن نہ من میران.”

32:29 روبئے مانا انت: “بچار، مردین چُکے”. بلہ اے لبز گون ایرانیئے دگہ لبزیا همتتوار انت و آيئے مانا انت: “منی بڑگی ای دیست”.

33:29 شمونئے لبز چه اشکنگئے لبزا جوڑ بوتگ و مانا انتی: “اشکنوک”.

34:29 لاویئے مانا انت: “لچتگین”.

35:29 یهودائے لبز چه نازینگئے لبزا جوڑ بوتگ و مانا انتی: “آ نازیننگ بیت”.

sará zahr gept o gwashti: “Záná man Hodá án ke tai démon dáshtag ke chokk mayáray?”³ Ráhilá gwasht: “Esh ent mani móled Bellah. Gón eshiá wapt o wáb bekan ke pa man chokk byárit o áiy barkatá maná ham awlád bebit.”

⁴ Gorhá Ráhilá wati móled Bellah pa jani Ákubará dát o Ákubá gón áiyá wapt o wáb kort. ⁵ Bellah lápporr but o pa Ákubá mardénchokké áworti. ⁶ Gorhá Ráhilá gwasht: “Hodáyá mani dádrasi* kortag. Mani peryáti gósh dáshtag o maná chokké dátagi.” Paméshká áiyá nými Dán* kort.

⁷ Ráhilay móled Bellah padá lápporr but o pa Ákubá dega mardénchokké áworti. ⁸ Gorhá Ráhilá gwasht: “Maná gón wati gohárá mazanén jang o jérhahé butag o man katthettag.” Paméshká é chokkay nými Naptáli* kort.

⁹ Bale wahdé Lyáhá dist ke man chokk áworta nakanán, wati móled Zelpahi chest kort o pa jani Ákubará dát. ¹⁰ Gorhá Lyáhay móled Zelpahá pa Ákubá mardénchokké áwort o ¹¹ Lyáhá gwasht: “Chónén wasshén bahté!” Paméshká é chokkay nými Jád* kort. ¹² Lyáhay móled Zelpahá pa Ákubá dega mardénchokké áwort. ¹³ Gorhá Lyáhá gwasht: “Man sakk gal án. Janénán mani nám kortag ‘Galátun’.” Paméshká chokkay nými Ásher* kort.

¹⁴ Gallahay rón o móshay wahdá Ruben shot o dhagáréa lahtén mehrkáhi* dar gétk o pa wati mánt Lyáhá áwort. Gorhá Ráhilá gón Lyáhá gwasht: “Cha wati chokkay mehrkáhán maná kammé beday.” ¹⁵ Bale Lyáhá gwasht: “Taw mani mard bortag, bass naent? Nun mani chokkay mehrkáhán ham pacha geray?” Ráhilá gwasht: “Sharr ent, tai chokkay mehrkáháni mozzá, enshapi Ákub gón taw bwapsit.” ¹⁶ Gorhá wahdé Ákub bégáhay wahdá cha dhagára per tarret, Lyáh dhanná áiyá démá dar átk o gón áiyá gwashti: “Gón man bwaps ke man wati chokkay mehrkáháni badalá tará keréh kortag.” Gorhá á shapá Ákubá gón Lyáhá wapt o wáb kort. ¹⁷ Hodáyá Lyáhay peryát gósh dásht o Lyáh lápporr but o panchomi randá pa Ákubá mardénchokké áworti. ¹⁸ Gorhá Lyáhá gwasht: “Man wati móled wati mardará dát

² Ákub áiyé sra zahr gépt o góshenti: “Zana man húda án ke tteyi déimn داشتگ که چُک مئیاری؟”³ راهیلا گُوشَت: “إش انت منی مؤلد بله. گون ایشیا وپت و واب بکن که په من چُک بیاریت و آییئے برکتا منا هم ائولا دبیت.”

⁴ گُڑا راهیلا وتی مؤلد بله په جنی آکوبارا دات و آکوبا گون آیییا وپت و واب کرت. ⁵ بله لاپ پُربوت و په آکوبا مردین چُکے آورتی. ⁶ گُڑا راهیلا گُوشَت: “هُدایا منی دادرسی* کرتگ. منی پریاتی گُوش داشتگ و منا چُکے داتگی.” پمیشکا آییئے نامی دان* کرت.

⁷ راهیئے مؤلد بله پدا لاپ پُربوت و په آکوبا دگه مردین چُکے آورتی. ⁸ گُڑا راهیلا گُوشَت: “منا گون وتی گهارا مزین جنگ و جیڑھے بوتگ و من کُتگ.” پمیشکا اے چُکے نامی نپتالی* کرت.

⁹ بله وهده لیاها دیست که من چُک آورت نکنان، وتی مؤلد زلیپھی چست کرت و په جنی آکوبارا دات. ¹⁰ گُڑا لیاھے مؤلد زلیپھا په آکوبا مردین چُکے آورت و ¹¹ لیاها گُوشَت: “چونین وشین بهتے!” پمیشکا اے چُکے نامی جاد* کرت. ¹² لیاھے مؤلد زلیپھا په آکوبا دگه مردین چُکے آورت. ¹³ گُڑا لیاها گُوشَت: “من سک گل آن. جنینان منی نام کرتگ ‘گلأتون’.” پمیشکا چُکے نامی آشر* کرت.

¹⁴ گلھے روڻ و مؤشے وهدا روڻ شت و ڈگاریا لهتین مھرکاهی* در گیتک و په وتی مات لیاها آورت. گُڑا راهیلا گون لیاها گُوشَت: “چه وتی چُکے مھرکاهان منا کمے بدے.” ¹⁵ بله لیاها گُوشَت: “تتو منی مرد برتگ، بس نه انت؟ نون منی چُکے مھرکاهان هم پیچ گُڑے؟” راهیلا گُوشَت: “شر انت، تئی چُکے مھرکاهانی مُزا، انشیپی آکوب گون تتو بوپسیت.” ¹⁶ گُڑا وهده آکوب بیگاہے وهدا چه ڈگار پرتت، لیاها دُنا آییئے دیما در آتک و گون آیییا گُوشَتی: “گون من بوپس که من وتی چُکے مھرکاهانی بدلا ترا کریه کرتگ.” گُڑا ایشیا آکوبا گون لیاها وپت و واب کرت. ¹⁷ هُدایا لیاھے پریات گُوش داشت و لیاها لاپ پُربوت و پنچمی رندا په آکوبا مردین چُکے آورتی.

6:30 دادرسی، بزبان هکین پیسله، هما شئور که چه دادگاهان کئیت، داوری، انساپ.

6:30 دانته لبز چه دادرسیئے لبزا جوڑ بوتگ و مانا انتی: “آییا دادرسی کرتگ.”

8:30 نپتالیئے مانا انت: “منی جنگ.”

11:30 جادئے مانا انت: “وشبتهی.”

13:30 آشرئے مانا انت: “گل و شادمان.”

14:30 مھرکاهه که وندال و ریشگی چو مردمی بالادا انت. انگریزی زُبانا. mandrake.

30:6 Dádrasi, bezán hakkén paysalah, hamá shawr ke cha dádgáhána kayt, dáwari, ensáp.

30:6 Dánay labz cha dádrasiy labzá jórh butag o maná enti: “Áiyá dádrasi kortag.”

30:8 Naptáliay maná ent: “Mani jang”.

30:11 Jádáy maná ent: “Washbahti”.

30:13 Ásheray maná ent: “Gal o shádmán”.

30:14 Mehrkáh káhé ke wandhál o rishhagi chó mardomi báládá ent. Engrézi zobáná: “mandrake”.

o Hodáyá mani mozz dát.” Gorhá é chokkay námi Issákár* kort. ¹⁹ Lyáh padá lápporr but o shashomi randá pa Ákubá mardénchokké áworti. ²⁰ Gorhá Lyáhá gwasht: “Hodáyá maná kimmatién sawgáté bakshátá. Nun mani mard mani ezzatá kant ke man pa áia shash mardénchokk áwortag.” Gorhá chokkay námi Zebulun* kort.

²¹ Moddatéa rand Lyáhá janénchokké áwort o áiy námi Dinah kort. ²² Nun Hodá Ráhilay tránagá kapt, áiy némagá delgóshi gwar kort o chokké baksháti. ²³ Ráhil lápporr but o mardénchokké áworti. Gwashti: “Hodáyá mani kamsharapi dur kortag.” ²⁴ Paméshká chokkay námi Issop* kort. Gwashti: “Hodáwand maná dega mardénchokké ham bedayát.”

Ákub máldára bit

²⁵ Wahdé Ráhilá Issop áwort, Ákubá gón Lábáná gwasht: “Nun maná razá beday ke wati jenday dhéhá wátarrakanán. ²⁶ Pa éjano chokkánigike tai hezmaton kortag, eshán maná beday ke zuránesh o rawán. Taw wata zánay ke man pa taw chinchok kár kortag.” ²⁷ Lábáná gwasht: “Maná ezzat beday. Dazbandia kanán hamedá bedár. Man pál* jatag o maná é sarpadi rasetag ke Hodáwandá pa taigi maná barkat dátag.” ²⁸ Padá gwashti: “Wati mozzá begwash, tará dayáni.”

²⁹ Ákubá gwasht: “Taw zánay ke man che paymá pa taw kár kortag o tai mál o dalwat man chón sharr dáshtagant. ³⁰ Cha mani áyagá pésar tará kammok hastat o nun sakk báz butagant. Har jáh ke man wati pád ér kortag, Hodáwandá tará hamódá barkat dátag. Bale man kadi pa wati jenday lógá káré bekanán?” ³¹ Lábáná jost kort: “Tará ché bedayán?” Ákubá passaw tarrént: “Maná hecch maday, bale agan é yakkén kára pa man bekanay, gorhá man angat tai ramagay shepánki o páspániá kanán. ³² Bell maróchi tai sarjamén ramagáni nyámá gardán. Sajjahén thekk thekkén espétpas o syáhén gwarándh o sajjahén thekk thekkén syahpasán jetá kanán. É mani mozza bant. ³³ Bándá róch agan hamé mozzá becháray ke taw maná dátag, mani rásti o tachki wat pa man gwáhia dant. Agan taw mani kerrá anchén syahpasé dar gétk ke

¹⁸ گڑا لياها گوشت: ”من وتی مؤلد وتی مردارا دات و هدايا منی مُز دات.“ گڑا اے چُکئے نامی ایساکار* کرت. ¹⁹ لياہ پدا لاپ پُر بوت و ششمی رندا پہ آکوبا مردین چُکئے آورتی. ²⁰ گڑا لياها گوشت: ”هدايا منا کيمتیین سئوگاتے بکشاتگ. نون منی مرد منی اِزتا کنت کہ من پہ آيا شش مردین چُک آورتگ.“ گڑا چُکئے نامی زبولون* کرت.

²¹ مُدتيا رند لياها جنين چُکئے آورت و آيئے نامی دینہ کرت. ²² نون هدا راهيلئے ترانگا کيت، آيئے نیمگا دلگوشی گور کرت و چُکئے بکشاتی. ²³ راهيل لاپ پُر بوت و مردین چُکئے آورتی. گوشتی: ”هدايا منی کمشربی دور کرتگ.“ ²⁴ پمیشکا چُکئے نامی ایسپ* کرت. گوشتی: ”هداوند منا دگہ مردین چُکئے ہم بدئیات.“

آکوب مالدار بیت

²⁵ وهدے راهيلا ایسپ آورت، آکوبا گون لابانا گوشت: ”نون منا رزا بدئے کہ وتی جندئے ڈیہا واتر کنان. ²⁶ پہ اے جن و چُکانیگی کہ تئی ہزمتن کرتگ، اشان منا بدئے کہ زورانہش و رثوان. تئو وت زائے کہ من پہ تئو چینچک کار کرتگ.“ ²⁷ لابانا گوشت: ”منا اِزت بدئے. دزبندی کنان ہمدا بدار. من پال* جتگ و منا اے سرپدی رستگ کہ هداوندا پہ تئیگی منا برکت داتگ.“ ²⁸ پدا گوشتی: ”وتی مُزا بگوش، ترا دئیانی.“ ²⁹ آکوبا گوشت: ”تئو زائے کہ من چہ پیما پہ تئو کار کرتگ و تئی مال و دلوت من چون شر داشتگ آنت. ³⁰ چہ منی آيگا پیسر ترا کُمک هستات و نون سک باز بوتگ آنت. هر جاہ کہ من وتی پاد اِیر کرتگ، هداوندا ترا همودا برکت داتگ. بلہ من کدی پہ وتی جندئے لوگا کارے بکنان؟“ ³¹ لابانا جُست کرت: ”ترا چے بدئیان؟“ آکوبا پَسئو ترينت: ”منا هچ مدئے، بلہ اگن اے یکن کارا پہ من بکنے، گڑا من انگت تئی رمگئے شپانکی و پاسپانیا کنان. ³² پل مروچی تئی سرجمین رمگانی نیاما گردان. سَجھین ٹک ٹکین اسپت پَس و سیاہین گورانڈ و سَجھین ٹک ٹکین سیہ پَسان جتا کنان. اے منی مُزبنت. ³³ باندا رُچ اگن ہمے مُزا بچارے کہ تئو منا داتگ، منی راستی و

18:30 ایساکارے لبر چہ مُزے لبرا جوڑ بوتگ.

20:30 زبولونے مانا ”سئوگات و ٹیکی“ یا ”اِزت“ انت.

24:30 ایسپے مانا انت: ”آگیش بکنات“ و گون دور کنگے لبرا ہم نزیک انت.

27:30 پال، بزبان لائری، بے و شرتبندی، ماسگ. دیمے هائے زانگ یا گیشینگے هاترا پال جنگ بیت.

30:18 Issákaray labz cha mozzay labzá jórh butag.

30:20 Zebulunay maná “sawgát o théki” yá “ezzat” ent.

30:24 Issopay maná ent: “Á gésh bekanát” o gón dur kanagay labzá ham nazzik ent.

30:27 Pál, bezán láthari, bay o shartbandi, másag. Démay hálay zánag yá gishshénagay háterá pál janaga bit.

thekk thekk mabit yá anchén gwarándhé ke rangi syáh mabit, bezán á dozzetagen málé.”³⁴ Lábána gwasht: “Sharr ent. Anchosha kanén.”³⁵ Á róchi Lábána sajjahén thekk o thagáren páchen, sarjamén thekk thekkén boz ke espétén neshánesh per at o sajjahén syáhén gwarándh jetá kort o wati mardénchokkáni dastá dát o³⁶ cha Ákubá say róchay ráhá dur bortant. É wahdá Ákub, Lábánay á dega pasán chárénagá at.

³⁷ Bale Ákubá espédár, bádám o chenáláni nók borretagen sháharh zort o póst pátk o sháharháni tahay espéti dará kortant ke espétén tal záher bebant. ³⁸ Padá pátkagen sháharhi zort o ápdánay tahá ér kortant ke dalwat ke ápa káyant, sháharhesh démá bebant. Wahray* wahdá, dalwat ke ápa átkant, ³⁹ sháharháni démá jopta butant. Paméshká thekk o thagáren chokkesha áwort.

⁴⁰ Ákubá kasánén gwarag jetá kortant o é degaráni démi gón thagáren pas o syáhén pasán kort ke Lábánayg atant. É paymá wati dalwati jetá kortant o gón Lábánay dalwatán hóri nakortant. ⁴¹ Har wahdá ke zrengén mádagén dalwat wahra butant, Ákubá sháharh áyáni démay ápdánáni tahá éra kortant ke dalwat é sháharháni kerrá jopt bebant. ⁴² Bale hamá pas ke nezór atant, sháharhi áyáni démá éra nakortant. É paymá nezóren pas Lábánay némagá shotant o zrengén Ákubay némagá. ⁴³ É dhawlá Ákub sakk sér o ábád but o baláhén ramagáni wáhond but. Golám o móled o oshter o hari ham báz but.

Ákub cha Lábánay kerrá tachit

31 Ákubá eshkot ke Lábánay chokk gwashagá ant: “Ákubá may petay sajjahén mál o hasti poshtá kasshetag. Cha may petay málán watá chó sér o hazgári kortag.”² Ákub sarpad but ke Lábán maná pésari paymá nachárit.

³ Gorhá Hodáwandá gón Ákubá gwasht: “Wati pet o pirok o syádáni molká wátarr kan. Man gón taw gón án.”⁴ Ákubá pa Ráhil o Lyáhá kolawé dém dát ke gyábáná, mani ramagay kahchará byáét. ⁵ Gón áyán gwashti: “Mana gendán ke shomay pet maná pésari paymá nachárit, bale mani petay Hodá gón man gón butag. ⁶ Shomá zánét ke man gón wati sajjahén wák o twáná pa shomay petá kár kortag, ⁷ bale angat shomay petá maná rad dátag o mani mozzi dah randá

تچکی وت په من گواهی دنت. اگن تئو منی کړا انچین سیه پسه در گیتک که ٹک ٹک مبيت يا انچین گورانڈے که رنگی سیاہ مبيت، بزبان اڈزتگین مالے. “³⁴ لابانا گوشت: ”شَرَّ انت. انچش کینن.“³⁵ آروچی لابانا سجھین ٹک و ٹگارین پاچن، سرجمین ٹک ٹکین بڑ که اسپیتین نشانیش پر ات و سجھین سیاھین گورانڈ جتا کرت و وتی مردین چکانی دستا دات و ³⁶ چه آکوبا سے روچے راها دور برنتت. اے وهدا آکوب، لابائے آدگه پسان چارینگا ات.

³⁷ بله آکوبا اسپیدار، بادام و چنالانی نوک برتگین شاهزرت و پوست پاتک و شاهزانی تهے اسپیتی درا کرتنت که اسپیتین تل زاهر ببنت. ³⁸ پدا پاتکگین شاهزی زرت و آبدانے تھا ایر کرتنت که دلوت که آبا کانت، شاهز دیمما ببنت. وهرے* وهدا، دلوت که آبا اتکنت، ³⁹ شاهزانی دیمما جپت بوتنت. پمیشکا ٹک و ٹگارین چکش آورت.

⁴⁰ آکوبا کسانین گورگ جتا کرتنت و اے دگرانی دیمی گون ٹگارین پس و سیاھین پسان کرت که لابانینگ اتنت. اے پیما وتی دلوتی جتا کرتنت و گون لابائے دلوتان هوری نکرتنت. ⁴¹ هر وهدا که زرنگین مادگین دلوت وهر بوتنت، آکوبا شاهز آیانی دیممے آبدانانی تھا ایر کرتنت که دلوت اے شاهزانی کړا جپت ببنت. ⁴² بله هما پس که نزور اتنت، شاهزی آیانی دیمما ایر نکرتنت. اے پیما نزورین پس لابائے نیمگا شتنت و زرنگین آکوبے نیمگا. ⁴³ اے ڈتولا آکوب سک سیر و آباد بوت و بلاھین رمگانی واهند بوت. گلام و مؤلد و اشتر و هری هم باز بوت.

آکوب چه لابائے کړا تچیت

31 آکوبا اشکت که لابائے چک گو شگا انت: “آکوبا مئے پتے سجھین مال و هستی پشستا کشتگ. چه مئے پتے مالان و تا چو سیر و هرگاری کرتگ.”² آکوب سرپد بوت که لابان منا پیسری پیما نچاریت.

³ گڑا هداوندا گون آکوبا گوشت: ”وتی پت و پیرک و سیادانی ملکا واتر کن. من گون تئو گون آن.“⁴ آکوبا په راهیل و لیاها کلئوے دیم دات که گیابانا، منی رمگے کهچرا بیایت. ⁵ گون آیان گوشتی: ”من گندان که شمے پت منا پیسری پیما نچاریت، بله منی پتے هدا گون من گون بوتگ. ⁶ شما زانیت که من گون وتی سجھین واک و توانا په شمے پتا کار کرتگ،

badal kortag, bale Hodáyá shomay pet naesht ke maná táwán bedant. ⁸ Wahdé Lábáná gwasht: ‘Thekk thekkén pas tai mozza bant,’ sajjahén ramagáni zank o bar thekk thekkéna butant. Wahdé áíá gwasht: ‘Thagár thagárén pas tai mozza bant,’ sajjahén ramagáni zank o bar thagár thagáréna butant. ⁹ É paymá Hodáyá shomay petay ramag pach gept o maná dátant.

¹⁰ Yakk randé, ramagay wahray mósomá man wábé dist ke man wati sar chest kort o dist ke hamá páchen ke ramagay bozána ráénant,* thekk o thagárén ant. ¹¹ Gorhá Hodáay préshtagá wábay tahá maná gwasht: ‘Ákub!’ Man gwasht: ‘Ji.’ ¹² Gwashti: ‘Sará chest kan o bechár, ramagay bozáni ráénókén sajjahén páchen thekk o thagárén ant. Man distag ke Lábáná gón taw ché kortag. ¹³ Man Bayt-Élay Hodá án, hamá jághay Hodá án ke taw ódá chédagéará rógen per mosht o gón man kawlé kort. Nun pád á, cha é sardhagará dar á o wati pédáeshi molká wátarr kan.’ ¹⁴ Ráhil o Lyáhá gwasht: ‘Márá wa nun petay lógá mirásé nést. ¹⁵ Á márá ham darámadéay hesábá chárít. Áíá márá bahá wa kortag, may baháay zarri ham wártagant. ¹⁶ Á sajjahén mál ke Hodáyá cha may petá pach gept, allamá mayg o may chokkánig ent. Gorhá hamá paymá bekan ke Hodáyá tará gwashtag.’”

¹⁷ Gorhá Ákub pád átk, wati jan o chokki oshterán jammáz kortant o ¹⁸ Paddán-Aramá wati katthetagéen sajjahén mál o hastii zort o wati sajjahén ramagi sar dayán kort o dém pa Kanhánay molká wati pet Esákay némagá ráh gept.

¹⁹ Lábán pasáni chéná* shotagat. Ráhilá wati petay lógay botén Hodá dozzetant. ²⁰ Ákubá Lábán Aramái rad dát, háli nadát o cha Lábánay kerrá tat. ²¹ Ákub gón wati sajjahén mál o hastiá tat, cha Parátay kawrá gwast o wati démi gón Gelyáday kóhestagéen damagá kort.

Lábán Ákubay randá kapit

²² Sayomi róchá Lábáná hál raset ke Ákub tat. ²³ Lábáná wati syád zortant o tán hapt róchá Ákubay randá kapt o Gelyáday kóhestagéen damagá rasénti. ²⁴ Hodá shapá Lábán Aramáiay wábá átk o gwashti: “Habardár! Ákubá hecch magwash, na sharr, na haráb.”

⁷ بله أنگت شمئے پتا منا رد داتگ و منی مڑی ده رندا بدل کرتگ، بله هدايا شمئے پت نه اِشت که منا تاوان بدنت. ⁸ وهدے لابانا گوشت: ‘ٹِک ٹِکین پَس تئی مڑ بنت،’ سَجھین رمگانی زَنک و بر ٹِک ٹِکین بوتنت. وهدے آييا گوشت: ‘ٹِگار ٹِگارین پَس تئی مڑ بنت،’ سَجھین رمگانی زَنک و بر ٹِگار ٹِگارین بوتنت. ⁹ اے پیما هدايا شمئے پتے رمگ پچ گپت و منا دانتت. ¹⁰ یک رندے، رمگئے وهرئے مؤسما من وابے دیست که من وتی سر چست کرت و دیست که هما پاچن که رمگئے بُزَان رایننت،* ٹِک و ٹِگارین آنت. ¹¹ گڑا هدايے پریشتگا وابے تها منا گوشت: ‘آکوب!’ من گوشت: ‘جی.’ ¹² گوشتی: ‘سرا چست کن و بچار، رمگئے بُزانی راینوکین سَجھین پاچن ٹِک و ٹِگارین آنت. من دیستگ که لابانا گون تئو چے کرتگ. ¹³ من بیث ایلے هدا آن، هما جاگھے هدا آن که تئو اؤدا چیدگیارا روگن پر مُشت و گون من کئولے کرت. نون پاد آ، چه اے سردگارا در آ و وتی پیدائشی مُلکا واتر کن.’ ¹⁴ راهیل و لياها گوشت: ‘مارا وه نون پتے لوگا میراسے نیست. ¹⁵ آمارا هم درامدیئے هسابا چاریت. آييا مارا بها وه کرتگ، مئے بهائے زری هم وارنگ آنت. ¹⁶ آ سَجھین مال که هدايا چه مئے پتا پچ گپت، آما مئیگ و مئے چکانیگ انت. گڑا هما پیما بکن که هدايا ترا گوشتگ.”

¹⁷ گڑا آکوب پاد آتک، وتی جن و چکی اُشتران جَمَاز کرتنت و ¹⁸ پَدان آراما وتی کنتگین سَجھین مال و هستی ای زرت و وتی سَجھین رمگی سر دئیان کرت و دیم په کنهائے مُلکا وتی پت اساکئے نیمگا راه گپت.

¹⁹ لابان پسانی چینا* شتگ آت. راهیلا وتی پتے لوگئے بُتین هدا دُزنتت. ²⁰ آکوبا لابان آرمایی رد دات، هالی نادات و چه لابائے کِرا آتک. ²¹ آکوب گون وتی سَجھین مال و هستیا تَتک، چه پراتے کئورا گوشت و وتی دیمی گون گلیادے کوهستگین دمگا کرت.

لابان آکوبے رندا کپیت

²² سئیمی روچا لابانا هال رست که آکوب تَتکگ. ²³ لابانا وتی سیاد زرتنت و تان هپت روچا آکوبے رندا کپت و گلیادے کوهستگین دمگا رَسینتی. ²⁴ هدا شپا لابان آرماییے و ابا آتک و گوشتی: “هبردار! آکوبا هچ مگوش، نه شر، نه هراب.”

²⁵ É wahdá ke Lábán gón Ákubá dochár kapt, Ákubá wati gedán Gelyáday kóhestagén damagámek kortagat o Lábán o syádán ham hamódá wati gedán mekk kortant. ²⁶ Lábáná gón Ákubá gwasht: “Taw chéá chó kort? Taw maná rad dát o mani jenekk chó jangi bandigán bortant. ²⁷ Taw chéá maná rad dát o chérokái tat kay? Chéá maná hálet nadát? Man shomará pa shádehi gón sawt o kanjari* o changay sázán rahádag kortagat. ²⁸ Taw inchoká ham sabr nakort ke man wati nomásag o jenekkán bechokkán o roksat bekanán. Taw hórh o ahmakén káré kort. ²⁹ Man tará ázár dáta kanán, bale dóshi tai petay Hodáyá gón man gwasht: ‘Habardár! Gón Ákubá hecch magwash, na sharr, na haráb.’ ³⁰ Taw paméshká shotay ke tará pa wati petay lógá sakk zahir kanagá at, bale taw mani Hodá chéá dozzetant?” ³¹ Ákubá passaw dát: “Maná torset ke taw wati jenekkán pacha geray, ³² bale agan taw wati Hodá kaséay kerrá dar gétkant, á koshaga bit. Mani sajjahén mál o hastiá bechár, agan eshán tai chizzé mán, mardománi dé má maná péshi dár o bari.” Ákubá nazánt ke é botén Hodá Ráhilá dozzetagant.

³³ Gorhá Lábáná Ákubay gedán o Lyáhay gedán o doén móledáni gedán patthetant, bale hechi nadist. Wahdé cha Lyáhay gedáná dar átk, Ráhilay gedáná potert, ³⁴ bale Ráhilá botén Hodá zortag o wati oshteray lachá* kortagatant o wat lachay sará neshtagat. Lábáná sajjahén gedán patthet, bale hecchi nadist. ³⁵ Ráhilá gón wati petá gwasht: “Wájah! Zahr mager, man tai dé má pád átka nakanán ke mani janéni máhánagáni wahd ent.” Lábáná patthet, bale botén hodái dast nakaptant. ³⁶ Ákub zahr gept o Lábáni malámat kort. Gón Lábáná gwashti: “Mani mayár ché ent? Man che gonáh kortag ke taw zahrá zahr mani randá kaptagay? ³⁷ Nun ke taw mani sajjahén chizz patthetagant, tará choshén chizzé dast kapt ke taig ent? Agan dast kaptag, mani o wati syád o mardománi dé má éri kan. Belli hamá mani o tai paysalahá kanant. ³⁸ Man bist sálá tai kerrá butagán. Tai yakk mésh o bozéa nagétkag*. Man tai ramagay yakk gwarándhé nawártag. ³⁹ Man hechbar dalwaté tai kerrá nayáwortag ke rastarán jatag o koshtag. Har táwáné ke butag, badal man cha wat porr kortag. Agan yakk chizzé róchá dozzag butag yá shapá, áiy kimmat taw cha man lóthetag. ⁴⁰ É mani hál butag. Róchá maná garmá koshtag o shapá gwahrá. Mani chammáni wáb shotag. ⁴¹ Tai lógá bist sálá mani hál

²⁵ اے وهدا کہ لابان گون آکوبا دُچار کپت، آکوبا وتی گدان گلیادے کوهستگین دمگا مک کرتگات و لایان و سیادان ہم همودا وتی گدان مک کرتنت. ²⁶ لابانا گون آکوبا گوشت: “تو چنا چو کرت؟ تو منا رد دات و منی جنگ چو جنگی بندیگان برنتنت. ²⁷ تو چنا منا رد دات و چیرکایی تکے؟ چنا منا هالت نداد؟ من شمارا په شادهی گون سوت و کنجری* و چنگے سازان رهادگ کرتگات. ²⁸ تو اینچکا هم سبر نکرت که من وتی نماسگ و جنگان بچگان و رُکست بکنان. تو هوژ و اهمکین کارے کرت. ²⁹ من ترا آزار دات کنان، بله دوشی تئی پتے هدايا گون من گوشت: ‘هبردار! آکوبا هچ مگوش، نه شر، نه هراب.’ ³⁰ تو پمیشکا شتے که ترا په وتی پتے لوگا سک زهیر کنگا ات، بله تو منی هدا چنا دُزنت؟” ³¹ آکوبا پسو دات: “منا ترست که تو وتی جنگان پچ گرتے، ³² بله اگن تو وتی هدا کسپے کرا در گیتکنت، آکشگ بیت. منی سجھین مال و هستیا بچار، اگن اشان تئی چیرے مان، مردمانی دیما منا پیشی دار و بری.” آکوبا نذانت که اے بتین هدا راهیلا دُزنتگ انت.

³³ گزا لابانا آکوبے گدان و لیاھے گدان و دوین مؤلدانی گدان پتنت، بله هچی ندیست. وهده چه لیاھے گدانا در آتک، راهیلے گدانا پُرت، ³⁴ بله راهیلا بتین هدا زرتگ و وتی اشرے لچا* کرتگ اتنت و وت لچے سرا نشتگ ات. لابانا سجھین گدان پت، بله هچی ندیست. ³⁵ راهیلا گون وتی پتا گوشت: “واجه! زهر مگر، من تئی دیما پاد آتک نکنان که منی جنینی ماهانگانی وهذ انت.” لابانا پت، بله بتین هدا یی دس نکپنت. ³⁶ آکوب زهر گیت و لابانی ملامت کرت. گون لابانا گوشتی: “منی مئیار چه انت؟ من چه گناه کرتگ که تو زهرا زهر منی رندا کپتگے؟” ³⁷ نون که تو منی سجھین چیر پتنگ انت، ترا چشین چیرے دست کپت که تئینگ انت؟ اگن دست کپتگ، منی و وتی سیاد و مردمانی دیما اتری کن. بلی هما منی و تئی پیسلها کنت. ³⁸ من بیست سالا تئی کرا بوتگان. تئی یک میش و بُریا نگیتکگ.* من تئی رمگے یک گورانڈے نوارتگ. ³⁹ من هچبر دلوتے تئی کرا نییوارتگ که رستران جتگ و کشتگ. هر تاوانے که بوتگ، بدل من چه وت پر کرتگ. اگن یک چیرے روچا دُزگ بوتگ یا شپا، آییے کیمت تو چه من لوئنگ. ⁴⁰ اے منی هال بوتگ، روچا منا گرما کشتگ و شپا گوهر. منی چمانی واب شتگ. ⁴¹ تئی لوگا بیست سالا منی

31:27 Kanjari tablahay dhawlén sázé.

31:34 Lach, bezán mazanén sapté ke bari mána kanant o har yá oshterá laddhanti.

31:38 Géjag, bezán cha wahdá pésar jánwaray záyag o némtamánén chokkay árag.

27:31 کنجری تَبَلَهے دُتولین سازه.

34:31 لچ، بزآن مزنین سَپتے که باری مانَ کنت و هریا اُشترَا لَدَنتی.

38:31 گَجِجگ، بزآن چه وهدا پیسر جانورے زایگ و نیمتمانین چُکے آرگ.

hamé butag. Man chárdah sál tai doén jenekkáni háterá pa taw kár kortag o shash sál tai ramagáni háterá. Angat taw dah randá mani mozz badal kortag. ⁴² Agan mani petay Hodá, Ebráhémay Hodá o Esákay Hodá* gón man gón mabutén, allamá taw maná hórka o háligén dastán ráh dátagat, bale Hodáyá mani bazzagi o zahmat distag o dóshi tará neherr o hakkali dátag.”

⁴³ Lábáná gwasht: “É jenekk mani jenekk ant, chokk mani chokk o ramag ham mani ramag ant. Harché ke gendagá ay, manig ent. Bale maróchi mani dast gón wati éjenekk o eshání pédá kortagén chokkána narasit. ⁴⁴ Byá, man o taw gón yakdegará ahd o paymáné bandén. Belli é ahd mani o tai nyámá gwáh o sháheda bit.” ⁴⁵ Gorhá Ákubá sengé zort o chédagé addh kort o ⁴⁶ gón wati syádán gwashti: “Seng mocchkanét.” Áyán seng zort o kót* kortant o hameshiay kerrá wargesh wárt. ⁴⁷ Lábáná eshiay nám Jégar-Sahadutah* kort o Ákubá Galid*. ⁴⁸ Lábáná gwasht: “Maróchi é sengkót manig o tai nyámá sháhede.” Paméshká é Galid náménag but o ⁴⁹ Lábáná eshiay nám Mespah* ham kort ke gwashti: “Wahdé man wati ráhá rawán o taw watigá, Hodáwand maná o tará gendit. ⁵⁰ Agan gón mani jenekkán sharr mabay o mani jenekkáni sará dega jan begeray, bell toré kass magendit, bale béhayál mabay ke Hodá maná o tará gendit.”

⁵¹ Lábáná gón Ákubá chó ham gwasht: “Esh ent sengkót o esh ent hamá chédag ke man watig o tai nyámá mekk kortag. ⁵² É sengkót sháhede o é chédag ham sháhede ke man pa tai ázár dayagá cha é sengkótá nagwazán o dém pa taw nayáyán o taw ham pa mani ázár dayagá cha é sengkót o chédagá nagwazay o dém pa mana nayáay. ⁵³ Ebráhémay Hodá, Náhóray Hodá, áyáni petay Hodá mani o tai nyámá dádras bát.” Gorhá Ákubá wati pet Esákay Hodáay* námá sawgend wárt. ⁵⁴ Hamódá, kóhestagén damagá korbánigé korti o syád o wáresi waragéá dáwat dátant. Waragá rand shapá hamódá dáshtesh.

31:42 Asligén Ebráni nebeshtánka gwasht Esákay haybat, bezán hamá Hodá ke Esáká cha áíá torsetag.

31:46 Kót, bezán sar pa sar kortagén chizz.

31:47 Jégar-Sahadutah Aramái zobánay labzé o máná enti: “Sháhediay kót”.

31:47 Galid Ebrani zobánay labzé o eshiay máná ham “Negahpániay borj” ent.

31:49 Mespahay máná ent: “Sháhediay borj”.

31:53 Asligén Ebráni nebeshtánka gwasht Esákay haybat, bezán hamá Hodá ke Esáká cha áíá torsetag

هال همه بوتگ. من چارده سال تئیی دوین جنگانی هاترا په تئو کار کرتگ و شش سال تئیی رمگانی هاترا. آنگت تئو ده رندا منی مژ بدل کرتگ. ⁴² اگن منی پتئے هُدا، ابراهیمئے هُدا و اساکئے هُدا* گون من گون مَبوتین، اَلما تئو منا هُورک و هالیگین دستان راه داتگ آت، بله هُدایا منی بژگی و زهمت دیستگ و دوشی ترا نهړ و هکلی داتگ.”

⁴³ لَابانا گوشت: “اے جنک منی جنک آنت، چُک منی چُک و رمگ هم منی رمگ آنت. هرچے که گندگا ائے، منیگ آنت. بله مروچی منی دست گون وتی اے جنک و ایشانی پیندا کرتگین چُگان نرسیت. ⁴⁴ بیا، من و تئو گون یکدگرا اهد و پئیمانے بندین. پلّی اے اهد منی و تئیی نیاما گواه و شاهد بیت.” ⁴⁵ گُرا آکوبا سنگے زُرت و چیدگے اُد کرت و ⁴⁶ گون وتی سیادان گوشتی: “سنگ مچ کئیت.” آیان سنگ زُرت و کُوت* کرتنت و همشئے کُرا ورگش وارت. ⁴⁷ لَابانا ایشئے نام جیگرسهدوته* کرت و آکوبا گلید*. ⁴⁸ لَابانا گوشت: “مروچی اے سنگ کُوت منیگ و تئیی نیاما شاهدے.” پمیشکا اے گلید نامینگ بوت و ⁴⁹ لَابانا ایشئے نام مسپه* هم کرت که گوشتی: “وهده من وتی راها رثوان و تئو وتیگا، هُداوند منا و ترا گندیت. ⁵⁰ اگن گون منی جنگان شر مَبئے و منی جنگانی سرا دگه جن بگرئے، بل تَرے کس مگندیت، بله بیهئیال مَبئے که هُدا منا و ترا گندیت.”

⁵¹ لَابانا گون آکوبا چو هم گوشت: “اِس اِنْت سِنگ کُوت و اِس اِنْت هما چیدگ که من وتیگ و تئیی نیاما مِک کرتگ. ⁵² اے سِنگ کُوت شاهدے و اے چیدگ هم شاهدے که من په تئیی آزار دئیکا چه اے سِنگ کُوتا نگوزان و دیم په تئو نئیایان و تئو هم په منی آزار دئیکا چه اے سِنگ کُوت و چیدگا نگوزئے و دیم په من نئیائے. ⁵³ ابراهیمئے هُدا، ناهورئے هُدا، آیانی پتئے هُدا منی و تئیی نیاما دادرس بات.” گُرا آکوبا وتی پت اساکئے هُدائے* ناما سئوگند وارت. ⁵⁴ همودا، کوهستگین دمگا کُربانیگے کرتی و سیاد و واریسی ورگیا داوت داتنت. ورگا رند شپا همودا دشتش.

42:31 اسلیگین ایرانی نبشتانک گوشت اساکئے هئیت، بزآن هما هُدا که اساکا چه اییا ترستگ.

46:31 کُوت، بزآن سر په سر کرتگین چیر.

47:31 جیگرسهدوته آزمايي زبائے لَبزے و مانا اِنْتی: “شاهدیئے کُوت.”

47:31 گلید ایرانی زبائے لَبزے و ایشئے مانا هم “شاهدیئے کُوت” اِنْت.

49:31 مسپهئے مانا اِنْت: “نگهپانیئے بُج.”

53:31 اسلیگین ایرانی نبشتانک گوشت اساکئے هئیت، بزآن هما هُدا که اساکا چه اییا ترستگ

⁵⁵ Domi sabáhá, máhallah Lábáná wati jenekk o nomásag chokket o barkat dátant. Padá dar átk o wati lógá per tarret.

Ákub Issuay gendokay tayáriá kant

32 Nun Ákub rahádag but o ráhá Hodáy préshtag gón áíá dochár kaptant. ² Wahdé Ákubá préshtag distant, gwashti: “É Hodáy lashkaray ordgáh* ent.” Paméshká á jágahay námi Mahanáem* kort.

³ Cha wat opésarkásedi Sahiray sardhagará, Edumay damagá wati brát Issuay kerrá ráh dátant o ⁴ kásedi hokm dátant ke: “Mani wájahén Issuá begwashét ke tai kaster Ákuba gwashit ke tán é wahdi man Lábánay kerrá darámadáy paymá nendók butagán. ⁵ Maná gók o har o pas o golám o móled hast. Nun man é paygám paméshká pa wati wájah Issuá ráh dátag ke taw maná bézzat makanay.”

⁶ Kásedán ke wati sapor jat o padá Ákubay kerrá sar butant, gwashtesh: “Má tai brát Issuay kerrá shotén o nun á wat gón chár sad mardá tai gendoká pédák ent.” ⁷ Ákubá gón mazanén tors o larz o paréshánié wati hamráhén mardom do thóliá bahr kortant, ramag o górom o baggi* ham do bahrá kortant. ⁸ Delá gwashti: “Agan Issu byayt o yakk rombéay sará orosh bekant, gorhá domi romb tatka kant.”

⁹ Gorhá Ákubá dwá kort: “Oo mani pet Ebráhémay Hodá! Mani pet Esákay Hodá! Oo hamá Hodáwand ke gón man gwashtet: ‘Molká wati syádáni kerrá wátarr kan ke man tará sabz o ábáda kanán!’ ¹⁰ Mane Ákub inchok mehr o wapá nakarzán ke taw gón wati hezmatkárá kortag. Wahdé man cha Ordonay kawrá gwazagá atán, maná bas wati asá gón at, bale nun do ordgáhay wáhond án. ¹¹ Maná cha mani brátay dastá berakkén. Maná cha Issuá rakkén ke maná cha áíá torsit. Á mayayt o mani o mani chokk o chokkáni mátáni sará orosh makant. ¹² Bale taw gwashtag: ‘Man allamá tará sabz o ábáda kanán o tai padrechá daryáay rékáni paymá anchó báza kanán ke hesáb nabant.’”

¹³ Ákubá shapá hamódá dásht. Cha wati málán pa wati brát Issuá sawgáté gechéni kort: ¹⁴ do sad boz o bist páchen, do sad mésh o bist gwarándh,

32:2 Ordgáh hamá jágah ent ke mardom pa kasánén wahdéa gedána bandant o nendant.

32:2 Mahanáemay máná ent: “Do ordgáh”.

32:7 Bagg, bezán oshteray ramag.

⁵⁵ دومی سباها، ماهله لابانا وتی جنک و نماسگ چکت و برکت دانتت. پدا در آتک و وتی لوگا پر ترّت.

آکوب ایسوی گندکے تئاریا کنت

32 نون آکوب رهاگ بوت و راها هدائے پریشنگ گون آییآ دُچار کپنتت. ² وهده آکوبا پریشنگ دیستنت، گوشتی: “اے هدائے لشکرے اردگاه* انت.” پمیشکا آجاگهے نامی مهنائیم* کرت.

³ چه وت و پیسر کاسدی سهیرے سرڈگارا، ادموے دمگا وتی برات ایسوی کرا راه دانتت و ⁴ کاسدی هکم دانتت که: “منی واجهین ایسوا بگوشتیت که تئیی کستر آکوب گوشتیت که تان اے وهدی من لابانے کرا درامدیے پئیمای نندوک بوتگان. ⁵ منا گوک و هر و پس و گلام و مؤلد هست. نون من اے پیگیام پمیشکا په وتی واجه ایسوا راه داتگ که تئو منا بے ازت مکنے.”

⁶ کاسدان که وتی سپر جت و پدا آکوبے کرا سر بوتنت، گوشتیش: “ما تئیی برات ایسوی کراشتین و نون آوت گون چار سد مردا تئیی گندکا پیداک انت.” ⁷ آکوبا گون مزین ترس و لرز و پریشانیے وتی همراهین مردم دو ثولیا بهر کرتنت، رمگ و گورم و بگی* هم دو بهرا کرتنت. ⁸ دلا گوشتی: “اگن ایسو بیثیت و یک رمبیے سرا اُرش بکنت، گزا دومی رُمب تتک کنت.”

⁹ نون آکوبا دوا کرت: “او منی پت ابراهیمے هدا! منی پت اِساکتے هدا! او هما هداوند که گون من گوشتیت: ‘مُلکا وتی سیادانی کرا واتر کن که من ترا سبز و آباد کنان!’ ¹⁰ من آکوب اینچک مهر و وپا نگرزان که تئو گون وتی هزمتکارا کرتگ. وهده من چه اردنئے کئورا گوزگا اتان، منا بس وتی اسا گون ات، بله نون دو اردگاهے واهند آن. ¹¹ منا چه منی برائے دستا برکین. منا چه ایسوا رکین که منا چه آییآ ترسیت. آمئیثیت و منی و منی چک و چکانی ماتانی سرا اُرش مکنت. ¹² بله تئو گوشتگ: ‘من الّما ترا سبز و آباد کنان و تئیی پدريچا دریائے ریکانی پئیمای انچو باز کنان که حساب نبنت.’”

¹³ آکوبا شپا همودا داشت. چه وتی مالان په وتی برات ایسوا سئوگاتے گچینی کرت: ¹⁴ دو سد بُرو بیست پاچن، دو سد میش و بیست گورانڈ، ¹⁵ سی ڈاچی* گون هزان،* چل مادگ* و ده

2:32 اردگاه هما جاگه انت که مردم په کسانین وهديا گدان بندنت و نندنت.

2:32 مهنائیمے مانا انت: “دو اردگاه”.

7:32 بگ، بزان اشترے رمگ.

¹⁵ si dháchi* gón herrán, * chell mádag* o dah káiger, * bist mádyán o dah lág. ¹⁶ Áiá é, galag galag kort o wati hezmatkáráni dastá dátant o gwashti: “Cha man pésar bét o galagán cha yakdomiá dur dur bedárét.” ¹⁷ Ákubá awali hezmatkár hokm dát o gwasht: “Mani brát Issu ke gón taw dochára kapit o josta kant: “Taw kai mardom ay? Kojá rawagá ay? É mál o dalwat ke tará gón ant, kaig ant?” ¹⁸ begwashí: ‘É tai kaster Ákubayg ant. É sawgát ant ke pa mani wájah Issuá ráhi dátagant o Ákubay jend poshtá pédák ent.”

¹⁹ Áiá domi o sayomi o á dega sajjahén hezmatkár ke gón galagán rawagá atant, ham anchosh hokm dátant: “Wahdé shomá Issu dist, hamé habarán gón áiá bekanét. ²⁰ Allamá begwashét: “Tai kaster Ákub may poshtá pédák ent.” Delá gwashti: “Man é thékián cha wat o pésar ráha dayán o áiy delá narma kanán. Randá ke áiá gendán, balkén mani ezzatá bekant.” ²¹ Gorhá Ákubay sawgát cha áiy jendá pésar shotant o jendi shapá ordgáhá jallet.

Ákubá barkata rasit

²² Hamá shapá Ákub pád átk, wati doén jan, doén móled o yázdahén mardénchokki zortant o cha Yabukay kawray shóná* gwast. ²³ É sajjahéni cha kawrá gwázéntant. Wati sajjahén mál o maddhii ham gwázéntant. ²⁴ Ákub éwak but. Yakk mardé átk o tán bángwáhá gón áiá band merhet. ²⁵ Wahdé band merhagá atant, mardá dist ke Ákubá zérdast korta nakanán, gorhá maguná* moshtéjati o Ákubay magun cha boná dar shot.

²⁶ Gorhá mardá gón Ákubá gwasht: “Bell nun mana rawán ke bángwáh ent.” Bale Ákubá gwasht: “Tánke maná barkata nadayay, tará rawagá naylán.” ²⁷ Gorhá mardá gwasht: “Tai nám kay ent?” Ákubá passaw dát: “Ákub.” ²⁸ Mardá gwasht: “Cha ed o rand taw Ákub gwashaga nabay, tai nám Esráila* bit, chéá ke taw gón Hodáyá o gón mardomán merhetagay

32:15 Dháchi, bezán rostagén mádagén oshter.

32:15 Herr, bezán oshteray kasánén chokk.

32:15 Mádag, bezán rostagén mádagén gók.

32:15 Káiger, bezán rostagén narén gók.

32:22 Shón, bezán kawr yá ápay hamá jágah ke cha ódá mardom gwasta kant.

32:24 Band merhag, bezán koshti kanag, mall merhag, kosti gerag.

32:25 Magun, bezán páday borzi némag, bazgóshtay haddh yá band.

32:28 Esráilay máná ent: “Á gón Hodáyá merhit”.

كاييگر، * بيست ماديان و ده لاگ. ¹⁶ آييا اے، گلگ گلگ کرت و وتی هزمتکارانی دستا دانت و گوشتی: “چه من پیسر بیت و گلگان چه یکدومیا دور دور بداریت.” ¹⁷ آکوبا ائولی هزمتکار هکم دات و گوشت: “منی برات ایسو که گون تئو دچار کپیت و جُست کنت: ‘تئو کئیی مردم ائے؟ کجا رئوگا ائے؟ اے مال و دلوت که ترا گون أنت، کئییگ أنت؟’ ¹⁸ بگوشی: ‘اے تئیی کستر آکوبیگ أنت. اے سئوگات أنت که په منی واجه ایسوا راهی داتگ أنت و آکوبے جند پُشتا پیداک انت.”

¹⁹ آييا دومی و سئیمی و آدگه سجهین هزمتکار که گون گلگان رئوگا أنت، هم انچش هکم دانت: “وهده شما ایسو دیست، همے هبران گون آييا بکیت. ²⁰ آلما بگوشیت: ‘تئیی کستر آکوب مئے پُشتا پیداک انت.’ “ دلا گوشتی: ‘من اے ئیکیان چه وت و پیسر راه دئیان و آيیے دلا نرم کنان. رندا که آييا گندان، بلکهین منی اِزتا بکنت. ²¹ گُزا آکوبے سئوگات چه آيیے جندا پیسر شتنت و جندی شپا اردگاها جَلت.

آکوبا برکت رسیت

²² هما شپا آکوب پاد آتک، وتی دوین جن، دوین مؤلد و یازدهین مردین چُکی زرتنت و چه بیوکے کئورے شونآ* گوست. ²³ اے سجهینی چه کئورا گوازینتنت. وتی سجهین مال و مدی ای هم گوازینتنت. ²⁴ آکوب ایوک بوت. یک مردے آتک و تان بامگواها گون آييا بند مِٹ. ²⁵ وهده بند مِٹگا أنت، مردا دیست که آکوبا زیدست کرت نکان، گُزا مگونا* مُشته جتی و آکوبے مگون چه بُنا درشت.

²⁶ گُزا مردا گون آکوبا گوشت: “بَل نون من رئوان که بامگواه انت.” بله آکوبا گوشت: “نانکه منا برکت ندئیے، ترا رئوگا نیلان.” ²⁷ گُزا مردا گوشت: “تئیی نام کئے انت؟” آکوبا پَسئو دات: “آکوب.” ²⁸ مردا گوشت: “چه اد و رند تئو آکوب گوشتگ نبئے، تئیی نام اسرائیل* بیت، چیا که تئو گون هدایا و گون مردمان مِٹگئے و سردست بوتگئے.” ²⁹ گُزا آکوبا گوشت: “منی دزبندی انت که وتی ناما بگوش.” بله آييا گوشت:

15:32 ڈاچی، بزآن رُستگین مادگین اُشتر.

15:32 هِر، بزآن اُشترے کسانین چُک.

15:32 مادگ، بزآن رُستگین مادگین گوک.

15:32 کاييگر، بزآن رُستگین نَرین گوک.

22:32 شون، بزآن کئوریا آپئے هما جاگه که چه اژدا مردم گوست کنت.

24:32 بند مِٹگ، بزآن کُشتی کنگ، مَل مِٹگ، کُستی گِرگ.

25:32 مگون، بزآن پادے بُزی نيمگ، بَزکُوشته هدا يا بند.

28:32 اسرائیلے مانا انت: “اگون هدایا مِٹت.”

o sardast butagay.”²⁹ Gorhá Ákubá gwasht: “Mani dazbandi ent ke wati námá begwash.” Bale áíá gwasht: “Mani námá jostá chéá kanay?” Gorhá hamódá Ákubi barkat dát.³⁰ Paméshká Ákubá á jágahay nám Pani-Él* kort. Gwashti: “Gón Hodáyá dém pa dém bután, bale angat mani ján raket.”³¹ Wahdé Ákub cha Pani-Él á gwazagá at, róchá thekk kort. Magunay sawabá Ákub lang janána shot.

³² Páday bonay é zardillek* ke dalwatay maguná per ent, paméshká Esráili tán róche maróchigá eshiá nawarant ke á mardá Ákub magunay hamé jágahá moshté jat ke é zardillek ent.

Ákub o Issuay dochár kapag

33 Nun Ákubá chamm chest kortant o disti ke Issu pédák ent o chár sad mardi hamráh ent. Gorhá Ákubá Lyáh o chokk yakk thólié kortant, Ráhil o chokk yakk thólié o doén móled gón chokkán yakk thólié.² Móled o móledáni chokki démá kortant, cha áyán o rand Lyáh o Lyáhay chokk o cha Lyáh o chokkán o rand, Ráhil o Issop posht poshtá.³ Ákubay jend cha sajjahénán démá shot o hapt randá pa adab sari jahl kort tánke wati brátay nazzikká sar but.

⁴ Bale Issu pa wati brátay gendoká tachán but. Ákubi gwarambáz kort, dasti áiy gardená dawr dátant o chokketi. Doénán grét.⁵ Wahdé Issuá wati chamm chest kortant o janén o chokki distant, gwashti: “É kay ant ke tará gón ant?” Ákubá gwasht: “É hamá chokk ant ke Hodáyá cha wati bakshendahiá tai kasterará dátagant.”⁶ Gorhá móled o chokk nazzikká átkant o saresh jahl kort.⁷ Lyáh o chokk ham nazzikká átkant o saresh jahl kort. Godhsará Issop o Ráhil nazzikká átkant o saresh jahl kort.⁸ Issuá jost kort: “É ramag o górom ke man dhikk dátant, eshání maksad ché ent?” Ákubá gwasht: “Maksad esh ent ke taw mani sará mehrabán bebay, mani wájah!”⁹ Bale Issuá gwasht: “Mani brát! Maná chónáhá báz hast. Harché tará hast, gón wat bedáresh.”¹⁰ Ákubá gwasht: “Enna, cha taw dazbandia kanán, agan mani ezzatá kanay, mani sawgátán bezur ke tai didár chó Hodáyay didará ent o taw maná pa mehrabáni kabul kortag.”¹¹ Mani é thékiá bezur ke pa taw árag butag. Chéá ke Hodá pa man mehrabán butag o maná har chizzi dátag.” Ákubá mennat kort o Issuá mannet.

”منی نامے جُستا چیا کنئے؟“ گڑا همودا آكوبی برکت دات.³⁰ پمیشکا آكوبا آجاگهے نام پنی ایل* کرت. گوشتی: ”گون هُدايا دیم په دیم بوتان، بله آنکت منی جان رکت.“³¹ وهده آكوب چه پنی ایلا گوزگا ات، روچا ٹک کرت. مگونے سئوبا آكوب لنگ جنا شت.

³² پادئے بُئے اے زردیلک* که دلوتے مگونا پرانت، پمیشکا اسرائیلی تان روچ مروچیکا ایشیا نئورنت که آ مردا آكوبے مگونے همه جاگها مشتے جت که اے زردیلک انت.

آكوب و ایسوءے دُچار کپگ

33 نون آكوبا چم چست کرتنت و دیستی که ایسو پنداک انت و چار سد مردی همراه انت. گڑا آكوبا لیاہ و چک یک ٹولے کرتنت، راهیل و چک یک ٹولے و دوین مؤلد گون چکان یک ٹولے.² مؤلد و مؤلدانی چکی دیم کرتنت، چه آیان و رند لیاہ و لیاہے چک و چه لیاہ و چکان و رند، راهیل و ایسپ پشت پُشتا.³ آكوبے جند چه سجھینان دیم شت و هپت رندا په ادب سري جھل کرت تانکه وتی براتے نزیکا سر بوت.⁴ بله ایسو په وتی براتے گندکا تچان بوت. آكوبی گورامباز کرت، دستی آییئے گردنا دئور دانتت و چکتی. دوینان گریت.⁵ وهده ایسوا وتی چم چست کرتنت و جنین و چکی دیستنت، گوشتی: ”اے کئے انت که ترا گون انت؟“ آكوبا گوشت: ”اے هما چک انت که هُدايا چه وتی بکشندھیا تئی کسترا راداتگ انت.“⁶ گڑا مؤلد و چک نزیکا آتکت و سرش جھل کرت.⁷ لیاہ و چک هم نزیکا آتکت و سرش جھل کرت. گُڈسرا ایسپ و راهیل نزیکا آتکت و سرش جھل کرت.⁸ ایسوا جُست کرت: ”اے رمگ و گورم که من ڈیک دانتت، ایشانی مکسد چه انت؟“ آكوبا گوشت: ”مکسد ایش انت که تئو منی سرا مهربان بیئے، منی واجه!“⁹ بله ایسوا گوشت: ”منی برات! منا چوناها باز هست. هرچه ترا هست، گون وت بدارش.“¹⁰ آكوبا گوشت: ”انہ، چه تئو ذربندی کنان، اگن منی اِزتا کنئے، منی سئوگاتان بزور که تئی دیدار چو هُداے دیدار انت و تئو منا په مهربانی قبول کرتگ.¹¹ منی اے ٹیکیا بزور که په تئو آرگ بوتگ. چیا که هُدا په من مهربان بوتگ و منا هر چیژی داتگ.“ آكوبا منت کرت و ایسوا منت.

32:30 Pani-Élay máná ent: “Hodáyay chehrag, Hodáyay dém”.

32:32 Zardillek góshstay hamá labbaray dhawlen drájén rárh ke haddhá gón góshatá bandit.

30:32 پنی ایلے مانا انت: ”هُداے چه رگ، هُداے دیم“.

32:32 زردیلک گوشتے هما لَبُوئے دُئولین دراجین راژ که هُدا گون گوشتا بندیت.

¹² Gorhá Issuá gwasht: “Sar begerén o berawén. Man pésara bán.” ¹³ Bale Ákubá gwasht: “Mani wájah! Taw zánay chokk kasán o názork ant o pas o gók ham zátagant o shiri ant. Agan yakk róchéá ham eshán pa trondi barán bekanén, sajjahén dalwata merant. ¹⁴ Mani dazbandi ent ke mani wájah cha wati kasterá pésar berawt o man narm narmá ramag o góromán sar dayána kanán o chokkáni gámán áyána bán, tánke Sahiray sardhagará wati wájahay kerrá sar bebán.” ¹⁵ Issuá gwasht: “Gorhá man wati lahtén mardom tai hamráha kanán.” Ákubá gwasht: “Chéá? Pa man hamé bass ent ke mani wájah pa man mehrabán ent.”

¹⁶ Gorhá Issu hamá róchá dém pa Sahirá per tarret, ¹⁷ bale Ákub Sokkutá shot, hamódá pa wat lóg o pa wati dalwatán gwáshi* bast. Paméshká á jágahá Sokkuta* gwashant. ¹⁸ Ákub ke cha Paddán-Aráma per tarragá at, Shekémay shahrá Kanhánay sardhagará pa salámati sar but o shahray nazzikká ordi kort.* ¹⁹ É dhagár ke ódá áiá wati gedán mekk kort, cha Hamóray chokkán pa sad thokkor nograhá bahái zort. Hamór, Shekémay pet at. ²⁰ Ódá korbánjáhé addhi kort o áiy námi ÉL-Éluhi-Esráil* kort.

Dinahay béezatiay bér

34 Dinah, Ákubay hamá jenekk ke cha Lyáhá pédá butagat, óday jenekkáni gendoká dhanná dar átk. ² Á molkay hákem Hamóray chokk Shekéma ke Dinah dist, Dinahi bort o pa zór gón áiá wapt o wábi kort. Hamór, Héwi thakkay* mardomé at. ³ Shekémay del gón Ákubay jenekk Dinahá lagget o á, Dinahay mehrá gereptár but o gón Dinahá narm narmá habari kort. ⁴ Shekéma gón wati pet Hamórá gwasht: “Maná gón hamé jenekká sur day.”

⁵ Ákub sahig but ke Shekéma mani jenekk Dinah zená kortag, bale tán wati chokkáni áyagá hecchi nagwasht, chéá ke chokk gyábáná, ramagán chárénagá atant. ⁶ Shekémay pet, Hamór átk ke gón Ákubá habar bekant. ⁷ Anchó ke Ákubay chokk sahig butant, cha gyábáná per tarretant. Padard atant o zahrá porr atant ke Shekéma Ákubay jenekk zená kortag o Esráil bannám kortag. É kár mabutén.

33:17 Gwásh, bezán wárh.

33:17 Sokkutay máná ent: “Kápár, panáh”.

33:18 Ord kanag, bezán pa kasánén wahdéá jágahéá gedán bandag o nendag.

33:20 ÉL-Eluhi-Esráilay máná ent: “Hodá, Esráilay Hodá”.

34:2 Thakk, bezán kabilah, táepah, zahi.

¹² گڑا ایسوا گوشت: “سَر بگرین و برئوین. من پیسر بان.” ¹³ بله آکوبا گوشت: “منی واجه! تتو زانتے چُک کسان و نازرک انت و پس و گوک هم زانگ انت و شیري انت. اگن یک روچیا هم اشان په تژندی بران بکنین، سجهین دلوت مرت. ¹⁴ منی دزبندی انت که منی واجه چه وتی کسترا پیسر برئوت و من نرم نما رمگ و گورمان سر دثیان کنان و چُکانی گامان آیان بان، تانکه سهیرے سرڈگارا وتی واجهے کرا سر بیان.” ¹⁵ ایسوا گوشت: “گڑا من وتی لهتین مردم تئی همراه کنان.” آکوبا گوشت: “چیا؟ په من همه بس انت که منی واجه په من مهربان انت.”

¹⁶ گڑا ایسو هما روچا دیم په سهیرا پر ترت، ¹⁷ بله آکوب سکووتاشت، همودا په وت لوگ و په وتی دلوتان گواشی* بست. پمیشکا آجاگها سکووت* گوسنت. ¹⁸ آکوب که چه پدان آراما پر ترگا ات، شکیمے شهرا کنهانتے سرڈگارا په سلامتی سر بوت و شهیرے نزیگا اودی کرت.* ¹⁹ اے ڈگار که اودا آیا وتی گدان مک کرت، چه همورے چُکان په سد تُکر نگرها بهایی زرت. همور، شکیمے پت ات. ²⁰ اودا کربانجابه اڈی کرت و آییے نامی ایل ایلوهی اسرائیل* کرت.

دینھے بے اژتییے بیر

34 دینھ، آکوبے هما جنک کہ چه لیاها پیدا بوتگ ات، اؤدے جنکانی گندکا دنا در آتک. ² آملکے هاکم همورے چُک شکیم که دینھ دیست، دینھی بُرت و په زور گون آیا وپت و وایی کرت. همور، هیوی تُکے* مردمے ات. ³ شکیمے دل گون آکوبے جنک دینھا لگت و آ، دینھے مهرا گرپتار بوت و گون دینھا نرم نما هبری کرت. ⁴ شکیم گون وتی پت همورا گوشت: “منا گون همه جنکا سور دے.” ⁵ آکوب سهیگ بوت که شکیم منی جنک دینھ زنا کرتگ، بله تان وتی چُکانی آیکا هچی نگوشت، چیا که چُک گیابانا، رمگان چارینگا اتنت. ⁶ شکیمے پت، همور آتک که گون آکوبا هبر بکنت. ⁷ انچو که آکوبے چُک سهیگ بوتنت، چه گیابانا پر ترنت. پدرد اتنت و زهرا پُر اتنت که شکیم آکوبے جنک زنا کرتگ و اسرائیل بنام کرتگ. اے کار مپوتین.

17:33 گواش، بزبان واژ.

17:33 سکووتے مانا انت: “کاپار، پناه”.

18:33 اُرد کنگ، بزبان په کسانین وهديا جاگهيا گدان بندگ و نندگ.

20:33 ایل ایلوهی اسرائیلے مانا انت: “هدا، اسرائیلے هدا”.

2:34 تُک، بزبان کبيله، تاپه، زهی.

⁸ Hamórá gón áyán habar kort o gwasht: “Mani chokk Shekémay del pa shomay jenekká band ent. Áiá pa Dinahá zámát kanét. ⁹ Gón má sángbandi bekanét. Wati jenekkán mára bedayét o maygán shomá bezurét. ¹⁰ May kerrá jahmenend bebét. É molk shomay watig ent, benendét, sawdágeri o bápár bekanét o melkatay wáhond bebét.”

¹¹ Shekémá gón Dinahay pet o brátán gwasht: “Mani sará mehrabán bebét. Harché lóthét, shomará dayán. ¹² Bánóray hakmehrá begwashét o har málé ke lóthét, haminchok ke gwashét, man shomará dayán. Bass é jenekká gón man sur bedayét.”

¹³ Ákubay chokkán gón Shekém o áiy pet Hamórá pa makkári habar kort, chéa ke Shekémá áyáni gohár Dinah zená kortagat. ¹⁴ Ákubay chokkán gón áyán gwasht: “Má é kára korta nakanén. Gón sonnat nabutagén mardéa wati goháray sur dayag pa má rosuíé. ¹⁵ May shart bass yakké. Shomay sajjahén mardén may paymá sonnat kanag bebant. ¹⁶ Gorhá má wati jenekkán shomará dayén o shomay jenekkána zurén o shomay kerrá jahmenenda bén o gón shomá yakjáh, yakkén kawma bén. ¹⁷ Bale agan shomá sonnat kanagá razá mabét, má wati gohárá zurén o rawén.”

¹⁸ Áyáni habar Hamór o Hamóray chokk Shekémá dóst but. ¹⁹ Shekém wati petay lógay sharapmandterén mardom at. Hecch mahtal nabut ke Ákubay jenekki sakk dóst at. ²⁰ Gorhá Hamór o áiy chokk Shekém wati shahray darwázagay dapá átkant o gón wati shahray mardénán habaresh kort. Gwashtesh: ²¹ “É sharrén mardom ant o gón má jang o jadala nalóthant. Shomá bellétesh ke molká nendant o bápára kanant. É molká pa eshán jágah báz ent. Má esháni jenekkána gerén o é maygán. ²² Bale pa may kerrá jahmenend bayag o gón má yakkén kawm bayagá, esháni yakkén shart esh ent ke may har mardén esháni paymá sonnat kanag bebit. ²³ É dhawlá esháni dalwat o mál o jánwar mayg ham bant gón. Gorhá byáét esháni shartá mannén ke may kerrá jahmenend bebant.”

²⁴ Shahray darwázagá átkagén sajjahén mardénán Hamór o áiy chokk Shekémay habar zort o shahray har mardén sonnat kanag but.

²⁵ Say róch gwast. Angat áyán sonnatay dard per atant ke Ákubay do chokk, Dinahay brát Shamun o Láwiá wati zahm zortant o nádelgóshén shahray sará orosh kort o shahray sajjahén mardénes koshtant. ²⁶ Áyán Hamór o áiy chokk Shekém zahmay dapá dát o koshtant o Dinahesh cha Shekémay lógá zort o shotant.

⁸ هَمُورَا گُون آيَان هَبَر كَرْت و گوشت: “مَنِ چُكَّ شِكِيْمَيَّ دَل پَه شَمَّيَّ جَنگَا بِنْدِ اَنْت. آيَا پَه دِيْنَهَا زَاْمَات كَنِيت. ⁹ گُون مَا سَاَنْگَبَنْدِي بَكْنِيْت. وَتِي جَنگَان مَارَا بَدِيْتِيْت و مَثِيگَان شَمَا بَزُوْرِيْت. ¹⁰ مَيَّي كِرَا جَهْمَنْد بِيْت. اے مُلْك شَمَّيَّ وَتِيگ اَنْت، بِنْدِيْت، سَوْدَاگَرِي و بَاپَار بَكْنِيْت و مِلْكْتَيَّ وَاهَنْد بِيْت.”

¹¹ شِكِيْمَا گُون دِيْنَهَيَّ پَت و بَرَاتَان گوشت: “مَنِ سَرَا مَهْرِيَان بِيْت. هَرْجَي لُوْتِيْت، شَمَارَا دِيَان. ¹² بَانُوْرَيَّ هَكْمَهْرَا بَغُوْشِيْت و هَر مَالَي كَه لُوْتِيْت، هَمِيْنچُك كَه گوْشِيْت، مَن شَمَارَا دِيَان. بَسْ اے جَنگَا گُون مَن سُوْر بَدِيْتِيْت.”

¹³ اَكُوْبَيَّ چُكَّان گُون شِكِيْم و آيِيَّ پَت هَمُورَا پَه مَكَّارِي هَبَر كَرْت، چِيَا كَه شِكِيْمَا آيَانِي گَهَار دِيْنَه زِنَا كَرْتِگَات. ¹⁴ اَكُوْبَيَّ چُكَّان گُون آيَان گوشت: “مَا اے كَارَا كَرْت نَكْنِيْن. گُون سُنْت نَبُوْتِگِيْن مَرْدِيَا وَتِي گَهَارَيَّ سُوْر دِيْگ پَه مَا رُسُوَايِيَّ. ¹⁵ مَيَّي شَرْت بَسْ يَكَيَّ. شَمَّيَّ سَجَّهِيْن مَرْدِيْن مَيَّي پَيْمَا سُنْت كَنْگ بِنْت. ¹⁶ گُرَا مَا وَتِي جَنگَان شَمَارَا دِيْتِيْن و شَمَّيَّ جَنگَان زُوْرِيْن و شَمَّيَّ كِرَا جَهْمَنْد بِيْن و گُون شَمَا يَكْجَاه، يَكِيْن كُتُوْم بِيْن. ¹⁷ بَلَه اگْن شَمَا سُنْت كَنْگَا رَزَا مِيْت، مَا وَتِي گَهَارَا زُوْرِيْن وَرُوِيْن.”

¹⁸ آيَانِي هَبَر هَمُور و هَمُورَيَّ چُكَّ شِكِيْمَا دُوْسْت بُوْت. ¹⁹ شِكِيْم وَتِي پَتَيَّ لُوْكَيَّ شَرِيْمَنْدَرِيْن مَرْدَم اْت. هِيچ مَهْتَل نَبُوْت كَه اَكُوْبَيَّ جَنگِي سَكَّ دُوْسْت اْت. ²⁰ گُرَا هَمُور و آيِيَّ چُكَّ شِكِيْم وَتِي شَهْرَيَّ دَرُوَازْگَيَّ دِيَا اْتَكَنْت و گُون وَتِي شَهْرَيَّ مَرْدِيْنَان هَبَرِيَش كَرْت. گوْشِيَش: ²¹ “اے شَرِيْن مَرْدَم اَنْت و گُون مَا جَنگ و جَدَل نَلُوْتَنْت. شَمَا بَلِيْتِيَش كَه مُلْكَا نَنْدَنْت و بَاپَار كَنْت. اے مُلْكَا پَه اِشَان جَاگَه بَاز اَنْت. مَا اِشَانِي جَنگَان گَرِيْن و اے مَثِيگَان. ²² بَلَه پَه مَيَّي كِرَا جَهْمَنْد بِيْگ و گُون مَا يَكِيْن كُتُوْم بِيْگَا، اِشَانِي يَكِيْن شَرْت اِش اَنْت كَه مَيَّي هَر مَرْدِيْن اِشَانِي پَيْمَا سُنْت كَنْگ بِيْت. ²³ اے دُتُوْلَا اِشَانِي دَلُوْت و مَال و جَانُوْر مَيْگ هَم بَنْت گُون. گُرَا بِيَايْت اِشَانِي شَرْتَا مَنِيْن كَه مَيَّي كِرَا جَهْمَنْد بِنْت.”

²⁴ شَهْرَيَّ دَرُوَازْگَا اْتَكْگِيْن سَجَّهِيْن مَرْدِيْنَان هَمُور و آيِيَّ چُكَّ شِكِيْمَيَّ هَبَر زُرْت و شَهْرَيَّ هَر مَرْدِيْن سُنْت كَنْگ بُوْت.

²⁵ سَيَّي رُوچ گوْسْت. اَنْگْت آيَان سُنْتَيَّ دَرْد پَر اَنْت كَه اَكُوْبَيَّ دُو چُكَّ، دِيْنَهَيَّ بَرَات شَمُوْن و لَاوِيَا وَتِي زَهْم زُرْتَنْت و نَادِلْگُوْشِيْن شَهْرَيَّ سَرَا اُرُش كَرْت و شَهْرَيَّ سَجَّهِيْن مَرْدِيْنِيَش كُشْتَنْت. ²⁶ آيَان هَمُور و آيِيَّ چُكَّ شِكِيْم زَهْمَيَّ دِيَا دَات و كُشْتَنْت و دِيْنَه اِش چَه شِكِيْمَيَّ لُوْگَا زُرْت و شْتَنْت.

²⁷ Ákubay chokk mordagáni sará per retkant o hamá shahresh pol o pánych kort ke ódá áyáni gohár zená kanag butagat. ²⁸ Áyán shahray mardománi ramag o górom o har o shahray tahá o shahrá dhann dhagáráni sará harché ke hastat, hull kort o bort. ²⁹ Á mardománi sajjahén mál o hastiesh bortant, janén o chokkesh bandig kortant o lógáni sajjahén chizzesh áwár* jatant.

³⁰ Gorhá Ákubá gón Shamun o Láwiá gwasht: “Shomá maná azábé sará dát ke shomá maná é molkay mardom, bezán Kanháni o Perizziáni delá syahru kort. Má kammok én o agan é mardom wati zórá yakk bekanant o mani sará orosh bekanant, man o mani lógay mardom tabáha bén.” ³¹ Bale áyán gwasht: “Gorhá á may gohára kahbageay paymá kármarz bekant?”

Bayt-Élá, Ákubay per tarrag

35 Hodáyá gón Ákubá gwasht: “Pád á, Bayt-Élá beraw o hamódá benend. Ódá pa man korbánjáhé addh kan, pa hamá Hodáyá ke wahdé taw cha wati brát Issuá tachagá atay, tai démá záher but.” ² Ákubá gón wati lógay mardom o á dega sajjahén hamráhán gwasht: “Hamá dhanni hodá ke shomay nyámá ant, cha wat daresh kanét, watá pák o palgár kanét o wati pocchán badal kanét o ³ byáét Bayt-Élá rawén. Ódá man pa hamá Hodáyá korbánjáhé addha kanán ke sakki o sóriáni róchán mani dwái gósh dáshtag o har jáh ke shotagán, gón man gón butag.”

⁴ Gorhá áyán har dhanni hodáé ke gón at o har cholombé* ke góshán at, sajjahénesht Ákubará dátant o Ákubá é zort o Shekémá, mazanén drachkay chérá kall kortant. ⁵ Nun á ráh septant. Hodáay torsá áyáni chapp o chágérday sajjahén shahráni sará mán shánt o kass áyáni randá nakapt.

⁶ Ákub o áiy sajjahén hamráh Kanháney sardhagará Luzay shahrá, bezán Bayt-Élá sar butant. ⁷ Ákubá hamódá korbánjáhé addh kort o á jágahay námi ÉL-Bayt-Él* kort, chéá ke wahdé á cha wati brátá tachagá at, Hodáyá hamedá áiy démá watá záher kort. ⁸ Rebekáay shirmát Daburah bérán but o áesh cha Bayt-Élá dhann, mazanén drachkéay chérá kabr kort. Á jágahay nám Alun-Bákut* kanag but.

34:29 Áwár, bezán jangay tahá lotth o pol kortagén mál o mardom.

35:4 Cholomb, saht o zéwaré ke góshá kananti.

35:7 ÉL-Bayt-Élay máná ent: “Hodáay lógay Hodá”.

35:8 Alun-Bákutay máná ent: “Mótkay drachk”.

²⁷ Ákubéé چُک مُردگانی سرا پر رتکنت و هما شهرش پُل و پانچ کرت که اودا آیانی گهار زنا کنگ بوتگ آت. ²⁸ آیان شهرئے مردمانی رمگ و گورم و هر و شهرئے تھا و شهران دن دگارانی سرا هرچے که هست آت، هول کرت و برت. ²⁹ آ مردمانی سجهين مال و هستی اش برتنت، جنين و چکيش بنديگ کرتنت و لوگانی سجهين چيزش آوار* جتنت.

³⁰ گرا آکوبا گون شمون و لاويا گوشت: “شما منا آزايے سرا دات که شما منا اے ملکئے مردم، بزبان کنهانی و پريزيانی دلا سيهرو کرت. ما کممک اين و اگان اے مردم وتی زورا يک بکننت و منی سرا ارش بکننت، من و منی لوگئے مردم تباہ بين.” ³¹ بله آیان گوشت: “گرا آ مئے گهارا کهبگيئے پيما کارمرز بکننت؟”

بئیت ایلا، آکوبے پر ترگ

35 هُدايا گون آکوبا گوشت: “پاد آ، بئیت ایلا برتو و همودا بنند. اودا په من کربانجاهے آد کن، په هما هُدايا که وهده تئو چه وتی برات ایسوا تچگا آتے، تئیی دئیا زاهر بوت.” ² آکوبا گون وتی لوگئے مردم و آ دگه سجهين همراهان گوشت: “هما دئی هُدا که شمئے نیاما آنت، چه وت دَرش کنیت، وتا پاک و پلگار کنیت و وتی پچان بدل کنیت و ³ بیایت بئیت ایلا رتوین. اودا من په هما هُدايا کربانجاهے آد کنان که سکی و سورانی روچان منی دوايي گوش داشتگ و هر جاه که شتگان، گون من گون بوتگ.”

⁴ گرا آیان هر دئی هُدا اے که گون آت و هر چلمبے* که گوشان آت، سجهينش آکوبارا دانت و آکوبا اے زرت و شکيما، مزین درچکئے چیرا کل کرتنت. ⁵ نون آ راه گپنت. هُداے ترسا آیانی چپ و چاگردئے سجهين شهرانی سرا مان شانت و کس آیانی رندا نکپت.

⁶ آکوب و آییئے سجهين همراه کنهائے سردگارا لوزئے شهر، بزبان بئیت ایلا سر بوتنت. ⁷ آکوبا همودا کربانجاهے آد کرت و آ جاگهئے نامی ایل بئیت ایل* کرت، چیا که وهده آ چه وتی براتا تچگا آت، هُدايا همدا آییئے دئیا وتا زاهر کرت. ⁸ ربکائے شیرمات دَبورَه بیران بوت و آش چه بئیت ایلا دن، مزین درچکئے چیرا کبر کرت. آ جاگهئے نام آلون باکوت* کنگ بوت.

29:34 آوار، بزبان جنگئے تها لٹ و پُل کرتگین مال و مردم.

4:35 چلمب، سہت و زیورے که گوشا کننتی.

7:35 ایل بئیت ایلئے مانا انت: “هُداے لوگئے هُدا”.

8:35 آلون باکوتئے مانا انت: “مؤتکے درچک”.

⁹ Ákub ke cha Paddán-Aráma átk, Hodá padá áiy demá záher but o Ákubi barkat dát. ¹⁰ Gón áiy gwashti: “Tai nám Ákub ent, bale cha ed o rand taw Ákub gwashaga nabay. Tai nám Esráila* bit.” Gorhá Ákubay námi Esráil kort. ¹¹ Hodáyá gón Ákubá gwasht: “Man porwákén Hodá án. Chokk o bar kan o gésh bayán bay. Cha taw kawmé o kawmáni rombé pédá bit o bádsháh cha tai sréná pédá bant. ¹² Hamá molk ke man Ebráhém o Esákára dát, tará ham dayáni o cha taw o rand, tai nasl o padréchára ham é molká dayán.” ¹³ Gorhá Hodáyá Ákub esht o cha hamá jágahá ke gón áiy habari kortagat, borzád shot. ¹⁴ Hamé jágahá ke Hodáyá gón áiy habar kortagat, Ákubá ódá sengay chédagé addh kort o sengay sará réchagi korbánigi rétk o rógeni ham per rétk. ¹⁵ É jágahá ke Hodáyá gón Ákubá habar kortagat, é jágahay nám Ákubá Bayt-Él kort.

Ráhilay mark

¹⁶ Gorhá á cha Bayt-Élá dar átkant. Angat Eprátá sar nabutagatant ke Ráhilay chellagi dard bongéj butant. É sáhat pa áiy sakk grán at. ¹⁷ Wahdé á chellagiay gránén dardán at, janbógá* gón áiy gwasht: “Mators. Tará dega mardénchokké bit.” ¹⁸ Wahdé Ráhilay markay sáhat átk o áiy arwáh bál kanagá at, wati chokkay námi Ben-Uni* kort, bale petá chokkay nám Benyámin* kort.

¹⁹ Ráhil mort o áesh Eprátay ráhá, bezán Bayt-Lahemay ráhá kabr kort. ²⁰ Ákubá áiy kabray sará shakké* mekk kort o hamé shakk tán róche maróchigá Ráhilay kabray nesháni ent.

²¹ Esráil padá ráh gept o wati gedáni Migdál-Édaray domi némagá mekk kort. ²² Esráil hamé damagá nendók at. Ruben shot o gón wati petay soriat, Bellahá wapt o wábi kort. Esráil sahit but.

Ákubá dwázdah mardénchokk hastat: ²³ cha Lyáhá Ruben, ke Ákubay awali chokk at o Shamun o Láwi o Yahudá o Issákár o Zebulun atant, ²⁴ cha Ráhilá Issop o Benyámin, ²⁵ Bellah ke Ráhilay móled at, cha áiy Dán o Naptáli, ²⁶ Zelpah ke Lyáhay móled at,

35:10 Esráilay máná ent: “Á gón Hodáyá merhit”.

35:17 Janbóg, bezán dáig, dáeg, dinnabóg, chokk pédá kanókén ballok.

35:18 Ben-Uniay máná ent: “Mani dardáni chokk”.

35:18 Benyáminay máná ent: “Mani rástén dastay chokk” yá “jonubay chokk”.

35:20 Shakk, bezán kabray seng.

⁹ Ákub ke cha Paddán-Aráma átk, Húda pda áiyse díma zahir bot o Ákubi barkat dát. ¹⁰ Gón áiy gwashti: “Táiyi nam Ákub ent, ble che id o rnd tto Ákub goshg nbte. Táiyi nam Isráilil* bit.” ¹¹ Húda pda áiyse díma zahir bot o Ákubi barkat dát. ¹² Hamá molk ke man Ebráhém o Esákára dát, tará ham dayáni o cha taw o rand, tai nasl o padréchára ham é molká dayán.” ¹³ Gorhá Hodáyá Ákub esht o cha hamá jágahá ke gón áiy habari kortagat, borzád shot. ¹⁴ Hamé jágahá ke Hodáyá gón áiy habar kortagat, Ákubá ódá sengay chédagé addh kort o sengay sará réchagi korbánigi rétk o rógeni ham per rétk. ¹⁵ É jágahá ke Hodáyá gón Ákubá habar kortagat, é jágahay nám Ákubá Bayt-Él kort.

راهیلے مرک

¹⁶ گڑا آچہ بئیت ایلا در آتکننت. انگت ایراتا سر نبوتگ آنتت کہ راهیلے چلگی درد بنگیچ بوتنت. اے ساهت پہ ایسا سک گران آت. ¹⁷ وهدے آچلگیئے گرانین دردان آت، جنبوغا* گون ایسا گوشت: “مترس. ترا دگہ مردین چکے بیت.” ¹⁸ وهدے راهیلے مرکے ساهت آتک و اییے ارواہ بال کنگا آت، وتی چکے نامی بن اونی* کرت، بلہ پتا چکے نام بنیامین* کرت.

¹⁹ راهیل مرت و آش ایراتے راہا، بزبان بئیت لہمے راہا کبر کرت. ²⁰ آکوبا اییے کبرے سرا شکے* مک کرت و ہمے شک تان روج مروچيگا راهیلے کبرے نشانی انت.

²¹ اسرائیل پدا راہ گپت و وتی گدانی میگدال ایڈرے دومی نیمگا مک کرت. ²² اسرائیل ہمے دمگا نندوک آت. روین شت و گون وتی پتے سريت، بلہا وپت و وابی کرت. اسرائیل سہیگ بوت.

آکوبا دوازده مردین چک هستات: ²³ چه لیاہا روین، کہ آکوبے اتولی چک آت و شمون و لاوی و یهودا و ایساکار و زبولون آنت، ²⁴ چه راهیلا ایسپ و بنیامین، ²⁵ بلہ کہ راهیلے مؤلد آت، چه ایسا دان و نپتالی، ²⁶ زلپہ کہ لیاہے مؤلد آت، چه

10:35 اسرائیلے مانا انت: “آگون ہدایا مؤیت”.

17:35 جنبوغ، بزبان دایبگ، دائگ، دینبوغ، چک پندا کنوکین بلگ.

18:35 بن اونیے مانا انت: “منی دردانی چک”.

18:35 بنیامینے مانا انت: “منی راستین دستے چک” یا “جنوبے چک”.

20:35 شک، بزبان کبرے سینگ.

cha áia Jád o Ásher. Ákubay hamá mardénchokk ke Paddán-Aramá pédá butant, hamesh atant.

Esákay mark

²⁷ Ákub wati pet Esákay kerrá Mamrehá, Keryah-Arbahay shahrá bezán Hebruná átk, hamódá ke Ebráhém o Esáká darámadáni paymá zend gwázéntagat. ²⁸ Esáká yakk sad o hashtád sál omr kort, ²⁹ Wati goddhi dami kasshet o gón wati mortagén mahluká hawár but. Esáká sharrén mazanén omré kort o pir but o mort. Áiy mardénchokkán, bezán Issu o Ákubá á zort o kabr kort.

Issuay nasl o padréch

36 Issu ke áiy domi nám Edum at, áiy nasl o padréchay kessah chosh ent:

² Issuá do Kanháni jan gept, yakkéay nám Ádah at o yakkéay nám Ohulibámah. Ádah Ilun Hittiyay jenekk at o Ohulibámah Anáay jenekk o Sebn Héwiay nomásag at. ³ Issuay sayomi janay nám Basémat at. Basémat Esmáélay jenekk o Nebáyutay gohár at. ⁴ Issuay chokk Elipáz cha Ádahá pédá but o Rawél cha Basématá. ⁵ Yahush o Yalám o Kórá cha Ohulibámahá pédá butant. Esh atant Issuay mardénchokk ke Kanhániy sardhagará pédá butant.

⁶ Issuá wati jan o bacch o jenekk o lógay sajjahén mardom, wati mál o dalwat o jánwar o harché ke áia Kanháni chetag o nazz áwortagat, gón wat zortant o cha wati brát Ákubá dur dega molkéa shot. ⁷ Áyáni mál o hasti sakk báz atant, paméshká hór neshtesh nakort, chéa ke zemin o kahchar pa áyáni ramag o góromán bassa nabut. ⁸ Gorhá Issu bezán Edum, Sahiray kóhestagá jahmenend but.

⁹ Sahiray kóhestagay Edumiáni bonpirok Issuay nasl o padréchay kessah chosh ent: ¹⁰ Issuay mardénchokkáni nám esh ant:

Elipáz ke Issu o Ádahay chokk at, Rawél ke Issu o Basématay chokk at.

¹¹ Elipázay mardénchokk Timán o Umár o Sepu o Gatám o Kenáz atant. ¹² Issuay chokk Elipázá soriaté hastat ke námi Temnah at o Elipázay chokk Amálik cha hamáia pédá but. Issuay jan Ádahay óbádag hamesh atant.

آيا جاد و آشر. آكوبے هما مردین چُک کہ پَدان آراما پیدا بوتنت، همش اتنت.

اساکے مرک

²⁷ آکوب وتی پت اساکے کرا ممرها، کریه آرہئے شہرا بزبان ہیرونا آتک، همودا کہ ابراہیم و اساکا درامدانی پیما زند گوازینتگ آت. ²⁸ اساکا یگ سد و ہشتاد سال امر کرت، ²⁹ وتی گڈی دمی کشت و گون وتی مرتگین مہلوکا ہنوار بوت. اساکا شرین مزین امرے کرت و پیر بوت و مرت. آییئے مردین چُگان، بزبان ایسو و آکوبا آرت و کبر کرت.

ایسوئے نسل و پدریچ

36 ایسو کہ آییئے دومی نام ادوم ات، آییئے نسل و پدریچئے کسہ چش انت:

² ایسو دو کنہانی جن گپت، یکیئے نام آدہ ات و یکیئے نام اھولیبامہ. آدہ ایلون ہیئیئے جنگ ات و اھولیبامہ آئے جنگ و سبون ہیئیئے نماغ ات. ³ ایسوئے سیمی جنئے نام بسیمت ات. بسیمت اسمائے جنگ و نبیوتے گہار ات. ⁴ ایسوئے چُک ایپاز چہ آدھا پیدا بوت و رتویل چہ بسیمتا. ⁵ یھوش و یھلام و کورا چہ اھولیبامہا پیدا بوتنت. اش اتنت ایسوئے مردین چُک کہ کنہانے سردگارا پیدا بوتنت.

⁶ ایسو وتی جن و بچ و جنگ و لوگئے سجھین مردم، وتی مال و دلوت و جانور و هرچے کہ آيا کنہانا چتگ و نر آورتگ ات، گون وت زرتنت و چہ وتی برات آکوبا دور دگہ ملکیا شت. ⁷ آیانی مال و هستی سک باز اتنت، پمیشکا هور نشتش نکرت، چیا کہ زمین و کھچر پہ آیانی رمگ و گورمان بس نبوت. ⁸ گڑا ایسو بزبان ادوم، سھیرئے کوهستگا جھمنند بوت.

⁹ سھیرئے کوهستگئے ادومیانی بئیرک ایسوئے نسل و پدریچئے کسہ چش انت: ¹⁰ ایسوئے مردین چُکانی نام اش ات:

ایپاز کہ ایسو و آدھے چُک ات، رتویل کہ ایسو و بسیمتئے چُک ات.

¹¹ ایپازئے مردین چُک تیمان و اومار و سپو و گنام و کناز اتنت. ¹² ایسوئے چُک ایپازا سرتے هست ات کہ نامی تمنہ ات و ایپازئے چُک امالیک چہ همایا پیدا بوت. ایسوئے جن آدھے اوبادگ همش اتنت.

¹³ Rawélay mardénchokk Nahát o Zárah o Shammá o Mezzá atant. Issuay jan Basématay óbádag hamesh atant.

¹⁴ Issuay jan Ohulibámah, Anáay jenekk o Sebnay nomásag at. Yahush o Yahlám o Kórá Issuay hamá mardénchokk atant ke cha Ohulibámahá pédá butagatant.

Edumay thakk o bádsháh

¹⁵ Bani Issuay thakkáni sardár:

É sardár, Issuay awali chokk Elipázay mardénchokk atant: Timán o Umár o Sepu o Kenáz o ¹⁶ Kórá o Gatám o Amálik. Edumay sardhagará Elipázay thakkáni sardár hamesh atant. É Ádahay óbádag atant.

¹⁷ Issuay chokk Rawélay mardénchokk ke thakkáni sardár butant, esh ant: Nahát o Zárah o Shammá o Mezzá. É Edumay sardhagará Rawélay thakkáni sardár atant o Issuay jan Basématay óbádag atant.

¹⁸ Issu o áiy jan Ohulibámahay mardénchokk ke sardár butant, esh ant: Yahush o Yahlám o Kórá. É hamá thakkáni sardár atant ke cha Issuay jan Ohulibámahá pédá butant. Ohulibámah, Anáay jenekk at. ¹⁹ É, Issuay, bezán Edumay mardénchokk atant ke har yakké wati thakkay sardár but.

Hórái thakkáni sardár

²⁰ Sahir Hóráiy mardénchokk ke á molká nendók atant, esh ant: Lután o Shubál o Sebn o Aná o ²¹ Dishun o Eser o Dishán. Sahiray é chokk Edumay sardhagará Hórái thakkáni sardár atant.

²² Hóri o Hémám, Lutánay mardénchokk atant. Temnah, Lutánay gohár at.

²³ Shubálay mardénchokk Alwán o Manahát o Ébál o Shepu o Ónám atant.

²⁴ Sebnay mardénchokk Ayá o Aná atant. É hamá Aná ent ke wati pet Zebyánay haráni chárénagay wahdá gyábáná garmén chammagi dar gétkant. ²⁵ Anáay mardénchokk Dishun at o janénchokk Ohulibámah.

²⁶ Dishunay mardénchokk Hemdán o Eshbán o Etrán o Kerán atant.

²⁷ Eseray mardénchokk Belhán o Záván o Akán atant.

¹³ رَوَيْلَي مَرْدِينِ چُكَّ نَهَاتِ وَ زَارَه وَ شَمَّا وَ مِرَّا أَتَنْت. ايسوئى جَن بَسِيْمَتَي اؤْبَادِگ هَمِش أَتَنْت.

¹⁴ ايسوئى جَن اُھوليبامَه، اَنائے جنک و سبونئى نَماسگ اَت. يَهُوش و يَهلام و كُورا ايسوئى هَمَا مَرْدِينِ چُكَّ أَتَنْت كِه چَه اُھوليبامَها پيدا بوتگ أَتَنْت.

اِدومئى تُكَّ و بادشاه

¹⁵ بنى ايسوئى تُكَّانى سردار:

اے سردار، ايسوئى ائولى چُكَّ اِلييازئى مَرْدِينِ چُكَّ أَتَنْت: تيمان و اومار و سپو و كِناز و ¹⁶ كُورا و گتام و اَماليك. اِدومئى سَرْدُگارا اِلييازئى تُكَّانى سردار هَمِش أَتَنْت. اے آدھئى اؤْبَادِگ أَتَنْت.

¹⁷ ايسوئى چُكَّ رَوَيْلَي مَرْدِينِ چُكَّ كِه تُكَّانى سردار بوتنت، اِش اَنْت: نَهَاتِ وَ زَارَه وَ شَمَّا وَ مِرَّا. اے اِدومئى سَرْدُگارا رَوَيْلَي تُكَّانى سردار أَتَنْت و ايسوئى جَن بَسِيْمَتَي اؤْبَادِگ أَتَنْت.

¹⁸ ايسو و ابيئى جَن اُھوليبامَھئى مَرْدِينِ چُكَّ كِه سردار بوتنت، اِش اَنْت: يَهُوش و يَهلام و كُورا. اے هَمَا تُكَّانى سردار أَتَنْت كِه چَه ايسوئى جَن اُھوليبامَها پيدا بوتنت. اُھوليبامَه، اَنائے جنک اَت. ¹⁹ اے، ايسوئى، بزان اِدومئى مَرْدِينِ چُكَّ أَتَنْت كِه هَرِيكَي و تى تُكَّئى سردار بوت.

ھُورايى تُكَّانى سردار

²⁰ سَھير ھُورايئى مَرْدِينِ چُكَّ كِه آ مُلکا نِنْدُوك أَتَنْت، اِش اَنْت: لوتان و شوبال و سبون و انا و ²¹ ديشون و ايسرو ديشان. سَھيرئى اے چُكَّ اِدومئى سَرْدُگارا ھُورايى تُكَّانى سردار أَتَنْت. ²² ھُورى و ھينما، لوتانئى مَرْدِينِ چُكَّ أَتَنْت. تَمَنَه، لوتانئى گَھار اَت.

²³ شوبالئى مَرْدِينِ چُكَّ اَلوان و مَنَهات و ايبال و شپو و اوانم أَتَنْت.

²⁴ سبونئى مَرْدِينِ چُكَّ ائيا و انا أَتَنْت. اے هَمَا انا اِنْت كِه و تى پت زيبانئى ھرانى چارينگئى و ھدا گيابانا گرمين چمگى در گيتكنت. ²⁵ اَنائے مَرْدِينِ چُكَّ ديشون اَت و جنين چُكَّ اُھوليبامَه.

²⁶ ديشونئى مَرْدِينِ چُكَّ ھمدان و اِشبان و اِتران و كِران أَتَنْت.

²⁷ ايسرئى مَرْدِينِ چُكَّ بلهان و زاوان و اكان أَتَنْت.

²⁸ Dishánay mardénchokk Uz o Arán atant.

²⁹ Hórái thakkáni sardár esh atant: Lután o Shubál o Sebung o Aná o ³⁰ Dishun o Eser o Dishán. Sahiray sardhagará Hórái thakkáni sardár yakk yakká hamesh atant.

Edumay bádsháh

³¹ É hamá bádsháh atant ke Edumay molká bádsháhiesh kort. Cha ed o pésar Esráiliáni sará bádsháhéá hákemi nakortagat. ³² Behuray mardénchokk Bélahá mán Edumá bádsháhi kort. Bélahay shahray nám Dinábah at. ³³ Cha Bélahay marká rand, Zárahay mardénchokk Yubáb áiy jáhá bádsháhiá nesht. Yubáb Bosrahay mardomé at. ³⁴ Yubábay marká rand Hóshám áiy jáhá bádsháh but. Hóshám Timániáni molkay mardomé at. ³⁵ Hóshámay marká rand Bedáday mardénchokk Hadád, Hóshámay jáhá bádsháh but. É hamá Hadád at ke Muábay dashtá Midyáni jatant. Hadáday shahray nám Awit at. ³⁶ Hadáday marká rand Samlah, Hadáday jáhá bádsháh but. Samlah Masrikahay mardomé at. ³⁷ Samlahay marká rand Shául, Samlahay jáhá bádsháh but. Shául Rahubutay mardomé at. Rahubut Parátay kawray kerrá ent. ³⁸ Sháulay marká rand Akburay mardénchokk Bahal-Hánán Sháulay jáhá bádsháh but. ³⁹ Akburay chokk Bahal-Hánánay marká rand Hadád áiy jáhá bádsháh but. Hadáday shahray nám Páhu at o janay námi Mehtabel at. Mehtabel, Matreday jenekk at o Matred Mizáhabay jenekk.

⁴⁰ É, Issuay thakkáni sardár atant. Áyáni nám, thakk o damagáni red o banday hesábá Temnah o Alwah o Atit o ⁴¹ Ohulibámah o Élah o Pinun o ⁴² Kenáz o Timán o Mebzár o ⁴³ Magdél o Irám atant. É wati halk o métagáni hesábá Edumay thakkáni sardár atant, hamá molká ke áyáni wati melkat at. É, Edumiáni bonpirok Issuay padréch at.

Issopay wáb

37 Ákub hamá sardhagará jahmenend but ke áiy petá ódá darámadéay paymá zend gwázéntagat, bezán Kanhánay molká. ² Ákubay nasl o padréchay kessah chosh ent:

Issop habdah sáli warnáé at o wati brátáni hamráhiá ramagia chárént, wati mátó Bellah o Zelpahay mardénchokkáni hamráhiá. Issopá wati brátáni radén

²⁸ ديشانئے مردین چُک اوز و آران اتنت.

²⁹ هۆرای ئُگانی سردار ایش اتنت: لوتان و شوبال و سبون و آنا و ³⁰ دیشون و اِسرو و دیشان. سَهیرئے سردگارا هۆرای ئُگانی سردار یگ یگا همیش اتنت.

ادومئے بادشاه

³¹ اے هما بادشاه اتنت که اِدومئے مُلکا بادشاهی ایش کرت. چه اِد و پیسر اِسرایلیانی سرا بادشاهیئا هاکمی نکرتگ ات. ³² بهورئے مردین چُک بیلها مان اِدوما بادشاهی کرت. بیلهئے شهرئے نام دینابه ات. ³³ چه بیلهئے مَرکا رند، زارهئے مردین چُک یوباب آییئے جاها بادشاهیئا نشت. یوباب بُسرهئے مردمے ات. ³⁴ یوبایئے مَرکا رند هوشام آییئے جاها بادشاه بوت. هوشام تیمانیانی مُلکئے مردمے ات. ³⁵ هوشامئے مَرکا رند بدادئے مردین چُک هداد، هوشامئے جاها بادشاه بوت. اے هما هداد ات که موابئے دشتا میدیانی ای جنتت. هدادئے شهرئے نام اثویت ات. ³⁶ هدادئے مَرکا رند سَمله، هدادئے جاها بادشاه بوت. سَمله مسریکهئے مردمے ات. ³⁷ سَملهئے مَرکا رند شاول، سَملهئے جاها بادشاه بوت. شاول رهوبوتئے مردمے ات. رهوبوت پراتئے کئورئے کرا انت. ³⁸ شاولئے مَرکا رند اکبورئے مردین چُک بهل هانان شاولئے جاها بادشاه بوت. ³⁹ اکبورئے چُک بهل هانانئے مَرکا رند هداد آییئے جاها بادشاه بوت. هدادئے شهرئے نام پاھو ات و جنئے نامی مهتبل ات. مهتبل، متردئے جنگ ات و مترد میزاهبئے جنگ.

⁴⁰ اے، ایسوئے ئُگانی سردار اتنت. آیانی نام، ئُک و دمگانی رد و بندئے حسابا تمنه و الوه و اتیت و ⁴¹ اهلویبامه و ایله و پینون و ⁴² کیناز و تیمان و میزار و ⁴³ مگدیل و ایرام اتنت. اے وتی هلک و میتگانی حسابا اِدومئے ئُگانی سردار اتنت، هما مُلکا که آیانی وتی ملکت ات. اے، اِدومیانی بُنیپرک ایسوئے پدريچ ات.

ایسپئے واب

37 آکوب هما سردگارا جهمنند بوت که آییئے پتا اودا درامدیئے پیما زند گوازینتگات، بزآن کنهائے مُلکا. ² آکوبئے نسل و پدريچئے کسه چش انت:

ایسپ هبده سالی ورنه ات و وتی براتانی همراهیا رمگئی چارینت، وتی ماتو بله و زلهئے مردین چُگانی همراهیا. ایسپا

karáni bárawá pet hála dát. ³ Esráílá Issop cha wati á dega sajjahén chokkán dóstter at, chéa ke Issop áiy piránsariay chokk at. Pa Issopá sakkén dhawldárén kabáhé addhi kanáént. ⁴ Wahdé brátán dist ke petá Issop cha má dóstter ent, cha Issopá napratesh kort o gón áíá modám zahrá zahr habaresha kort.

⁵ Issopá wábé dist o wahdé wati bráti hál dátant, áiy brátán cha Issopá géshter naprat kort. ⁶ Issopá gón áyán gwasht: “Gósh dárét! Man wati distagén wábá shomará gwashán. ⁷ Má dhagáray sará gandom lóthok* kanagá atén ke yakbará mani lóthok pád átk o óshtát. Hamé damáná shomay lóthok, mani lóthokay chapp o chágerdá mocch butant o áesh sojdah kort.” ⁸ Issopay brátán gwasht: “Taw may sará bádsháhi kanaga lóthay? Hakk o del may sará hákemia kanay?” Issopay brátán, áiy wáb o habaráni sawabá cha áíá géshter naprat kort.

⁹ Issopá dega wábé dist o wati bráti hál dátant. Gwashti: “Gósh dárét. Man dega wábé distag. É randi, róch o máh o yázdah estár maná sojdah kanagá at.” ¹⁰ Wahdé wati pet o bráti hál dátant, petá Issop hakkal kort o gwasht: “É chónén wábé taw distag? Man o tai má t o tai brát byáén o tará sojdah bekanén?”

¹¹ Brát gón Issopá hasaddig atant, bale petay hayál modám gón Issopay wáb o habarán at.

Brát Issopá bahá kanant

¹² Issopay brátán petay ramag pa chárénagá Shekémay nazzikká bortagat. ¹³ Esráílá gón Issopá gwasht: “Taw zánay ke tai brát ramagay chárénagá Shekémá shotagant. Watá gishshén o áyáni kerrá beraw.” Issopá gwasht: “Sharr ent.” ¹⁴ Esráílá gwasht: “Beraw o bechár tai brát o ramag dráh o salámat ant? Áyáni hálá ger o byá.” Gorhá Issopi cha Hebrunay daragá ráh dát. Lógesh hamódá at.

Wahdé Issop Shekémá sar but, ¹⁵ gón yakk mardéá dochár kapt. Mardá dist ke Issop gyábáná sargardán ent, josti kort: “Taw ché shóház kanagá ay?” ¹⁶ Issopá gwasht: “Wati brátán. Taw zánay ramagá kojá chárénagá ant?” ¹⁷ Mardá passaw dát: “Cha edá shotagant. Man eshkot, á gwashagá atant: ‘Dótáná berawén.’” Gorhá Issop hamá némagá dém pa brátán shot. Dótáná dari gétkant.

وتی براتانی ردین کارانی بارئوا پت هال دات. ³ اسرائیلا ایسپ چه وتی آدگه سجھین چکان دوست تر ات، چیا که ایسپ اییئ پیرانسریئے چک ات. په ایسپا سکین ڈولدارین کباھے آدی کنایت. ⁴ وهده براتان دیست که پتا ایسپ چه ما دوست تر انت، چه ایسپا نپرتش کرت و گون اییا مدام زهرا زهر هبرش کرت.

⁵ ایسپا وای دیست و وهده وتی براتی هال دانت، اییئ براتان چه ایسپا گیشتر نپرت کرت. ⁶ ایسپا گون ایان گوشت: “گوش داریت! من وتی دیستگین و ابا شمارا گوشان. ⁷ ما ڈگارے سرا گندم لوٹک* کنگا اتین که یکبرا منی لوٹک پاد آتک و اوشتات. همه دمانا شمئے لوٹک، منی لوٹکئے چپ و چاگردا مچ بوتنت و آش سجده کرت.” ⁸ ایسپے براتان گوشت: “تو مئے سرا بادشاهی کنگ لوٹے؟ هک و دل مئے سرا هاکمی کنے؟” ایسپے براتان، اییئ و اب و هبرانی سوبا چه اییا گیشتر نپرت کرت.

⁹ ایسپا دگه وای دیست و وتی براتی هال دانت. گوشتی: “گوش داریت. من دگه وای دیستگ. اے رندی، روچ و ماه و یازده استار منا سجده کنگا ات.” ¹⁰ وهده وتی پت و براتی هال دانت، پتا ایسپ هکل کرت و گوشت: “اے چونین وای تئو دیستگ؟ من و تئی مات و تئی برات بیاین و ترا سجده بکنین؟”

¹¹ برات گون ایسپا هسڈیگ اتنت، بله پتے هیال مدام گون ایسپے و اب و هبران ات.

برات ایسپا بها کننت

¹² ایسپے براتان پتے رمگ په چارینگا شکیمے نزیگا برتگ ات. ¹³ اسرائیلا گون ایسپا گوشت: “تو زانے که تئی برات رمگے چارینگا شکیم شتگ انت. وتا گیشین و ایانی کرا برئو.” ایسپا گوشت: “شر انت.” ¹⁴ اسرائیلا گوشت: “برئو و بچار تئی برات و رمگ ذراه و سلامت انت؟ ایانی هالا گرو بیا.” گزا ایسپی چه هبرونے درگا راه دات. لوگش همودا ات.

وهده ایسپ شکیم سر بوت، ¹⁵ گون یگ مردیا دچار کپت. مردا دیست که ایسپ گیابانا سرگردان انت، جستی کرت: “تو چه شوهاز کنگا ائے؟” ¹⁶ ایسپا گوشت: “وتی براتان. تئو زانے رمگا کجا چارینگا انت؟” ¹⁷ مردا پسئو دات: “چه ادا شتگ انت. من اشکت، آ گوشگا اتنت: ‘دوتانا برئوین.’” گزا ایسپ هما نیمگا دیم په براتان شت. دوتانا دری گیتکننت.

¹⁸ Brátán Issop cha durá dist o áiy sar bayagá pésar pa áiy koshagá pandalé sázetesh. ¹⁹ Watmánwatá gwashtesh: “Bechárét, wábáni wájah pédák ent. ²⁰ Byáét nun koshén o cha é chátán yakkéá dawria dayén, gwashén rastaréá wártag. Gorhá chárén ke cha áiy wábán ché dara kayt.”

²¹ Bale wahdé Rubená é habar eshkot, johdi kort ke Issopá cha áyáni dastá berakkénit. Gwashti: “Enna, Issopay sáhá nagerén. ²² Hón maréchét. Hamé gyábáná, é chátá dawria dayén, bale nakoshéni.” Rubená é habar paméshká gwasht ke Issopá berakkénit o gón wat bezurit o petay kerrá bebárt.

²³ Wahdé Issop brátáni kerrá sar but, áiy gwaray kabáh, hamá dhawldárén kabáhesh dar kort o ²⁴ Issopesh gept o chátá dawr dát. Chátá áp mán néstat, kórchaté* at. ²⁵ Brát nánay waragá neshtant. Chammesh ke chest kortant, distesh Esmáéliáni kárwáné cha Gelyádá pédák ent. Áyán wati oshterán sosorr* o bám o washbó laddhetagat o Mesrá baragá atant.

²⁶ Yahudáyá gón wati brátán gwasht: “Mará cha wati brátay koshag o áiy hónay chér dayagá che páedagé rasit? ²⁷ Byáét, Issopá Esmáéliáni kerrá bahá kanén. Áiy jendá nakoshén. May brát ent. May wati haddh o hón ent.” Brátán mannet. ²⁸ Wahdé Midyáni* sawdáger nazzikká rasetant, brátán Issop cha chátá kasshet o bist nograhá Esmáéliáni kerrá bahá kort. Esmáélián Issop Mesrá bort.

²⁹ Wahdé Ruben per tarret o chátay kerrá átk o Issopi ódá nadist, wati godi dertant. ³⁰ Wati brátáni kerrá shot o gwashti: “Bachakk ódá naent. Nazánán ché bekanán.” ³¹ Gorhá pasé heláresh kort, Issopay kabáhesh zort o pasay hónán jat. ³² Nun Issopay dhawldárén kabáhesh petay kerrá bort o gwashtesh: “Má é chetag. Bechári, bárén tai chokkay kabáh naent?” ³³ Ákubá kabáh pajjáh áwort, gwashti: “É mani chokkay kabáh ent. Chokk rastaréá wártag. Allamá Issop thokkor thokkor butag.”

³⁴ Gorhá Ákubá wati god dertant o góniénd god gwará kort* o tán bázén róchéá wati chokkay porsá nesht. ³⁵ Ákubay sajjahén bacch o jenekk pa áiy tasallá dayagá átkant, bale á tasallá nabut. Gwashti: “Man porsigá porsig mordagáni jaháná, wati chokkay kerrá jahláda rawán.” O pet modám pa Issopá gréwagá at.

¹⁸ براتان ایسپ چه دورا دیست و اییے سر بئیگا پیسر په اییے کُشگا پندلے سازتَش. ¹⁹ وتمان وتا گوشتَش: “بچاریت، وابانی واجه پیداک انت. ²⁰ بیایت نون کُشین و چه اے چاتان یکیئا دئوری دئیین، گوشین رستریا وارَتگ. گُزا چارین که چه اییے وابان چه در کئیت.”

²¹ بله وهدے روبنا اے هبر اشکت، جُهدی کرت که ایسپا چه آیانی دستا برکینیت. گوشتی: “إنه، ایسپے ساها نگرین. ²² هون مَرِچیت. همه گیابانا، اے چاتا دئوری دئیین، بله نکُشیني.” روبنا اے هبر پمیشکا گوشت که ایسپا برکینیت و گون وت بزوریت و پتے کُرا ببارت.

²³ وهدے ایسپ براتانی کُرا سر بوت، اییے گورے کُبا، هما دئولدارین کُباھش در کرت و ²⁴ ایسپش گپت و چاتا دئور دات. چاتا آپ مان نیست ات، کورچاتے* ات. ²⁵ برات نانے ورگا نشنت. چَمَش که چست کرتنت، دیستش اسمایلیانی کاروانے چه گلیادا پیداک انت. آیان وتی اشتران سُسُر* و بام و وشبؤ لَدتگ ات و مسرا برگا اتنت.

²⁶ یهودایا گون وتی براتان گوشت: “مارا چه وتی براتے کُشگ و اییے هونے چیر دئیگا چه پائدگے رسیت؟ ²⁷ بیایت، ایسپا اسمایلیانی کُرا بها کنین. اییے جندا نکُشین. مے برات انت. مے وتی هَد و هون انت.” براتان منت. ²⁸ وهدے میدیانی* سئوداگر نزیکا رستنت، براتان ایسپ چه چاتا کُشیت و بیست نگرها اسمایلیانی کُرا بها کرت. اسمایلیان ایسپ مسرا برت.

²⁹ وهدے روپن پر ترَت و چاتے کُرا آتک و ایسپی اؤدا ندیست، وتی گدی درتنت. ³⁰ وتی براتانی کُرا شت و گوشتی: “بچک اؤدا نه انت. نزانان چه بکنان.” ³¹ گُزا پَسے هلا ریش کرت، ایسپے کُباھش زرت و پَسے هونان جت. ³² نون ایسپے دئولدارین کُباھش پتے کُرا برت و گوشتش: “ما اے چتگ. بچاری، بارین تئی چکے کُبا نه انت؟” ³³ آکوبا کُبا پچاه آورت، گوشتی: “اے منی چکے کُبا انت. چک رستریا وارَتگ. آلما ایسپ تُکر تُکر بوتگ.”

³⁴ گُزا آکوبا وتی گد درتنت و گونیین گد گورا کرت* و تان بازین روچیا وتی چکے پُرسا نشت. ³⁵ آکوبے سَجھین بچ و جنک په اییے تَسلا دئیگا اتکنت، بله آ تَسلا نبوت. گوشتی: “من پُرسیگا پُرسیگ مُردگانی جهانا، وتی چکے کُرا جهلا د رئوان.” و پت مُدام په ایسپا گریوگا ات.

37:24 Kórchát, bezán hamá chát ke ápi mán nést.

37:25 Sosorr, bezán gónjag, gónjat.

37:28 Midyáni o Esmáéli yakkén mahluk at.

37:34 Góniénd god gwará kanag sakkén mazanén paréshániay nesháni butag.

24:37 کورچات، بزآن هما چات که آپی مان نیست.

25:37 سُسُر، بزآن گونجگ، گونجت.

28:37 میدیانی و اسمایلی یکنین مهلوک ات.

34:37 گونیین گد گورا کنگ سکین مزینین پریشانیے نشانی بوتگ.

³⁶ O á némagá Midyánián Mesrá Issop Putipáray kerrá bahá kort. Putipár, Perawney apsaré at. Negahpánáni master at.

Yahudá o Támár

38 Hamé wahdá Yahudáyá wati brát yalah dátant o shot o Hirá námén mardéay kerrá jahmenend but. Hirá Adollámié at. ² Ódá áia Shóhá námén mardéay jenekk dist. Shóhá Kanhánié at. Yahudáyáy Shóháay jenekk sáang kort. Gón áia yakjáh but o ³ janéay láp porr but o mardénchokké áworti. Yahudáyá chokkay nám Hér kort. ⁴ Yahudáay jan padá lápporr but. Dega mardénchokké áworti o eshiay námi Ónán kort. ⁵ Padá dega mardénchokké áworti o eshiay námi Shéla kort. Shéla Kezébay shahrá pédá but.

⁶ Yahudáyá wati awali chokk Hér gón Támár námén jenekkéa sur dát, ⁷ bale Hodáwanday chammán Yahudáay awali chokk Hér badkáré at, paméshká Hodáwandá markay dapá dát.

⁸ Gorhá Yahudáyá gón Ónáná gwasht: “Wati brátay janózámá beger o gón áia yakjáh bay. Wati bráti parzá purah kan o pa wati brátá padréché pédá kan,” ⁹ bale Ónáná zánt ke é mani jenday padrécha nabit, paméshká wahdé gón wati brátay janá yakjáha but, wati marzii dhanná rétkant ke pa brátá padréché pédá makant. ¹⁰ Áiay é kár Hodáwanday chammán radén káré at, paméshká Ónáni ham markay dapá dát.

¹¹ Gorhá Yahudáyá gón wati neshár Támárá gwasht: “Tánke mani chokk Shéla kasán ent, wati petay lógá janózámí benend.” Áia wati delá hayál kort: “Chosh mabit ke Shéla ham wati brátáni paymá bemerit.” Gorhá Támár shot o wati petay lógá nesht.

¹² Mazanén moddatéa rand Yahudáay jan ke Shóháay jenekk at, mort. Wahdé Yahudá cha porsá pád átk, Temnahay shahrá wati paschéáni kerrá shot. Áiay sangat Hirá Adollámi áiay hamráh at. ¹³ Wahdé Támár sahig but ke mani náko* pa wati pasáni chéna dém pa Temnahá ráhá ent, ¹⁴ wati janózámí godi kasshetant, nekábé pósheti o Temnahay ráhay sará, Enáimay shahray darwázagay kerrá nesht, chéa ke áia dist ke Shéla nun mazan butag, bale angat maná gón áia suresh nadátg.

¹⁵ Yahudáyá ke Támár dist, delá gwashti é kahbagé chéa ke Támárá wati dém póshettagat. ¹⁶ Nazánti ke mani neshár ent. Hamódá, ráhay kashá Yahudá áiay

³⁶ و آ نیمگا میدیانان مسرا ایسپ پوتیپارے کرا بها کرت. پوتیپار، پرتونے افسرے ات. نگھپانانی مستر ات.

یہودا و تامار

38 ہمے وهدا یہودایا وتی برات یله داتنت و شت و ہیرا نامین مردیئے کرا جھمنند بوت. ہیرا ادلامیے ات. ² اودا اییا شوہا نامین مردیئے جنگ دیست. شوہا کنہانیے ات. یہودایا شوہائے جنگ سانگ کرت. گون اییا یکجاہ بوت و ³ جنینئے لاپ پڑ بوت و مردین چکے آرتی. یہودایا چکے نام ہیر کرت. ⁴ یہودائے جن پدا لاپ پڑ بوت. دگہ مردین چکے آرتی و اشیئے نامی اونان کرت. ⁵ پدا دگہ مردین چکے آرتی و اشیئے نامی شیللا کرت. شیللا کزیبئے شہرا پیدا بوت.

⁶ یہودایا وتی اٹولی چک ہیر گون تامار نامین جنگیا سور دات، ⁷ بلہ ہداوندئے چمان یہودائے اٹولی چک ہیر بدکارے ات، پمیشکا ہداوندا مرکے دپا دات.

⁸ گڑا یہودایا گون اونانا گوشت: “وتی براتئے جنوزاما بگر و گون اییا یکجاہ بئے. وتی براتی پڑا پورہ کن و پہ وتی براتا پدريچے پیدا کن،” ⁹ بلہ اونانا زانت کہ اے منی جندئے پدريچ نبیت، پمیشکا وهدے گون وتی براتئے جنا یکجاہ بوت، وتی مرزی ای دنا ریتکننت کہ پہ براتا پدريچے پیدا مکننت. ¹⁰ اییئے اے کار ہداوندئے چمان ردین کارے ات، پمیشکا اونانی ہم مرکے دپا دات.

¹¹ گڑا یہودایا گون وتی نشار تامارا گوشت: “تانکہ منی چک شیللا کسان انت، وتی پتئے لوگا جنوزامی بنند.” اییا وتی دلا ہتیا کرت: “چش مبيت کہ شیللا ہم وتی براتانی پٹيما بمریت.” گڑا تامار شت و وتی پتئے لوگا نشت.

¹² مزینن مدتیا رند یہودائے جن کہ شوہائے جنگ ات، مرت. وهدے یہودا چہ پڑا پاد آتک، تمنہئے شہرا وتی پس چینانی کرا شت. اییئے سنگت ہیرا ادلامی اییئے ہمراہ ات. ¹³ وهدے تامار سہیگ بوت کہ منی ناکو* پہ وتی پسانی چینا دیم پہ تمنہا راہا انت، ¹⁴ وتی جنوزامی گدی کشتنت، نکابے پوشتی و تمنہئے راہتے سرا، انایمئے شہرئے دروازگئے کرا نشت، چیا کہ اییا دیست کہ شیللا نون مزن بوتگ، بلہ انگت منا گون اییا سورش ناداتگ.

¹⁵ یہودایا کہ تامار دیست، دلا گوشتی اے کہبگے چیا کہ تامارا وتی دیم پوشتگ ات. ¹⁶ نزانتی کہ منی نشار انت. همودا،

kerrá shot o gwashti: “Gón man nayáay gón?” Támára jost kort: “Gón man ke wapt o wába kanay, maná ché dayay?”¹⁷ Yahudáyá passaw dát: “Cha wati ramagá pa taw shenekké ráha dayán.” Támára gwasht: “Zamánat ché dayay ke taw shenekká ráha dayay?”¹⁸ Yahudáyá gwasht: “Ché zamánat bedayán?” Támára gwasht: “Wati mohr o mohray bandá o wati dastay asáyá.” Yahudáyá é chizz Támaray dastá dátant, gón áia wapt o wábi kort o Támár lápporr but.¹⁹ Támár ke lógá shot, wati nekábi kasshet o padá janózami godi gwará kortant.

²⁰ Yahudáyá gón wati Adollámi sangatá gwasht ke shenekká bar o zamánatay chizzán cha janénay kerrá pach ger o byár. Bale sangatá janén nadist.²¹ Cha shahray mardomán josti kort: “Bothánahay hamá móled* ke Enáimay ráhay sará neshtagat, kojá ent?” Áyán gwasht: “Edá bothánahay hecch móled nabutag.”

²² Gorhá Yahudáay sangat átk o gwashti: “Man á janén dar gétk nakort. Shahray mardomán ham gwasht ke edá bothánahay hecch móled nabutag.”²³ Yahudáyá gwasht: “Belli á chizzi gón ant. Chó mabit ke may jend bannám bebit. Bechár, man shenekk ráh dát, bale á janénay jend gár ent.”

²⁴ Kesás say máhá rand Yahudáesh hál dát ke: “Tai neshár Támára wati dém syáh kortag o nun lápi porr ent.” Yahudáyá gwasht: “Áia dhanná dar kanét o bon dayét.”²⁵ Wahdé Támára baragá atant, pa wati náková paygámé ráhi dát o gwashti: “É chizzáni wáhondá maná lápporr kortag. Bechár, bárén é mohr o mohray band o asáyá wáhondá pajjáha káray?”²⁶ Yahudáyá é chizz pajjáha áwortant o gwashti: “Támár cha man bégonáhter ent ke man Támár gón wati chokk Shéláyá sur nadát.” Yahudáyá padá hecchbar gón áia wapt o wáb nakort.

²⁷ Wahdé Támaray chellag bayagay wahd but, áia yapay chokk járh atant.²⁸ Támár ke chellag bayagá at, cha jáhrán yakkéa wati dast cha áia yáná dhann dar kort o janbógá sohrén bandikké áia dastá bast o gwashti: “É chokk pésará átk.”²⁹ Bale wahdé é chokká wati dast padá tahá bort, bráti dar átk o janbógá gwasht: “Eh! Taw chón wati ráh pach kort.” Paméshká áia y námesh Páres* kort.³⁰ Randá áia y brát ke dastá sohrén bandikké bastagat, pédá but o áia y námesh Zárah* kort.

38:21 Bothánahay móled hamá janén butagant ke pa wati din o parasteshgáhay hezmatá gón dega mardénán wapt o wábesh kortag. É Kanháníáni rasmé butag.

38:29 Páresay máná ent: “Pa zóré gwazag”.

38:30 Zárahay máná ent: “Sohrén” yá “Drapshnák”.

راهے کشا یهودا آئیے کرا شت و گوشتی: ”گون من نئیائے گون؟“ تامارا جست کرت: ”گون من کہ ویت و واب کنئے، منا چے دئیے؟“¹⁷ یهودایا پسٹو دات: ”چہ وتی رمگا پہ تئو شنکے راہ دئیان.“ تامارا گوشت: ”زمانت چے دئیے کہ تئو شنکا راہ دئیے؟“¹⁸ یهودایا گوشت: ”چے زمانت بدئیان؟“ تامارا گوشت: ”وتی مھر و مھرے بندا و وتی دستے آسیا.“ یهودایا اے چیڑ تامارے دستا دانت، گون آیا ویت و وابی کرت و تامار لاپ پربوت.¹⁹ تامار کہ لوگا شت، وتی نکابی کشت و پدا جنوزامی گدی گورا کرتنت.

²⁰ یهودایا گون وتی ادلامی سنگتا گوشت کہ شنکا بر و زمانتے چیڑان چہ جنینے کرا پچ گر و بیار. بلہ سنگتا جنین ندیست.²¹ چہ شھرے مردمان جستی کرت: ”بتھانھے ہما مؤلد* کہ انایمے راھے سرا نشتگات، کجا انت؟“ آیان گوشت: ”ادا بتھانھے ہچ مؤلد نبوتگ.“

²² گورا یهودائے سنگت آتک و گوشتی: ”من آجنین درگیتک نکرت. شھرے مردمان ہم گوشت کہ ادا بتھانھے ہچ مؤلد نبوتگ.“²³ یهودایا گوشت: ”بلی آچیڑی گون انت. چو مبیٹ کہ مے جند بنام بیٹ. بچار، من شنک راہ دات، بلہ آجنینے جند گار انت.“

²⁴ کساس سٹے ماہا رند یهودا اش ہال دات کہ: ”تئیے نشار تامارا وتی دیم سیاہ کرتگ و نون لاپی پرا انت.“ یهودایا گوشت: ”آیا دنٹا در کنیت و بن دئییت.“²⁵ وھدے تامارا برگا انت، پہ وتی ناکوا پیٹیکامے راھی دات و گوشتی: ”اے چیڑانی واھندا منا لاپ پربوت کرتگ. بچار، بارین اے مھر و مھرے بند و آسائے واھندا پجاہ کرائے؟“²⁶ یهودایا اے چیڑ پجاہ آرتنت و گوشتی: ”تامار چہ من بیگناھتر انت کہ من تامار گون وتی چک شیلایا سور نдат.“ یهودایا پدا ہچبر گون آیا ویت و واب نکرت.

²⁷ وھدے تامارے چلگ بیگے وھد بوت، آئیے لاپے چک جاڑ انت.²⁸ تامار کہ چلگ بیگا ات، چہ جاڑان یکیا وتی دست چہ آئیے جانا دن در کرت و جنبوغا سھرین بندیکے آئیے دستا بست و گوشتی: ”اے چک پیسرا آتک.“²⁹ بلہ وھدے اے چکا وتی دست پدا تھا برت، براتی در آتک و جنبوغا گوشت: ”اھ! تئو چون وتی راہ پچ کرت.“ پمیشکا آئیے نامش پارس* کرت.³⁰ رندا آئیے برات کہ دستا سھرین بندیکے بستگات، پیدا بوت و آئیے نامش زاہ* کرت.

21:38 بتھانھے مؤلد ہما جنین بوتگ انت کہ پہ وتی دین و پرستشگاہے ہزمتا گون دگہ مردینان ویت و وایش کرتگ. اے کنھانیانی رسمے بوتگ.

29:38 پارسے مانا انت: ”پہ زورے گوزگ“.

30:38 زاہے مانا انت: ”سھرین“ یا ”دریشناک“.

39 Nun, Esmáelían Issop Mesrá áwort. Ódá, Putipár námén Mesri mardéá Issop bahá gept. Putipár cha Perawney apsarán yakké at. Negahpánáni master at. ²Hodáwand gón Issopá gón at, paméshká Issop har kára kámyáb at o wati Mesri wájahay lógá jahmenend at. ³Wahdé Issopay wájahá dist ke Hodáwand gón Issopá gón ent o Issop har karé ke kant, Hodáwand áíá kámyába kant, ⁴Issopay sará mehrabán but o Issopi wati háсэн hezmatkár kort. Putipará Issop wati lógay master kort o wati sajjahén mál o hastii hamáiy dastá dát. ⁵Cha hamá wahdá ke áíá Issop wati lóg o sajjahén hastiay master kort, Hodáwandá pa Issopaygi Mesri Putiparay lóg barkat dát. Hodáwandá Putiparay sajjahén mál o hasti barkat dát, lógá ham o dhagáráni sará ham. ⁶Gorhá Putipará wati har chizz hamáiy dastá dát o wati waráká abéd gón dega hecchá kári néstat.

Issop washkadd o brahdárén warnáé at. ⁷Kammé wahdá rand wájahay lógíá chamm Issopá sakk dátant o gwashti: “Gón man bwaps.” ⁸Bale Issopá namannet o gwashti: “Mani wájah cha man anchó deljam ent ke áíá gón é lógay hecchá kár nést o wati sajjahén mál o hastii mani dastá dátag. ⁹É lógá kass cha man master naent. Tai jendá abéd hecch chizzi cha man dur nadáshtag, chéá ke taw áiyay lógbánok ay. Gorhá man chón choshén radén karé bekanán o watá Hodáay chammán gonahkár bekanán?” ¹⁰Wájahay janá har róch Issop mennata kort, bale Issopá namannet o nalótheti ke gón áíá wapt o wáb bekant. Áiyay nazzikk o gwará bayagi ham wassha nabut.

¹¹Yakkróchéke Issop wati káráni kanagálógá potert, lógá dega kass néstat. ¹²Putiparay janá dast Issopay kabáhá sakk kortant. Gón Issopá gwashti: “Byá, gón man bwaps.” Bale Issop tacháná dar átk o kabáh janénay dastá mant. ¹³Wahdé janéná dist ke Issopá wati kabáh mani dastá esht o cha lógá tat, ¹⁴wati lógay hezmatkári gwánk jatant o gwashti: “Bechárét, mani lógwájahá é Ebráni may lógá áwortag ke mára kalági bekant. É mani chakká kaptag ke gón man bwaps, bale man kukkár kort o ¹⁵wahdé eshiá dist ke man kukkár kort, wati kabáhi mani kerrá esht o dar shot.” ¹⁶Putiparay janá Issopay kabáh tán hamá wahdá wati kerrá ér kort ke Issopay wájah lógá átk, ¹⁷gón áíá kessahi kort o gwashti: “É Ebráni golám ke taw may lógá áwortag, mani kerrá átk ke maná

39 نون، اسمائیلیان ایسپ مسرا آورت. اودا، پوتیپار نامین مسری مردیا ایسپ بها گپت. پوتیپار چه پڑونئے آپسران یکے ات. نگہپانانی مستر ات. ²ھداوند گون ایسپا گون ات، پمیشکا ایسپ هر کارا کامیاب ات و وتی مسری واجھے لوگا جھمنند ات. ³وھدے ایسپئے واجھا دیست کہ ھداوند گون ایسپا گون انت و ایسپ هر کارے کہ کنت، ھداوند اییا کامیاب کنت، ⁴ایسپئے سرا مهربان بوت و ایسپی وتی هاسین هزمتکار کرت. پوتیپارا ایسپ وتی لوگئے مستر کرت و وتی سجهین مال و هستی ای هماییے دستا دات. ⁵چه هما وھدا کہ اییا ایسپ وتی لوگ و سجهین هستیے مستر کرت، ھداوندا په ایسپئیگی مسری پوتیپارئے لوگ برکت دات. ھداوندا پوتیپارئے سجهین مال و هستی برکت دات، لوگا هم و ڈگارانی سرا هم. ⁶گڑا پوتیپارا وتی هر چیز هماییے دستا دات و وتی وراکا آیند گون دگه هچا کاری نیست ات.

ایسپ و شکد و برھدارین ورنایے ات. ⁷کمے وھدا رند واجھے لوگیا چم ایسپا سک دانت و گوشتی: “گون من بوپس.” ⁸بله ایسپا نمنت و گوشتی: “منی واجه چه من انچو دلجم انت کہ اییا گون اے لوگئے هچا کار نیست و وتی سجهین مال و هستی ای منی دستا داتگ. ⁹اے لوگا کس چه من مستر نه انت. تئی جندا آیند هچ چیز ی چه من دور نداشتگ، چنا کہ تتو آییے لوگبائک ائے. گڑا من چون چشین ردین کارے بکنان و وتا ھدائے چمان گنھکار بکنان؟” ¹⁰واجھے جنا هر روچ ایسپ مننت کرت، بله ایسپا نمنت و نلوٹتی کہ گون اییا ویت و واب بکنت. آییے نزیگ و گورا بیگی هم وش نبوت.

¹¹یک روچے کہ ایسپ وتی کارانی کنگا لوگا پترت، لوگا دگه کس نیست ات. ¹²پوتیپارئے جنا دست ایسپئے کباھا سک کرتنت. گون ایسپا گوشتی: “بیا، گون من بوپس.” بله ایسپ تچانا در آتک و کباھ جنینئے دستا منت. ¹³وھدے جنینا دیست کہ ایسپا وتی کباھ منی دستا ایش و چه لوگا تتک، ¹⁴وتی لوگئے هزمتکاری گوانک جتنت و گوشتی: “بچاریت، منی لوگواجھا اے ابرانی مئے لوگا آورتگ کہ مارا کلاگی بکنت. اے منی چکا کپتگ کہ گون من بوپس، بله من کوکار کرت و ¹⁵وھدے ایشیا دیست کہ من کوکار کرت، وتی کباھی منی کرا ایش و درشت.” ¹⁶پوتیپارئے جنا ایسپئے کباھ تان هما وھدا وتی کرا ایر کرت کہ ایسپئے واجه لوگا آتک، ¹⁷گون اییا

kalági bekant, ¹⁸bale wahdé man kukkár kort, áíá wati kabáh mani kerrá yalah dát o dar shot.”

¹⁹Wahdé Issopay wájahá wati lógiay habar eshкотant ke tai hezmatkárá gón man chosh kortag, sakkhezhm gepto ²⁰Issopizort o hamá bandijáhá band kanáént ke ódá bádsháhay bandig band atant. Issop hamódá band kanag but, ²¹bale Hodáwand gón áíá gón at o wati mehri pa Issopá gwárént o bandijáhay masteray deli pa Issopá narm kort. ²²Bandijáhay masterá Issop sajjahén bandigáni master kort o óday har kári Issopay dastá dát. ²³Bandijáhay masterá har kár o zemmahé ke Issopay dastá dát, deli jam at, chéá ke Hodáwand gón Issopá gón at o Issopá har karé ke kort, Hodáwandá á kámyába kort.

Do bandigay wáb

40 Kammé wahdá rand Mesray bádsháhay ápiá* o náníá* wati wájah, Mesray bádsháhay nezará radi kort. ²Perawn doén kárdáráni sará, masterén ápi o masterén náníay sará zahr gept o ³negahpánáni masteray lógá bandi kanáéntant, hamá bandijáhá ke Issop bandig at. ⁴Negahpánáni masterá Issop hokm dát ke eshání hayálá bedár. Issopá anchosh kort. É mardom tán moddatéá bandijáhá mantant.

⁵Mesray bádsháhay ápi o nání ke bandijáhá atant, yakk shapé doénán wáb dist o har yakkéay wábá jetáén mánáé hastat. ⁶Wahdé Issop é dega sohábá áyáni kerrá átk, disti ke doén paréshán ant. ⁷Perawnay hamé doén kárdár ke Issopay wájahay bandijáhá gón áíá yakjáh band atant, Issopá cha áyán jost kort: “Maróchi shomá paréshán ét, che gappé?” ⁸Áyán passaw dát: “Má doénán wáb distag o kass nést ke mánáesh bekant.” Issopá gwasht: “Wábáni mánáay zánag wa Hodái karé. Wati wábán maná begwashét.”

⁹Gorhá ápiáni masterá wati wáb gón Issopá gwasht: “Bechár, man wábé dist ke anguray drachké mani démá ent. ¹⁰Drachká say thál per. Anchó ke drachká tej jat, burr o bar but o cha hóshán rasetagén angur dar átk. ¹¹Perawnay pyalah mani dastá at. Man angur

40:1 Ápi, bezán hamá hezmatkár ke bádsháhá yá diwánay mardomán áp o sharába dant, sáki.

40:1 Nání, bezán hamá hezmatkár ke bádsháhay nánána pachit.

كيسه ای کرت و گوشتی: ”اے ایرانی گلام کہ تئو مئے لوگا آورتگ، منی کرا آتک کہ منا کلاگی بکنت، ¹⁸بله وهده من کوگار کرت، اییا وتی کباه منی کرا یله دات و درشت.“

¹⁹وهده ایسپئے واجها وتی لوگیئے هبر اشکتنت که تئی هزمتکارا گون من چش کرتگ، سک هژم گپت و ²⁰ایسپی زرت و هما بندیجاها بند کناینت که اودا بادشاهئے بندیگ بند اتنت. ایسپ همودا بند کنگ بوت، ²¹بله هداوند گون اییا گون ات وتی مهري په ایسپا گوارینت و بندیجاهئے مسترئے دلی په ایسپا نرم کرت. ²²بندیجاهئے مسترا ایسپ سجهین بندیگانی مستر کرت و اؤدئے هر کاری ایسپئے دستا دات. ²³بندیجاهئے مسترا هر کار و زمهه که ایسپئے دستا دات، دلی جم ات، چیا که هداوند گون ایسپا گون ات و ایسپا هر کاره که کرت، هداوندا آ کامیاب کرت.

دو بندیگئے واب

40 کَمَے وهدا رند مسرئے بادشاهئے آپیا* و نانی* وتی واجه، مسرئے بادشاهئے نَزرا ردی کرت. ²پرئون دوین کاردارانی سرا، مسترین آپی و مسترین نانیئے سرا زهر گپت و ³نگهپانانی مسترئے لوگا بندی کناینتنت، هما بندیجاها که ایسپ بندیگ ات. ⁴نگهپانانی مسترا ایسپ هکم دات که اشانی هئالا بدار. ایسپا انچش کرت. اے مردم تان مدتیا بندیجاها منتنت.

⁵مسرئے بادشاهئے آپی و نانی که بندیجاها اتنت، یگ شپه دوینان واب دیست و هر یکیئے و ابا جتاین مانا هست ات. ⁶وهده ایسپ اے دگه سهبا آیانی کرا آتک، دیستی که دوین پریشان انت. ⁷پرئوئے همه دوین کاردار که ایسپئے واجهئے بندیجاها گون اییا یکجاه بند اتنت، ایسپا چه آیان جست کرت: ”مروچی شما پریشان ایت، چه گپے؟“ ⁸آیان پسئو دات: ”ما دوینان واب دیستگ و کس نیست که مانا اش بکنت.“ ایسپا گوشت: ”وابانی مانائے زانگ وه هداپی کاره. وتی و ابا منا بگوشتیت.“

⁹گرا آیانی مسترا وتی واب گون ایسپا گوشت: ”بچار، من و ابا دیست که انگورئے درچکه منی دیمه انت. ¹⁰درچکا سئو ثال پر. انچو که درچکا تیج جت، بور و بر بوت و چه هوشان رستگین انگور در آتک. ¹¹پرئوئے پیاله منی دستا ات. من

1:40 آپی، بزبان هما هزمتکار که بادشاها یا دیوانئے مردمان آپ و شراب دنت، ساکی.

1:40 نانی، بزبان هما هزمتکار که بادشاهئے نانا پچیت.

sar chet o Perawney pyálahay tahá pretkant o pyalah áiyay dastá dát.”

¹² Issopá gwasht: “Tai wábay máná esh ent: Say thálay máná say róch ent. ¹³ Say róchay tahá Perawn tai sará borza kant o tará pésarigén mansabá dant. Taw Perawney pyálahá dastá dayay, anchó ke taw pésará kortag hamá wahdá ke áiyay ápi butagay. ¹⁴ Wahdé tai kár sharra bant, mani yátá bekap. Mehrabáni bekan o mani hálá Perawná sar kan o maná cha é bandijáhá dar kanáén. ¹⁵ Man cha Ebrániáni molká dozzag o edá árag butagán o edá ham man choshén káré nakortag ke é syahcháta dawr dayag bebán.”

¹⁶ Wahdé náníáni masterá dist ke Issopá sharrén mánáé kort, gwashti: “Man wati wábá distag ke naganay say sapt* mani sará ent o ¹⁷ sarbori saptá pa Perawná warh warhén patkagén warák mán, bale báli morg cha saptá eshán waragá ant.” ¹⁸ Issopá gwasht: “Tai wábay máná esh ent: Say saptay máná say róch ent. ¹⁹ Say róchay tahá Perawn tai sará ‘borza’ kant o tará drachkéá dranjit o báli morg tai góshatá warant.”

²⁰ Sayomi róchá Perawney sálgerah at. Áiyá sajjahén hezmatkár dáwaté dátant. Wati hezmatkáráni déma masterén ápi o masterén náníay sari “borz” kortant. ²¹ Áiyá masterén ápi padá hamá mansabá nádént ke Perawney pyálah dastá dayók bebit. ²² Bale hamá paymá ke Issopá gwashtagat o masterén náníay wábi máná kortagat, Perawná masterén nání dratk.

²³ Bale ápiáni masterá Issop shamosht o áiyay tránagá nakapt.

Perawney wáb

41 Do sálá rand Perawná wábé dist ke Nillay kawray kerrá óshatágán. ² Hamé wahdá hapt dhawldár o pazzórén gók cha ápa dar átk o kásháni* tahá charagá laggetant. ³ Cha eshán o rand dega hapt baddhawl o lágarén gók cha Nillá dar átk o kawray kashá, á dega gókáni kerrá óshatánt. ⁴ Baddhawl o lágarén gókán haptén dhawldár o pazzórén gók wártant. Perawn cha wábá ágah but.

⁵ Perawn padá wapt o dega wábé disti ke dánay hapt zandh o sharrén hóshag yakk tháleyay sará rodagá ent. ⁶ Cha eshán o rand dega hapt hóshag záher but. É hóshag lágar atant o cha ródarátka

انگور سر چت و پرتونے پیالھے تھا پرتکت و پیالھ اییے دستا دات.

¹² ایسپا گوشت: “تئی و ابے مانا ایش انت: سئے ٹالے مانا سئے رُچ انت. ¹³ سئے رُچے تھا پرتون تئی سرا بُرُز کنت و ترا پیسریگین مَنَسبا دنت. تئو پرتونے پیالھا دستا دئیے، اَنچو کہ تئو پیسرا کرتگ هما وهدا کہ اییے آپی بوتگئے. ¹⁴ وهدے تئی کار شَرَبنت، منی یاتا بکپ. مهربانی بکن و منی هالا پرتونا سر کن و منا چه اے بندیجاها در کناین. ¹⁵ من چه ایرانیانی مُلکا دُزگ و ادا آرگ بوتگان و ادا هم من چُشین کارے نکرتگ کہ اے سیہچاتا دئور دئیگ بان.”

¹⁶ وهدے نانیانی مسترا دیست کہ ایسپا شَرین مانا اے کرت، گوشتی: “من وتی و ابا دیستگ کہ نگنئے سئے سَپت* منی سرا انت و ¹⁷ سربرئے سپتا په پرتونا وُر وُرین پتکگین وراک مان، بله بالی مُرگ چه سپتا اشان ورگا انت.” ¹⁸ ایسپا گوشت: “تئی و ابے مانا ایش انت: سئے سپتے مانا سئے رُچ انت. ¹⁹ سئے رُچے تھا پرتون تئی سرا ‘بُرُز’ کنت و ترا درچکینا درنجیت و بالی مُرگ تئی گوشتا ورنٹ.”

²⁰ سئیمی رُچا پرتونے سالگره ات. آییسا سَجھین هزمتکار داوتے دانت. وتی هزمتکارانی دینما مسترین آپی و مسترین نانیئے سَری ‘بُرُز’ کرتنت. ²¹ آییسا مسترین آپی پدا هما مَنَسبا نادینت کہ پرتونے پیالھ دستا دئیوک بییت. ²² بله هما پئیما کہ ایسپا گوشتگات و مسترین نانیئے و ابا مانا کرتگات، پرتونا مسترین نانی دَرَتک.

²³ بله آییانی مسترا ایسپ شَمُشت و اییے ترانگا نکپت.

پرتونے واب

41 دو سالا رند پرتونا و ابا دیست کہ نیلئے کئورے کرا اوشتاتگان. ² همه وهدا هیت دئولدار و پزورین گوک چه آبا در آتک و کاشانی* تھا چرگا لگنتت. ³ چه اشان و رند دگه هیت بدئول و لاگرین گوک چه نیلا در آتک و کئورے کشا، آدگه گوکانی کرا اوشتاتنت. ⁴ بدئول و لاگرین گوکان هپتین دئولدار و پزورین گوک وارنتت. پرتون چه و ابا آگه بوت. ⁵ پرتون پدا ویت و دگه و ابا دیستی کہ دانئے هیت زَنڈ و شَرین هوشگ یک ٹالیئے سرا رُدگا انت. ⁶ چه اشان و رند دگه هیت هوشگ زاهر بوت. اے هوشگ لاگر انتت و چه رُودراتکا

40:16 Sapt, bezán sabad, mazané challi, sáchi.

41:2 Kásh, bezán káhé ke kawráni kash o kerrána rodit.

16:40 سَپت، بزان سَبَد، مزین چلی، ساچی.

2:41 کاش، بزان کاهے کہ کئورانی کَش و کِران رُدیت.

kasshókén lewára* gimmeréntagatant*. ⁷ Lágarén hóshagán haptén zandh o sharrén hóshag wártant. Perawn pád átk o zánti ke é wábé at.

⁸ Sohb ke but, Perawn paréshán at. Wati mardomi ráh dátant o Mesray sajjahén dáná o jádugeri lótháéntant. Perawná gón áyán wati wábáni kessah kort, bale kassá áiy wáb máná kort nakortant.

⁹ Gorhá masterén ápiá gón Perawná gwasht: “Man maróchi wati radiáni tránagá kaptagán. ¹⁰ Yakk randé tawe Perawn wati hezmatkáráni sará zahr geptay o maná o masterén nání zort o negahpánáni masteray bandijáhá band kanáént. ¹¹ Yakk shapé má doénán wáb dist o har yakk wábéa wati mánáé hastat. ¹² Ódá gón má Ebráni warnáé band at. Negahpánáni masteray hezmatkáré at. Má gón áiá wati wábay kessah kortant o áiá máná kort o dátant. Doénán wati wábáni máná raset. ¹³ Hamá paymá ke áiá may wáb máná kortagatant, hamá dhawlá but. Maná wati pésarigén mansab raset o nání dran jag but.”

¹⁴ Gorhá Perawná Issop lótháént o Issop hamá damáná cha syahchátá dar kanag o árag but. Issopá rissh sát o god matth kortant o Perawnay darbára átk. ¹⁵ Perawná gón Issopá gwasht: “Man wábé distag o kass eshiá máná korta nakant, bale man tai bárawá eshкотag ke agan kasé gón taw wati wábay kessahá bekant, taw mánái korta kanay.” ¹⁶ Issopá gwasht: “É cha mani was o wáká dar ent, bale Hodá tawe Perawná hayrén passawé dáta kant.”

¹⁷ Gorhá Perawná gón Issopá gwasht: “Man wáb dist ke Nillay kawray kashá óshtátágán. ¹⁸ Hamé wahdá hapt pazzór o dhawldárén gók cha kawrá dar átk o kásháni tahá charagá laggetant. ¹⁹ Cha áyán o rand dega hapt gók dar átk ke nezór o baddhawl o lágar atant. Sajjahén Mesray molká man choshén baddhawlén gók hechbar nadistagat. ²⁰ Lágar o baddhawlén gókán péhari haptén pazzóren gók wártant. ²¹ Bale áyáni waragá rand ham é gók angat péhari dhawlá anchó baddhawl atant ke nagwashay á gókesh wártagant. Man cha wábá ágah bután.

²² Padá ke wáb kaptán, gendán ke dánay hapt zandhén o sharrén hóshag yakk tháléay sará rodagá ent. ²³ Cha áyán o rand, dega hapt hóshag rost. É hóshag nezór o lágar atant o cha ródarátká kasshókén lewára gimmeréntagatant. ²⁴ Lágarén hóshagán haptén sharrén hóshag wártant. Man gón jádugerán kessah kort, bale cha áyán kassá é wáb máná kort nakort.”

كشوكين لوارا* گيمرینتگ آنتت* . ⁷ لاگرین هوشگان هپتین زند و شرین هوشگ وارنتت. پرتون پاد آتک و زانتی که اے و ابے آت.

⁸ سُهَب که بوت، پرتون پریشان آت. وتی مردمی راه دانتت و مسرے سجهین دانا و جادوگری لوٹاينتتت. پرتون گون آيان وتی وابانی کسه کرت، بله کسا آيیے واب مانا کرت نکرتنت.

⁹ گڑا مسترین آپیا گون پرتون گوشت: “من مروچی وتی ردیانی ترانگا کپتگان. ¹⁰ یک رندے تئو پرتون وتی هزمتکارانی سرا زهر گپتے و منا و مسترین نانی زرت و نگهپانانی مسترے بندیجاها بند کناینت. ¹¹ یک شپے ما دوینان واب دیست و هر یک و ابینا وتی مانا هست آت. ¹² اودا گون ما ایرانی ورنای بند آت. نگهپانانی مسترے هزمتکارے آت. ما گون آيیا وتی وابے کسه کرتنت و آيیا مانا کرت و دانتت. دوینان وتی وابانی مانا رست. ¹³ هما پیما که آيیا مے واب مانا کرتگ آنتت، هما دتولا بوت. منا وتی پیسریگین منسب رست و نانی ذرنجگ بوت.”

¹⁴ گڑا پرتون ایسپ لوٹاينتت و ایسپ هما دمانا چه سیه چاتا در کنگ و آرگ بوت. ایسپا ریش سات و گدمت کرتنت و پرتونے دربارا آتک. ¹⁵ پرتون گون ایسپا گوشت: “من وابے دیستگ و کس اشیا مانا کرت نکنت، بله من تئی بارثوا اشکتگ که اگن کسه گون تئو وتی وابے کسه بکنت، تئو مانایی کرت کئے.” ¹⁶ ایسپا گوشت: “اے چه منی وس و واکا در انت، بله هدا تئو پرتون هئیرین پسٹوے دات کنت.”

¹⁷ گڑا پرتون گون ایسپا گوشت: “من واب دیست که نیلے کئورے کشا اوشتاتگان. ¹⁸ همه وهدا هپت پزور و دتولدارین گوک چه کئورا در آتک و کاشانی تھا چرگا لگنتت. ¹⁹ چه آيان و رند دگه هپت گوک در آتک که نزور و بدتول و لاگر آنتت. سجهین مسرے ملکا من چشین بدتولین گوک هچبر ندیستگ آت. ²⁰ لاگر و بدتولین گوکان پیسری هپتین پزورین گوک وارنتت. ²¹ بله آيانی ورگا رند هم اے گوک انگت پیسری دتولا انچو بدتول آنتت که نگوشے آگوکش وارنگ آت. من چه و ابا آگه بوتان.

²² پدا که واب کپتان، گندان که دانے هپت زندين و شرین هوشگ یک ثالیئے سرا رُدگا انت. ²³ چه آيان و رند، دگه هپت هوشگ رست. اے هوشگ نزور و لاگر آنتت و چه رودراتکا کشوکين لوارا گيمرینتگ آنتت. ²⁴ لاگرین هوشگان هپتین شرین هوشگ وارنتت. من گون جادوگران کسه کرت، بله چه آيان کسا اے واب مانا کرت نکرت.”

²⁵ Gorhá Issopá gón Perawná gwasht: “Tawe Perawnay doén wáb yakk ant. Hamá kár ke Hodá démterá kanti, pa tawe Perawná paddari kortag. ²⁶ Haptén sharrén gók hapt sál ant o dánay haptén sharrén hóshag ham hapt sál ant. Doén wáb yakk ant. ²⁷ Hamá haptén lágar o baddhawlén gók ke cha áyán o rand dar átkant, hapt sál ant o hamé dhawlá haptén hórk o hálikén hóshag ke cha ródarátká kasshókén lewára gimmorentagatant, hapt sálay dhokkál ant. ²⁸ Man gón tawe Perawná gwasht, hamá kár ke Hodá démterá kanti, pa tawe Perawná paddari kortag. ²⁹ Nun sajjahén Mesrá hapt sálá mazanén sarsabzi o peráwáníé* bit, ³⁰ bale cha eshiá rand, hapt sálá dhokkála bit o é dhokkál Mesrá anchó tabáh o wayrána kant ke mardom molkay sajjahén sarsabzi o peráwánía shamóshant. ³¹ Molkay sarsabzi shamóshaga bit, chéa ke é dhokkál ke randá kayt, sakk grána bit. ³² É wáb paméshká tawe Perawnay sará do randá átkag ke Hodáyá pakkáia paysalah kortag o Hodá é kára hamé zuttána kant.

³³ Nun tawe Perawn aglmand o dánáén mardé dar géj o Mesray molkay sajjahén karán hamáiy dastá beday. ³⁴ Tawe Perawn báyard ent molká anchén kármaster bedáray ke sarsabziay haptén sáláni wahdá kesharáni pancheká* begerant. ³⁵ É kármaster sarsabziay áyókén sálán ward o warák mocch bekanant o Perawnay chérdastiá, shahrán pa waragá dán ambár bekanant. ³⁶ É ward o warák pa molká ambár kanag bebant o hamá haptén sálán ke Mesrá dhokkála kapit, kármarz kanag bebant ke molk cha dhokkálá tabáh mabit.”

³⁷ É habar, Perawn o Perawnay sajjahén apsaráni chammán sharrén habaré at. ³⁸ Perawná gón wati hezmatkárán gwasht: “Dega choshén mardomé dara kapit ke é marday paymá Hodáyá Ruh áia mán bebit?” ³⁹ Démi gón Issopá kort o gwashti: “Hodáyá é sajjahén chizz ke pa taw paddar kortagant, gorhá bezán tai paymén aglmand o dáná dega nést. ⁴⁰ Man tará wati lógay mastera kanán o mani sajjahén mardom tai parmánay pábanda bant o tahná mane bádsháh cha taw mastera bán.”

Issop Mesray mastera bit

⁴¹ Nun Perawná gón Issopá gwasht: “Bechár, taw cha mani némagá sajjahén Mesray molkay master ay.”

41:29 Peráwání, bezán chizzéay bázi.

41:34 Panchek, bezán cha panch bahrá yakké.

²⁵ گڑا ایسپا گون پړوونا گوشت: “تئو پړوونئ دوین واپ یک انت. هما کار که هدا دیمترا کنتی، په تئو پړوونا پډری کرتگ. ²⁶ هپتین شریین گوک هپت سال انت و دانئ هپتین شریین هوشگ هم هپت سال انت. دوین واپ یک انت. ²⁷ هما هپتین لاگر و بددئولین گوک که چه آیان و رند در آتکت، هپت سال انت و همئ دئولا هپتین هورک و هالیکن هوشگ که چه رؤدراتکا کشوکنین لوارا گیمرینتگ انت، هپت سالئ دُکال انت. ²⁸ من گون تئو پړوونا گوشت، هما کار که هدا دیمترا کنتی، په تئو پړوونا پډری کرتگ. ²⁹ نون سجھین مسرا هپت سال مزین سرسبزی و پراوانیے* بیت، ³⁰ بله چه اشیا رند، هپت سال دُکال بیت و اے دُکال مسرا انچو تباہ و وئیران کنت که مردم ملکئ سجھین سرسبزی و پراوانیا شمؤشنت. ³¹ ملکئ سرسبزی شمؤشگ بیت، چیا که اے دُکال که زندا کثیت، سک گران بیت. ³² اے واپ پمیشکا تئو پړوونئ سرا دو زندا آتکگ که هدا پکایا پیسله کرتگ و هدا اے کارا همئ زوتان کنت. ³³ نون تئو پړون اگلمند و داناین مردے در گیج و مسرئ ملکئ سجھین کاران هماییے دستا بدئے. ³⁴ تئو پړون باید انت ملکا انچین کارمستر بدارئے که سرسبزیے هپتین سالانی و هدا کشارانی پنچکا* بگرنٹ. ³⁵ اے کارمستر سرسبزیے آیوکنین سالان ورد و وراک مچ بکننت و پړوونئ چیردستیا، شهران په ورگا دان امبار بکننت. ³⁶ اے ورد و وراک په ملکا امبار کنگ بننت و هما هپتین سالان که مسرا دُکال کپیت، کارمرز کنگ بننت که ملک چه دُکالا تباہ مبیٹ.”

³⁷ اے هبر، پړون و پړوونئ سجھین آپسرانی چمان شریین هبرے ات. ³⁸ پړوونا گون وتی هزمتکاران گوشت: “دگه چشین مردمے در کپیت که اے مردئے پیما هداے روہ آیا مان بیٹ؟” ³⁹ دیمی گون ایسپا کرت و گوشتی: “هدایا اے سجھین چیز که په تئو پډر کرتگ انت، گڑا بزبان تئی پیمین اگلمند و دانا دگه نیست. ⁴⁰ من ترا وتی لوگئے مستر کنان و منی سجھین مردم تئی پرمائے پابند بننت و تهنان بادشاہ چه تئو مستر بان.”

ایسپ مسرئے مستر بیت

⁴¹ نون پړوونا گون ایسپا گوشت: “بچار، تئو چه منی نیمگا سجھین مسرئے ملکئے مستر اے.” ⁴² پړوونا وتی مھرئے

29:41 پراوانی، بزبان چیرئے بازی.

34:41 پنچک، بزبان چه پنچ بهرا یکے.

42:41 لیلم، گڈئے تهرے که انگریزا “linen” گوشتگ بیت.

⁴² Perawná wati mohray mondrikk* cha dastá kasshet o Issopay dastá dát, sharrén lilomay* póshák o sohray háre gwarái dát. ⁴³ Mol kay náebay arrábahá* swári kort. Mardomán jár jat ke Issopay démá kónhdán bekapét. Perawná Issop sajjahén Mesray master kort. ⁴⁴ Perawná gón Issopá gwasht: “Man Perawn án. Bé tai razáyá sajjahén Mesray molká kass wati dast o pádé sorénta nakant.” ⁴⁵ Perawná Issop Sopnát-Panéhá námént o gón Unay shahray dini péshwá Putipéray jenekk Asenátá sur dát. Nun Issop sajjahén Mesrá gasht.

⁴⁶ Wahdé Issopá Mesray bádsháh Perawnay hezmat bendát kort, omri si sál at. Issop cha Perawnay darbára pad átk o sajjahén Mesrá gasht. ⁴⁷ Sarsabziay haptén sálán zeminá mazané bar o samaré dát. ⁴⁸ Sarsabziay haptén sálán ke Mesray molká ward o warák báz at, Issopá shahráni ambár porr kortant. Har shahray kash o kerray dhagáráni bar o samari hamá shahrá ambár kort. ⁴⁹ Issopá sakk báz dán ambár kort, daryáay rékání kaddá. Dán anchó báz atant ke eshání hesáb kanagi band kort, chéa ke cha hesábá dhann atant.

⁵⁰ Cha dhokkálay sálán o pésar Issopá do mardénchokk but. Eshání mát Asenát, Unay shahray dini péshwá Putipéray jenekk at. ⁵¹ Issopá wati awali chokkay nám Manasi* kort, gwashti: “Hodáyá maná cha sajjahén sakki o sórián o cha petay lógay sajjahén tránagán ázát kortag.” ⁵² Domi chokkay námi Epráém* kort, gwashti: “Mani sakki o sóriáni molká, Hodáyá maná porsamar kortag.”

⁵³⁻⁵⁴ Gorhá hamá paymá ke Issopá gwashtagat, Mesray mol kay sarsabziay haptén sál halás butant o dhokkálay haptén sál bongéj butant. Á dega sajjahén molkán dhokkál but, bale sarjamén Mesrá warák hastat.

⁵⁵ Gorhá sajjahén Mesr ke shodig but, mardomán Perawnay kerrá pa waráká peryát kort. Perawná gón sajjahén Mesrián gwasht: “Issopay kerrá berawét o á harché ke gwashtit, hamá dhawl bekanét.” ⁵⁶ Sarjamén molk ke dhokkálá gept, Issopá ambáráni dap pach kort o Mesriáni kerrá dání bahá kort ke sajjahén Mesrá mazané dhokkálé kaptagat. ⁵⁷ Sarjamén donyá pa dánay geragá Mesrá Issopay kerrá átk, chéa ke sajjahén donyáyá gránén dhokkálé kaptagat.

41:42 Mohray mondrikk, bezán hamá mondrikk ke mazané mardománi dashatt o neshánesh per butag.

41:42 Lilom, goday tahré ke Engréziá “linen” gwashaga bit.

41:43 Arrábah, bezán mazané mansabdáráni hamá gárhí ke aspia kasshant.

41:51 Manasiay labz cha “béhayál bayagay” labzá átkag.

41:52 Epráémay labz gón dega Ebráni labzéa hamtawár ent ke máná enti: “do sari porsamar”.

مُنْدَرِيكْ* چه دستا كَشْتِ و ايسپئے دستا دات، شَرِيْن لِيْلْمَئِ* پوْشاك و سَهْرَئِ هارے گورايی دات. ⁴³ مُلْكائِ نائِبئِ اَرابِها* سواری كرت. مردمان جار جت كه ايسپئے دِيْمَا كُونْدَان بَكِيْت. پَرْتُونَا ايسپ سَجْهِيْن مِسْرَئِ مَسْتَر كرت. ⁴⁴ پَرْتُونَا گُون ايسپا گوشت: “مَنْ پَرْتُون اَنْ. بے تئِي رَزَايَا سَجْهِيْن مِسْرَئِ مُلْكَا كَس و تِي دست و پادے سُرِيْنْت نَكْت.” ⁴⁵ پَرْتُونَا ايسپ سُنپات پَنِيْها نامِيْنْت و گُون اونئِ شَهْرَئِ دِيْنِي پِيْشُوا پوتِيْپِرَائِ جَنَك اَسِنَاتَا سور دات. نون ايسپ سَجْهِيْن مِسْرَا گشت.

⁴⁶ وهْدے ايسپا مِسْرَئِ بادشاه پَرْتُونئِ هزمت بندات كرت، اُمْرِي سِي سال اْت. ايسپ چه پَرْتُونئِ دربارا پاد اْتك و سَجْهِيْن مِسْرَا گشت. ⁴⁷ سَرَسْبِزِيْئِ هپْتِيْن سالان زمينا مَزِيْنِ بَر و سَمْرے دات. ⁴⁸ سَرَسْبِزِيْئِ هپْتِيْن سالان كه مِسْرَئِ مُلْكَا وَرْد و وراك باز اْت، ايسپا شَهْرَانِي اَمْبَار پَر كرتنت. هر شَهْرَئِ كَش و كِرْئِ دُگارانِي بَر و سَمْرِي هما شَهْرَا اَمْبَار كرت. ⁴⁹ ايسپا سَكْ باز دان اَمْبَار كرت، دريائے رِيْكَانِي كُدا. دان اَنْچُوْ باز اْتنت كه اِشَانِي هَساب كَنگِي بند كرت، چِيَا كه چه هَسابَا دُنْ اْتنت.

⁵⁰ چه دُكائِئِ سالان و پيسر ايسپا دو مَرْدِيْن چُكْ بُوْت. اِشَانِي مات اَسِنَات، اونئِ شَهْرَئِ دِيْنِي پِيْشُوا پوتِيْپِرَائِ جَنَك اْت. ⁵¹ ايسپا و تِي اِئُولِي چُكْئِ نام مَنَسِي* كرت، گوشتِي: “هُدَايَا مَنَا چه سَجْهِيْن سَكِي و سَوْرِيَان و چه پَتْئِ لَوْگْئِ سَجْهِيْن تَرَانِگان اَزَات كرتگ.” ⁵² دومي چُكْئِ نامِي اِپْرَائِم* كرت، گوشتِي: “مَنِي سَكِي و سَوْرِيَانِي مُلْكَا، هُدَايَا مَنَا پَرَسْمَر كرتگ.”

⁵³⁻⁵⁴ گُزَا هما پَيْمَا كه ايسپا گوشتگ اْت، مِسْرَئِ مُلْكائِ سَرَسْبِزِيْئِ هپْتِيْن سال هلاس بُوْتنت و دُكائِئِ هپْتِيْن سال بَنگِيْچ بُوْتنت. آدگه سَجْهِيْن مُلْكَا دُكَال بُوْت، بله سَرَجْمِيْن مِسْرَا وراك هست اْت.

⁵⁵ گُزَا سَجْهِيْن مِسْر كه شُدِيْگ بُوْت، مردمان پَرْتُونئِ كِرَا په وراكا پريات كرت. پَرْتُونَا گُون سَجْهِيْن مِسْرِيَان گوشت: “ايسپئے كِرَا بَرْتُوْبْت و اهرچے كه گوشتيت، هما دُئُول بَكْنِيْت.” ⁵⁶ سَرَجْمِيْن مُلْك كه دُكالا گپت، ايسپا اَمْبَارَانِي دپ پچ كرت و مِسْرِيَانِي كِرَا دَانِي بها كرت كه سَجْهِيْن مِسْرَا مَزِيْنِ دُكائِئِ كپتگ اْت. ⁵⁷ سَرَجْمِيْن دِنِيَا په دانئِ گِرْگا مِسْرَا ايسپئے كِرَا اْتك، چِيَا كه سَجْهِيْن دِنِيَايَا گِرَانِيْن دُكائِئِ كپتگ اْت.

42:41 مَهْرَئِ مُنْدَرِيكْ، بزان هما مُنْدَرِيكْ كه مَزِيْنِ مَرْدَمَانِي دَسَهْت و نَشَانِش پَر بُوْتگ.

42:41 لِيْلْم، گَدْئِ تَهْرے كه اِنْگَرِيْزِيَا “linen” گوْشَكْ بِيْت.

43:41 اَرابِه، بزان مَزِيْنِ مَنَسِبْدَارَانِي هما گاژِي كه اسپِي كَشْتنت.

51:41 مَنَسِيْئِ لَبْز چه “بِيْهَيْبَال بَيْگْئِ” لَبْزَا اْتكگ.

52:41 اِپْرَائِمَئِ لَبْز گُون دگه اِبرَانِي لَبْزِيَا هَمْتَوَار اِنْت كه مَنَا اِنْتِي: “دو سَرِي پَرَسْمَر”.

42 Wahdé Ákubá dist ke Mesrá dán hast, gón wati chokkán gwashti: “Chéá neshtag o yakdomiá chárágá ét? ² Man eshkotag ke Mesrá dána rasit. Berawét o dán begerét ke zendag bemánén, shodá mamerén.”

³ Gorhá Issopay dah brát Mesrá dánay geragá shot. ⁴ Ákubá Issopay brát Benyámin gón á dega brátán dém nadát, gwashti chó mabit ke táwáné berasiti. ⁵ É paymá Esráilay chokk hamá mardománi rombá gón atant ke dánay geragá átkagatant, chéá ke Kanhánay molká dhokkál at.

⁶ Nun Issop molkay wáli at. É Issop at ke molkay sajjahén mardománi kerrá gandomi bahá kort. Gorhá Issopay brát átkant o áiy démá pa adab saresh jahl kort. ⁷ Wahdé Issopá wati brát distant, pajjáhi áwortant, bale áyáni démá záheri nakort. Gón áyán pa trondi habari kort o josti kort: “Shomá cha kojá átkagét?” Áyán passaw dát: “Cha Kanhánay molká, dánay zuragá átkagén.”

⁸ Issopá brát pajjáhi áwortant, bale áyán Issop pajjáhi nayáwort. ⁹ Issop wati wábáni tránagá kapt ke brátáni bárawá distagatanti. Issopá gón áyán gwasht: “Shomá jásus o cháríg ét. Shomá edá átkagét ke bezánét may molkay kojám jágahá páspáni o hepázat nezórter ent.” ¹⁰ Áyán gwasht: “Enna, mani wájah! Tai kaster ward o warákay geragá átkagant. ¹¹ Má sajjahén yakkén petay chokk én, rást o tachkén mardom én, tai pádáni chéray hák én, jásus o cháríg naén.” ¹² Issopá gwasht: “Enna! Shomá edá átkagét ke bezánét may molkay kojám jágahá páspáni o hepázat nezórter ent.” ¹³ Bale áyán gwasht: “Tai kaster yakkén petay chokk ant o may pet Kanháná jahmenend ent. Má dwázdah brát butagén. Kasterén brát annun petay kerrá ent. Á dega brát nun néstent.” ¹⁴ Issopá gwasht: “Anchó ke man shomará gwasht, shomá jásus o cháríg ét. ¹⁵ Shomará é paymá chakkásén: Tánke shomay kasterén brát edá nayayt, maná Perawnay saray sawgend ent ke shomá cha é jágahá shota nakanét. ¹⁶ Cha wati brátán yakké ráh dayét, belli shomay brátá kárit. Shomá á dega brát hamedá bandijáhá mánét. Shomay habar chárág o chakkásaga bant ke baren rásta gwashét yá na. Agan shomá rást nagwasht, maná Perawnay saray sawgend ent ke shomá jásus o cháríg ét.”

42 وهده آکوبا دیست که مسرا دان هست، گۆن وتی چکّان گوشتی: “چینا نشتگ و یکدومیا چارگا ایت؟ ² من اشکتگ که مسرا دان رسیت. برئوت و دان بگریت که زندگ بمانین، شدا میرین.”

³ گۆا ایسپئے ده برات مسرا دانئے گرگا شت. ⁴ آکوبا ایسپئے برات بنیامین گۆن آدگه براتان دیم نداد، گوشتی چۆ مبیست که تاوانے برسیتی. ⁵ اے پیما اسرائیلئے چکّ هما مردمانی رُمبا گۆن آنت که دانئے گرگا آتکگ آنت، چیا که کنهائے ملکا دُگال ات.

⁶ نون ایسپ مَلکئے والی ات. اے ایسپ ات که مَلکئے سَجّهین مردمانی کَرّا گندمی بها کرت. گۆا ایسپئے برات آتکنت و آییئے دیمه په ادب سَرش جهل کرت. ⁷ وهده ایسپا وتی برات دیستنت، پجاهی آورتنت، بله آیانی دیمه زاهری نکرت. گۆن آیان په تَرندی هبری کرت و جُستی کرت: “شما چه کجا آتکگیت؟” آیان پَسئو دات: “چه کنهائے ملکا، دانئے زورگا آتکگین.”

⁸ ایسپا برات پجَاه آورتنت، بله آیان ایسپ پجَاه نئیاورت. ⁹ ایسپ وتی وابانی ترانگا کپت که براتانی بارئوا دیستگ آنتی. ایسپا گۆن آیان گوشت: “شما جاسوس و چاریگ ایت. شما ادا آتکگیت که بزانیئ مئے مَلکئے کجام جاگها پاسپانی و هیازت نزورتر انت.” ¹⁰ آیان گوشت: “انّه، منی واجه! تئیی کستر ورد و وراکئے گرگا آتکگ انت. ¹¹ ما سَجّهین یکین پتئے چکّ این، راست و تچکین مردم این، تئیی پادانی چیرئے هاک این، جاسوس و چاریگ نه این.” ¹² ایسپا گوشت: “انّه! شما ادا آتکگیت که بزانیئ مئے مَلکئے کجام جاگها پاسپانی و هیازت نزورتر انت.” ¹³ بله آیان گوشت: “تئیی کستر یکین پتئے چکّ انت و مئے پت کنهانا جهمنند انت. ما دوازه برات بوتگین. کسترین برات انون پتئے کَرّا انت. آدگه برات نون نیست انت.” ¹⁴ ایسپا گوشت: “انچۆ که من شمارا گوشت، شما جاسوس و چاریگ ایت. ¹⁵ شمارا اے پیما چکّاسین: تانکه شمئے کسترین برات ادا نئیئیت، منا پرئوتئے سرئے سئوگند انت که شما چه اے جاگها شت نکنیئت. ¹⁶ چه وتی براتان یکے راه دئیئت، بلی شمئے براتا کاریت. شما آدگه برات همدا بندیجاها مانیئت. شمئے هبر چارگ و چکّاسگ بنت که بارین راست گوشت یا نه. اگن شما راست نگوشت، منا پرئوتئے سرئے سئوگند انت که شما جاسوس و چاریگ ایت.”

¹⁷ Issopá tán say róchá sajjahén brát bandijáhá band kanáéntant. ¹⁸ Sayomi róchá gón áyán gwashti: “Hamá paymá ke man shomará gwashán, hamá paym bekanét, gorhá zendaga mánét, parchá ke maná cha Hodáyá torsit. ¹⁹ Agan shomá rást o tachkén mardom ét, cha shomá brátán yakké bandijáhá benendit o á dega berawant o pa wati lógay gozhnagén mardomán dán bebarant, ²⁰ bale wati kasterén brátá mani kerrá byáret ke shomay habar rást bebant o cha marká berakkét.” Áyán anchosh kort o ²¹ gón yakdegará gwashtesh: “Aslá mára brátay hakkán geptag. Má dist ke á chinchok paréshán at, pa wati jánay rakkénagá may kerrá dazbandi o peryáti kort, bale má áiy habar gósh nadáshtant, paméshká é mosibat may sará kaptag.” ²² Rubená gwasht: “Man wa shomará gwasht ke hecchi makanét, bale shomá gósh nadásht. Nun mára áiy hónay hesáb dayagi ent.”

²³ Brátán nazánt ke Issop may habarán sarpad bayagá ent, chéa ke Issop tarjomah kanókéay komakká gón áyán habará at. ²⁴ Issopá wati dém ángor kort o gréti. Padá démi tarrént o gón áyán habari kort. Gorhá cha brátáni nyámá Shamuni gept o áyáni chammáni déma dast o pádi bandáéntant.

Issopay brát Kanháná rawant

²⁵ Nun Issopá hokm dát ke brátáni gónián cha dáná porr kanét, har yakkéay nograhán hamáiy jenday góniá mán kanét o saparay tóshagesh ham bedayét. É kár ke pa áyán kanag butant, ²⁶ nun áyán wati dán harán laddhetant o cha ódá ráh geptant. ²⁷ Ráhá shapá geptant o yakk jágahéa menzelesh kort. Wahdé cha áyán yakkéa wati góniay dap pach kort ke pa wati hará káh o kadimé bekasshit, disti ke mani nograh góniay dap dapá ér ant. ²⁸ Gón wati brátán gwashti: “Mani nograhesh nazortagant, esh ant mani góniay tahá ant.” Torsé áyáni delá kapt. Démesh gón yakdegará kort o drahán o larzáná gwashtesh: “É che karé ke Hodáyá gón má kortag?”

²⁹ Wahdé á wati pet Ákubay kerrá Kanhánay molká átkant, wati sajjahén kessah o sargwastesh áwortant. Gwashtesh: ³⁰ “Hamá mard ke molkay master ent, áiyá gón má pa trondi habar kort o gwashti: ‘Shomá é molká jásusí kanagá átkagét.’ ³¹ Bale má gón áiyá gwasht: ‘Má rást o tachkén mardom én, cháríg o jásus naén. ³² Má yakkén petay chokk én. Dwázdah brát butagén. Yakk bráté nun néstent o kasterén brát annun Kanháná petay kerrá ent.’ ³³ Gorhá molkay masterá gwasht: ‘Man hamá wahdá zánán shomá rást

¹⁷ ایسپا تان سئے روچا سجھین برات بندیجاها بند کنایتنت. ¹⁸ سیومی روچا گون آیان گوشتی: ”هما پیما که من شمارا گوشان، هما پیما بکنیت، گڑا زندگ مانیت، پرچا که منا چه هدایا ترسیت. ¹⁹ اگن شما راست و تچکین مردم ایت، چه شما براتان یکے بندیجاها بندیت و آدگه برئونت و په وتی لوگئے گڑنگین مردمان دان بیزنت، ²⁰ بله وتی کسترین براتا منی کرا بیاریت که شمئے هبر راست ببت و چه مرکا برکیت. “ آیان آنچش کرت و ²¹ گون یکدگرا گوشتش: ”اسلا مارا براتئے هگان گیتگ. ما دیست که آ چینچک پریشان ات، په وتی جائے رکینگا مئے کرا دزبندی و پریاتی کرت، بله ما آییئے هبر گوش نداشتنت، پمیشکا اے مسیبت مئے سرا کپتگ. “ ²² روپنا گوشت: ”من وه شمارا گوشت که هچی مکینت، بله شما گوش نداشت. نون مارا آییئے هونئے حساب دئیگی انت.“

²³ براتان نزانن که ایسپ مئے هبران سرپد بیگا انت، چیا که ایسپ ترجمه کنوکیئے کما گون آیان هبرا ات. ²⁴ ایسپا وتی دیم آنگر کرت و گریتی. پدا دیمی ترینت و گون آیان هبری کرت. گڑا چه براتانی نیاما شومونی گیت و آیانی چمانی دیم دست و پادی بندایتنت.

ایسپئے برات کنهانا رئونت

²⁵ نون ایسپا هکم دات که براتانی گونیان چه دانا پڑ کنیت، هر یکئیئے نگرهان هماییئے جندئے گونیا مان کنیت و سپرئے توشگش هم بدئییت. اے کار که په آیان کنگ بوتنت، ²⁶ نون آیان وتی دان هران لڈنتت و چه اوڊا راه گپنتت. ²⁷ راها شپا گپنتت و یک جاگهیا منزلش کرت. وهده چه آیان یکیا وتی گونیئے دپ پچ کرت که په وتی هرا کاه و کدیمے بکشیت، دیستی که منی نگره گونیئے دپ دپا ایر انت. ²⁸ گون وتی براتان گوشتی: ”منی نگرهش نرتگ انت، اش انت منی گونیئے تھا انت.“ ترسے آیانی دلا کپت. دیمش گون یکدگرا کرت و درهان و لرزانا گوشتش: ”اے چه کارے که هدایا گون ما کرتگ؟“

²⁹ وهده آ وتی پت آکوبئے کرا کنهائے ملکا آتکت، وتی سجھین کسه و سرگوستش آورتنت. گوشتش: ³⁰ ”هما مرد که ملکئے مستر انت، آیا گون ما په ترندی هبر کرت و گوشتی: ’شما اے ملکا جاسوسی کنگا آتکگیت.‘ ³¹ بله ما گون آیا گوش: ’ما راست و تچکین مردم این، چاریگ و جاسوس نه این. ³² ما یکین پتئے چک این. دوازه برات بوتگین. یک براتے نون نیست انت و کسترین برات انون کنهانا پتئے کرا انت.“

o tachkén mardom ét ke shomá yakk bráté hamedá gón man bellét o á dega berawét o pa wati lógay gozhnagén mardomán dán bebarét o ³⁴wati kasterén brátá mani kerrá byárét. Gorhá mana zánán ke shomá cháríg o jásus naét o tachk o rástén mardom ét. Randá man shomay brátá shomará dayán o shomá é molká sawdágeri o bápár korta kanét.”

³⁵Wahdé á wati gónián hálig kanagá atant, har yakkéay góniá áiy nograháni turag* mán at. Wahdé áyán o áyáni petá nograhay turag distant, torsetesh. ³⁶Áyáni pet Ákubá gwasht: “Shomá maná béawlád kanagá ét. Issop ham néstent o Shamun ham. Nun shomá Benyáminá pach geraga lóthét. É sajjahén kahr mani sará kapagá ant.”

³⁷Rubená gón petá gwasht: “Agan man tai chokk padá pa taw nayáwort, mani doén chokkán bekosh. Benyáminá maná beday, man padá pa taw káráni.” ³⁸Bale Ákubá gwasht: “Mani chokk gón shomá nayayt gón. Áiy brát mortag o bass jendi pasht kaptag. Agan shomay é saporá táwáné berasiti, man cha gamána merán o mani pirén saray hón shomay gardená bit.”

Dém pa Mesrá brátáni domi sapor

43 Molk sakk dhokkál at o ²wahdé áyán cha Mesrá áwortagén dán wárt o halás kortant, petá gwasht: “Padá berawét o pa má kammé ward o warák begerét.” ³Bale Yahudáyá gón áiy gwasht: “Á mardá mará pa trondi habardár kort o gwasht: ‘Agan shomay brát gón shomá gón nabut, mani démá makapét.’ ⁴Agan taw may brátá gón má ráh bedayay, má rawén o pa taw ward o waráka gerén, ⁵bale agan taw áiy gón makanay, má narawén. Chéa ke á mardá gwasht: ‘Agan shomay brát gón shomá gón nabut, mani démá makapét.’” ⁶Esráílá jost kort: “Shomá chéa á mard hál dát ke mará dega bráté hast o é parésháni mani sará áwort?” ⁷Passawesh dát: “Á mardá mayg o may hándánay bárawá har chizzay jost kort: ‘Shomay pet angat zendag ent? Shomará dega brát ham hast?’ Má áiy jostáni passaw dátant. Má chón bezántén ke á gwashit: ‘Wati brátá edá byárét?’” ⁸Gorhá Yahudáyá gón wati pet Esráílá gwasht: “Bachakká gón man hamráh kan. Má hamé damáná páda káén o rahádaga bén ke má o taw o may chokk zendag bemánén o mamerén. ⁹Man wat áiy salámatiay zemmahá zurán. Áiy cha mani dastá belóth. Agan man tai chokk padá

³³گڑا مُلكئے مسترا گوشت: ’من هما وهدا زنان شما راست و تچكین مردم ایت كه شما یك براتے همدا گون من بلیت و آ دگه برئویت و په وتی لوگئے گونگین مردمان دان برییت و ³⁴وتی کستریں براتا منی کرا بیاریت. گڑا من زنان كه شما چاریگ و جاسوس نه ایت و تچك و راستین مردم ایت. رندا من شمئے براتا شمارا دئیان و شما اے مُلكا سئوداگری و باپار کرت کنییت.”

³⁵وهدے آ وتی گونیان هالیگ کنگا اتنت، هر یكئے گونیا آییئے نگرهانی تورگ* مان ات. وهدے آیان و آیانی پتا نگرهئے تورگ دیستنت، تُرستش. ³⁶آیانی پت آکوبا گوشت: “شما منا بے ائولاد کنگا ایت. ایسپ هم نیست انت و شمون هم. نون شما بنیامینا پچ گرگ لوئیت. اے سجهین کهر منی سرا کپگا انت.” ³⁷روینا گون پتا گوشت: “اگن من تئی چک پدا په تئو نئیاورت، منی دوین چکان بکش. بنیامینا منا بدے، من پدا په تئو کارانی.” ³⁸بله آکوبا گوشت: “منی چک گون شما نیئیت گون. آییئے برات مُرتگ و بس جندی پشت کپتگ. اگن شمئے اے سپرا تاوانے بریستی، من چه گمان مران و منی پیری سرئے هون شمئے گردنا بیت.”

دیم په مسرا براتانی دومی سپر

43 مُلك سگ دُگال ات و ²وهدے آیان چه مسرا آورتگین دان وارت و هلاس کرتنت، پتا گوشت: “پدا برئویت و په ما کمئے ورد و وراک بگریت.” ³بله یهودایا گون آیا گوشت: “آ مردا مارا په تژندی هبردار کرت و گوشت: ’اگن شمئے برات گون شما گون نبوت، منی دیمما مکپیت.’ ⁴اگن تئو مئے براتا گون ما راه بدئیئے، ما رئوین و په تئو ورد و وراک گرین، ⁵بله اگن تئو آیا گون مکنئے، ما نرئوین. چیا که آ مردا گوشت: ’اگن شمئے برات گون شما گون نبوت، منی دیمما مکپیت.’” ⁶اسرایلا جُست کرت: “شما چیا آ مرد هال دات که مارا دگه براتے هست و اے پریشانی منی سرا آورت؟” ⁷پسئوش دات: “آ مردا مئیگ و مئے هاندانئے بارئوا هر چیژئے جُست کرت: ’شمئے پت انگت زندگ انت؟ شمارا دگه برات هم هست؟’ ما آییئے جُستانی پسئو داتنت. ما چون بزانتین که آ گوشیت: ’وتی براتا ادا بیاریت؟’” ⁸گڑا یهودایا گون وتی پت اسرایلا گوشت: “بچکا گون من همراه کن. ما همه دمانا پاد کاین و رهادگ بین که ما و تئو و مئے چک زندگ بمانین و ممرین. ⁹من وت آییئے

nayáwort o pa taw sar nakort, tán zendag án tai gonahkár án. ¹⁰ Agan má inchok mahtal mabuténén, tán é wahdi do randá shotag o átkagatén.”

¹¹ Gorhá áyáni pet Esráilá gwasht: “Agan allami ent, gorhá chosh kanét ke cha molkay sharterén chizzán lahtén wati pélekán* kanét o pa á mardá théki barét gón. Kammé bám, kammé bénag, sosorr o pestah o bádám o washbó barét gón. ¹² Do sari* nograh barét gón ke shomará hamá nograh padá dayagi ant ke shomay góniáni dap dapá ér kanag butagatant. Balkén pa radi chó butag. ¹³ Wati brátá ham barét gón. Tachká á marday kerrá berawét. ¹⁴ Porwákén Hodá á mardá pa shomá rahmdel kanát ke shomay á dega brátá o Benyáminá gón shomá áyagá bellit. Bale agan man chokk báhéntant wa mani baht o nasib.”

¹⁵ Gorhá mardán théki o do sari nograh o Benyámin zort o ráh geptant. Mesrá ke rasetant, Issopay darbárá átk o óshtátant. ¹⁶ Wahdé Issopá dist ke Benyámin gón ent, wati lógay péshkári* gwasht: “É mardomán mani lógá byár. Pas o kósh kan o waragé tayár kan ke é mardom sobáregá mani kerrá ant.” ¹⁷ Péshkára hamá paym kort ke Issopá gwasht. Mardomi Issopay lógá áwortant. ¹⁸ Wahdé mardom Issopay lógá árag butant, tors o larz atant. Gwashtesh: “Mára hamá nograháni sawabá edá áwortagesh ke pésari randá may gónián mán kanag butagatant. Nun é mard may sará orosh kanag o márá zérdast kanaga lóthit ke may jendá golám bekant o harán ham bebárt.”

¹⁹ Gorhá á Issopay péshkára kerrá shotant o lógay darwázagay dapá gón áíá habaresh kort. ²⁰ Gwashtesh: “Wájah! Awali randá ke má edá pa warákay geragá átkén, ²¹ per tarragá má shapá yakk jágahéá dásht. Má wati bár ke bótkant, disten ke cha má harkasay nograh sarjamiá áíay jenday góniay dap dapá ér ant. Nun má é nograh padá áwortagant gón. ²² Má pa warákay geragá dega nograh ham áwortag gón. Nazánén baren kayá é nograh padá may gónián mán kortagant.” ²³ Péshkára gwasht: “Parwáh nést. Matorsét. Shomayg o shomay petay Hodáyá é ganj gónián mán kortag. Shomay nograh maná rasetagant.” Nun Shamuni áyáni kerrá áwort.

سلامتیئے زمہا زوران. آیا چہ منی دستا بلوٹ. اگن من تئی چُک پدا نثیاورت و پہ تئو سر نکرت، تان زندگ آن تئی گنہکار آن. ¹⁰ اگن ما اینچک مہتل مہوتینین، تان اے وھدی دو رندا شتگ و آتکگ آتین.

¹¹ گڑا آیانی پت اسرائیلا گوشت: “اگن المی انت، گڑا چُش کنیت کہ چہ مُلکئے شرتین چیژان لہتین وتی پیلکان* کنیت و پہ آ مردا ٹیکی بریت گون. کَمے بام، کَمے بینگ، سُسُر و پستہ و بادام و وشبو بریت گون. ¹² دو سَری* نگرہ بریت گون کہ شمارا ہما نگرہ پدا دئیگی انت کہ شمئے گونیانی دپ دپا ایر کنگ بوتگ آنتت. بلکین پہ ردی چو بوتگ. ¹³ وتی براتا ہم بریت گون. تچکا آ مردئے کرا برتوت. ¹⁴ پرواکین ہدا آ مردا پہ شما رھمدل کنات کہ شمئے آدگہ براتا و بنیامینا گون شما ایگا بلیت. بلہ اگن من چُک باھینتنت وہ منی بہت و نسیب.”

¹⁵ گڑا مردان ٹیکی و دو سَری نگرہ و بنیامین زرت و راہ گپنتت. مسرا کہ رستنت، ایسپئے دربارا آتک و اوشتانتت. ¹⁶ وھدے ایسپا دیست کہ بنیامین گون انت، وتی لوگئے پیشکاری* گوشت: “اے مردمان منی لوگا بیار. پس و کوش کن و ورگے تیار کن کہ اے مردم سبارگا منی کرا انت.” ¹⁷ پیشکارا ہما پیم کرت کہ ایسپا گوشت. مردمی ایسپئے لوگا آورتنت. ¹⁸ وھدے مردم ایسپئے لوگا آرگ بوتنت، تُرس و لَز آنتت. گوشتش: “مارا ہما نگرہانی سوبا ادا آورتگش کہ پیسری رندا مئے گونیان مان کنگ بوتگ آنتت. نون اے مرد مئے سرا اُرش کنگ و مارا زبردست کنگ لوٹیت کہ مئے جندا گلام بکنت و ہران ہم ببارت.”

¹⁹ گڑا آ ایسپئے پیشکارئے کرا شتنت و لوگئے دروازگئے دپا گون آیا ہبرش کرت. ²⁰ گوشتش: “واجہ! اولی رندا کہ ما ادا پہ وراکئے گرگا آتکین، ²¹ پرترگا ما شپایک جاگھیا داشت. ما وتی بار کہ بوتکنت، دیستن کہ چہ ما ہرکسئے نگرہ سرجمیا آئیئے جندئے گونیئے دپ دپا ایر انت. نون ما اے نگرہ پدا آورتگ انت گون. ²² ما پہ وراکئے گرگا دگہ نگرہ ہم آورتگ گون. نزانین بارین کتیا اے نگرہ پدا مئے گونیان مان کرتگ انت.” ²³ پیشکارا گوشت: “پرواہ نیست. مٹرسیت. شمئیگ و شمئے پتے ہدایا اے گنج گونیان مان کرتگ. شمئے نگرہ منا رستگ انت.” نون شمونی آیانی کرا آورت.

43:11 Pélek, bezán cha god yá póstá jórh kortagén mazanén kissag, bayag.

43:12 Do sari, bezán do barábar, do randá, do haminchok.

43:16 Péshkár, bezán hamá hezmatkár ke lógay káráni zemmahwár ent o é dega hezmatkáráni master ent.

11:43 پیلک، بزبان چہ گد یا پؤستا جزو کرتگین مزین کیسگ، بیگ.

12:43 دو سَری، بزبان دو برابر، دو رندا، دو ہمینیچک.

16:43 پیشکار، بزبان ہما ہزمتکار کہ لوگئے کارانی زمہوار انت و اے دگہ ہزمتکارانی مستر انت.

²⁴ Pëshkárá á Issopay lógá bortant, ápi dátant ke wati pádán beshódant o pa áyáni harán káh o kadimay tayárii ham kort. ²⁵ Tán Issopay áyagá, némróchay wahdá, áyán wati théki tayár kortant, chéá ke eshкотagatesh ke má sobáregá hamedá én.

²⁶ Issopke lógá átk, áyán wati áwortagén théki dátant o Issopay démá saresh pa adab jahl kort. ²⁷ Issopá áyáni hál jost kort o gwashti: “Shomay pirén pet ke shomá áiy bárawá gón man habar kortagat, chón ent? Angat hast o salámat ent?” ²⁸ Áyán passaw dát: “Tai hezmatkár, may pet angat hast o salámat ent.” Áyán Issopay démá pa adab sar jahl kort. ²⁹ Issopá sar chest kort, chammi wati hakkigén brát Benyáminá kaptant. Josti kort: “É shomay hamá kasterén brát ent ke shomá nám geptagat?” Issopá gón Benyáminá gwasht: “Hodá pa taw mehrabán bát, mani chokk!”

³⁰ Gón brátay gendagá Issopá wati del dásht nakort. Zutt zuttá pád átk o pa gréwagá jághéay shóházá but. Gorhá wati jenday kóthiá shot o hamódá gréti. ³¹ Randá chammi shoshtant o dar átk. Deli dásht o gwashti: “Waragán byárét.” ³² Pa Issopá jetá parzónagé* padesh kort o pa áiy brátán jetá. Hamá Mesri ke ódá waragá atant, áyáni parzónag ham jetá at, chéá ke Mesrián gón Ebránián hór waraga nawárt. Áyáni nezzá é sakkén bazzhnákén káré at. ³³ Brát, Issopay démá omray hesábá nádénag butagatant, master masteréná beger tán kaster kasteréná. Awali chokk wati pédaeshi hakkay hesábá o kasterén, wati kasteriay hesábá. Paméshká brát pa hayráni yakdomiá cháragá atant. ³⁴ Wahdé cha Issopay parzónagá áyáni bahrá dayagá atant, Benyáminá cha á degarán panch sari géshter raset. Gón Issopá sharábesh wárt o wasshén wahdé gwázéntesh.

Nograhén pyalah

44 Nun Issopá wati lógay pëshkár chó hokm dát: “Esháni gónián cha waráká porr kanét. Haminchok ke borta kanant, bedayétesh o haryakkéay nograhán áiy góniay dap dapá ér kanét. ² Mani pyálahá, mani nograhén pyálahá kasterénay góniay dap dapá ér kanét o áiy dánáni nograhán ham.” Hamá dhawlá ke Issopá gwasht, pëshkárá hamá dhawl kort.

²⁴ Pëshkárá á Issopay lógá bortant, ápi dátant ke wati pádán beshódant o pa áyáni harán káh o kadimay tayárii ham kort. ²⁵ Tán Issopay áyagá, némróchay wahdá, áyán wati théki tayár kortant, chéá ke eshкотagatesh ke má sobáregá hamedá én.

²⁶ Issop ke lógá átk, áyán wati áwortagén théki dátant o Issopay démá saresh pa adab jahl kort. ²⁷ Issopá áyáni hál jost kort o gwashti: “Shomay pirén pet ke shomá áiy bárawá gón man habar kortagat, chón ent? Angat hast o salámat ent?” ²⁸ Áyán passaw dát: “Tai hezmatkár, may pet angat hast o salámat ent.” Áyán Issopay démá pa adab sar jahl kort. ²⁹ Issopá sar chest kort, chammi wati hakkigén brát Benyáminá kaptant. Josti kort: “É shomay hamá kasterén brát ent ke shomá nám geptagat?” Issopá gón Benyáminá gwasht: “Hodá pa taw mehrabán bát, mani chokk!”

³⁰ Gón brátay gendagá Issopá wati del dásht nakort. Zutt zuttá pád átk o pa gréwagá jághéay shóházá but. Gorhá wati jenday kóthiá shot o hamódá gréti. ³¹ Randá chammi shoshtant o dar átk. Deli dásht o gwashti: “Waragán byárét.” ³² Pa Issopá jetá parzónagé* padesh kort o pa áiy brátán jetá. Hamá Mesri ke ódá waragá atant, áyáni parzónag ham jetá at, chéá ke Mesrián gón Ebránián hór waraga nawárt. Áyáni nezzá é sakkén bazzhnákén káré at. ³³ Brát, Issopay démá omray hesábá nádénag butagatant, master masteréná beger tán kaster kasteréná. Awali chokk wati pédaeshi hakkay hesábá o kasterén, wati kasteriay hesábá. Paméshká brát pa hayráni yakdomiá cháragá atant. ³⁴ Wahdé cha Issopay parzónagá áyáni bahrá dayagá atant, Benyáminá cha á degarán panch sari géshter raset. Gón Issopá sharábesh wárt o wasshén wahdé gwázéntesh.

نُگرهین پیاله

44 Nun Issopá wati lógay pëshkár chó hokm dát: “Esháni gónián cha waráká porr kanét. Haminchok ke borta kanant, bedayétesh o haryakkéay nograhán áiy góniay dap dapá ér kanét. ² Mani pyálahá, mani nograhén pyálahá kasterénay góniay dap dapá ér kanét o áiy dánáni nograhán ham.” Hamá dhawlá ke Issopá gwasht, pëshkárá hamá dhawl kort.

³ Sohb ke but, áesh roksat kortant. Mardán har zortant o ráh geptant. ⁴ Angat cha shahrá dur nashotagatant ke Issopá gón péshkárá gwasht: “Zutt kan o randáesh kap. Wahdé raséttant, begwashesh: ‘Shomá nékiay badalá chéá badi kort?’ ⁵ É hamá pyalah naent ke mani wájah eshiay tahá sharába wárt? O pa pál janagá ham káramarzia kant? É badén káré ke shomá kortag.”

⁶ Wahdé péshkár áyáni kerrá sar but, hamé habari kortant. ⁷ Bale áyán gwasht: “Wájah! Chéá choshén habara kanay? Tai kaster hechbar choshén káré korta nakanant. ⁸ Má wa hamá nograh ke wati góniáni dapá distant, áen ham cha Kanháney molká padá áwortant. Má chón cha tai wájahay lógá nograh o teláha dozzén? ⁹ Wájah! Cha má harkasay kerrá dozziay mál dar átk, áiy sezá mark ent o má é degaráni sezá hamesh ent ke tai goláma bén.” ¹⁰ Péshkárá gwasht: “Sharr ent. Harché ke shomá gwashét, bale harkasay kerrá ke é dar kapt, á mani goláma bit o é dega bémayára bét.”

¹¹ Har yakkéá eshtáp eshtápá wati góni zeminá ér kort o bótk o ¹² péshkár patthagá lagget. Cha masteréná bongéji kort o kasteréná halás. Pyálah cha Benyáminay góniá dar kapt. ¹³ Brátán ke dist, wati godesh dertant. Padá wati báresh harán laddhetant o shahrá per tarretant.

¹⁴ Wahdé Yahudá o áiy brát átkant, Issop angat lógá at. Á Issopay pádán kaptant. ¹⁵ Issopá gón áyán gwasht: “É che káré shomá kortag? Shomá nazánét ke mani paymén mardomé pál jata kant o chizzán dar gétka kant?” ¹⁶ Yahudáyá gwasht: “Mani wájah! Má gón taw ché gwashta kanén? Ché begwashén? Che paymá wati bémayáriá pésh bedárén? Hodáyá tai kasteráni radén kár páshk kortag. Mani wájah! Nun má tai golám én. May jend ham o hamá mardom ham ke pyálah áiy kerrá dar kaptag.” ¹⁷ Bale Issopá gwasht: “Man hechbar choshén káré nakanán. Éwaká hamá mardom mani goláma bit ke pyalah áiy kerrá dar kaptag. Shomá á dega mardom pa salámati wati petay kerrá berawét.”

Yahudáay arz o peryát

¹⁸ Gorhá Yahudá nazzikká átk o gwashti: “Oo mani wájah! Bell tai kaster gón tawe wájahá habaré kant. Wati kasteray sará zahr mager ke taw Perawnay barábar ay. ¹⁹ Mani wájah! Taw cha wati kasterán jost kort: ‘Shomará pet yá brát hast?’ ²⁰ Má passaw dát: ‘Márá pirén peté hast o kasterén braté ke petay piriay róchán pédá butag. Á brátay hakkigén brát mortag o cha wati mátá yakkén chokk ent ke mantag

³ سُهَب كه بوت، آَش رُكست كرتنت. مَرَدان هر زُرْتنت و راه گِپتنت. ⁴ اَنگت چه شهرا دور نَشْتگ اَتنت كه ايسُپا گون پيشكارا گوشت: ”زوت كَن و رندااَش كپ. وهده رسيئنتت، بگوشش: ’شما نيكيئے بدلا چينا بدى كرت؟’ ⁵ اے هما پياله نه اِنْت كه منى واجه اِشيئے تها شراب وارت؟ و په پال جَنگا هم كارمرزى كنت؟ اے بدين كارے كه شما كرتگ.“

⁶ وهده پيشكار آياني كِرا سر بوت، همه هبرى كرتنت. ⁷ بله آيان گوشت: ”واجه! چينا چشين هبر كنئے؟ تئیی كستر هچبر چشين كارے كرت نكننت. ⁸ ما وه هما نگره كه وتی گوينانی دپا ديستنت، اَن هم چه كنهائے مُلكا پدا اورتنت. ما چون چه تئیی واجهئے لُوكا نگره و تلاه دُزين؟ ⁹ واجه! چه ما هر كسئے كِرا دُزيئے مال در اَتك، آيئے سزا مَرَك اِنْت و ما اے دگرانی سزا همس اِنْت كه تئیی گلام بين.“ ¹⁰ پيشكارا گوشت: ”شَر اِنْت. هر چه كه شما گوشيت، بله هر كسئے كِرا كه اے در كپت، آ منی گلام بيت و اے دگه بيئيار بيت.“

¹¹ هر يَكيا اِشتاپ اِشتاپا وتی گونی زمينا اير كرت و بوَتك و ¹² پيشكار پَنگا لگت. چه مسترينا بنگيجی كرت و كستريئا هلاس. پياله چه بنيامينئے گونيا در كپت. ¹³ براتان كه ديست، وتی گُدهش درتنت. پدا وتی بارش هران لَدتنت و شهرا پر ترنتنت.

¹⁴ وهده يهودا و آيئے برات اَتكنت، ايسُپ اَنگت لُوكا اَت. آ ايسُپئے پادان كپتنت. ¹⁵ ايسُپا گون آيان گوشت: ”اے چه كارے شما كرتگ؟ شما نزانيت كه منی پئيمين مردمے پال جت كنت و چيزان در گيتك كنت؟“ ¹⁶ يهودايا گوشت: ”منی واجه! ما گون تئو چه گوشت كنين؟ چه بگوشين؟ چه پئيما وتی بيئياريا پيش بدارين؟ هُدايا تئیی كسترانی ردين كار پاشك كرتگ. منی واجه! نون ما تئیی گلام اين. مئے جند هم و هما مردم هم كه پياله آيئے كِرا در كپتگ.“ ¹⁷ بله ايسُپا گوشت: ”من هچبر چشين كارے نكنان. ايوكا هما مردم منی گلام بيت كه پياله آيئے كِرا در كپتگ. شما آ دگه مردم په سلامتی وتی پتئے كِرا برئويت.“

يَهودائے آرز و پريات

¹⁸ گُرا يهودا نَزِيكا اَتك و گوشتی: ”او منی واجه! بل تئیی كستر گون تئو واجها هبرے كنت. وتی كسترئے سرا زهر مگر كه تئو پرئوتئے برابر ائے. ¹⁹ منی واجه! تئو چه وتی كستران جُست كرت: ’شمارا پت يا برات هست؟‘ ²⁰ ما پَسئو دات: ’مارا پيرين پتے هست و كسترين براتے كه پتئے پيرئے روچان پيدا بوتگ. آ برائئے هَكِيگين برات مُرتگ و چه وتی ماتا يَكين چُك

o pet áia sakk dósta dárit.’²¹ Gorhá taw gón wati kasterán gwasht: ‘Áia mani kerrá byárét ke gón wati jenday chammán begendáni.’²² Má gón tawe wájahá gwasht: ‘Bachakk wati petá yalah dáta nakant. Agan petá yalah bedant, petia merit.’²³ Bale taw gón wati kasterán gwasht: ‘Agan shomá wati brátá mayárét gón, mani démá makapét.’

²⁴Wahdé má mani petay kerrá, bezán tai hezmatkáray kerrá per tarretén, tai habaren gón áia kortant, mani wájah!²⁵ Gorhá may petá gwasht: ‘Padá berawét o pa má kammé ward o warák begerét o byárét.’²⁶ Bale má gwasht: ‘Má padá shota nakanén. Hamá shartá rawén ke may kasterén brát gón má gón bebit. Má tán hamá wahdá á marday démá kapta nakanén ke may kasterén brát gón mabit.’²⁷ Mani petá, bezán tai hezmatkára gón má gwasht: ‘Shomá zánét ke mani lógbánoká pa man do mardénchokk áwort.²⁸ Cha áyán yakkéá maná yalah dát o man gwasht: “Allamá rastaréá wártag.” Cha á wahdá tán annun wati chokkon nadistag.²⁹ Agan é chokká ham cha mana barét o eshiá táwáné berasit, man cha gamána merán o mani pirén saray hón shomay gardená bit.’

³⁰⁻³¹ Agan chokk gón má gón mabit o man wati petay kerrá, bezán tai hezmatkáray kerrá per betarrán o mani pet begendit ke é gón naent, gorhá may pet, tai hezmatkára merit ke sáhi gón hameshiá bastag. O áiy pirén saray hón tai kasteráni gardená bit.³² Petay kerrá tai kasterá é bachakkay salámatiyay zemmah zortag. Man gón petá gwasht: ‘Mani pet! Agan man tai chokk padá pa taw nayáwort, tán zendag án tai gonahkár án.’³³ Gorhá, oo mani wájah! Bell ke é bachakkay badalá tai kaster edá bemánit o tai golámiá bekant o é bachakk gón wati brátán per betarrit.³⁴ Man chón wati petay kerrá bé eshiá shota kanán? Man á róchá magendátán ke petay sará choshén mosibaté byayt.”

Issop watá záhera kant

45 Issopá óshtátágén mardománi démá del dásht nakort o kukkári kort: “Sajjahén mardomán cha mani démá barét.” Wahdé Issopá brát hál dátant ke man Issop án, áiy kerrá dega kass néstat.² Áia anchén borzén tawáréá grét ke Mesrián eshkot o Perawnay lógay mardom ham sahig butant.

انت که منتگ و پت آيا سگ دوست داريت. ²¹ گزا تئو گون وتی کستران گوشت: ‘آيا منی گزا بیاریت که گون وتی جندئ چمان بگندانی.’ ²² ما گون تئو واجها گوشت: ‘بچک وتی پتا یله دات نکنت. اگن پتا یله بدنت، پتی مریت.’ ²³ بله تئو گون وتی کستران گوشت: ‘اگن شما وتی براتا میاریت گون، منی دیما مکپیت.’

²⁴ وهده ما منی پتئے گزا، بزبان تئیی هزمتکارئے گزا پرتتین، تئیی هبرن گون آيا کرتنت، منی واجه! ²⁵ گزا مئے پتا گوشت: ‘پدا برئوتیت و په ما کمے ورد و وراک بگریت و بیاریت.’ ²⁶ بله ما گوشت: ‘ما پدا شت نکنین. هما شرتا رئوین که مئے کسترین برات گون ما گون ببیت. ما تان هما وهدا آ مردئے دیما کپت نکنین که مئے کسترین برات گون ببیت.’ ²⁷ منی پتا، بزبان تئیی هزمتکارا گون ما گوشت: ‘شما زانیت که منی لؤگبانکا په من دو مردین چک آورت.’ ²⁸ چه آیان یکیا منا یله دات و من گوشت: ‘آلما رستریا وارنگ.’ چه آ وهدا تان انون وتی چکن ندیستگ. ²⁹ اگن اے چکا هم چه من بریت و اشیا تاوانه برسیت، من چه گمان مران و منی پیرین سرئے هون شمئے گردنا بیت.’

³⁰⁻³¹ اگن چک گون ما گون ببیت و من وتی پتئے گزا، بزبان تئیی هزمتکارئے گزا پرتن و منی پت بگندیت که اے گون نه انت، گزا مئے پت، تئیی هزمتکار مریت که ساهی گون همشیا بستگ. و آییئے پیرین سرئے هون تئیی کسترانی گردنا بیت. ³² پتئے گزا تئیی کسترا اے بچکئے سلامتیئے زمه زرتگ. من گون پتا گوشت: ‘منی پت! اگن من تئیی چک پدا په تئو نئیاورت، تان زندگ آن تئیی گنهکار آن.’ ³³ گزا، او منی واجه! بل که اے بچکئے بدلا تئیی کستر ادا بمانیت و تئیی گلامیا بکنت و اے بچک گون وتی براتان پرتتیت. ³⁴ من چون وتی پتئے گزا بے اشیا شت کنان؟ من آروچا مگنداتان که پتئے سرا چشین مسیبته بیئت.”

ایسپ و تا زاهر کنت

45 ایسپا اوستاتگین مردمانی دیما دل داشت نکرت و کوگاری کرت: “سجهین مردمان چه منی دیما بریت.” وهده ایسپا برات حال داتنت که من ایسپ آن، آییئے گزا دگه کس نیست ات. ² آيا آنچین بزین تئواریا گریت که مسریان اشکت و پرتئوئے لؤگئے مردم هم سهیگ بوتنت.

³ Issopá gón brátán gwasht: “Man Issop án. Mani pet angat hast o salámat ent?” Brát Issopay démá torsagá atant o hecch passawesh dát nakort. ⁴ Gorhá gón brátán gwashti: “Mani nazzikterá byáét.” Wahdé á nazzikká átkant, Issopá gwasht: “Man shomay brát Issop án. Man hamá mardom án ke shomá bahá kort o sari Mesrá kapt. ⁵ Bale nun paréshán mabét o watá mayárig makanét ke shomá chéá maná edá bahá kort. Hodáyá pa sáháni rakkénagá maná cha shomá pésar edá ráh dát. ⁶ Do sál ent ke molká dhokkál ent. Áyókén panch sálá ham hecch dhagáre na nangár kanag o keshaga bit o na ronag o moshag, ⁷ bale Hodáyá cha shomá pésar maná edá ráh dát ke shomará zendag bedárit o sarjamiá berakkénit ke shomay nasl cha zeminá gár mabit. ⁸ Paméshká mani edá ráh dayók shomá naatét, Hodá at. Hodáyá maná pa Perawná peté, pa áiy sajjahén lógá masteré o pa sarjamén Mesray molká hákemé kort.

⁹ Nun zutt kanét o mani petay kerrá berawét. Gón áiyá begwashét: “Tai chokk Issopa gwasht: “Hodáyá maná sajjahén Mesray wájah kortag. Mahtal mabay o mani kerrá byá. ¹⁰ Gón wati chokk o nomásag o ramag o górom o wati sajjahén mál o hastiá, Góshenay damagá jahmenend bay ke gón man nazzikk bebay. ¹¹ Man tai har chizzay zemmah zortag ke é dhokkál tán panch sálá angata mánit. Chó mabit ke taw wár o bazzag bebay, tai jend o tai hándán o tai sajjahén mardom janjál bebant.” ¹² Shomá wat gendagá ét o mani brát Benyámin ham gendagá ent ke é mani jend ent ke gón shomá habará ent. ¹³ É mazani o sharap ke maná edá Mesrá rasetag o hamá sajjahén chizz ke shomá distagant, berawét o mani petá hál bedayét o áiyá jendá zutt byáret.” ¹⁴ Gorhá Issopá wati brát Benyámin goláesh kort o gréti. Benyáminá ham Issop goláesh kort o gréti. ¹⁵ Issopá wati sajjahén brát ambáz kort o chokketant o gréti. Nun áiyá brát gón áiyá habará laggetant.

¹⁶ Wahdé Perawnay lógá é hál raset ke Issopay brát átkagant, Perawn o áiyá hezmatkár gal butant. ¹⁷ Perawná gón Issopá gwasht: “Wati brátán begwash: ‘Chó kanét ke bárán wati ólákán beladdhét o Kanháney molká berawét o ¹⁸ wati petá bezurét o laddho lógmani kerrá byáét. Man Mesray sharterén zeminá shomará dayán o shomá zeminay sharterén bar o samarána warét.’ ¹⁹ Pa taw hokmesh ent ke wati brátán begwash: ‘Chó kanét ke pa wat cha Mesrá aspgárhi bezurét gón, pa wati jan o chokkán. Wati petá bezurét o byáét. ²⁰ Agan shomay chizzé pasht kapt, paréshán mabét, chéá ke sajjahén Mesray sharterén zemin shomayga bit.”

³ ایسپا گون براتان گوشت: “من ایسپ آن. منی پت انگت هست و سلامت انت؟” برات ایسپے دیما ترسگا انت و هچ پستوش دات نکرت. ⁴ گوا گون براتان گوشتی: “منی نزیکترا بیایت.” وهدے آنزیکا آتکنت، ایسپا گوشت: “من شمے برات ایسپ آن. من هما مردم آن که شما بها کرت و سری مسرا کپت. ⁵ بله نون پریشان مبیٹ و وتا مئیاریگ مکنیت که شما چیا منا ادا بها کرت. هدايا په ساهانی رکنینگا منا چه شما پیسر ادا راه دات. ⁶ دو سال انت که ملکا دگال انت. آیوکین پنچ سالاهم هچ دگارے نه ننگار کنگ و کشگ بیت و نه رتگ و مشگ، ⁷ بله هدايا چه شما پیسر منا ادا راه دات که شمارا زندگ بداریت و سرجمیا برکنیت که شمے نسل چه زمینا گار مبیٹ. ⁸ پمیشکا منی ادا راه دئیوک شما نه آتیت، هدا ات. هدايا منا په پرتونا پتے، په اییے سجھین لوگا مسترے و په سرجمین مسرے ملکا هاکمه کرت.

⁹ نون زوت کنیت و منی پتے کرا برتویت. گون اییا بگوشت: ‘تئی چک ایسپ گوشت: “هدایا منا سجھین مسرے واجه کرتگ. مهتل مبیٹ و منی کرا بیا. ¹⁰ گون وتی چک و نماسگ و رمگ و گورم و وتی سجھین مال و هستیا، گوشتے دمگا جهمند بیے که گون من نزیک بیے. ¹¹ من تئی هر چیزے زمه زرتگ که اے دگال تان پنچ ساله انگت مانیت. چو مبیٹ که تئو وار و بزگ بیے، تئی جند و تئی هاندان و تئی سجھین مردم جنجال ببت. ¹² شما وت گندگا ایت و منی برات بنیامین هم گندگا انت که اے منی جند انت که گون شما هبرا انت. ¹³ اے مزنی و شرپ که منا ادا مسرا رستگ و هما سجھین چیز که شما دیستگ انت، برتویت و منی پتا هال بدییت و اییے جندا زوت بیاریت. ¹⁴ “گوا ایسپا وتی برات بنیامین گلایش کرت و گرتی. بنیامینا هم ایسپ گلایش کرت و گرتی. ¹⁵ ایسپا وتی سجھین برات امبار کرت و چکنتت و گرتی. نون اییے برات گون اییا هبرا لگنت.

¹⁶ وهدے پرتونے لوگا اے هال رست که ایسپے برات آتکگ انت، پرتون و اییے هزمتکار گل بوتنت. ¹⁷ پرتونا گون ایسپا گوشت: “وتی براتان بگوش: ‘چو کنیت که باران وتی اولاکان بلدیت و کنهائے ملکا برتویت و ¹⁸ وتی پتا بزوریت و لد و لوگ منی کرا بیایت. من مسرے شرترین زمینا شمارا دئیان و شما زمینے شرترین بر و سمران وریت. ¹⁹ په تئو هکم اش انت که وتی براتان بگوش: ‘چو کنیت که په وت چه مسرا اسپگاڑی بزوریت گون، په وتی جن و چکان. وتی پتا بزوریت و بیایت. ²⁰ اگن شمے چیزے پشت کپت، پریشان مبیٹ، چیا که سجھین مسرے شرترین زمین شمینگ بیت.”

²¹ Gorhá Esráilay chokkán anchosh kort. Hamá paymá ke Perawná hokm dátogat, Issopá wati brátáná aspgárhí o tóshag dát. ²² Áiá har yakkéará jórhié god dát, bale Benyáminá say sad nograh o panch jórhi godi dát. ²³ Pa wati petá é chizzi ráh dátant: dah lág ke cha Mesray sharterén chizzán laddhag butagat o dah mádyán ke pa petay sapará dán o warák o tóshag laddhag butagat. ²⁴ Padá wati bráti rahádag kortant. Brát ke dar kapagá atant, gón áyán gwashti: “Ráhá arh o korh makanét.”

²⁵ Gorhá á cha Mesrá dar átk o wati pet Ákubay kerrá Kanháney molká átkant. ²⁶ Gón wati petá gwashtesh: “Issop angat zendag ent. Eshíá bell, sajjahén Mesray hákem ent.” Ákub hoshk o hayrán but. Áyáni sará báwari nabut. ²⁷ Bale wahdé áyán Issopay gwashtagén habar gón petá kortant o Ákubá hamá aspgárhí distant ke Issopá pa áiyá áragá ráh dátogatant, arwáhi tázag but. ²⁸ Esráilá gwasht: “Bass, nun maná báwar ent. Mani chokk Issop angat zendag ent. Cha ed o pésar ke bemerán, rawán ke Issopá begendán.”

Ákuba laddhit o Mesrá rawt

46 Esráil gón wati sajjahén mál o hastiá ráh gept. Wahdé Bérshébahá átk o raset, pa wati pet Esákay Hodáyá korbánigi nadr kortant. ² Hodáyá shapay elháméay tahá gón Esráilá habar kort. Gwashti: “Ákub! Oo Ákub!” Áiá passaw dát: “Ji!” ³ Hodáyá gwasht: “Man Hodá án, tai petay Hodá. Mesray rawagá mators ke man ódá cha taw mazanén kawmé addha kanán. ⁴ Man wat gón taw Mesrá káyán o allam tará padá kárán. O Issopay jend tará dast o chamma kant*.”

⁵ Gorhá Ákub cha Bérshébahá dar kapt. Esráilay chokkán wati pet Ákub o kasánén chokk o wati janén hamá aspgárhíán nádéntant ke Perawná pa Ákubay áragá ráh dátogatant. ⁶ Ákubá wati ramag o górom o hamá mál o maddhi ke Kanhána mocch kortagatant, zortant o gón wati sajjahén óbádagán Mesrá shot. ⁷ Ákubá wati bacch o jenekk o nomásag, bezán wati sajjahén óbádag Mesrá bortant gón.

⁸ Esráil, bezán Ákub ke gón wati óbádagán Mesrá shot, áiyá mardénchokkání nám esh ant: Ruben, Ákubay awali chokk at.

²¹ گڑا اسرائیلے چُگان اُنچش کرت. ہما پیما کہ پڑونا ہکم داتگات، ایسپا وتی براتانا اسپگاڑی و توشگ دات. ²² آیا ہر یکینارا جوڑیے گد دات، بلہ بنیامینا سٹے سد نگرہ و پنچ جوڑی گدی دات. ²³ پہ وتی پتا اے چیڑی راہ دانت: دہ لاگ کہ چہ مسرے شرتین چیزان لڈگ بوتگات و دہ مادیان کہ پہ پتے سپرا دان و وراک و توشگ لڈگ بوتگات. ²⁴ پدا وتی براتی رھاگ کرتنت. برات کہ در کپگا اتنت، گون آیان گوشتی: ”راھا اڑ و کڑ مکنیت.“

²⁵ گڑا آ چہ مسرا در آتک و وتی پت اکوبے کرا کنھائے ملکا اتکنت. ²⁶ گون وتی پتا گوشتش: ”ایسپ انگت زندگ انت. ایشیا بل، سچھین مسرے ہاکم انت.“ آکوب ہشک و ہئیران بوت. آیانی سرا باوری نبوت. ²⁷ بلہ وھدے آیان ایسپے گوشتگین ہبر گون پتا کرتنت و آکوبا ہما اسپگاڑی دیستنت کہ ایسپا پہ آییے آرگا راہ داتگاتنت، ارواہی تازگ بوت. ²⁸ اسرائیلا گوشت: ”بس، نون منا باور انت. منی چُک ایسپا انگت زندگ انت. چہ اد و پیسر کہ بمران، رنوان کہ ایسپا بگندان.“

آکوب لڈیت و مسرا رتوت

46 اسرائیل گون وتی سچھین مال و ہستیا راہ گپت. وھدے بیرشینیہا آتک و رست، پہ وتی پت اساکے ہدایا کربانیگی ندر کرتنت. ² ہدایا شپے الھامیے تھا گون اسرائیلا ہبر کرت. گوشتی: ”آکوب! او آکوب!“ آیا پسٹو دات: ”جی!“ ³ ہدایا گوشت: ”من ہدا آن، تئی پتے ہدا. مسرے رٹوگا مٹرس کہ من اودا چہ تئو مزینن کٹومے اڈ کنان. ⁴ من وت گون تئو مسرا کایان و آلم ترا پدا کاران. و ایسپے جند ترا دست و چم کنت*.“

⁵ گڑا آکوب چہ بیرشینیہا در کپت. اسرائیلے چُگان وتی پت آکوب و کسانین چُک و وتی جنین ہما اسپگاڑیان نادینتنت کہ پڑونا پہ آکوبے آرگا راہ داتگاتنت. ⁶ آکوبا وتی رمگ و گورم و ہما مال و مدی کہ کنھانا مچُ کرتگاتنت، زرتنت و گون وتی سچھین اوبادگان مسرا شت. ⁷ آکوبا وتی بچ و جنگ و ناماسگ، بزبان وتی سچھین اوبادگ مسرا برتنت گون.

⁸ اسرائیل، بزبان آکوب کہ گون وتی اوبادگان مسرا شت، آییے مردین چُگانی نام اش انت: روپن، آکوبے اتولی چُک ات.

⁹ Rubenay mardénchokk Hanuk o Pallu o Hesrun o Karmi atant.

¹⁰ Shamunay mardénchokk Yamuél o Yámin o Uhad o Yákin o Sóhar o Shául atant. Sháulay mát Kanhánié at.

¹¹ Láwiay mardénchokk Gershón o Kohát o Merári atant.

¹² Yahudáay mardénchokk Ér o Ónán o Shélá o Páres o Zarah atant. Bale Ér o Ónán Kanhána mortagatant. Páresay mardénchokk Hesrun o Hámul atant.

¹³ Issákáray mardénchokk Tulá o Puá o Yáshub o Shemrun atant.

¹⁴ Zebulunay mardénchokk Sere o Ilun o Yahlél atant.

¹⁵ Ákub o Lyáhay mardénchokk hamesh atant ke Paddán-Arámay molká pédá butagatant. Ákub o Lyáhay jenekk Dinah ham hamódá pédá butagat. Ákubay é bacch o jenekk sarjamiá si o say atant.

¹⁶ Jáday mardénchokk Sepyun o Haggi o Shuni o Esbun o Eri o Aródi o Aréli atant.

¹⁷ Ásheray mardénchokk Yamná o Yashwá o Yashwi o Beryá atant o esháni gohár Serah at. Beryáay mardénchokk Heber o Malkiél atant.

¹⁸ Ákub o Zelpahay mardénchokk hamesh atant ke sarjamiá shánzdah atant. Zelpah hamá móled at ke Lábáná wati jenekk Lyáhára dátagat.

¹⁹ Ákub o áiy jan Ráhilay mardénchokk Issop o Benyámin atant.

²⁰ Issopay chokk Manasi o Epráem Mesray molká cha Asenátá pédá butant. Asenát Putipéráay jenekk at o Putipérá Unay shahray dini péshwá at.

²¹ Benyáminay mardénchokk Bélé o Báker o Ashbil o Girá o Nahmán o Éhi o Rosh o Moppim o Hoppim o Ard atant.

²² Ákub o Ráhilay mardénchokk sarjamiá chárdah atant.

²³ Dánay mardénchokk Hushim at.

²⁴ Naptáliay mardénchokk Yahsayl o Gani o Yáser o Shillem atant.

²⁵ Ákub o Bellahay chokk hamesh atant. É sarjamiá hapt atant. Bellah hamá móled at ke Lábáná wati jenekk Ráhilára dátagat.

²⁶ É sajjahén mardom ke gón Ákubá Mesrá shotant o áiy jenday óbádag atant, abéd cha áiy nesharán shast o shash atant.

⁹ روبنئے مردین چُکْ هَنوک و پَلو و هِسرُون و کَرْمی اَتنت.

¹⁰ شَمونئے مردین چُکْ یَمویل و یامین و اوهد و یاکین و سوهر و شاوول اَتنت. شاوولئے مات کنهانیے اَت.

¹¹ لاویئے مردین چُکْ گِرشون و کُھات و مراری اَتنت.

¹² یهودائے مردین چُکْ ایر و اُونان و شیتلا و پارس و زاره اَتنت. بله ایر و اُونان کنهانا مُرتگ اَتنت. پارسئے مردین چُکْ هِسرُون و هامول اَتنت.

¹³ ایساکارئے مردین چُکْ تولا و پووا و یاشوب و شمرون اَتنت.

¹⁴ زبولونئے مردین چُکْ سِرِد و ایلون و یهلیل اَتنت.

¹⁵ آکوب و لیاہئے مردین چُکْ ہمیش اَتنت کہ پَدان آرامئے مُلکا پیدا بوتگ اَتنت. آکوب و لیاہئے جنک دینہ ہم همودا پیدا بوتگ اَت. آکوبئے اے بچ و جنک سرجمیا سی و سئے اَتنت. ¹⁶ جادئے مردین چُکْ سپیون و هگی و شونی و اسبون و اری و اَرودی و اریلی اَتنت.

¹⁷ اَشِرئے مردین چُکْ یَمنا و یَشوا و یَشوی و بریا اَتنت و اِشانی گهار سِرہ اَت. بریائے مردین چُکْ هِبَر و مَلکییل اَتنت.

¹⁸ آکوب و زَلپہئے مردین چُکْ ہمیش اَتنت کہ سرجمیا شانزدہ اَتنت. زَلپہ ہما مؤلد اَت کہ لا بانا وتی جنک لیاہارا داتگ اَت.

¹⁹ آکوب و آبیئے جَن راہیلئے مردین چُکْ ایسپ و بنیامین اَتنت.

²⁰ ایسپئے چُکْ مَنسی و ایرایم مِسرئے مُلکا چہ اَسناتا پیدا بوتنت. اَسنات پوتیپیرائے جنک اَت و پوتیپیرا اونئے شہرئے دینی پیشوا اَت.

²¹ بنیامینئے مردین چُکْ بیلا و باکر و اشبیل و گیرا و نہمان و ایہی و رُش و مپیم و هپیم و اَرَد اَتنت.

²² آکوب و راہیلئے مردین چُکْ سرجمیا چارہ اَتنت.

²³ دانئے مردین چُکْ ہوشیم اَت.

²⁴ نپتالیئے مردین چُکْ یہسئیل و گنی و یاسر و شیلیم اَتنت.

²⁵ آکوب و بلہئے چُکْ ہمیش اَتنت. اے سرجمیا ہپت اَتنت. بلہ ہما مؤلد اَت کہ لا بانا وتی جنک راہیلارا داتگ اَت.

²⁶ اے سَجھین مردم کہ گزن آکوبا مسرا شتنت و آبیئے جندئے اؤبادگ اَتنت، ابید چہ آبیئے نِشاران شست و شش اَتنت.

²⁷ Issopay mardénchokk ke Mesrá pédá butagatant, do atant. Ákub ke Mesrá átkagat, áiy hándán sarjamiá haptád mardom at.

Ákub o Issopay gend o gedár

²⁸ Ákubá cha wat o pésar Yahudá Issopay kerrá ráh dát ke Góshenay ráhá jost bekant. Gorhá Ákub gón wati mardomán Góshenay damagá sar but. ²⁹ Issopá wati arrábah tayár kanáént o Góshená, wati pet Esráilay chárágá shot. Anchó ke Issop petay kerrá sar but, peti goláésh kort o tán dérá gréti. ³⁰ Esráilá gón Issopá gwasht: “Nun man pa meragá tayár án, chéá ke gón wati jenday chammán diston ke taw zendag ay.”

³¹ Issopá gón wati brátán o gón wati petay lógay mardomán gwasht: “Mana rawán o Perawná hála dayán. Gwasháni ke mani brát o mani petay lógay mardom ke Kanhánay molká nendók butagant, nun mani kerrá átkagant. ³² Shepánk o máldár* ant. Wati ramag o górom o sajjahén mál o hastiesh áwortag gón. ³³ O padá Perawn ke shomárá lótháénit o cha shomá josta kant ke ‘shomay kár o rózgár ché ent?’ ³⁴ shomá begwashét ke ‘tai kaster cha kasániá shepánk o máldár butagant, wati pet o pirokáni paymá.’ Gorhá shomárá é ejázata rasit ke Góshenay damagá jahmenend bebét ke Mesriáni nezzá sajjahén shepánk bazznákén mardom ant.”

Ákub Perawnay darbára

47 Issop shot o gón Perawná gwashti: “Mani pet obrát gón wati ramag o górom o sajjahén mál o hastiá cha Kanhánay molká átkagant o nun Góshenay damagá ant.” ² Issopá panch brát zort o Perawnay démá pésh kort. ³ Perawná cha áiy brátán jost kort: “Shomay kár o rózgár ché ent?” Áyán passaw dát: “Tai kaster shepánk ant, wati pet o pirokáni paymá.” ⁴ Áyán gón Perawná chosh ham gwasht: “Má átkagén ke chizzé wahdá hamedá benendén, chéá ke Kanháná sakkén mazanén dhokkálé kaptag o pa tai kasteráni ramagán kahchar o charágáh nést. May dazbandi ent, wati kasterán razá beday ke Góshená jahmenend bebant.” ⁵ Perawná gón Issopá gwasht: “Nun ke tai pet o brát tai kerrá átkagant, ⁶ Mesray sardhagár tai démá ent. Wati pet o brátán molkay shartherén jágahá nádén. Belli Góshenay damagá nendant. Agan áyáni

46:32 Edá máldár bezán hamá mardom ke ramag o góromesh hast.

²⁷ ایسپے مردین چُک کہ مسرا پیدا بوتگ آنت، دو آنت. آکوب کہ مسرا آتکگ آت، اییے هاندان سرجمیا هپتاد مردم آت.

آکوب و ایسپے گند و گدار

²⁸ آکوبا چه وت و پیسر یهودا ایسپے کرا راه دات که گوشنئے راها جست بکنت. گڑا آکوب گون وتی مردمان گوشنئے دمگا سر بوت. ²⁹ ایسپا وتی آرابه تئیار کنایت و گوشنا، وتی پت اسرائیلے چارگا شت. آنچو که ایسپ پتے کرا سر بوت، پتی گلایش کرت و تان دیرا گرتی. ³⁰ اسرائیلا گون ایسپا گوشت: “نون من په مرگا تئیار آن، چیا که گون وتی جندئے چمان دیستن که تئو زندگ آئے.”

³¹ ایسپا گون وتی براتان و گون وتی پتے لوگئے مردمان گوشت: “من رئون و پرونه هال دئیان. گوشانی که منی برات و منی پتے لوگئے مردم که کنهائے ملکا نندوک بوتگ آنت، نون منی کرا آتکگ آنت. ³² شپانک و مالدار* آنت. وتی رمگ و گورم و سجهین مال و هستی اش آورتگ گون. ³³ و پدا پرون که شمارا لوئانیت و چه شما جست کنت که شمے کار و روزگار چه انت؟” ³⁴ شما بگوشیت که تئی کستر چه کسانیا شپانک و مالدار بوتگ آنت، وتی پت و پیرکانی پیما. گڑا شمارا اے اجازت رسیت که گوشنئے دمگا جهمنند بیت که مسریانی نزا سجهین شپانک بزناکین مردم آنت.”

آکوب پرونئے دربارا

47 ایسپ شت و گون پرونه گوشتی: “منی پت و برات گون وتی رمگ و گورم و سجهین مال و هستیا چه کنهائے ملکا آتکگ آنت و نون گوشنئے دمگا آنت.” ² ایسپا پنج برات زرت و پرونئے دیما پیش کرت. ³ پرونه چه اییے براتان جست کرت: “شمے کار و روزگار چه انت؟” آیان پسو دات: “تئی کستر شپانک آنت، وتی پت و پیرکانی پیما.” ⁴ آیان گون پرونه چش هم گوشت: “ما آتکگین که چیڑے وهدا همدا بنندین، چیا که کنهانا سکین مزین دگالے کپتگ و په تئی کسترانی رمگان کهچر و چراگاه نیست. مے دز بندی انت، وتی کستران رزا بدئے که گوشنا جهمنند بنت.” ⁵ پرونه گون ایسپا گوشت: “نون که تئی پت و برات تئی کرا آتکگ آنت، ⁶ مسرے سرڈگار تئی دیما انت. وتی پت و براتان ملکے شرتین جاگها نادین.

32:46 ادا مالدار بزبان هما مردم که رمگ و گورمش هست.

tahá budi o zrengén mardoma genday, mani mál o dalwatán hamáyáni dastá beday.”

⁷ Gorhá Issopá wati pet Ákub Perawney kerrá áwort o pajjárént o Ákubá Perawn barkat dát. ⁸ Perawná cha Ákubá jost kort: “Tará chont sál ent?” ⁹ Ákubá passaw dát: “Mani zenday mosáperiá sad o si sál ent. Mani omr mazan naent o mani sál pa sakki o sóri gwastagant. Cha mani pet o pirokání mosáperiay sálán kamter ant.” ¹⁰ Gorhá Ákubá Perawn barkat dát o cha Perawney kerrá dar átk o shot. ¹¹ Hamá paymá ke Perawná hokm dátagat, Issopá wati pet o brát Mesrá nádéntant o Mesray sharterén jágahá bezán Ramesésay damagá melkati dátant. ¹² Issopá wati pet o brát o petay lógay sajjahén mardom láp dátant o haminchok chokkesh ke hastat haminchoki dátant.

Issop o Mesray dhokkál

¹³ Nun á sajjahén damagá pa waragá hecch néstat, chéa ke sakkén gránén dhokkálé kaptagat. Mesr o Kanhán doén, dhokkálá tabáh kortagatant. ¹⁴ Mardomán nograha dát o dán bahá gept. Issopá Mesr o Kanhánay sajjahén nograh moccha kort o Perawney kalátá áwortant. ¹⁵ Wahdé Mesro Kanhánay dráhén nograh halás butant, Mesray sajjahén mardom Issopay kerrá átkant o gwashtesh: “May nograh halás ant. Mára warák beday. Má tai chammáni déma bemerén?” ¹⁶ Issopá gón áyán gwasht: “Gorhá wati mál o dalwatán byárét. Shomay nograh ke halás butagant, shomay dalwatána zurán o badalá shomará waráka dayán.” ¹⁷ Gorhá áyán wati mál o dalwat Issopay kerrá áwortant o Issopá áyáni asp o pas o gók o haráni badalá áyáná waráka dát. Á sálá, Issopá áyáni sajjahén mál o dalwat zortant o badalá áyáná warák dát.

¹⁸ Sál ke gwast, mardom domi sálá padá Issopay kerrá átkant o gwashtesh: “Má é gappá cha wati wájahá chér dáta nakanén ke may nograh ham halás ant o may mál o dalwat ham may wájahay butant. Nun may kerrá may jesm o ján o dhagárán abéd dega hecch pasht nakaptag ke tawe wájahay hezmatá pésh bekanén. ¹⁹ Má gón wati dhagárán tai chammáni déma gár o gomsár bebén? May jend o may dhagárán warákay badalá bezur. Má gón dhagárán Perawney goláma bén. Mára dán beday ke zendag bemánén o mamerén o may dhagár ham wayrán mabant.” ²⁰ Gorhá Issopá sajjahén Mesray dhagár pa Perawná bahá zortant. Mesray sajjahén mardomán wati dhagár bahá kortant, chéa ke

بلی گوشتی دَمگا نندنت. اگن آیانی تها بودی و زرنگین مردم گندئی، منی مال و دلوتان همایانی دستا بدئی.”

⁷ گڑا ایسپا وتی پت آکوب پرتونئی کڑا آورت و پجارینت و آکوبا پرتون برکت دات. ⁸ پرتونا چه آکوبا جُست کرت: “ترا چُنت سال انت؟” ⁹ آکوبا پسئو دات: “منی زندئی مُسپریا سَد و سی سال انت. منی امر مزن نه انت و منی سال په سکی و سوری گوستگ انت. چه منی پت و پیرکانی مُسپریئی سالان کمتر انت.” ¹⁰ گڑا آکوبا پرتون برکت دات و چه پرتونئی کڑا در آتک و شت. ¹¹ هما پیما که پرتونا هُکم داتگ ات، ایسپا وتی پت و برات مسرا نادینتنت و مسرئی شرتین جاگها بزبان رمسیئی دَمگا ملکتی دانتت. ¹² ایسپا وتی پت و برات و پتئی لُگئی سَجھین مردم لاپ دانتت، و همینچک چُکش که هست ات، همینچکی دانتت.

ایسپ و مسرئی دُگال

¹³ نون آ سَجھین دَمگا په ورگا هچ نیست ات، چیا که سکین گرانین دُگالے کپتگ ات. مسر و کنهان دوین، دُگالا تباہ کرتگ انتت. ¹⁴ مردمان نگره دات و دان بها گپت. ایسپا مسر و کنهانئی سَجھین نگره مُچ کرت و پرتونئی کلاتا آورتنت. ¹⁵ وهدے مسر و کنهانئی دراهین نگره هلاس بوتنت، مسرئی سَجھین مردم ایسپئی کڑا آتکت و گوشتش: “مئی نگره هلاس انت. مارا وراک بدئی. ما تئی چمانی دیما بمرین؟” ¹⁶ ایسپا گون آیان گوشت: “گڑا وتی مال و دلوتان بیاریت. شمتئی نگره که هلاس بوتگ انت، شمتئی دلوتان زوران و بدلا شمارا وراک دئیان.” ¹⁷ گڑا آیان وتی مال و دلوت ایسپئی کڑا آورتنت و ایسپا آیانی اسپ و پس و گوک و هرانی بدلا آیانا وراک دات. آسالا، ایسپا آیانی سَجھین مال و دلوت زرتنت و بدلا آیانا وراک دات.

¹⁸ سال که گوست، مردم دومی سالا پدا ایسپئی کڑا آتکت و گوشتش: “ما اے گپا چه وتی واجها چیر دات نکین که مئی نگره هم هلاس انت و مئی مال و دلوت هم مئی واجهئی بوتنت. نون مئی کڑا مئی جسم و جان و دُگاران ابید دگه هچ پشست نکپتگ که تتو واجهئی هزمتا پیش بکین. ¹⁹ ما گون وتی دُگاران تئی چمانی دیما گار و گمسار بین؟ مئی جند و مئی دُگاران وراکئی بدلا بزور. ما گون دُگاران پرتونئی گلام بین. مارا دان بدئی که زندگ بمانین و میرین و مئی دُگار هم وئیران مبنت.” ²⁰ گڑا ایسپا سَجھین مسرئی دُگار په پرتونا بها زرتنت. مسرئی سَجھین مردمان وتی دُگار بها کرتنت، چیا که

sakkén gránén dhokkáléa geptagatant. Perawn áyáni dhagáráni wáhond but. ²¹ Mesray é kondhá beger tán á kondhá Issopá mardom laddhént o shahráni tahá jahmenend kortant. ²² Albat, dini péshwáyáni dhagári bahá nazortant. Cha Perawnay némagá áyán komakka raset o é komakk pa áyáni ward o waráká bass at. Paméshká wati dhagáresh bahá nakortant.

²³ Issopá gón mardomán gwasht: “Nun ke man maróchi shomay jend o shomay dhagár pa Perawná bahá zortagant, tohm esh ant, zeminá bekeshét. ²⁴ Wahdé rón o móshay mósona kayt, dhagáray bar o samaray pancheká Perawná bedayét. Chár bahr wati kerrá bedárét ke shomará pa keshagá tohm o pa wati jend o wati lógay mardom o chokkán warák bebit.” ²⁵ Mardomán gón áia gwasht: “Taw may zend rakként. Wájahay nezar pa má nék bát. Má Perawnay goláma bén.” ²⁶ Gorhá Issopá pa Mesray molká é kánun jórh kort ke tán róche maróchigá hastent ke dhagáráni bar o samaray panchek Perawnayg ent. Perawn éwaká dini péshwáyáni zemináni wáhond nabut o bass.

Ákubay goddhi wáhag

²⁷ Nun Esráili Mesray molká, Góshenay damagá jahmenend butant. Ódá áyán dhagár raset, bázén chokk o baré kortesh o sakk báz butant. ²⁸ Ákubá Mesrá habdah sál gwázént o tán yakk sad o chell o hapt sálay omrá zendag at.

²⁹ Wahdé Esráilay markay wahd nazzikk but, wati chokk Issopi lótháént o gwashti: “Mani sará mehrabánié bekan. Wati dastá mani zánay chérá ér kan o kawl beday* ke gón man mehr o wapá kanay o maná Mesrá kabra nakanay. ³⁰ Wahdé man sar ér kort o wati pet o pirokání kerrá shotán, maná cha Mesrá bar o hamáyáni kerrá kabr kan.” Issopá gwasht: “Sharr ent. Anchosha kanán.” ³¹ Ákubá gwasht: “Sawgend bwar.” Issopá gón áia sawgend wárt. Esráilá nepáday saruná pa adab sar jahll kort.

Manasi o Epráém

48 Kammé wahdá rand Issopá hál raset ke tai pet nádráh ent. Gorhá áia wati doén mardénchokk Manasi o Epráém zortant o shot. ² Wahdé Ákubesh hál dát ke tai chokk Issop tai chárágá átkag, Esráilá wati wák o twán yakjáh kort o

skéin granéin dūgālīa gētgānt. pēron āyāni dūgarāni wāhnd bot. ²¹ mēsrē aē kūndā bgr tān ā kūndā isūpa mrdm lādīnt w shēhāni tēhā ghēmnd krntnt. ²² ālb, dīni pīshōyāni dūgāri bēhā nzrtnt. chē pēronē nīmga āyān kmmk rēst w aē kmmk pē āyāni wrd w wārkā bēst āt. pēmīshkā wti dūgarīsh bēhā nkrntnt.

²³ isūpa gōn mrdmān gōsh: “nōn kē mē mrochī shmē jnd w shmē dūgar pē pēronā bēhā zrtgānt, tēm īsh ānt, zēmīnā bēkshīt. ²⁴ wēdē rōn w mōshē mōsēm kshīt, dūgarē br w smē pēchkā pēronā bēdīnt. chār bēh wti krā bdrāit kē shmarā pē kshgā tēm w pē wti jnd w wti lōgē mrdm w chōkān wārkā bēit.” ²⁵ mrdmān gōn āyā gōsh: “tō mē znd rēkīnt. wāghē nēz pē mā nīk bāt. mā pēronē glām bēn.” ²⁶ gōā isūpa pē mēsrē mlkā aē kānōn jōz krē kē tān rōch mrochīgā hēstānt kē dūgarāni br w smē pēchkā pēronīgānt. pēron āyōkā dīni pīshōyāni zēmīnāni wāhnd nōt w bēst.

Ākubē gūdi wāhg

²⁷ nōn isrāilī mēsrē mlkā, gōshēntē dēmgā ghēmnd botnt. āwā āyān dūgar rēst, bāzīn chōk w brē krēsh w sk bāz botnt. ²⁸ ākubā mēsrā hēdē sāl gōzīnt w tān yk sēd w chl w hēpt sālē āmrā zndg āt.

²⁹ wēdē isrāilī mēsrē wēd nēzīk bot, wti chōk isūpī lōthānt w gōshī: “mē sra mēhānīē bēn. wti dastā mē zāntē chēā āir kē w kōl bē* kē gōn mē mēh w wā kntē w mā mēsrā kēbr nēntē. ³⁰ wēdē mē sr āir krē w wti pē w pērkāni krāshān, mā chē mēsrā br w hēmāyāni krā kēbr kēn.” isūpa gōsh: “shēr ānt. ānchōsh kēnān.” ³¹ ākubā gōsh: “sōgnd bōr.” isūpa gōn āyā sōgnd wārt. isrāilā nēpādē sēronā pē ādē sr ghēl krē.

mnēsi w āpāim

48 kmmē wēdā rnd isūpa hāl rēst kē tēyī pē nādārah ānt. gōā āyā wti dōīn mrdīn chōk mnēsi w āpāim nzrtnt w sh. ² wēdē ākubēsh hāl dāt kē tēyī chōk isūp tēyī chārgā ātkg, isrāilā wti wāk w tān ykchāh krē w

nepáday sará nesht. ³ Gón Issopá gwashti: “Porwákén Hodá Kanhánay molká, Luzay shahrá mani démá záher but. Maná barkati dát o ⁴ gón man gwashti: ‘Man tará porsamara kanán o tai nasl o padréchá sakk báza kanán. Man tará kawmáni rombé jórha kanán o é sardhagará cha taw o rand tai nasl o padréchárá dayán ke tán abad hamáyáni melkat bebit.’ ⁵ Nun tai é doén mardénchokk maniga bant, hamé chokk ke cha mani edá, tai kerrá áyagá pésar Mesray molká pédá butagant. Epráém o Manasi maniga bant, anchó ke Ruben o Shamun manig ant. ⁶ Tai cha eshán o randteri chokk taiga bant, bale wati brát Epráém o Manasiay námay sará pajjááh áraga bant o hamé brátáni námay sará mirásesha rasi. ⁷ Wahdé man cha Paddáná per tarragá atán o Eprátay rasagá angat kammé ráh pasht kaptagat, ráhá, Kanhánay molká Ráhilay markay sók mani sará kapt. Man Ráhil hamódá Eprátay ráhá kabr kort.” Eprát Bayt-Lahem ent.

⁸ Wahdé Esráilá Issopay chokk distant, josti kort: “É kay ant?” ⁹ Issopá gwasht: “É mani chokk ant, Hodáyá hamedá maná dátagant.” Esráilá gwasht: “Mani kerrá byáresh ke barkatesh bedayán.”

¹⁰ Esráilay chamm cha piriá nezór atant o sharr maymia nakort. Paméshká Issopá wati chokk áiy nazzikká bortant o Ákubá, Epráém o Manasi chokket o goláesh kortant. ¹¹ Esráilá gón Issopá gwasht: “Maná é omét nabutag ke padá tará gendán, bale Hodáyá tai chokk ham maná pésh dáshtant.”

¹² Nun Issopá chokk cha Esráilay kotthá kenzéntant o sari pa adab jahl kort. ¹³ Issopá doén chokk zortant, Epráémi wati rástén némagá o Esráilay chappén némagá kort. Manasii wati chappén némagá o Esráilay rástén némagá kort. Wati petay nazzikká bortanti. ¹⁴ Bale Esráilá wati rástén dast chappén némagá shahrát dát o chappén dast rástén némagá. Rástén dasti Epráémay sará ér kort, bell toré kaster at. Chappén dasti Manasiay sará ér kort, bell toré awali chokk at.

¹⁵ Ákubá Issop barkat dát o gwashti:

“Hamá Hodá ke mani pet o pirok
Ebráhém o Esáká áiy ráh zortag,
hamá Hodá ke cha mani pédáeshá beger
tán maróchi mani negahpán butag,

¹⁶ hamá préshtag ke maná cha har
táwáná rakkéntagi,
é chokkán barkat bedayát.

نپادئے سرا نشت. ³ گون ایسپا گوشتی: ”پرواکین هدا کنهائے ملکا، لوزئے شهرا منی دیمآ زاهر بوت. منا برکتی دات و ⁴ گون من گوشتی: ’من ترا پُرسمر کنان و تئی نسل و پدریچا سک باز کنان. من ترا کئومانی رُمبے جوژ کنان و اے سرڈگارا چه تئو و رند تئی نسل و پدریچارا دئیان که تان ابد همایانی ملکت بییت. ⁵ نون تئی اے دوین مردین چُک منیگ بنت، همه چُک که چه منی ادا، تئی کُرا ایگا پیسر مسرئے ملکا پیدا بوتگ انت. ایرایم و منسی منیگ بنت، انچو که روین و شمون منیگ انت. ⁶ تئی چه اشان و رندتری چُک تئیگ بنت، بله وتی برات ایرایم و منسیئے نامئے سرا پجَاه آرگ بنت و همه براتانی نامئے سرا میراسش رسیت. ⁷ وهده من چه پدانا پر ترگا اتان و ایراتئے رسگا انگت کئے راه پشت کپتگ ات، راه، کنهائے ملکا راهیلے مرکتے سوک منی سرا کپت. من راهیل همودا ایراتئے راها کبر کرت. “ ایرات بییت لهم انت.

⁸ وهده اسرائیلا ایسپئے چُک دیستنت، جُستی کرت: ”اے کئے انت؟“ ⁹ ایسپا گوشت: ”اے منی چُک انت، هدا یا همدا منا داتگ انت.“ اسرائیلا گوشت: ”منی کُرا بیارش که برکتش بدئیان.“

¹⁰ اسرائیلے چم چه پیریا نزور اتنت و شر مئیمی نکرت. پمیشکا ایسپا وتی چُک ایئے نزیگا برنتت و آکوبا، ایرایم و منسی چُک و گلایش کرتنت. ¹¹ اسرائیلا گون ایسپا گوشت: ”منا اے امیت نبوتگ که پدا ترا گندان، بله هدا یا تئی چُک هم منا پیش داشتنت.“

¹² نون ایسپا چُک چه اسرائیلے کُتا کنزینتنت و سری په ادب جهل کرت. ¹³ ایسپا دوین چُک زرتنت، ایرایمی وتی راستین نیمگا و اسرائیلے چپین نیمگا کرت. منسی ای وتی چپین نیمگا و اسرائیلے راستین نیمگا کرت. وتی پتئے نزیگا برنتتی. ¹⁴ بله اسرائیلا وتی راستین دست چپین نیمگا شهار دات و چپین دست راستین نیمگا. راستین دستی ایرایمئے سرا ایر کرت، بل تُرے کستر ات. چپین دستی منسیئے سرا ایر کرت، بل تُرے اتولی چُک ات.

¹⁵ آکوبا ایسپ برکت دات و گوشتی:

”هما هدا که منی پت و پیرک
ابراهیم و اساکا ایئے راه زرتگ،
هما هدا که چه منی پیدائشا بگر
تان مروچی منی نگهپان بوتگ،

¹⁶ هما پریشتگ که منا چه هر تاوانا رکینتگی،

اے چُگان برکت بدئیات.

É mani námay sará o
mani pet o pirokay námay sará
bezán Ebráhém o Esákay námá zánag bátant o
zeminay sará sakk báz bátant.”

¹⁷ Wahdé Issopá dist ke mani petay rástén dast Epráémay sará ent, wasshi nabut. Petay dasti gept ke cha Epráémay sará duri bekant o Manasiay sará éri bekant. ¹⁸ Gón petá gwashti: “Mani pet! Chó makan. Mani awali chokk esh ent. Wati rástén dastá eshiay sará ér kan.” ¹⁹ Bale petá namannet, gwashti: “Mana zánán, mani chokk! Zánán. Cha masteréná ham kawmé addha bit o á ham mazanén mardomé bit, bale kasterén brát cha áiá masterén mardomé bit o kasterénay chokk o nomásag báz kawma bant.”

²⁰ Gorhá á róchi Ákubá Issopay mardénchokk barkat dátant, gwashti:

“Bani Esráil barkat dayagay wahdá tai námá gipt:
‘Hodá tará chó Epráém o Manasiá kanát.’”

É dhawlá Ákubá Epráém cha Manasiá démáter kort.

²¹ Esráilá gón Issopá gwasht: “Man hamé zuttána merán, bale Hodá gón shomá góna bit o shomará shomay pet o pirokání molká pera tarrénit. ²² Nun man tará cha tai brátán géshtera dayán. Hamá kóhestagá tará dayán ke man wati zahm o tirkamánay sará cha Amurián geptag.”

Ákub wati chokkán barkata dant

49 Ákubá wati chokk gwánk jat o gwashtant: “Yakjáh bét, man shomará gwashán ke áyókén róchán ché bit.

² Yakjáh bét o gósh dárét,

oo Ákubay chokkán!

Wati pet Esráilay habarán gósh dárét.

³ Oo Ruben! Taw mani awali chokk ay,

mani wák o twán ay,

mani mardánagiay awali neshán ay,

marháh o zóray shán ay.

⁴ Chó ápá bélagám ay,

master nun taw namánay,

ke wati petay nepádán, mani gandalán

sar kaptay o

palitet kortant.

⁵ Shamun o Láwi brát ant,

اے منی نامئے سرا و
منی پت و پیرکئے نامئے سرا
بزان ابراہیم و اساکئے ناما زانگ باتنت و
زمینئے سرا سگ باز باتنت.

¹⁷ وهدے ایسپا دیست کہ منی پتئے راستین دست ایرایمئے سرا انت، وشی نبوت. پتئے دستی گپت کہ چہ ایرایمئے سرا دوری بکنت و منسیئے سرا ایری بکنت. ¹⁸ گون پتا گوشتی: “منی پت! چو مکن. منی ائولی چک اش انت. وتی راستین دستا ایشیئے سرا ایر کن.” ¹⁹ بلہ پتا نمئت، گوشتی: “من زانان، منی چک! زانان. چہ مسترینا ہم کئومے اڈ بیت و آ ہم مزین مردمے بیت، بلہ کسترین برات چہ اییا مسترین مردمے بیت و کسترینئے چک و نامسگ باز کئوم بنت.”

²⁰ گڑا آروچی آکوبا ایسپئے مردین چک برکت دانت، گوشتی:

“بنی اسرائیل برکت دئیگئے وهدا تئی ناما گپت:

‘هدا ترا چو ایرایم و منسیا کنات.’”

اے ڈٹولا آکوبا ایرایم چہ منسیا دیما تر کرت.

²¹ اسرائیلا گون ایسپا گوشت: “من ہمے زوتان مران، بلہ هدا گون شما گون بیت و شمارا شمئے پت و پیرکانی ملکا پر ترینیت. ²² نون من ترا چہ تئی براتان گیشتر دئیان. هما کوہستگا ترا دئیان کہ من وتی زهم و تیرکمانئے سرا چہ آمریان گپتگ.”

آکوب وتی چگان برکت دنت

49 آکوبا وتی چک گوانک جت و گوشتنت: “یکجہ بیت، من شمارا گوشان کہ ایوکین روچان چے بیت.

² یکجہ بیت و گوش داریت،

او آکوبئے چگان!

وتی پت اسرائیلئے هبران گوش داریت.

³ او روبن! تئو منی ائولی چک ائے،

منی واک و توان ائے،

منی مردانگیئے ائولی نشان ائے،

مڑاہ و زورئے شان ائے.

⁴ چو آپا بیلگام ائے،

مستر نون تئو نمائے،

کہ وتی پتئے نپادان، منی گندلان سر کپتے و

پلیت کرتنت.

⁵ شمون و لاوی برات انت،

zahmesh sheddati seláh ant.

⁶ Hechbar esháni majlesá manendátán,
gón eshán hamdiwán mabátán,
ke cha wati hezhmá mardomesh koshtagant o
pa wati delwasshiá sándhesh* lang kortagant.

⁷ Nálát bát esháni trondén hezhmá,
esháni berahmén kahrá.
Ákubay molká yakk yakkasha kanán,
Esráilay molká sheng o sháng.

⁸ Oo Yahudá! Tai brát tará názénant,
tai dast dozhmenáni gotthá sakka bit,
tai petay chokk tai démá kóndhana kapant.

⁹ Yahudá shéri gollorhé.
Oo mani chokk! Taw cha shekárán átkagay.
Yahudá chó sherá srápa kant,
chó mádagén shérá kamina kant.
Kai majál ent ke pádi bekant?

¹⁰ Bádsháhi asá cha Yahudáay dastá narawt o
hákemiay dazlatth cha áiy pádáni
démá dura nabit
tán hamá wahdá ke asligén wáhonda kayt o
kawm áiy parmánbardára bant.

¹¹ Á wati hará anguri drachkéá bandit o
korragá gechéni sháharhéá,
wati póshákán gón sharábá shódit,
wati pocchán gón anguray hóná.

¹² Áiy chamm cha sharábá sohrtera bant o
dantán cha shirá espétter.

¹³ Zebulun tayábdapá jahmenenda bit,
pa bójigán bandené* bit o
simsari tán Sayduná sara bit.

¹⁴ Issákár zórmandén haré
ke doén tangáni* nyámá tachk ent.

¹⁵ Gendit ke árámjáh sharr ent o zemin wassh,
wati baddhá pa bárá éra dant o
pa bigáriá tayára bit.

زَهْمِشْ شِدَّتِي سِلَاهِ أَنْتِ.
⁶ هَجْبَرِ إِشَانِي مَجْلَسَا مَنِدَاتَانِ،
گُونِ إِشَانِ هَمْدِيوَانِ مَبَاتَانِ،
كِهْ چِهْ وَتِي هِژْمَا مَرْدَمِشْ كُشْتِگِ أَنْتِ وَ
پِهْ وَتِي دِلُوشِيَا سَانْدِشْ* لَنْگِ كَرْتِگِ أَنْتِ.
⁷ نَالَتْ بَاتِ إِشَانِي تَرُنْدِينِ هِژْمَا،
إِشَانِي بِيْرَهْمِينِ كَهْرَا.
أَكُوْبَيْ مَلْكََا يَكْ يَكْشِ كَنَانِ،
إِسْرَائِيلِي مَلْكََا شِنْگِ وَ شَانْگِ.
⁸ أَوْ يَهُودَا! تَيْبِي بَرَاتِ تَرَا نَازِينَنْتِ،
تَيْبِي دَسْتِ دِزْمَنَانِي كُتْطَا سَكْ بِيْتِ،
تَيْبِي پَتَيْ چُكْ تَيْبِي دِيْمَا كُونْدَانِ كِنَنْتِ.
⁹ يَهُودَا شِيرِي كُتْرِي.
أَوْ مَنِي چُكْ! تَوُ چِهْ شَكَارَانِ أَتْكَگِي.
يَهُودَا چَوُ شِيرَا سِرَپِ كَنْتِ،
چَوُ مَادْگِينِ شِيرَا كَمِينِ كَنْتِ.
كَيْبِي مَجَالِ إِنْتِ كِهْ پَادِي بَكَنْتِ؟
¹⁰ بَادشَاهِي أَسَا چِهْ يَهُودَايِ دَسْتَا نَرَاوْتِ وَ
هَآكَمِييِ دَزَلْطْ چِهْ آيِييِ پَادَانِي دِيْمَا دُورِ نَبِيْتِ
تَانِ هَمَا وَهَدَا كِهْ أَسْلِيگِينِ وَهَنْدِ كَثِيْتِ وَ
كُتُومِ آيِييِ پَرْمَانِبَرْدَارِ بَنْتِ.
¹¹ آ وَتِي هَرَا أَنْگُورِي دَرچَكِينَا بَنْدِيْتِ وَ
كُرْگَا گِچِينِي شَاهْرِيَا،
وَ تِي پُوشَاكَانِ گُونِ شَرَابَا شُودِيْتِ،
وَ تِي پُچَانِ گُونِ أَنْگُورِي هُونَا.
¹² آيِييِ چَمْ چِهْ شَرَابَا سُهْرَتَرِ بَنْتِ وَ
دَنْتَانِ چِهْ شِيرَا إِسپِيْتِ تَرِ.
¹³ زَبُولُونِ تَيْبَابِ دِيْمَا جَهْمَنْدِ بِيْتِ،
پِهْ بُوْجِيگَانِ بَنْدِييِ* بِيْتِ وَ
سِيْمَسَرِي تَانِ سَيِدُونَا سَرِ بِيْتِ.
¹⁴ إِسْآكَارِ زُورْمَنْدِينِ هَرِي
كِهْ دُويْنِ تَنْگَانِي* نِيَامَا تِچَكِ إِنْتِ.
¹⁵ گَنْدِيْتِ كِهْ آرَامْجَاهِ شَرِّ إِنْتِ وَ زَمِينِ وَشْ،
وَ تِي بَدَُّا پِهْ بَارَا اَيِرِ دَنْتِ وَ
پِهْ بِيگَارِيَا تَيْبَارِ بِيْتِ.

49:6 Sándh, bezán zórmandén narén gók yá gámésh.

49:13 Banden, bezán tayábay hamá jágah ke bójiga óshtant.

49:14 Tang, bezán har yá oshteray báray yakk némagé.

6:49 سَانْدْ، بَزَانِ زُورْمَنْدِينِ نَرِينِ گُوكِ يَا گَامِيَشِ.

13:49 بَنْدِنِ، بَزَانِ تَيْبَابِييِ هَمَا جَاگِهْ كِهْ بُوْجِيگِ اُوشْتَنْتِ.

14:49 تَنْگِ، بَزَانِ هَرِيَا اَشْتَرِييِ بَارِييِ يَكْ نِيْمَگِي.

16 Dán * Esráilay kabilahé bit o
pa wati mardomán ensápa kárit.

17 Dán rahsará maré bit,
keshkay kashá syahmáré,
aspáni srombán* dhanga jant
ke swár poshtoká bekapit.

18 Oo Hodáwand! Wadárig án
ke taw berakkénay.

19 Orosh kanók Jádá angerra kanant,
bale Jád áyáni pádáni punzáni sará birha* bárt.

20 Ásharay nagan charpa bit,
mahluká sháhi waráka dant.

21 Naptáli ázát butagén áské* o
dhawldárén áskaloka kárit.

22 Issop porsamarén anguré,
chamagay lambá baráwarén anguré.
Sháharhi, diwálán sara kapant.

23 Tirkamán janókán pa zahrnáki áiy
sará orosh kort o
pa badwáhi tiresh jat.

24 Bale Issopay kamán barjáh mant o
báski mohr o mohkam atant,
Ákubay zórmandén Hodáay dastay barkatá,
Esráilay shepánkay barkatá,
Esráilay taláray barkatá,

25 tai petay Hodáay barkatá, ke tará madata kant,
porwákén Hodáay barkatá, ke tará barkata dant.
Gón ásmánay barkatán, cha borzá,
gón johlánkiay barkatán, cha jahlá o
gón chokdán o gwaráni barkatán
tará barkata dant.

26 Tai petay barkat
cha abadi kóhání barkatán báláter ant,
cha kwahnén jompáni nyámatán géshter ant.
É sarjamá Issopay sará begwárátant,
Issopay péshánigay sará

16 دان * اسراییلے کبیلھے بیت و
په وتی مردمان انساپ کاریت.

17 دان رهسرا مارے بیت،
کشکے کشا سیه مارے،
اسپانی سربمان* ڈنگ جنت
که سوار پشتکا بکپیت.

18 او هداوند! وداریک آن
که تئو برکینے.

19 ارش کنوک جادا انگر کننت،
بله جاد آيانی پادانی پوزانی سرا بیڑ* بارت.

20 اشري ننگن چرپ بیت،
مهلوکا شاهي وراک دنت.

21 نپتالی آرات بوتگین اسکے* و
ڈولدارین اسکک کاریت.

22 ایسپ پرسمرین انگورے،
چمگے لمبا برآورین انگورے.
شاهزی، دیوالان سر کپنت.

23 تیرکمان جنوکان په زهرناکی آییے سرا ارش کرت و
په بدواهی تیرش جت.

24 بله ایسپے کمان برجاه منت و
باسکی مهر و مهکم اتنت،
آکوبے زورمندین هداے دستے برکتا،
اسراییلے شپانکے برکتا،
اسراییلے تارے برکتا،

25 تئی پتے هداے برکتا، که ترا مدت کنت،
پرواکین هداے برکتا، که ترا برکت دنت.
گون آسمانے برکتان، چه بوزا،
گون جهلانکیے برکتان، چه جهلا و
گون چکدان و گورانی برکتان ترا برکت دنت.

26 تئی پتے برکت
چه أبدی کوهانی برکتان بالاتر أنت،
چه کوهننن جمانی نیامتان گیشتر أنت.
اے سرجمایسپے سرا بگوارانت،
ایسپے پیشانیگے سرا

49:16 Dán Ákubay chokkéay nám ent.
49:17 Sromb, bezán dalwatay páday panjag, som.
49:19 Birh, bezán trondén orosh, hamlah.
49:21 Ásk, bezán áhu, áhug.

16:49 دان آکوبے چکینے نام انت.
17:49 سرب، بزبان دلوتے پادے پنچگ، سم.
19:49 بیڑ، بزبان ترندین ارش، همله.
21:49 اسک، بزبان اهو، اهوگ.

ke wati brátáni shahzádag ent.

²⁷ Benyámin derrók o warókén gorké,
sohbán shekár éra bárt o
béghán áwár bahra kant.”

²⁸ É Esráilay dwázdahén kabilah atant o é hamá habar atant ke áyáni petá barkat dayagay wahdá gón áyán kortant. Har yakkéará hamáiyah hesábá barkati dát.

Ákubay mark

²⁹ Nun Ákubá wati chokk chó sój dátant: “Man gón wati mortagén mardomán hawár bayagi án. Maná mani pet o pirokání kerrá, hamá gárá kabr kanét ke Eprun Hittiay dhagará ent, ³⁰ hamá gárá ke Makpélahay dhagará, Mamrehay nazzikká, Kanhánay molká ent o Ebráhémá cha Eprun Hittiá gón dhagará hór bahá zort ke kabrestáné bekanti. ³¹ Ódá Ebráhém o áiyah jan Sára kabr kanag butagant, Esák o áiyah jan Rebekká kabr kanag butagant o man Lyáh ham hamódá kabr kortag. ³² Dhagár o áiyah tahay gár cha Hittián bahá zurag butagant.”

³³ Wahdé Ákubá wati chokkáni sój dayag halás kort, nepáday sará wati pádi tachk kortant, goddhi dami kasshet o gón wati mortagén mardomán hawár but.

Ákubay kabr o kapan

50 Issopá watará petay sará dawr dát, gréti o peti chokket. ² Gorhá hamá dáktar ke Issopay hezmatá atant, Issopá gón áyán gwasht ke mani pet Esráilá mómyái* kanét o áyán Esráil mómyái kort. ³ É kárá chell róch jat ke inchok wahd pa mómyái kanagá allami at. Mesrián haptád róch pa áiyah pors dásht.

⁴ Wahdé porsay róch halás butant, Issopá gón Perawnay lógay mardomán gwasht: “Agan mani ezzatá kanét, pa manigi gón Perawná habar kanét o begwashéti ⁵ ke mani petá maná sawgend dátag o gwashtag: ‘Man meragi án. Maná hamá kabrá kall kan ke man pa wat Kanhánay molká kótkag.’ Nun maná razá day ke rawán o wati petá kabra kanán o

کہ وتی براتانی شہزادگ انت۔
²⁷ بنیامین دَرُوک و وَرُوکین گُرکے،
سُهبان شکار ایزِ بارت و
بینگاہان آوار بھر کنت۔“

²⁸ اے اسرائیلیئے دوازدهین کبیلہ آنت و اے ہما ہبر آنت کہ آسانی پتا برکت دئیگئے و ہدا گون آیان کرتنت۔ ہریکپارا ہمایئے ہسابا برکتی دات۔

آکوبئے مرک

²⁹ نون آکوبا وتی چُک چُک سوج دانتت: ”من گون وتی مُرتگین مردمان ہوار بئیگی آن۔ منا منی پت و پیرکانی کرا، ہما گارا کبر کنیت کہ اپرون ہیٹیئے ڈگارا انت، ³⁰ ہما گارا کہ مکپیلہئے ڈگارا، ممرہئے نزیگا، کنہانئے ملکا انت و ابراہیما چہ اپرون ہیٹییا گون ڈگارا ہور بہا زرت کہ کبرستانے بکتی۔ ³¹ اودا ابراہیم و آییئے جن سارہ کبر کنگ بوتگ انت، اساک و آییئے جن ریکا کبر کنگ بوتگ انت و من لیاہ ہم ہمودا کبر کرتگ۔ ³² ڈگار و آییئے تھے گار چہ ہیٹییا بہا زورگ بوتگ انت۔“

³³ و ہدے آکوبا وتی چُکائی سوج دئیگ ہلاس کرت، نپادئے سرا وتی پادی تچک کرتنت، گڈی دمی کشت و گون وتی مُرتگین مردمان ہوار بوت۔

آکوبئے کبر و کپن

50 ایسپا و تارا پتے سرا دئوردات، گریتی و پتی چُکت۔ ² گڑا ہما داکتر کہ ایسپئے ہزمتا آنت، ایسپا گون آیان گوشت کہ منی پت اسرائیلا مؤمیایی* کنیت و آیان اسرائیل مؤمیایی کرت۔ ³ اے کارا چل روج جت کہ اینچک و ہد پہ مؤمیایی کنگا المی ات۔ مسریان ہپناد روج پہ آیا پُرس داشت۔ ⁴ و ہدے پُرسے روج ہلاس بوتنت، ایسپا گون پرونئے لوگئے مردمان گوشت: ”اگن منی اڑتا کنیت، پہ منیگی گون پرونہا ہبر کنیت و بگوشیتی ⁵ کہ منی پتا منا سئوگند داتگ و گوشتگ: ’من مرگی آن۔ منا ہما کبرا کل کن کہ من پہ وت کنہانئے ملکا کؤتکگ۔‘ نون منا رزا دئے کہ رثوان و وتی پتا کبر کنان و

50:2 Mómyái kanag Mesriáni rasmé butag ke mortagén mardomesh darmán jatag o pétkag ke jón magahit o haráb mabit.

2:50 مؤمیایی کنگ مسریانی رسمے بوتگ کہ مُرتگین مردمش دَرمان جتگ و پیتکگ کہ جُون مگھیت و ہراب مبیٹ۔

káyán.”⁶ Perawná gwasht: “Beraw, wati petá hamá paymá kabr kan ke tará sawgendi dátag.”

⁷ Gorhá Issop wati petay kabr kanagá shot. Perawnay sajjahén hezmatkár ham áiy hamráh atant. Perawnay lógay masterén mardom o Mesray sajjahén kamásh shotant gón. ⁸ Issopay lógay sajjahén mardom, áiy petay lógay mardom o áiy brát ham gón atant. Éwaká chokk o ramag o górom Góshená mantant. ⁹ Arrábaswár o aspswár ham shotant gón. Sakkén mazanén rombé at.

¹⁰ Wahdé á Ordonay kawray nazzikká Atáday jóháná* sar butant, kukkáresh kort o záresh jat. Issopá ódá hapt róchá pa wati petá pors dásht. ¹¹ Wahdé óday nendókén Kanhánián Atáday jóháná dáshtagén é pors dist, gwashtesh: “Mesrián baláhén porsé dáshtag.” Paméshká á jágah ke Ordonay kawray nazzikká ent, á jágahay námesh Ábel-Mesráém* kort.

¹² Gorhá Ákubay chokkán hamá paym kort ke petá hokm dátagatant. ¹³ Ákubesh Kanháney molká bort o hamá gárá kabr kort ke Makpélahay dhagará, Mamrehay nazzikká at. Ebráhémá á gár gón dhagará cha Eprun Hittíá bahá zortagat ke kabrestáné bekanti. ¹⁴ Cha petay kabr kanagá rand Issop gón wati brátán o gón sajjahén hamráhán ke áiy petay kabr kanagá átkagatant, Mesrá per tarret.

Issop padá brátán deljamia dant

¹⁵ Wahdé Issopay brátán dist ke may pet mortag, gwashtesh: “Agan Issopá kénag delá ent, hamá sajjahén badiáni bérá gipt ke má gón áiy kortagant.” ¹⁶ Gorhá áyán pa Issopá kolawé ráh dát o gwashtesh: “Tai petá marká pésh é wasiat kortag: ¹⁷ Issopá begwashét ke mani dazbandi ent ke wati brátáni mayár o gonáhán bebaksh ke gón taw badiesh kortag. Wati petay Hodáay bandaháni badián pahell kan.” Wahdé áyáni paygám Issopá sar but, gréti.

¹⁸ Gorhá brát Issopay kerrá átkant o pádáni kaptant o gwashtesh: “Má tai golám én.” ¹⁹ Bale Issopá gwasht: “Matorsét. Man Hodá wa naán. ²⁰ Shomay niyat mani táwán dayag at, bale Hodáay niyat nék at. Áiy niyat hamesh at ke bázén mardoméay sáh berakkit. É kár, hamesh ent annun bayagá ent. ²¹ Gorhá matorsét. Man shomay o shomay chokkáni zaluratán puraha

50:10 Jóhán, bezán kesháráni moshag o dánáni mocch kanagay jágah.

50:11 Ábel-Mesráémay máná ent: “Mesriáni pors”.

كايان.”⁶ پَرَوْنَا گوشت: “برئو، وتی پتا هما پیما کبر کن که ترا سَوگندی داتگ.”

⁷ گُزَا ایسُپ وتی پتے کبر کنگا شت. پَرئوئے سَجھین ہزمتکار ہم ایسے ہمراہ آنتت. پَرئوئے لوگے مسترین مردم و مسرے سَجھین کماش شتنت گون. ⁸ ایسُپے لوگے سَجھین مردم، ایسے پتے لوگے مردم و ایسے برات ہم گون آنتت. ایوکا چک و رمگ و گورم گویشنا منتنت. ⁹ اَرابہسوار و اسپسوار ہم شتنت گون. سکین مزین رُمبے ات.

¹⁰ وهدے آ اَرْدنئے کئورے نَزیکَا اتادئے جَوھانا* سر بوتنت، کوکَاشِ کرت و زارشِ جت. ایسُپَا اودا هیت رَوچا پہ وتی پتا پُرس داشت. ¹¹ وهدے اودئے نندوکین کنھانیان اتادئے جَوھانا داشتگین اے پُرس دیست، گوشتش: “مِسرِیان بلاھین پُرسے داشتگ.” پمیشکا آ جاگہ کہ اَرْدنئے کئورے نَزیکَا انت، آ جاگھے نامِش ابلِمسرایم* کرت.

¹² گُزَا آکوبئے چُگانَ هما پیم کرت کہ پتا هُکم داتگ آنتت. ¹³ آکوبش کنھانے مُلکا برت و هما گارا کبر کرت کہ مکپیلہئے ڈگارا، ممرہئے نَزیکَا ات. ابراهینما آ گار گون ڈگارا چہ اپرون هیتیا بھا زرتگ ات کہ کبرستانے بکتی. ¹⁴ چہ پتے کبر کنگا رند ایسُپ گون وتی براتان و گون سَجھین همراہان کہ ایسے پتے کبر کنگا آتکگ آنتت، مسرا پر ترے.

ایسُپ پدا براتان دلجمی دنت

¹⁵ وهدے ایسُپے براتان دیست کہ مے پت مُرتگ، گوشتش: “اگن ایسُپا کینگ دلا انت، هما سَجھین بدیانی بیرا گپت کہ ما گون اییا کرتگ آنت.” ¹⁶ گُزَا ایان پہ ایسُپا کلئوے راه دات و گوشتش: “تئی پتا مرکا پیش اے وسیت کرتگ: ¹⁷ ایسُپا بگوشیت کہ منی دزبندی انت کہ وتی براتانی میار و گناہان بیکش کہ گون تتو بدی اش کرتگ. وتی پتے هُدائے بندھانی بدیان پهل کن.” وهدے ایانی پیگام ایسُپا سر بوت، گرتی.

¹⁸ گُزَا برات ایسُپے کرا آتکنت و پادانی کپنتت و گوشتش: “ما تئی گلام این.” ¹⁹ بلہ ایسُپا گوشت: “مترسیت. من هدا وه نہ آن. ²⁰ شمئے نیٹ منی تاوان دئیگ ات، بلہ هُدائے نیٹ نیک ات. ایسے نیٹ همش ات کہ بازی مردمیے ساہ برکیت. اے کار، همش انت انون بیگا انت. ²¹ گُزَا مترسیت. من شمئے و شمئے چُکانی زلورتان پوره کنان.” براتی دلجمی دانت و گون ایان پہ شری هبری کرت.

10:50 جَوھان، بزبان کِشارانی مُشگ و دانانی مُچ کنگے جاگہ.

11:50 ابلِمسرایمے مانا انت: “مِسرِیانی پُرس”.

kanán.” Bráti deljami dátant o gón áyán pa sharri habari kort.

Issopay mark

²² Issop gón wati petay lógay sajjahén mardomán Mesrá nesht. Yakk sad o dah sál omri kort o ²³ Epráemay chokkáni sayomi poshti dist. Manasiay nomásag, Mákiray chokk ham ke pédá butant, Issopay kotthá dayag butant.

²⁴ Issopá gón wati brátán gwasht: “Man meragi án, bale deljam án ke Hodá pa shomay madatá kayt o shomará cha é molká dém pa hamá molká bárt ke áiy bára wá gón Ebráhém o Esák o Ákubá sawgendi wártag.” ²⁵ Issopá gón Esráilay chokkán gwasht: “Sawgend bwarét ke wahdé Hodá shomay madatá kayt, mani haddhán cha é jágahá barét gón.”

²⁶ Issop yakk sad o dah sáláy omrá mort, gorhá áesh mómyái kort o tábutéa wápént o Mesrá éresh kort.

ایسپے مرک

²² ایسپ گون وتی پتے لوگے سجھین مردمان مسرا نشت. یک سد و ده سال امری کرت و ²³ اپرایمے چکانی سیمی پشٹی دیست. منسیئے نماغ، ماکیرے چک هم که پیدا بوتنت، ایسپے کٹا دئیگ بوتنت.

²⁴ ایسپا گون وتی براتان گوشت: “من مرگی آن، بله دلجم آن که هدا په شمئے مدتا کئیت و شمارا چه اے ملکا دیم په هما ملکا بارت که آییئے بارئوا گون ابراهیم و اساک و آکوبا سئوگندی وارتگ.” ²⁵ ایسپا گون اسرائیلے چکان گوشت: “سئوگند بوریت که وهده هدا شمئے مدتا کئیت، منی هذان چه اے جاگها بریت گون.”

²⁶ ایسپ یک سد و ده سالے امرامرت، گڑا آش مؤمیایی کرت و تابوتیا واپینت و مسرا ایرش کرت.